



LONDINI 1684.  
*Impensis Dor: Newman*

R  
Ma  
ten  
da  
h  
res  
nom  
pre  
orig  
tum  
exeg  
Af  
med

+



DE Q. CURTIO RUFO  
TESTIMONIA.

C. Suetonius Tranquillus in Indice excellen-  
tium Rhetorum, libello ejus mutilo  
in MSS. præfatio:

Q. CURTIUS RUFUS.

C. Cornelius Tacitus, Annal. xi.

**N**E tamen miles citius exueret, inter  
Mœsam Rhenumque, trium & viginti  
miliarum spatio, fissam perduxit (Cor-  
bulo) qua incerta Oceani vetarentur.  
Insignia tamen triumphi indulgit Cæ-  
sar (Claudius,) quamvis bellum ne-  
gauisset. Nec multo post CURTIUS

RUFUS eundem honorem adipiscitur, qui in agro  
Mattiaco recluserat specus querendis venis argenti: Unde  
tenuis fructus, ne in longum, fuit. At legionibus cum  
damno labor, effodere riuos, quæque in aperto gravia,  
humum infra moliri, quæ subactis miles, & quia plu-  
res per provincias tolerabantur, componit occultas literas  
nomine exercituum, precantium imperatorem, ut quibus  
premissurus esset exercitus, triumphalia ante tribueret. De  
origine † CURTII RUFI, quem gladiatore geni-  
tum quidam prodidere, neque falsa præserim, & vera  
exequi pudet. Postquam adleuit, sectator quaestoris, cui  
Africa obrigerat, dum in oppido Adrumeto vacuus per  
medium diei porticibus secretus agit, oblata ei species  
muliebres

A

\* M. Maciaco, vel Mazyaco. Vid. Lips. Saturn. ii.

† Quinti addit Catanans.

muliebris ultra modum humanum, & audita est vox : Tu es, Rufe, qui in hanc provinciam pro consule venies. Tali omine in spem sublatus, digressusque in Urbem, & largitione amicorum, \* simul acri ingenio, quaesturam, & mox nobiles inter candidatos praturam, Principis suffragio assequitur : cum hisce verbis Tiberius dedecus natalium ejus velavisset : **CURTIUS RUFUS VIDETUR MIHI EX SENATUS.** Longa post hac senectâ & adversus superiores tristi adulatione, arrogans minoribus, inter pares difficilis, Consulare imperium, triumphî insignia, ac postremo Africam obtinuit : atque ibi defunctus, fatale presagium implevit.  
\* fingulari citat Catanaus.

C. Plinius Cæcilius Secundus Epistol. lib. vii.  
Epist. xxvii, ad Suram, De Curtio Rufo.

**ET** mihi discendi, & tibi docendi facultatem otium prabet. Igitur perquam velim scire, esse Phantasmata, & habere propriam figuram, numenque aliquod putres inane : seu vanam ex metu nostro imaginem capere. Ego ut esse credam, imprimis eo ducor, quod audio accidisse **CURTIO RUFO.** Tenuis adhuc & obscurus obtinenti Africam comes haserat. inclinata die spatiabatur in porticu ; offertur ejus mulieris figura humana grandior, pulchriorque. perterritus, Africam se futurorum prænunciam dixit : iturum eum Romam, honoresque gesturum, atque etiam cum summo imperio in eandem provinciam reversurum, ibique moriturum. Facta sunt omnia. Præterea accedenti Carthaginem, egredientique næve, eadem figura in litore occurrisset narratur. Ipse certe implicatus morbo, futura præteritis, adversa secundis auguratus, spem salutis, nullo suorum desperante, projecit.

## I N Q. C U R T I U M,

De rebus gestis Alexandri Magni Regis  
Macedonum,

## S U P P L E M E N T I

## L I B E R P R I M U S.

**P**HILIPPUS MACEDO (qui primus omnium regum ejus gentis, Macedoniæ regnum, subacta tota Græcia, ad summam potentiam evexit,) Amyntæ, viri prudentissimi, omnibusque imperatoris virtutibus instructi, filius fuit. Is

Amyntas ex Eurydice uxore tres filios susceperat; Alexandrum, Perdiccam, & Philipparam Alexandri Magni patrem, atque filiam Euryonem. Infidiis autem Eurydices uxoris, quæ nuptias generi, marito morte pacta, occidendum virum, regnumque adultero tradendum susceperat, oppressus fuisset, ni filia pellicatum matris, & sceleris consilia prodidisset. Post mortem Amyntæ, Alexander, major natu filius, regno potitus est. Qui inter initia regni, cogente sane durissimo necessitatis telo, bellum ab Illyriis pacta mercede, datoque Philippo fratre obside, redemit. Interjecto quoque tempore, per eundem obsidem cum Thebanis gratiam pacis reconciliat. Quæ res Philippo ad maxima egregiæ indolis incrementa profuit. Siquidem tota custodiendi pueri cura, Epaminondæ, strenuissimo Thebanorum duci, atque Philosopho præstantissimo, hac conditione demandata est, ut commissum sibi puerum diligenter servaret, & summo studio in id juxta incumberet, ut moribus principe dignis atque honestis disciplinis quam optime imbueretur. Fovebat ea tempestate laudatissimus princeps domi filio suo Epaminondæ præceptorem Pythagoricum, sub quo Philippus multum profecit. Interea temporis Alexander, insidiis matris Eurydices adpeti-

tus, occubuit: cui tamen antea Amyntas, in scelere deprehensio propter communes liberos, ignarus iisdem quandoque exitiosam fore, pepercerat. Frater quoque ejus Perdiccas, simili insidiarum fraude, relicto parvulo filio, decipitur. Sub idem tempus, Philippus commodum è custodia elapsus, diu, non regem, sed tutorem pupilli egit. At ubi graviora bella imminebant, serumque auxilium in expectatione infantis erat, compulsus à populo, regnum Macedonicum malè affectum, cum bellicis artibus tum philosophiæ præceptis præmunitus, adprehendit, anno cccc ab urbe condita, Olympiade cv. Circa prima itaque regni primordia, rerum infinita multitudo in diversas trahente partes, finitimis undique in Macedoniam irruentibus populis, bellisque veluti conspiratione quadam ad opprimendam Macedoniam, multarum gentium, ex diversis locis, uno tempore confluentibus, rex Philippus cautius omnino agendum esse considerans (omnibus enim par esse non poterat,) alia interposita pactione composuit, alia redemit, facillimis agressis, ut militum trepidos firmaret animos, & sibi hostium contemptum demeret. Primum illi cum Atheniensibus certamen fuit, quibus per insidias victis, meru gravioris belli, cum interficere posset, omnes incolumes sine pretio dimisit: quæ res illi magnam & gratiam & auctoritatem conciliavit. Captis deinde Pæonibus, bellum in Illyrios transtulit: ibi multis hostium millibus cæsis, Larissæam urbem nobilissimam cepit.

Hinc Thessalos, non cupiditate prædæ, sed quod exercitui suo robur Thessalorum equitum adjungere gestiebat, nihil minus quam bellum metuentes, adortur. Quibus ex improvise præoccupatis, atque in potestatem reductis, jungendo equitum peditumque fortissimas turmas & copias, invictissimum fecit exercitum. Quibus rebus feliciter gestis, Olympiada, Neoptolemi regis Molossorum filiam, uxorem ducit, conciliante nuptias altore virginis Arisbæ, rege Molossorum, qui sororem Olympiadis, Troadam, in matrimonio habebat: quæ causa illi exitii malorumque omnium fuit.

fuit. Nam dum regni incrementa affinitate Philippi se acquisiturum sperat, proprio regno ab eodem privatus, in exilio consenuit. Post nuptias autem Philippus per quietem visus est conjugis alvo insignem affixisse bullam, cujus sculptura, quemadmodum is existimaverat, Leonis haberet imaginem. Quod vates ita sunt interpretari: Ipsam quidem esse gravidam, animosum quoque & leonis natura præditum infantem parituram. Deinde cum Philippus urbem Methonem expugnaret, jactu sagittæ dextrum amisit oculum. Nihilominus tamen pacem deprecantibus dedit, mitisque etiam adversus victos fuit. Pagas etiam capiens, imperio suo adjecit. Triballorum quoque gentem, & quicquid præterea terrarum in proximo erat, invadens, omnia uno velut impetu devicit. Debellatis finitimis, atque confirmato jam Macedoniæ regno, cum domum rediisset, natus est ipsi Alexander filius ex Olympiade uxore, VIII. idus Aprilis, dicit Plutarchus: ab eo autem qui illum in Latinum convertit, scribitur, circa idus Augusti; quod sane, cujus sit error, dubium est. Porro Philippus, veluti è specula quadam, libertati omnium insidiatus, Græcorum civitates, quæ dominandi libidine singulæ imperare cogitaverant, omnes in suam redegit potestatem. Inferioribus enim contra superiores suadens certamina, omnibus ad invicem callide incitatis, à Thebanis etiam (qui tamen antea eum, tanquam hostem, repellere conabantur) contra Lacedæmonios & Phocenses, qui, templo Apollinis spoliato, milites conduxerant, necessitate urgente, dux electus, oppressis sacrilegis, magnamque inde apud omnes nationes gloriam adeptus, omnium ad ultimum efficitur dominus ac princeps, & victos pariter atque victores servitutem subire coëgit. Inde in Cappadociam trajiciens, captis & occisis finitimis regibus, universam provinciam imperio Macedoniæ adjecit. Olyntho quoque expugnata, Thraciam invasit. Nam cum cum fratres duò Thraciæ reges, de terminis regni ambigentes, disceptationum suarum judicem eligerent, Philippus ad judicium velut ad bellum, inopinanti-

bus fratribus, instructo exercitu venit, & utrumque regno, de quo desceptabant, spoliavit. Omnes sane Principes docens, concordiam maximum ad conservanda imperia atque principatus stabiliendos, administrandum esse,

Alexander autem factus annorum duodecim, rebus bellicis admodum delectari, & excellæ indolis manifestissima proferre indicia cœpit. Cumque ex æqualibus nonnulli ex eo percunctarentur, ad Olympicum numquid stadium libens decertaret? (plurimum enim pedum celeritate pollebat;) Libens equidem, inquit, si decertaturos mecum reges sim habiturus. Olim cum forte, absente Philippo, legati à Persarum rege venissent, eos, cum hospitio tum consuetudine captos, jucundissima sibi familiaritate conjunxit: admirantes quod is nihil aut humile aut puerile sciscitaretur, sed aut viarum longitudinem, aut superiorum itinerum modos perquirebat: multa super rege, qualis in hostes esset, nunc super Persis, quæ vires, aut quæ esset potentia, rogabat. Quas res admirati legati, late diffusam Philippi gravitatem nihil præ hujus pueri indole, & majore quam ætās pateretur animi magnitudine, duxerunt. Quoties à Philippo aut nobile quoddam captum oppidum, aut memorabili prælio parta victoria nunciabatur, haud magnopere lætabatur: cæterum ad suos aiebat æquales, Omnia, ô pueri, genitor occupabit, ita ut ne vobiscum grande ullum ac insigne facinus ostentare mihi sit reliquum. Non enim ipsum ulla illecebrarum, aut pecuniæ, sed sola virtutis ac gloriæ cupido tenebat: quoque majores à patre facultates acciperet, eo se minora gerere posse existimabat. Quocirca, crescente dominio, gerendis præclaris rebus materiam magna ex parte exhaustam iri ratus, non opes, non deliciarum usus, verum certamina & pugnas ardebat, & principatum, unde sibi, ob virtutum gloriam, nominisque immortalitatem (quæ ipse nec Alexandrum, nec quemquam alium bonum, unquam fesehit) compararet, affectabat. Quamobrem ipsius cura, compluribus (uti par erat) nutritoribus, pædagogis,

pædagogis, ac præceptoribus est demandata. In pri-  
 mis tamen Aristoteli, ex cujus disciplina decem ferme  
 annis informatus est. Eodem fere tempore Philippus  
 Delphos misit, consulens de successore, responsumque  
 tale accepisse ferunt : Is demum tuo imperio omnique  
 orbe potietur, quemcunque Bucephalus sesserem pas-  
 sus fuerit. Erat autem Bucephalus equus forma specta-  
 bilis atque ferocissimus, quem Philonicus Thessalus Phi-  
 lippo XIII talentis emerat. Hunc diu Philippus sub  
 claustris præferratis asservari iussit : mansit tamen ita  
 ferus, ut plane nullus eum ne tangere quidem ausus  
 fuerit. Quare factum est, ut eum Philippus removeri  
 atque abjici jussit. Alexander verò dum forte ad-  
 esset, Qualem, inquit, isti equum perdunt, dum eo per  
 imperitiam ac mollitiem uti nesciunt ? Cumque mira  
 arte sine verberibus tractasset equum, tandemque con-  
 scensum ad cursum admisisset, tum calcibus usus est,  
 ac molliter flexis habenis quum equum reduxisset, de-  
 scendentis caput exosculatus pater, emissis lacrymis,  
 Aliud, inquit, ô fili, tibi par regnum quære, quando  
 te jam Macedonia non capit. Præfagiit vir prudens,  
 tam excelsæ indoli non suffecturam paternam ditio-  
 nem. Post hæc Philippus toti Græciæ bellum inferre  
 statuit, ad quod percommodum ratus, si Byzantium,  
 nobilem & maritimam urbem, in potestatem redegis-  
 set, eandem sibi resistentem obsidione cinxit, relicto  
 domi ad regni curam filio Alexandro, tum XVI annos  
 nato. Hæc urbs à Pausania Spartanorum rege condi-  
 ta, à Constantino postmodum gloria opibusque aucta  
 atque renovata, & à nomine suo Constantinopolis dicta,  
 circiter MCL annos sacratissimi Imperii sedes totius-  
 que Orientis caput fuit. Nunc tamen (proh dolor !)  
 foedissimæ atque impiissimæ Turcarum gentis impe-  
 rio subjacet. Sed ut ad Philippum redeam ; Exhaustis  
 in obsidione opibus, piraticam aggreditur, centum-  
 que septuaginta navium spolia rapuit, atque militibus  
 suis distribuit. Ne autem in unius urbis obsidione  
 tantus exercitus teneretur, profectus cum fortissimis,  
 multas Chersonesi urbes expugnavit ; filium deinde

Alexandrum XVIII annos natum, virtutis & promptitudinis in rebus agendis manifestissimæ, ut sub patris militia tirocinii rudimenta deponeret, ad se accersivit. Cum quo in Scythiam prædandi causâ, more negotiantium, impensis belli alio bello refecturus, est profectus. Eaque expugnata, viginti millia puerorum ac feminarum capta, pecoris magna vis, auri argentique nihil, xx millia nobilium equarum ad genus faciendum, in Macedoniam missa sunt. Sed revertenti à Scythia Philippo Triballi occurrunt, negantes se transicum daturus, ni partionem accipiant prædæ. Hinc iurgium, mox & prælium, in quo ita in femore vulneratus est Philippus, ut per corpus ejus equus interficeretur. Cum omnes occisum putarent, præda amissa est. Quamprimum ex vulnere convaluit, diu dissimulatum bellum Atheniensibus infert. Cujus causâ Thebani se junxere, metuentes, ne victis Atheniensibus, veluti vicinum belli incendium, ad se transfret. Inita societate inter civitates paulo ante infestissimas, legationibus totam fatigant Græciam, communem hostem communibus viribus summovendum putantes. Quædam civitates motæ, Atheniensibus sese jungunt: quædam autem belli metus ad Philippum traxit. In hac pugna Philippus Alexandrum filium alteri cornu præfecit. Ubi laudatissimi herois virtus clarissimè emicuit. Talem enim in eadem pugna se præstitit, ut non inferior patre, imo etiam nulli secundus extiterit: postea quoque eam victoriam sibi invidia ac fraude patris præreptam fuisse conquestus sit. Commisso itaque apud Chæroneam prælio, etsi Athenienses numero militum longe præstarent, à Macedonibus tamen, continuo ac diuturno bellandi usu exercitatissimis, vincuntur. Non autem immemores pristinæ gloriæ cecidere. Hic dies universæ Græciæ & gloriam dominationis, & vetustissimam libertatem finit. Ceterum cum Philippus semper erga Alexandrum optime affectus fuisset, tandem ex Cleopatra noverca, Olympiadi superinducta, discordia orta est. Causam adhibuit Attalus avunculus Cleopatæ: qui cum in nuptiis Macedones exhortaretur.



retur, deos orarent, ut ad regni successionem legitimus ex Philippo & Cleopatra crearetur hæres; exardescens Alexander, O improbum caput, inquit, nos verò tibi nothi videmur? simulque in eum coniecit poculum. Insurgens inde pater contra Alexandrum, stricto eum petiit ferro: ictus tamen, inclinatione corporis, ab Alexandro evitatus, inanis excidit. Tunc Alexander convitiis patrem adortus, receptam Olympiadem matrem secum in Epirum duxit. Eum tamen Philippus, exprobrata sibi à Demarato Corinthio hæcorum discordia, paulo post multis precibus ægre revocavit. Inter hæc nuptias Cleopatraz filiaz, & Alexandri fratris Olympiadis, quem, pulso Arisba, regem Epiri fecerat, Philippus celebrat. Dies erat pro magnificentia duorum regum, & collocantis filiam, & uxorem ducentis, insignis. Sed nec ludorum celebritas deerat, ad quorum spectaculum Philippus, cum sine custodibus medius inter duos Alexandros, filium generumque, procederet, Pausanias nobilis ex Macedonibus nemini suspectus adolescens, occupatum angustiis Philippum in transitu obtruncavit, diemque lætitiæ destinatum, fœdum luctu funeris fecit. Hic puer stuprum per injuriam passus ab Attalo fuerat, qui eum etiam postea, tanquam vile scortum, libidini convivarum subjecit. De quo, Philippo conquestus, qui multum quidem ex rei turpitudine est motus, sed Attalo, ob magnam familiaritatem, & quod ejus opera tunc uteretur, ut noceret, induci haud potuit. Erat etiam Attalus, ob Cleopatram, proxime à rege in matrimonium acceptam, arctissima ei junctus cognatione, copiarumque in Asiam præmissarum dux fuerat delectus; vir in rebus bellicis egregiæ fortitudinis. Idcirco rex potius, ut Pausaniæ animum justissimo dolore incensum mulceret, est conatus: datisque ei magnis muneribus, loco insuper honestiore, inter corporis sui custodes, honoravit. Sed ille implacabili ardens ira, decrevit, non tantum de eo qui sibi injuriam intulisset, sed & qui ulcisci illatam noluisset, penam sumere. Vixit Philippus annos XLVII; reg-

navit **xxv.** Macedonum rex vicesimus tertius; cui maximæ opes erant instrumenta bellorum; divitiarum quæstu quam custodia solertior: itaque inter quotidianas rapinas semper inops erat. Misericordia in eo & perfidia pari jure dilectæ. Nulla apud eum turpis ratio vincendi. blandus pariter & insidiosus alloquio: qui plura promitteret quam præstaret; in seria & jocos artifex. Amicitias utilitate, non fide colebat. Gratiam fingere in odio, instruere inter concordantes odia, apud utrumque gratiam quærere, solennis illi consuetudo. Inter hæc eloquentia & insignis oratio, acuminis & solertiæ plena, ut nec ornatui facilitas, nec facilitati inventionum deesset ornatus.

## S U P P L E M E N T I I N Q. C U R T I U M

### L I B E R I I.

**A**nno ab urbe condita **ccccxxvi**, mortuo Philippo, Alexander filius (ob magnitudinem rerum gestarum Magnus appellatus,) vigesimo ætatis anno, plenum invidia, & gravissimis odiis ac periculis undique circumseptum assequutus est imperium. Nec enim vicinæ barbarorum provinciæ & nationes modestè servitutem ferebant, avita verò dominia patriosque principatus affectabant. Primo omnium autem quotquot paternæ cædis causâ fuerant, gravibus affecit pœnis. Deinde sepulturæ ejusdem maximam impendit curam. Principatum verò multo melius quam quisquam existimasset, confirmavit. Juvenis enim, atque ob ætatem adhuc teneram, ab aliquibus contemptui habitus, vulgus ipsum humanissimis sermonibus ita in sui benevolentiam traxit, ut & spem maximam omnibus faceret, & metum simul atque contemptum sui universis demeret. Macedonibus

bus immunitatem cunctarum rerum, præter militiæ vacationem, dedit. Quo factò tantum sibi conciliavit favorem, ut alii corpus, non virtutem, alii verò nomen regis solum immutatum esse dicerent. Et quum initio tumultus undique contra ipsum exorti essent, audacia, & animi constantia incredibili, citissime motus omnes compressit. Profectus deinde Corinthum in Peloponnesum, generali totius Græciæ concilio, contra Persas (quorum erat eo tempore summum in terris imperium, quique Græciam sæpe multis cladibus affligerant,) Imperator est designatus. Siquidem pater ejus idem bellum inchoaverat, morte tamen præventus, consummare haud potuerat. In hujus belli apparatu nuntiatur, Athenienses, Thebanos, & Lacedæmonios, ab eo ad Persas defecisse, auctoremque ejus defectionis, magno auri pondere à Persis corruptum, Demosthenem oratorem extitisse. Quibus motibus occursum, tanta celeritate instructo paratoque exercitu Græciam oppressit, ut quem venire non senserant, videre se vix crederent. In transitu hortatus Thessalos, beneficiorum patris commonefaciens, commemorata etiam veteri cognatione, quæ sibi cum illis per Herculem esset, sermonibusque humanissimis, ut magna à se sperarent, persuasos induxit, ut, communi totius Thessaliæ decreto, universæ gentis dux crearetur, omniaque vectigalia atque redditus suos ei traderent. Tanta autem in juvene celeritas, tamque efficax in rebus agendis diligentia, omnes qui per contemptum ab eo erant alienati perterrefecit. Athenienses itaque sicuti primi defecerunt, ita etiam primi pœnitere cœperunt; pueritiam Alexandri ante spretam supra virtutem veterum ducum extollentes, missisque legatis bellum deprecabantur. Quibus auditis & graviter increpatis, bellum remisit. In ea legatione Demosthenem quoque fuisse ferunt, sed cum cæteris ad Alexandrum non prævenit: siquidem à Cytherone Athenas reversus est: sive correptus timore, quod frequenter Philippum cum suis vituperasset, atque in sua re publica contra Macedones verba fecisset, sive ut regi Persarum

Perſarum ( à quo magnam auri ſummam, ut Macedonum cauſam oppugnaret, accepſiſſe dicebatur ) omnem de ſe ſuſpicionem eximeret. Hoc quoque ipſi ab Æſchine exprobratum aiunt, qui in oratione quadam de acceptis muneribus ita dicit : In præſens ſane regium aurum ſumptus huic ſuppeditat. Sed hoc deinceps haud ſufficiet, cum nullæ opes moribus improbis ſatis eſſe poſſint. Alexander ſcdatis motibus qui in Græcia erant exorti, antequam in Aſiam cum exercitu trajiceret, per Thraciam iter faciens, Pæones, Triballos, Illyrios, alioſque finitimos petere inſtituit, quos novis rebus ſtudere acceperat. Nam quod regno ejus tum finitimi tum maxime infidi erant, minime negligendos cenſuit, præſertim cum in tam longinquas à domo regiones cum exercitu profecturus eſſet. Ex Amphipoli igitur cum copiis profectus in Thraces, ( quos Græci Autonomos vocant, nullius imperio, nullius legibus obnoxios, ) decem dierum itinere ad Hæmum montem prevenit : ibi, circa aditûs anguſtias, negotiatorum atque Thracum ingentem manum collectam obviam habuit. Inſederant montis verticem, curribusque pro vallo, qua patebat aditus, utebantur : inde pugnaturi, ſi neceſſitas poſtulaffet. Sin autem ex adverſa montis parte peterentur, currus in Alexandri phalangem magno impetu erant immiſſuri, quod & fecerunt. Sed milites ab Alexandro edocti, alii laxatis ordinibus, alii corpora humi ſtrata ſcutis contegentes, periculum omne devitarunt. Hinc alacriores facti, ingenti clamore in hoſtes feruntur, eoſque uno impetu ſuperavere. Alexander, protinus ſuperato jugo, per Hæmum montem in Triballos ad flumen Lygium profectus eſt. Syrmus Triballorum rex erat : is cognito Alexandri adventu, uxores ac pueros, ceteramque imbellem turbam, ad Danubium in inſulam Peucam conſeſtium miſit, quo & Thraces Triballis finitimi ſe receperant. Nec multo poſt & ipſe Syrmus eodem fugit. Reliqua Triballorum multitudo ad alteram inſulam ſe contulerat, eo in loco, ex quo pridie Alexander moverat, ſitam. Alexander Triballos repetens,

petens, hostes ex silvis in aperta provocatos superat, tribus millibus cæsis, reliquis in fugam coniectis, paucisque captis. Post hanc pugnam Alexander ad Danubium profectus, ad insulam, in quam Triballi ac Thracæ confugerant, contendit: cui tamen barbari summa vi restiterunt, quod erat iis facilius, quoniam & naves paucæ erant, & insulæ maxima pars prærupta ac præceps, & fluminis cursus, utpote in angusto conclusus, concitior. Quapropter Alexander abductis inde navibus, trajecto noctu flumine, Mcccc equitibus, peditibusque iv millibus, Getas (quorum circiter iv millia equitum, peditumque supra x millia prohibendi animo in adversa ripa armatos videreat) petiit. Quo facto terrii Getæ, ne primum quidem impetum sustinere. Res prorsus ingentis audaciæ iis visâ, Alexandrum tam facile unica nocte Danubium, omnium Europæ fluminum amplissimum atque altissimum, nullo ponte injecto, transisse. Confugientibus igitur illis in silvarum solitudines atque latebras, Rex urbem vacuam nactus, cepit, soloque æquavit. Huc loci venire legati à ceteris Danubii accolis, à Syrmio Triballorum rege, atque Germanis, ad Alexandrum, ut cum eo amicitiae fœdus inirent. Quibus in fidem & amicitiam acceptis, è Germanis quæsit, Quidnam in humanis rebus præ ceteris extimescerent: ratus nominis sui magnitudinem ante omnia ipsis formidolosam videri. Illi hoc se imprimis timere responderunt, ne forte in sese aliquando cœlum rueret. Alexander nihil motus responsi superbia, tantum adjecit, Germanos superbos esse, eosque domum remisit. Inde in Agrianos & Pæonas iter persequenti nunciatum est, Clitum Bardyles ab eo defecisse, Glauciamque Taulantiorum regem se ei conjunxisse. Erant & qui nunciarent fore, ut Autariatæ ipsum in itinere adorirentur. Proinde negotio de Autariatis Lagaro Agrianorum regi (qui patri Philippo admodum carus, Alexandro quoque perquam familiaris erat) commisso, insuper Cyna sorore, ubi Pellam revertisset, ultro in uxorem promissa, ipse ad Clitum Glauciamque mag-

na celeritate contendit, eosque vario prælio vicit atque prostravit. Hæc agenti, superveniunt nuntii, multos in Græcia res novas moliri, civitatesque non paucas, & in primis Thebanos, ab eo defecisse. Quare motus Alexander, in Macedoniam est reversus, ut factum in Græcia tumultum reprimeret. Thebanis autem, conantibus præsidium Macedonicum ex arce Thebana (quam Cadmeam vocant) depellere, ipsamque, præaltis fossis & munitissimo vallo cinctam, obsidentibus, rex cum exercitu magnis itineribus profectus, non longe à Thebis cum omnibus copiis insedit. Itaque Thebanorum duces, quoniam Alexander præter spem omnium advenerat, ac incertum erat, utrum auxilia, sicuti à nonnullis civitatibus petierant, illis adventura essent, de belli ratione consultare cœperunt. Omnibus tandem consentientibus belli discrimen subire constituerunt. Sed rex suos continuit, illis spatium pœnitendi mutandique consilii exhibens, nullo pacto futurum existimans, ut una civitas contra tantas copias esset pugnatura. Habebat enim ultra xxx millia peditum, equitumque ad iii millia, omnes laboribus bellicis exercitatissimos. Quorum virtuti confusus, Persicum bellum susceperat. Sane si Thebani temporum fortunæ cedentes, pacem petissent, rex eorum postulatis libentissime annuisset. Nam tum mirifico studio ad Persas in Asiam transire properabat. Cum tamen armis, non precibus, uti decrevisset, Alexander Macedones ad prælium instruxit. A Thebanis, contra hostes numero longe superiores, summis viribus atque impigre decertatum est. Interim Macedonibus, qui custodiæ Cadmæ arcis præerant, à tergo invadentibus, circumventi Thebani, in ipsa pugna ceciderunt. Capta civitas & direpta, urbs everſa funditus est. Qua quidem in re ea spes idque consilium extitit Alexandro, ut hujusmodi casu ac terrore compressi Græci, quietius dum abesset agerent: cum alioqui incusantibus Thebanos sociis Phocensibus ac Plataënsibus morem gerere gratificarique concupisceret. Plures sex millibus oppetiere. Triginta mil-  
lia

lia vendidit, ex quibus quadringentorum quadraginta talentorum argenti summam coëgit. Pindari vatis tamen stirpi pepercit; summum in doctos favorem manifestissimo exemplo testatus. Non omittendum videtur, quod hic rerum gestarum Alexandri scriptores de Timoclea referunt. Quum insignem Thebanam feminam Thracius quidam dux constuprasse dicitur, quumque post id eam posceret pecuniam, solus à muliere ad puteum seductus fuisse, in quo diceret pretiosiora rerum suarum occultari. Ducem igitur super os putei, spectandi causâ inclinatum, illa in profundum detruxit; superneque injectis lapidibus oppressit. Ob id facinus adductam ad se in vinculis feminam, percunctatus est Alexander quænam esset? Ea imperterrita, Theagenis, inquit, sum soror, qui contra Philippum electus imperator, fortiter pugnans pro Græciæ libertate occubuit. Magnanimitatem mulieris & constantiam admiratus rex, liberam eam cum filiis dimisit. Athenienses Thebarum casum moleste & cum summa commiseratione ferentes, profugis portas contra regis edictum aperuerunt. Quam rem ita graviter tulit Alexander, ut secunda legatione, denuo bellum deprecantibus, ita demum remisit, ut oratores & duces, quorum fiducia toties rebellent, sibi dedantur. Eo tamen demum res est deducta, ut, retentis oratoribus, duces in exilium agerentur, qui confestim ad Darium regem Persarum profecti sunt. Cæterum coactis in Isthmo Græcis, & expeditionem in Persas decernentibus, Alexandro plures Philosophi & oratores occurrunt, præter Diogenem Cynicum, qui tum versabatur Corinthi, & Alexandrum parvificans, in Cranio habitabat: miratus Alexander, ad eum in sole apricantem venit, rogans, reine cujuscquam indigeat? at ille, Ut paulum, inquit, à sole discedas. Quo responso Alexandrum adeo delectatum ferunt, ut ad suos conversus dixeris, se Diogenem esse velle, si Alexander non esset.

Rebus Græciæ compositis, adventante vere, ipsaque Græcia cum Macedonia Antipatro (qui ex amicis maxime

maxime fidebat) commissis, ad Hellespontum cum exercitu profectus, in Asiam incredibili ardore mentis accensus trajecit. Cum autem delati in continentem essent, primus Alexander jaculum, velut in hostium terram, conjecit, armatusque, de navi, tripudianti similis, profiluit, atque ita hostias cædit, precatus, ne se regem illæ terræ invitæ accipiant. Inde hostem petens, milites à populatione Asiæ prohibuit: parcendum suis rebus præfatus, nec perdenda ea quæ possessori venerint. In exercitu ejus fuerunt XXXII. millia peditum, non supra V. millia equitum, navisque CLXXX. Hac tam parva manu universum terrarum orbem utrùm sit admirabilius quod vicerit, an quod aggredi ausus fuerit, incertum est: cum ad tam periculosum bellum, non juvenes robustos, nec primo ætatis flore, sed veteranos, plerosque etiam emeritæ militiæ, qui cum patre patruisque militaverant, elegit, ut non tam milites, quam militiæ magistros, electos putares. Ordines quoque nemo nisi sexagenarius duxit, ut si principia castrorum cerneret, senatum te alicujus præcæ Reipub. videre diceret. Itaque nemo in prælio fugam, sed omnes victoriam animis conceperant, nec in pedibus cuiquam spes, sed in lacertis fuit. Alexander deinde passim peractis sacrificiis, maxime apud Trojam ad Achillis tumulum, in quem genus suum ex materna linea referebat, eum ob id felicissimum adolescentem prædicans, quod suarum virtutum præconem Homerum invenisset, ad interiora Darii regis Persarum contendit. Hunc Darium Arsanis filium, qui decimus quartus à Cyro, totius orientis monarchiam tenebat, hac potissimum causâ aggredi voluit, quod à patre suo Philippo tributum requisiverat. Darius autem, missa prius superba, contumeliosi, atque imperiosissima legatione, se regem regum, ac consanguineum Deorum, Alexandrum vero famulum suum appellans, Satrapis suis id negotii dederat, ut insanientem istum Philippi adolescentulum (sic enim eum per contemptum appellabat) verberibus puerilibus graviter cæsum, indutumque post veste purpurea, sibi vinctum traderent, navibusque



una cum nautis submersis, omnes ejus milites ad ulteriora maris rubri transportarent. Qui mandatum regis exequi volentes, ad Granicum amnem (qui Troadem à Propontide differtinat) magna Manu, videlicet viginti millibus peditum, & pari equitum numero, confluxerunt, & præruptam fluminis ripam, qua Alexandro omnino trajiciendum erat, obsederunt. Alexander, etiamsi præsentissimum periculum instare cerneret, quippe cum suis ex inferiore atque instabili loco (erat enim cum udus, tum cæno lubricus,) utpote ex flumine adversus hostes in eminenti ripa stantes, dimicandum foret: suæ tamen fortunæ ac virtuti, simulque fortitudini militum confusus, amnem trajecit. Et primo quidem non spernenda difficultate pressus, tandem tamen hostes, non tam suâ arte, quam virtute Macedonum, vicit atque prostravit. In eo conflictu Persarum viginti millia peditum, & CCL. equites, cæsa, Macedonum non plus triginta novem interfecti sunt. Ea pugna magnum ad res Alexandri momentum peperit. Sardeis enim maritimi barbarorum imperii propugnaculum cepit, iisque ac ceteris Lydiæ populis, ut legibus uterentur suis, concessit. Ephesum, quarto post pugnam die, lapsô inde præ metu præsidio, occupavit. Interim ex Magnesia & Trallibus legati venerunt, urbium suarum deditionem pollicentes; ad quas in fidem recipiendas Parmenionem cum duobus millibus & quingentis mercenariis, parique Macedonum numero, equitibus ex amicis circiter ducentis, misit. Miletum deinde sibi resistentem oppugnavit: eaque potitus, versus Halicarnassum iter ingreditur. Omnibus interjacentibus oppidis primo impetu captis, Halicarnassum urbem perunitam obsedit, eamque non sine labore expugnatam, solo æquavit. Ingressus Cariam, Ada Cariæ regina, (quæ regno ab Orontobate, quem Darius miserat, pulsâ, nihil quicquam in tota Caria, præter Alinda, ejus provinciæ urbem munitissimam, tenebat.) Alexandro obviam profecta, Alindis urbe tradita, cum in filium adoptavit. Rex nec liberalitatem feminæ,  
nec

nec filii nomen asperantus, urbem eidem custodiendam reliquit. Tota deinde Caria subacta, memor accepti beneficii, eam universam Adæ imperio subjecit. Hinc in Lyciam & Pamphyliam tendit, eo consilio, ut ora maritima ad Phœniciam & Ciliciam usque in potestatem redacta, navales copias hostibus inutiles redderet. Devictisque rebellibus Pisidiæ populis, summo mentis ardore, nec minori alacritate, adversus Dari-um, quem cum multis militantium millibus adventare constabat, contendens, Phrygiam, per quam exerci-tus traducendus erat, est ingressus.

---

QUINTI

---

# QUINTI CURTII DE REBUS GESTIS

Alexandri Magni Regis Macedonum

## LIBER III.

### BREVIARIUM LIBRI.

1. Celanarum urbe & 7. Vegetior factus, Da-  
arce recepta, primaria rium aggredi cogitat, Sise-  
Phrygia urbem Alexander namque Persam, impruden-  
ingreditur: in qua fatalem tia delinquentem, occidi ju-  
Gordii nodum solvit, ac dein- bet.  
de obviam Dario ire statuit.
2. Exercitus Persici lu- 8. Darii ante pugnam  
stratio, de quo quum Darii sici consternatio: proxima  
jussu Charidemus Atheni- internecionis prasagium.  
ensis, verum liberumque pro- 9. Utriusque exercitus  
tulisset judicium, capite membra precipua & collatio.  
multatus est.
3. Pompea Persarum ve- 10. Alexandri oratio ad  
militum, orto Sole demum proce- milites.  
dentium; tum copiarum A- 11. Pugna cruenta, in qua  
lexandri descriptio. 100000 peditum ac 10000  
equitum Persarum occum-  
bunt: reliquis fuis fugatis.
4. Desertas ab Arsane 12. Matris, & uxoris  
Darii praefecto Cilicia fau- Darii nec non aliarum no-  
ces Alexander opportune men- bilium captivarum luctum,  
prada potitur Alexander. ob regem, quem putabant in-  
occupat. terfectum, regio prorsus ani-  
mo leuat Alexander.
5. Cum in Cydnum flu- 13. Darii gazam im-  
men abluendi corporis gratia mensam, cum ingenti nobi-  
intempestive descendisset, gra- lium numero, Parmenioni  
uissimo morbo corripitur rex proditorie Damasci praefect-  
ipse. us tradit.
6. Qui à fido sapientique 13. Darii gazam im-  
medico Philippo, cui à toto mensam, cum ingenti nobi-  
exercitu ingentes gratia ha- lium numero, Parmenioni  
bentur, pristina valetudini proditorie Damasci praefect-  
mox restituitur.

Inser

**I**NTER hæc Alexander, ad conducendum ex Peloponneso militem Cleandro cum pecunia missus, Lyciæ Pamphyliaque rebus compositis, ad urbem Celænas exercitum admovit: Media illa tempestate mœnia interfluebat Marsias amnis, fabulosis Græcorum carminibus inclytus. Fons ejus ex summo montis cacumine excurrens, in subjectam petram magno strepitu aquarum cadit: inde diffusus, circumjectos rigat campos, liquidus, & suas duntaxat undas trahens. Itaque color ejus placido mari similis, locum poetarum mendacio fecit: quippe traditum est, nymphas amore amnis retentas, in illa rupe considerare. Ceterum quamdiu intra muros fuit, nomen suum retinet. At cum extra munimenta se evolvit, majore vi ac mole agentem undas, Lycum appellant. Alexander quidem urbem destitutam à suis intrat: arcem verò, in quam confugerant, oppugnare adortus, caduceatorem præmisit, qui denunciaret, ni dederent, ipsos ultima esse passuros. Illi caduceatorem in turrim, & situ & opere multum editam, perductum, quanta esset altitudo, intueri jubent, ac nunciare Alexandro, non eadem ipsum & incolas æstimatione munimenta metiri: se scire, inexpugnabiles esse: ad ultimum pro fide morituros. Ceterum, ut circumfideri arcem, & omnia sibi in dies arctiora viderunt esse, sexaginta dierum inducias pacti, ut, nisi intra eos auxilium Darius ipsis misisset, dederent urbem: postquam nihil inde præsidii mittebatur, ad præstitutam diem permiscere se regi. Superveniunt deinde legati Atheniensium, petentes, ut capti apud Granicum amnem redderentur sibi. Ille non hos modo, sed etiam ceteros Græcos, restitui suis jussurum respondit, finito Persico bello. Ceterum Dario imminens, quem nondum Euphratem superasse cognoverat, undique omnes copias contrahit, totis viribus tanti belli discrimen aditurus. Phrygia erat, per quam ducebatur exercitus, pluribus vicis quam urbibus frequens. Tunc habebat quandam nobilem Midæ regiam, Gordium nomen est urbi, quam Sangarius am-

nis

nis præterfluit, pari intervallo Pontico & Cilicio mari distantem. Inter hæc maria, angustissimum Asiæ spatium esse comperimus; utroque in arctas fauces compellente terram. Quæ quia continenti adhærêt, sed magna ex parte cingitur fluctibus, speciem insulæ præbet: ac, nisi tenue discrimen objiceret, maria, quæ nunc dividit, committeret. Alexander, urbe in suam ditionem redacta, Jovis templum intrat. vehiculum, quo Gordium Midæ patrem vectum esse constabat, adspexit, cultu haud sâne à vilioribus vulgarisque usu abhorrens. Notabile erat vinculum adstrictum, compluribus nodis in semet ipsos implicatis, & celantibus nexus. Incolis deinde affirmantibus, editam esse oraculo sortem, Asiæ potiturum qui inexplicabile vinculum solvisset, cupido incescit animo fortis ejus explendæ. Circa regem erat & Phrygum turba, & Macedonum: illa explicatione suspensa, hæc sollicita ex temeraria regis fiducia: quippe series vinculorum erat ita adstricta, ut unde nexus inciperet, quoque se conderet, nec ratione, nec visu percipi posset. Solvere aggressus injecerat curam, ne in omen verteretur irritum inceptum. Ille nequicquam diu luctatus cum latentibus nodis, Nihil, inquit, interest quomodo solvatur, gladioque ruptis omnibus loris, oraculi sortem vel elusit, vel implevit. Cum deinde Darium, ubicunque esset, occupare statuisset: ut à tergo tuta relinqueret, Amphoterum classi ad oram Hellepontii, copiis autem præfecit Hegelochum; Lesbum, & Chium, & Coum, præfidiis hostium liberaturos. His talenta ad belli usum quingenta attributa. Ad Antipatrum, & eos, qui Græcas urbes tuebantur, sexcenta missa. Ex fœdere naves sociis imperat, quæ Helleponto præfiderent. Nondum enim Memnonem vita excessisse cognoverat. in quem omnes intenderat curas; satis gnarus, cuncta in expedito fore, si nihil ab eo moveretur. Jamque ad urbem Ancyram ventum erat, ubi numero copiarum inito, Paphlagoniam intrat. Huic juncti erant Eneti: unde quidam Venetos trahere originem credunt: omnisque hæc regio paruit regi,

regi, datisque obsidibus, tributum (quod ne Persis quidem tulissent) pendere ne cogerentur, impetraverunt. Calas huic regioni præpositus est; ipse, assumptis qui ex Macedonia nuper advenerant, Cappadociam petiit.

2. At Darius, nunciata Memnonis morte, haud secus quam par erat, motus, omiſſa omni alia spe, statuit ipse decernere; quippe quæ per duces suos acta erant, cuncta damnabat: ratus pluribus curam, omnibus abfuisse fortunam. Igitur castris ad Babylonem positis, quo majore animo capeſſerent bellum, univerſas vires in conſpectum dedit: & circumdato vallo, quod decies centenum millium armatorum multitudinem caperet, Xerxis exemplo, numerum copiarum iniit. Orto ſole, ad noctem agmina, ſicut deſcripta erant, intravere vallum; inde emiſſa occupaverunt Meſopotamiæ campos; equitum peditumque propemodum innumerabilis turba, majorem quam pro numero ſpeciem gerens. Perſarum erant centum millia, in quibus eques triginta millia implebat. Medi decem equitum, quinquaginta millia peditum habebant. Bactrianorum equitum duo millia fuere, armati bipennibus, levibusque ſcutis cetræ maxime ſpeciem reddentibus. peditum decem millia pari armatura ſequebantur. Armenii quadraginta millia miſerant peditum, additis ſeptem millibus equitum. Hyrcani egregii, ut inter illas gentes, ſex millia expleverant, equis militatura. Derbices quadraginta millia peditum armaverant. Pluribus hærebant ferro præfixæ hæſtæ, quidam lignum igni duraverant. hos quoque duo millia equitum ex eadem gente comitata ſunt. A Caſpio mari octo millium pedeſter exercitus venerat: ducenti equites. Cum his erant ignobiles Aſiæ gentes, duo millia peditum, equitum duplicem præſtaverant numerum. His copiis triginta millia Græcorum mercede conductæ, egregiæ juventutis, adjectæ ſunt. Nam Bactrianos, & Sogdianos; & Indos, ceterosque rubri maris accolæ, ignota etiam ipſi gentium nomina, feſtinatio prohibebat acciri. Nec quicquam illi minus, quam multirudo

tudo militum, defuit; cuius tum universæ adspectu admodum lætus, purpuratis solita vanitate spem ejus instantibus, conversus ad Charidemum Atheniensem belli peritum, & ob exilium infestum Alexandro (quippe Athenis, jubente eo, fuerat expulsus) percunctari cœpit; Satisne ei videretur instructus ad obterendum hostem. At ille, & suæ fortis & regiæ superbæ oblitus: Verum, inquit, & tu forsân audire nolis; & ego, nisi nunc dixero, alias nequaquam confitebor. Hic tanti apparatus exercitus, hæc tot gentium, & totius Orientis excita sedibus suis moles, finitimis potest esse terribilis: nitet purpura, aurumque fulget armis & opulentia, quantam qui oculis non subjecere, animis concipere non possunt. Sed Macedonum acies torva sane & inculta, clypeis hastisque immobilis, cuneos, & conserta robora virorum tegit. Ipsi phalangem vocant peditum stabile agmen. Vir viro, armis arma conserta sunt: ad nutum monentis intenti, sequi signa, ordines servare didicere. Quod imperatur, omnes exaudiunt: obsistere, circuire, discurrere in cornu, mutare pugnam, non duces magis quam milites callent. Et ne auri argentique studio teneri putes, adhuc illa disciplina paupertate magistra stetit. Fatigatis humus cubile est: cibus, quem occupant, fiat. tempora somni arctiora quam noctis sunt. Jam Thessali equites & Acarnanes, Ætolique, invicta bello manus, fundis, credo, & hastis igne duratis, repellentur: pari robore opus est. In illa terra, quæ hos genuit, auxilia quærenda sunt. Argentum istud atque aurum, ad conducendum militem mitte. Erat Dario mite ac tractabile ingenium, nisi etiam suam naturam plerumque fortuna corrumpere. Itaque veritatis impatiens, hospitem ac supplicem, tunc maxime utilia suadentem, abstrahi jussit ad capitale supplicium. Ille, ne tum quidem libertatis oblitus, Habeo, inquit, paratum mortis meæ ultorem, expetet pœnas mei consilii spreti ipse, contra quem tibi suasi. Tu quidem licentia regni subito mutatus, documentum eris posteris, homines, cum se permiscere fortunæ, etiam naturam

turam dediscere. Hæc vociferantem, quibus erat imperatum, jugulant. Sera deinde pœnitentia subiit regem : ac vera dixisse confessus, eum sepeliri iussit.

3. Thymodes erat Mentoris filius, impiger juvenis, cui præceptum est à rege, ut omnes peregrinos milites, in quos plurimum habebat spei, à Pharnabazo acciperet ; opera eorum usus in bello. Ipsi Pharnabazo tradit imperium, quod ante Memnoni dederat. Anxium de instantibus curis, agitabant etiam per somnum species imminentium rerum : siquæ illas ægritudo, siue divinatio animi præsagientis accersit. Castra Alexandri magno ignis fulgore collucere ei visâ sunt, & paulopost Alexander adduci ad ipsum in eo vestis habitu, quo ipse fuisset ; equo deinde per Babylonem vestus, subito cum ipso equo oculis esse subductus. Ad hæc vates varia interpretatione curam distrinxerant : alii lætum id regi somnium esse dicebant, quod castra hostium arsisent, quod Alexandrum, deposita regia veste, in Persico & vulgari habitu perductum esse vidisset. Quidam non ita augurabantur : quippe illustria Macedonum castra visâ, fulgorem Alexandro portendere, quem regnum Asiæ occupaturum esse, haud ambigere : quoniam in eodem habitu Darius fuisset, cum appellatus est rex. Vetera quoque omnia, ut fit, sollicitudo revocaverat. Darium enim in principio imperii vaginam acinacis Persicam iussisse mutari in eam formam, qua Græci uterentur, protinusque Chaldæos interpretatos, imperium Persarum ad eos transiturum, quorum arma esset imitatus. Ceterum ipse & vatum responso, quod edebatur in vulgus, & specie, quæ per somnum oblata erat, admodum lætus, castra ad Euphratem movere jubet. Patrio more Persarum traditum est, orto sole demum procedere. Die jam illustri signum è tabernaculo regis buccina dabatur. super tabernaculum, unde ab omnibus conspici posset, imago solis crysallo inclusa fulgebat. Ordo autem agminis erat talis : Ignis, quem ipsi sacrum & æternum vocabant, argenteis altaribus præferebatur. Magi proximi, patrium carmen canebant.



bant. Magos trecenti & sexaginta quinque juvenes  
sequebantur, puniceis amiculis velati, diebus totius  
anni pares numero, quippe Persis quoque in totidem  
dies descriptus est annus. Currum deinde Jovi sacra-  
tum albescentes vehebant equi. hos eximia magnitudi-  
nis equus, quem Solis appellabant, sequebatur. Aureæ  
virgæ & albæ vestes, regentes equos adornabant. Haud  
procul erant vehicula decem, multo auro argentoque  
cælata. Sequebatur hæc equitatus duodecim genti-  
um, variis armis & moribus. Proximi ibant, quos  
Persæ immortales vocant, ad decem millia. cultus o-  
pulentia barbaræ non alios magis honestabat. Illi au-  
reos torques, illi vestem auro distinctam habebant,  
manicataeque tunicas, gemmis etiam adornatas. Exi-  
guo intervallo, quos cognatos regis appellant, decem  
& quinque millia hominum. Hæc vero turba mulie-  
briter propemodum culta, luxu magis, quam decoris  
armis conspicua erat. Doryphori vocabantur. Proxi-  
mum his agmen, soliti vestem excipere regalem. Hi  
currum regis anteibant, quo ipse eminens vehebatur.  
Utrumque currus latus deorum simulachra ex auro ar-  
gentoque expressa decorabant. Distinguebant inter-  
nitentes gemmæ jugum: ex quo eminebant duo au-  
rea simulachra cubitalia; quorum alterum pacis, alte-  
rum belli gerebat effigiem. Inter hæc auream aequi-  
lam, pinnas extendenti similem, sacraverant. Cultus  
regis, inter omnia, luxuria notabatur. Purpureæ tu-  
nicæ medium album intextum erat. Pallam auro di-  
stinctam aurei accipitres, velut rostris inter se corru-  
erent, adornabant: & zona aurea muliebriter cinctus,  
acinacem suspenderat, cui ex gemma erat vagina. Cy-  
darim Persæ regium capitis vocabant insigne: hoc  
cærulea fascia albo distincta circuibat. Currum de-  
cem millia hastatorum sequebantur. hastas argento  
exornatas, spicula auro præfixa gestabant. Dexterâ  
levaque regem ducenti ferme nobilissimi propinquo-  
rum comitabantur. Horum agmen claudabatur tri-  
ginta millibus peditum, quos equi regis quadringenti  
sequebantur. Intervallo deinde unius stadii, matrem

Darii Syfigambim curtus vehebat, & in alio erat conjunx. Turba foeminarum reginas comitantium equis vectabatur. Quindecim inde, quas armamaxas appellant, sequebantur. In his erant liberi regis, & qui educabant eos, spadonumque grex, haud sane illis gentibus vilis. Tum regiae pellices trecentae sexaginta vehebantur, & ipsae regali cultu, ornatuque. post quas pecuniam regis sexcenti muli & trecenti cameli vehebant; praesidio sagittariorum prosequente. Propinquorum amicorumque conjuges huic agmini proximae, lixarumque & calorum greges, vehebantur. Ultimi erant cum suis quisque ducibus, qui cogerent agmen, leviter armati. Contra, si quis aciem Macedonum intueretur, dispar acies erat; equis, virisque non auro, non discolori veste, sed ferro atque aere fulgentibus. Agmen & stare paratum, & sequi, nec turba, nec farcinis praegrave; intentum ad ducis non signum modo, sed etiam nutum. Et castris locus, & exercitui comensatus suppetebant. Ergo Alexandro in acie miles non defuit.

4. Darius autem tantae multitudinis rex, loci, in quo pugnavit, angustiis reductus est ad paucitatem, quam in hoste contempserat. Interea Alexander, Abistamine Cappadociae praeposito, Ciliciam petens, cum omnibus copiis in regionem, quae Castra Cyri appellatur, pervenerat. Stativa illic habuerat Cyrus, cum adversus Croesum in Lydiam exercitum duceret. Aberrat ea regio quinquaginta stadiis ab aditu, quo Ciliciam intramus: Pylas incolae dicunt artissimas fauces, munimenta quae manu ponimus, naturali situ imitante. Igitur Arsanes, qui Ciliciae praerat, reputans quid initio belli Memnon suasset, quondam salubre consilium sero exsequi statuit: igne ferroque Ciliciam vastat, ut hosti solitudinem faciat: quicquid usui esse potest, corrumpit: sterile ac nudum solum, quod tueri nequibat, relicturus. Sed longe utilis fuit, angustias aditus, qui Ciliciam aperit, valido occupare praesidio, jugumque opportune itineri imminens obtemere; unde ingultus subeuntem hostem aut prohibere,

re, aut opprimere potuisset. Tunc paucis, qui callibus præsiderent, relictis, retro ipse concessit, populator terræ, quam à populationibus vindicare debuerat. Ergo qui relictis erant, proditos se rati, ne conspectum quidem hostis sustinere voluerunt, quum vel pauciores locum obtinere potuissent. Namque perpetuo jugo montis asperi ac prærupti Cilicia includitur: quod quum à mari surgat, veluti sinu quodam flexuque curvatum, rursus altero cornu in diversum littus excurrit. Per hoc dorsum, qua maxime introrsum mari cedit, asperi tres aditus, & perangusti sunt, quorum uno Cilicia intranda est, campestris eadem, qua vergit ad mare, planiciem ejus crebris distinguuntibus rivis. Pyramus & Cydnus, inclyti amnes fluunt. Cydnus non spatio aquarum, sed liquore memorabilis: quippe leni tractu à fontibus labens, puro solo excipitur. Nec torrentes incurrunt, qui placide manantis alveum turbent. Itaque incorruptus, idemque frigidissimus, quippe multa riparum amœnitate inumbratus, ubique fontibus suis similis in mare evadit. Multa in ea regione monumenta vulgata carminibus vetustas excederat. Monstrabantur urbium sedes Lyrnissi & Thebes: Typhoenis quoque specus, & Corycium nemus, ubi crocum gignitur, ceteraque in quibus nihil præter famam duraverat. Alexander fauces jugi, quæ Pylæ appellantur, intravit. contemplatus locorum situm, non alias magis dicitur admiratus esse felicitatem suam. obrui potuisse vel saxis consitebatur, si fuissent, qui in subeuntes propellerent. Iter vix quaternos capiebat armatos. Dorsum montis imminebat viæ non angustæ modo, sed plerumque præruptæ, crebris oberrantibus rivis, qui ex radicibus montium manant. Thracas tamen leviter armatos præcedere jussêrat, scrutarique calles, ne occultus hostis in subeuntes erumperet. Sagittariorum quoque manus occupaverat jugum, intentos arcus habebant, moniti, non iter ipsos inire, sed prælium. Hoc modo agmen pervenit ad urbem Tarsum, cui tum maxime Persæ subiciebant ignem, ne opulentum oppidum hostis invaderet. At ille, Par-

menione ad inhibendum incendium cum expedita manu præmissa, postea quam Barbaros adventu suorum fugatos esse cognovit, urbem à se conservatam intrat.

5. Mediam Cydnus amnis, de quo paulo ante dictum est, interfluit. & tunc æstas erat, cujus calor non aliam magis quam Ciliciæ oram vapore solis accendit: & diei fervidissimum tempus coeperat. Pulvere ac fœdore simul perfusum regem invitavit liquor fluminis, ut calidum adhuc corpus ablueret. Itaque veste deposita, in conspectu agminis (decorum quoque futurum ratus, si ostendisset suis, levi ac parabili cultu coporis se esse contentum) descendit in flumen. vixque ingressi subito horrore artus rigere coeperunt: pallor deinde suffusus est, & totum propemodum corpus vitalis calor reliquit. Expiranti similem, ministri manu excipiunt, nec satis compotem mentis in tabernaculum deferunt. Ingens sollicitudo, & pene jam luctus in castris erat. Flentes querebantur in tanto impetu cursuque rerum, omnis ætatis ac memoriæ clarissimum regem, non in acie, saltem, non ab hoste dejectum, sed abluentem aqua corpus ereptum esse, & extinctum: instare Darium, victorem antequam vidisset hostem. Sibi easdem terras, quas victores peragunt, repetendas: omnia aut ipsos, aut hostes populos: per vastos solitudines, etiamsi nemo insequi velit, euntes, fame atque inopia debellari posse. Quem signum daturum fugientibus? quem ausurum Alexandro succedere? Jam ut ad Hellespontum fuga penetrarent, classem qua transeant, quem præparaturum? Rursus in ipsum regem misericordia versa, illum florem juventæ, illam vim animi, eundem regem & commilitonem divelli à se & abripi, immemores querebantur. Inter hæc liberius meare spiritus coeperat. allevabat rex oculos, & paulatim redeunte animo circumstantes amicos agnoverat. Laxataque vis morbi ad hoc solum videbatur, quia magnitudinem mali sentiebat. Animum autem ægritudo corporis urgebat. quippe Darium quinto die in Ciliciam fore nunciabatur.

nunciabator. Vinum ergo se tradi, & tantam victoriam eripi sibi è manibus, obscuraque & ignobili morte in tabernaculo extingui se, querebatur. Admissisque amicis pariter & medicis: In quo me, inquit, articulo rerum mearum fortuna deprehenderit, Strepitum hostilium armorum exaudire videor. Ulro inteli bellum, jam provocor. Darius ergo tam superbas literas scriberet, fortunam meam filio habuit. sed nequicquam, si mihi arbitrio rari licet. Lenta remedia & iegnes medicos impetunt tempora mea. Vel mori strenue, quam tam convalescere, mihi melius est. Proinde, si quid o si quid artis in medicis est, sciant, me non moris, quam belli remedium quærere. Ingentem omnibus incusserat curam tam præceps temeritas ejus. Ergo pro se quisque precari cœpere, ne festinatione periculum augeret, sed esset in potestate medentium. Inexperta remedia haud injuria ipsis esse spectata, quum ad perniciem ejus etiam à latere ipsius pecunia sollicitaret hostis. Quippe Darius mille talenta interfectori Alexandri daturum se pronuntiari jusserat. Itaque ne ausurum quidem quemquam arbitrabatur experiri remedium, quod propter novitatem posset esse suspectum.

6. Erat inter nobiles medicus è Macedoni regem secutus, Philippus, natione Acarnan, fidus eodem regi; puero comes, & custos salutis datus. qui non ut regem modo, sed etiam ut alumnum eximia caritate diligebat; is non præceps se, sed strenuum remedium afferre, tantamque vim morbi potione medicata levaturum esse promissit. Nulli promissum ejus placebat, præter ipsum, cujus periculo pollicebatur. Omnia quippe facilius, quam moram, perpeti poterat. Arma & acies in oculis erant, & victoriam in eo positam esse arbitrabatur, si tantum ante signa stare potuisset: ipsum, quod post diem tertium medicamentum sumpturus esset (ita enim medicus prædixerat) ægre ferens. Inter hæc à Parmenione fidiissimo purpuratorum literas accipit, quibus ei denunciabat, ne salutem suam Philippo committeret: mille talentis à Dario, & spe nuptri-

arum sororis ejus esse corruptum. Ingentem animo sollicitudinem literæ incusserant, & quicquid in utramque partem aut metus aut spes subjecerat, secreta æstimatione pensabat. Bibere perseverem? ut si venenum datum fuerit, ne immerito quidem, quicquid acciderit, evenisse videatur? Damnum medici fidem? in tabernaculo ergo me opprimi patiar? At fatius est, alieno me mori scelere, quam metu nostro. Diu animo in diversa versito, nulli quid scriptum esset enunciat, epistolamque sigillo annuli sui impresso, pulvino, cui incubabat, subjecit. Inter has cogitationes biduo absumpto, illuxit à medico destinatus dies. Et ille cum poculo, in quo medicamentum diluerat, intravit. Quo viso, Alexander, levato corpore in cubitum, epistolam à Parmenione missam sinistra manu tenens, accipit poculum, & haurit interritus: tum epistolam Philippum legere jubet, nec à vultu legentis movit oculos; ratus aliquas conscientie notas in ipso ore posse deprehendere. Ille epistola perlecta, plus indignationis quam pavoris ostendit. projectisque amiculo & literis ante lectum: Rex, inquit, semper quidem spiritus meus ex te pependit, sed nunc vero (arbitror) sacro & venerabili ore trahitur. Crimen parricidii, quod mihi obiectum est, tua salus diluet. Servatus à me vitam mihi dederis, oro, quæsoque: omissoque metu, patere medicamentum concipi venis. Laxa paulisper animum, quem solitudine intempestiva amici sane fideles, sed moleste sedeli, turbant. Non securum modo hæc vox, sed etiam lætum Regem, ac plenum bonæ spei fecit. Itaque si dii, inquit, Philippe, tibi permisissent, quo maxime modo animum velles experiri meum, alio profecto voluisses. Sed certiore, quam expertus es, ne optasses quidem. Hac epistola accepta, tamen, quod dilueras, bibi: & nunc credo, te non minus pro tua fide, quam pro incæ salute esse sollicitum. Hæc elocutus, dextram Philippo offert. Ceterum tanta vis medicaminis fuit, ut quæ secuta sunt, criminationem Parmenionis adjuverint. Interclusus spiritus arte meabar, nec Philippus quidquam inexpertum omisit. Ille forma

menta corpori admovit, ille torpentem nunc cibi, nunc vini odore, excitavit. Atque ut primum menis com-  
potem esse sensit, modo matris, sororumque, modo  
tantæ victoriæ appropinquantis admonere non destitit.  
Ut vero medicamentum se diffudit in venas, & sensim  
toto corpore silabritas percipi potuit: primo animus  
vigorem suum, deinde corpus quoque expectatione  
maturius recuperavit. Quippe post tertium diem, quam  
in hoc statu fuerat, in conspectum militum venit. Nec  
avidius ipsum Regem, quam Philippum intuebatur ex-  
ercitus: pro se quisque dexteram ejus amplexi, gratias  
habebant, velut præsentī Deo. Namque haud facile  
diu est, præter ingenitam illi genti erga Reges suos  
venerationem, quantum hujus quoque Regis vel admi-  
rationi dediti fuerint, vel caritate flagraverint. Jam  
primum nihil, nisi divina ope, aggredi videbatur. Nam  
cum esset præsto ubique fortuna, temeritas in gloriam  
cesserat: ætas quoque vix tantis matura rebus, sed a-  
bunde sufficiens, omnia etiam ejus opera honestabat:  
& quæ leviora haberi solent, plerumque in re milita-  
ri gratiora vulgo sunt; exercitatio corporis inter ip-  
sos, cultus, habitusque paululum à privato abhorrens,  
militaris vigor, queis ille vel ingenii dotibus, vel a-  
nimi artibus, ut pariter carus ac venerandus esset, ef-  
fecerat.

7. At Darius nuncio de adversa valetudine ejus ac-  
cepto, celeritate quanta poterat, tam grave agmen  
ad Euphratem contendit: junctoque eo pontibus,  
quinque tamen diebus trajecit exercitum, Ciliciam oc-  
cupare festinans. Jamque Alexander viribus corporis  
receptis, ad urbem Solos pervenerat: cujus potius,  
ducentis talentis, nomine multæ, exactis, arcu præhi-  
dium militum imposuit. Vota deinde pro salute suscepta,  
per ludum atque otium reddens, ostendit, quanta fi-  
ducia Barbaros sperneret: quippe Æsculapio, & Mi-  
nervæ ludos celebravit. Spectanti nuncius latus af-  
fertur ex Halicarnasso; Persas acie à suis esse supera-  
tos, Myndios quoque & Caunios, & pleraque tractus  
ejus suæ facta ditionis. Igitur edito spectaculo ludi-

cro, castrisque motis, & Pyramo amne ponte juncto, ad urbem Mallon pervenit; inde adeo alteris castris ad oppidum Castabalum. Ibi Parmenio Regi occurrit, quem præmiserat ad explorandum iter saltus, per quem ad urbem Ison nomine penetrandum erat. Atque ille angustias ejus occupatis, & præsidio modico relicto, Ison quoque desertam à Barbaris ceperat. Inde progressus, deturbatis qui interiora montium obsidebant, præsidiis cuncta firmavit: occupatoque itinere, sicut paullo ante dictum est, idem & auctor & runcius venit. Ison deinde Rex copias admovit. ubi consilio habito, utrumne ultra progrediendum foret, an ibi opperendi essent novi milites, quos ex Macedonia adventare constabat: Parmenio, non alium locum prælo apertorem esse, censebat. quippe illic utriusque Regis copias numero futuras pares, cum angustiae multitudinem non caperent. planitiem ipsis camposque esse vitandos, ubi circumiri, ubi ancipiti acie opprimi possent: timere, ne non virtute hostium, sed lassitudine sua vincerentur: Persis recentes subinde successuros si laxius stare poruissent. Facile ratio tam salubris consilii accepta est. Itaque inter angustias saltus hostem opperiri statuit. Erat in exercitu Regis, Sifenes Persis, quondam à Prætorè Ægypti missus ad Philippum; donisque, & omni honore cultus, exilium patriæ sede mutaverat: secutus deinde in Asiam Alexandrum, inter fideles socios habebatur. Huic epistolam Cretensis miles obliquatam annulo, cujus signum haud sane notum erat, tradidit. Nabarzanes Prætor Darii miserat eam, hortabaturque Sifenem, ut dignum aliquid nobilitate ac moribus suis ederet; magno id ei apud Regem honori fore. Has literas Sifenes, utpote innoxius, ad Alexandrum sæpe deferre tentavit. Sed cum tot curis apparatuque belli Regem videret urgeri, aptius subinde tempus expectans, suspicionem iniri scelesti consilii præbuit. Namque epistola, priusquam ei redderetur, in manus Alexandri pervenerat, lectamque eam, ignoti annuli sigillo impresso, Sifeni dari jussit, ad æstimandam fidem Barbari. Qui  
quia



quia per complures dies non adierat Regem, scelesto consilio eam visus est suppressisse, & in agmine à Cre- tensibus haud dubie iussu Regis occisus est.

8. Jamque Græci milites, quos Thymondas à Phar- nabazo acceperat, præcipua spes, & propemodum uni- ca, ad Darium pervenerant. Hi magnopere suadebant, ut retro abiret, spatiososque Mesopotamiæ campos re- peteret. Si id consilium dampnaret, at ille divideret saltem copias innumerabiles, neu sub unum fortunæ istum totas vires regni cadere pateretur. Minus hoc consilium Regi, quam purpuratis ejus displicebat: an- cipitem fidem, & mercede venalem prodicionem im- minere, & dividi non ob aliud copias velle, quam ut ipsi in diversa digressi, si quid commissum esset, trade- rent Alexandro. Nihil tutius fore, quam circumda- tos eos exercitu toto obrui telis; documentum non inultæ perfidiæ futuros. At Darius, ut erat sanctus & mitis, se vero tantum facinus negat esse facturum, ut suam secutos fidem, suos milites jubeat trucidari. Quam deinde amplius nationum exterarum, salutem suam credituram sibi, si tot militum sanguine imbuisset ma- nus? Neminem stolidum consilium capite luere debe- re. Defuturos eos, qui suaderent, si suavisse periculum esset. Denique, ipsos quotidie ad se vocari in consili- um, variasque sententias dicere, nec tamen melioris fidei haberi, qui prudentius suaserint. Itaque Græciæ nunciari jubet, ipsam quidem benevolentiam illorum gratias agere. ceterum si retroire pergat, haud dubie regnum hostibus traditurum. Fama bella stare: & eum qui recedat, fugere credi. Trahendi vero belli vix ullam esse rationem. Tantæ enim multitudini, utique cum jam hyems instaret, in regione vasta, & in- vicem à suis atque hoste vexata, non suffectura alimen- ta. Ne dividi quidem copias posse, servato more ma- jorum, qui universis vires semper discrimini bellorum obtulerant. Et hercule, terribilem antea Regem, & absentia sua ad variam fiduciam elatum, posteaquam adventare se senserit, cautum pro temerario factum, deliquisse inter angustias suas, ritu ignobilem fera- rum,

num, quæ, strepitu prætereuntium audito, sylvarum latebris se occultuerunt. Jam etiam valetudinis simulatione frustrari suos milites. sed non amplius ipsam esse passurum detrectare certamen. In illo specu, in quem pavidi recessissent, oppressurum esse cunctantes. Hæc magnificentius jactata, quam verius. Ceterum pecunia omni, rebusque pretiosissimis, Damascus Syriæ, cum modico præsidio militum missis, reliquas copias in Ciliciam duxit; insequentibus, more patrio, agmen conjuge & matre. Virgines quoque cum parvo filio comitabantur patrem. Forte eadem nocte & Alexander ad fauces, quibus Syria aditur, & Darius ad eum locum, quæm Amanicas Pylas vocant, pervenit. Nec dubitavere Persæ, quin Iffo relicta, quam ceperant, Mæcedones fugerent. Nam etiam saucii quidam & invalidi, qui agmen non poterant persequi, excepti erant. Quos omnes, instinctu purpuratorum, barbara feritate sævientium, præcis adustisque manibus circumduci, ut copias suas noscerent, satisque omnibus spectatis nunciare, quæ vidissent, Regi suo jussit. Motis ergo castris, superat Pyramum amnem, in tergis, ut credebatur, fugientium hæsurus. At illi, quorum amputaverat manus, ad castra Macedonum penetrant, Dari-um, quam maximo cursu posset, sequi nunciantes. Vix fides habebatur. Itaque speculatores, in maritimas regiones præmissos, explorare jubet, ipsæne adesset, an præfectorum aliquis speciem tribuisset universi venientis exercitus. Sed cum speculatores reverterentur, procul ingens multitudo conspecta est. Ignes deinde totis campis cellucere cœperunt, omniaque velut continenti incendio ardere visa, cum incondita multitudo maxime propter jumenta laxius tenderet. Itaque eo ipso loco meta si suos castra jussisset, lætus, quod omnipetiverat voto, in illis potissimum angustiis decernendum esse. Ceterum, ut solet fieri, cum ultimi discriminis tempus adventat, in solitudinem versa fiducia est. Illam ipsam fortunam, qua adspirantes res tam prospere gesserat, verebatur: nec injuria, ex his quæ tribuisset sibi, quam mutabilis esset, reputabat.

Unam

Unam supereffe noctem, quæ tanti discriminis moraretur eventum. Rursus occurrebant majora periculis præmia: & sicut dubium esset an vinceret, ita illud utique certum esse, honeste & cum magna laude moriturum. Itaque corpora milites curare jussit, ac deinde tertia vigilia instructos & armatos esse. Ipse in jugum editi montis ascendit, multisque colluculentibus facibus, patrio more, sacrificium Diis præsidibus loci fecit. Jamque tertium, sicut præceptum erat, signum tuba miles acceperat, itineri simul paratus & prælio: strenueque jussi procedere, oriente luce pervenerunt ad angustias, quas occupare decreverant. Darium triginta inde stadia abesse, præmissi judicabant. Tunc consistere agmen jubet, armisque ipse sumptis aciem ordinabat. Dario adventum hostium pavidi agrestes nunciaverunt: vix credenti, occurrette etiam, quos ut fugientes sequebatur. Ergo non mediocris omnium animos formido incesserat. quippe itineri quam prælio aptiores erant, raptimque arma capiebant. Sed ipsa festinatio discurrentium, suosque ad arma vocantium, majorem metum incussit. Alii in jugum montis evaserant, ut hostium agmen inde prospicerent: equos plerique frænabant. discors exercitus, nec ad unum intentus imperium, vario tumultu cuncta turbaverat. Darius initio montis jugum cum parte copiarum occupare statuit: & à fronte, & à tergo circumiturus hostem: à mari quoque, quo dexterum ejus cornu tegebatur, alios objecturus, ut undique urgeret. Præter hæc viginti millia præmissa cum sagittariorum manu, Pyramum amnem, qui duo agmina interfluebat, transire, & objicere sese Macedonum copiis jusserat. Si id præstare non possent, retrosedere in montes, & occulte circumire ultimos hostium. Ceterum destinata salubriter omni ratione, potentior fortuna discussit: quippe alii præ metu imperium exequi non audebant, alii frustra exequabantur, quia ubi partes labant, summa turbatur.

6. Acies autem hoc modo sterit: Nabarzanes equitatu dextrum cornu tuebatur, additis funditorum sagittariorumque

tariorumque viginti ferme millibus. In eodem Thy-  
 mônidas erat, Græcis peditibus mercede conductis tri-  
 ginta millibus præpositus. Hoc erat haud dubium ro-  
 bur exercitus, par Macedonicæ phalangi acies. In læ-  
 vo cornu Aristomedes Theſſalus viginti millia Barbaro-  
 rum peditum habebat. In ſubſidiis pugnaciſſimas loca-  
 verat gentes. Ipſum Regem in eodem cornu dimica-  
 turum tria millia deſectorum equitum aſſueta corporis  
 cuſtodia, & pedestris acies quadraginta millia ſeque-  
 bantur. Hyrcani deinde Medique equites: his proxi-  
 mi ceterarum gentium equites dextra lævaque diſpoſi-  
 ti. Hoc agmen, ſicut dictum eſt, inſtructum ſex mil-  
 lia jaculatorum funditorumque antecedeabant. Quic-  
 quid in illis anguſtiis adiri poterat, impleverat copiæ:  
 cornuaque hinc à jugo, illinc à mari ſtabant; uxorem  
 matremque Regis, & alium ſeminarum gregem, in  
 medium agmen acceperant. Alexander phalangem,  
 qua nihil apud Macedonas validius erat, in fronte con-  
 ſiſtuit. dextrum cornu Nicanor Parmenionis filius tue-  
 batur: huic proximi ſtabant Cœnos, & Perdicas, &  
 Meleager, & Ptolemæus, & Amſyntas, ſui quiſque agmi-  
 nis duces. In lævo, quod ad mare pertinebat, Crate-  
 rus & Parmenio erant: ſed Craterus Parmenioni pare-  
 re juſſus. Equites ab utroque cornu locati: dextrum  
 Macedones Theſſalis adjunctis, lævum Peloponnenſes  
 tuebantur. Ante hanc aciem poſuerat funditorum  
 manum, ſagittariis admixtis. Thraces quoque & Cre-  
 tenſes ante agmen ibant, & ipſi leviter armati. At iis,  
 qui præmiſſi à Dario jugum montis inſederant, Agri-  
 anos oppoſuit, ex Græcia nuper adveſtos. Parmeni-  
 oni autem præceperat, ut quantum poſſet, agmen ad  
 mare extenderet, quo longius abeſſet montibus, quos  
 occupaverant Barbari. At illi, neque obſtare venien-  
 tibus, nec circumire prætergreſſos auſi, funditorum  
 maxime aſpectu territi, profugerant. Eaque res tutum  
 Alexandro agminis latus, quod ne ſuperne inceſſeretur  
 timuerat, præſtitit. Triginta & duo armatorum ordi-  
 nes ibant. neque enim latius extendi aciem patiebantur  
 anguſtiæ. Paulatim deinde ſe laxare ſinus monti-  
 um

um & majus spatium aperire cœperant, ita ut non pedes solum pluribus ordinibus incedere, sed etiam à lateribus circumfundi posset equitatus.

10. Jam in conspectu, sed extra teli jactum, utraque acies erat, cum priores Persæ inconditum & trucem sustulere clamorem. Redditur & à Macedonibus major, exercitus impar numero, sed jugis montium vastisque saltibus percussus. quippe semper circumjecta nemora petræque, quantamcunque acceperere vocem, multiplicato sono referunt. Alexander ante prima signa ibat; identidem manu suos inhibens, ne impensius ob nimiam festinationem concitato spiritu capessèrent prælium. Cumque agmini obequicaret, varia oratione, ut cujusque animis aptum erat, milites alloquebatur. Macedones, tot bellorum in Europa victores, ad subigendam Asiam, atque ultima Orientis, non ipsius magis, quam suo ductu profectos, inveteratæ virtutis admonebat. Illos terrarum orbis liberatores, emensosque olim Herculis & Liberi patris terminos, non Persis modo, sed etiam omnibus gentibus impositurus jugum. Macedonum Bactra & Indos fore; minima esse, quæ nunc intuerentur, sed omnia victoria parari. Non in præruptis petris Illyricorum, & Thraciæ saxis sterilem laborem fore; spolia totius Orientis offerri. Vix gladio futurum opus. Totam aciem suo pavore fluctuantem umbonibus posse propelli. Victor ad hæc Atheniensium Philippus pater invocabatur, domitæque nuper Bæotiæ, & urbis in ea nobilissimæ ad solum dirutæ species repræsentabatur animis: Jam Graniciæ amnem, jam tot urbes aut expugnatas, aut in fidem acceptas, omniaque quæ post tergum erant strata, & pedibus ipsorum subiecta, memorabat. Cum adierat Græcos, admonebat, ab iis gentibus illata Græciæ bella: Darii prius, deinde Xerxis insolentiæ, aquam ipsam, terramque populantium, ut neque fontium haustum, nec solitos cibos relinquerent. Dein Deum templa ruinis & ignibus esse deleta. Urbes eorum expugnatas, fœdera humani divinique juris violata referebat. Illyricos vero & Thracas, rapto vivere assuetos, aciem

em hostium, auro purpuraque fulgentem, intueri jubebat, prædam, non arma gestantem. Irent, & imbellibus feminis aurum viri eriperent. Aspera montium suorum iuga, nudosque colles, & perpetuo rigentes gelu, ditibus Persarum campis agrisque mutarent.

II. Jam ad teli jactum pervenerant, cum Persarum equites ferociter in lævum cornu hostium investiti sunt. Quippe Darius equestri prælio decernere optabat; phalangem Macedonici exercitus robur esse conjectans. Jamque etiam dextrum Alexandri cornu circuibatur: quod ubi Macedo conspexit, duabus alis equitum ad jugum montis jussis subsistere, ceteros in medium belli discrimen strenue transfert. Subductis deinde ex acie Thessalis equitibus, Præfectum eorum occulte circumire tergum suorum jubet, Parmenionique conjungi, & quod is imperasset, impigre exsequi. Jamque ipsi in medium Persarum undique circumfusi, egregie se tuebantur: sed conferti, & quasi cohærentes, tela vibrare non poterant. Simul ut erant emissæ, in eisdem concurrentia implicabantur, levique & vano ictu pauca in hostem, plura in humum innoxia cadebant. Ergo cominus pugnam coacti conferere, gladios impigre stringunt. Tum vero multum sanguinis fufum est: duæ quippe acies ita cohærebant, ut armis arma pulsarent, mucrones in ora dirigerent: non timido, non ignavo cessare tum licuit: collato pede, quasi singuli inter se dimicarent, in eodem vestigio stabant, donec vincendo locum sibi facerent. Tum demum ergo promovebant gradum, cum hostem prostraverant. At illos novus excipiebat adversarius fatigatos. Nec vulnerati, ut alias solent, acie poterant excedere, cum hostis instaret à fronte, à tergo sui urgerent. Alexander, non ducis magis, quam militis, munera exsequabarur, opimum decus casu Rege expetens. quippe Darius curru sublimis eminebat, & suis ad se tuendam, & hostibus ad incessendum, ingens incitamentum. Ergo frater ejus Oxathres cum Alexandrum instare ei cerneret, equites, quibus præerat,

erat, ante ipsum currum Regis objecit, armis & robore corporis multum super ceteros eminens, animo vero & pietate in paucissimis. Illo utique prælio clarus, alios improvide instantes prostravit, alios in fugam avertit. At Macedones, ut circa Regem erant; mutua adhortatione firmati, cum ipso in equitum agmen irrumpunt. Tum vero similis ruinæ strages erat. Circa currum Darii jacebant nobilissimi duces, ante oculos Regis egregia morte defuncti, omnes in ora proni, sicut dimicantes, procubuerant, adverso corpore vulneribus acceptis. Inter hoc Aticies, & Trountes, & Sabaces Prætor Ægypti, magnorum exercituum præfecti, noscitantur: circa eos cumulata erat peditum equitumque obscurior turba. Macedonum quoque, non quidem multi, sed promptissimi tamen, cæsi sunt. Inter quos Alexandri dexterum femur leviter mucrone perfrictum est. Jamque, qui Darium vehebant, equi confossi hastis, & dolore efferati, jugum quatere, & Regem curru excutere cæperant: cum ille, veritus ne vivus veniret in hostium, potestatem, desilit, & in equum, qui ad hoc sequebatur, imponitur: insignibus quoque Imperii, ne fugam proderent, indecore abjectis. Tum vero ceteri dissipantur metu; & quæ cuique patebat ad fugam via, erumpunt, arma jacentes, quæ paullo ante ad tutelam corporum sumpserant: adeo pavor etiam auxilia formidabat. Instabat fugientibus eques à Parmenione missus, & forte in id cornu omnes fuga abstulerat. At in dextro Persæ Thessalos equites vehementer urgebant. Jamque una ala ipso impetu proculcata erat, cum Thessali strenue circumactis equis dilapsi, rursus in prælium redeunt, & sparsos incompósitosque victoriæ fiducia Barbaros ingenti cæde prosternunt. Equi pariter equitesque Persarum, serie laminarum graves, agmen, quod celeritatē maxime constat, agre moliebantur: quippe in circumagendis equis suis Thessali multos occupaverant. Hac tam prospera pugna nunciata, Alexander non ante ausus persequi Barbaros, utrimque jam victor instare fugientibus cœpit. Haud amplius Regem quam mille equites

equites sequebantur : cum ingens multitudo hostium caderet. Sed quis aut in victoria aut in fuga copias numerat ? Agebantur ergo à tam paucis pecorum modo : & idem metus, qui cogebat fugere, fugientes morabatur. At Græci, qui in Darii partibus steterant Amynta duce ( Prætor hic Alexandri fuit, nunc transfuga ) abrupti à ceteris, haud sane fugientibus similes evaserant. Barbari longe diversam fugam intenderunt, alii qua rectum iter in Persidem ducebat : quidam circuitus, rupes, saltusque montium occultos petivere : pauci castra Darii. Sed jam illa quoque hostis victor intraverat, omni quidem opulentia ditia. Ingens auri argentique pondus, non belli, sed luxuriæ apparatus, diripuerant milites. Cumque plus raperent, passim strata erant itinera vilioribus sarcinis, quas in comparatione meliorum avaritia contempserat. Jamque ad feminas perventum erat. quibus, quo cariora ornamenta sunt, violentius detrahebantur : nec corporibus quidem vis ac libido parcebat. Omnia planctu, tumultuque, prout cuique fortuna erat, castra repleverant : nec ulla facies mali deerat, cum per omnes ordines ætatesque victoris crudelitas ac licentia vagaretur. Tunc vero impotentis fortunæ species conspici potuit, cum ii, qui tum Dario tabernaculum exornaverant, omni luxu & opulentia instructum, eadem illa Alexandro, quasi veteri domino, reservabant. Namque id solum intactum omiserant milites ; ita traditio more, ut victorem victi Regis tabernaculo exciperent. Sed omnium oculos animosque in semet converterant, captiva mater, conjunxque Darii. Illa non majestate solum, sed etiam ætate venerabilis : hæc formæ pulchritudine. nec illa quidem sorte corrupta, acceperat in sinum filium, nondum sextum ætatis annum egressum, in spem tantæ fortunæ, quantam paullo ante pater ejus amiserat, genitum. At in gremio anus aviæ jacebant adultæ virgines duæ, non suo tantum, sed illius more etiam consecræ. Ingens circa eam nobilium feminarum turba constiterat, laceratis crinibus, abscissaque veste, pristini decoris immemores ; Reginas, dominasque veris



ris quondam, tunc alienis nominibus vocantes. Illæ fac calamitatis oblitæ, utro cornu Darius sterisset, quæ fortuna discriminis fuisset, requirebant. Negabant, se captas, si viveret Rex. Sed illum, equos subinde mutantem, longius fuga abstulerat. In acie autem cæsi sunt Persarum peditum centum millia: decem vero millia interfecta equitum. At ex parte Alexandri quatuor & quingenti faucii fuere, triginta omnino & duo ex peditibus desiderati sunt, equitum centum quinquaginta interfecti. Tantulo impendio ingens victoria stetit.

12. Rex, qui diu Darium persequendo fatigatus erat, postquam & nox appetebat, & eum assequendi spes non erat, in castra paullo ante à suis capta pervenit. Invitari deinde amicos, quibus maxime assueverat, jussit: quippe summa duntaxat cutis in femore perstricta, non prohibebat interessè convivio. Tum repente è proximo tabernaculo lugubris clamor, barbaro ululatu, planctuque permixtus, epulantes conterrat. Cohors quoque, quæ excubabat ad tabernaculum Regis, verita ne majoris motus principium esset, armare se cœperat. Causa subiti pavoris fuit, quod mater uxorque Darii, cum captivis mulieribus nobilibus, Regem, quem interfectum esse credebant, ingenti gemitu ejulatuque dessebant. Unus namque è captivis spadonibus, qui forte ante ipsarum tabernaculum steterat, amiculum, quod Darius (sicut paullo ante dictum est,) ne cultu proderetur, abjecerat, in manibus ejus, qui repertum ferebat, agnovit: ratusque, interfecto detractum esse, falsum nuncium mortis ejus attulerat. Hoc mulierum errore comperto, Alexander fortunæ Darii, & pietati earum illacrymassè fertur. Ac primo Mithrenem, qui Sardeis prodiderat, peritum Persicæ linguæ, ire ad consolandas eas jusserat. Veritus deinde, ne proditor captivarum iram doloremque renovaret, Leonatum ex purpuratis suis misit, jussum indicare, falso lamentari eas Darium vivum. Ille cum paucis armigeris in tabernaculum, in quo captivæ erant, pervenit, missumque se à Rege, nunciare jubet.

At

At ii, qui in vestibulo erant, ut armatos conspexere, rati actum esse de dominis, in tabernaculum currunt, vociferantes, adesse supremam horam, missosque qui occiderent captas. Itaque, ut quæ nec prohibere possent, nec admittere auderent, nullo responso dato, tacite opperiebantur victoris arbitrium. Leonatus, expectato diu qui se introduceret, posteaquam nemo procedere audebat, relictis in vestibulo satellitibus, intrat in tabernaculum. Ea ipsa res turbaverat feminas, quod irrupisse, non admissus videbatur. Itaque mater & conjunx provolutæ ad pedes orare cœperunt, ut, priusquam interficerentur, Darii corpus ipsis patrio more sepelire permitteret: functas supremo in regem officio se impigre morituras. Leonatus, & vivere Darium, & ipsis non incolumis modo, sed etiam apparatu pristinae fortunæ Reginas fore. tum demum mater Darii allevari se passâ est. Alexander postero die, cum curam sepeliendis militibus impenderet, quorum corpora invenienerat, Persarum quoque nobilissimis eundem honorem haberi jubet; matrique Darii permitti, quos vellet, patrio more sepeliret. Illa paucos arcta propinquitate conjunctos pro habitu præsentis fortunæ humari jussit; apparatus funerum, quo Persæ suprema officia celebrarent, invidiosum fore existimans, cum victores haud pretiose cremarentur. Jamque justis defunctorum corporibus solutis, præmittit ad captivas, qui nunciarent ipsum venire. Inhibitaque comitanti-um turba, tabernaculum cum Hephæstione intrat. Is longe omnium amicorum carissimus erat Regi: cum ipso pariter educatus, secretorum omnium arbiter, libertatis quoque in admonendo eo non alius jus haberet, quod tamen ita usurpatur, ut magis à Rege permissum, quam vindicatum ab eo videretur. & sicut ætate par erat Regi, ita corporis habita præstabat. Ergo Regina illum Regem esse ratæ, suo more veneratæ sunt. Inde ex spadonibus captivis, quis Alexander esset, monstrantibus, Syfigambis advoluta est pedibus ejus; ignorationem nunquam antea visi Regis excusans. Quam manu allevans Rex, non errasti, inquit, mater: nam

nam & hic Alexander est. Equidem, si hac continentia animi ad ultimum vitæ perseverare potuisset, feliciorem fuisse crederem, quam visus est esse, cum Liberi patris imitaretur triumphum, ab Hellesponto usque ad Oceanum omnes gentes victoria emensus: si vicisset profecto superbiam atque iram, mala invicta: si abstinuisset inter epulas cædibus amicorum; egregiosque bello viros, & tot gentium secum domitores, indicta causa, veritus esset occidere. Sed nondum fortuna se animo ejus infuderat. Itaque orientem eam, moderate & prudenter tulit. ad ultimum, magnitudinem ejus non cepit. Tum quidem ita se gessit, ut omnes ante eum Reges, & continentia & clementia vincerentur: Virgines, & Reginas excellentis formæ, tam sancte habuit, quam si eodem quo ipse, parente genitæ forent. Conjugem ejusdem, quam nulla ætatis suæ pulchritudine corporis vicit, adeo ipse non violavit, ut summam adhibuerit curam, ne quis captivo corpori illuderet. Omnem cultum reddi feminis jussit, nec quidquam ex pristinae fortunæ magnificentia captivis, præter fiduciam, defuit. Itaque Sytigambis, Rex, inquit, mereris, ut ea precemur tibi, quæ Dario nostro quondam precatæ sumus: & (ut video) dignus es, qui tantum Regem non felicitate solum, sed etiam æquitate superaveris. Tu quidem matrem me & Reginam vocas, sed ego me tuam famulam esse confiteor. Et præteritæ fortunæ fastigium capio, & præsentis jugum pati possum. Tua interest, quantum in nos licuerit, si id potius clementia, quam sævitia, vis esse testatum. Rex bonum animum habere eas jussit: Darii deinde filium collo suo admovit. Atque nil ille conspectu tunc primum à se visi conterritus, cervicem ejus manibus amplectitur. Motus ergo Rex constantia pueri, Hephæstionem intuens, Quam vellem, inquit, Darius aliquid ex hac indole hausisset! Tum tabernaculo egressus, tribus aris in ripa Pyrami amnis, Jovi, atque Herculi, Minervæque sacratis, Syriam petit, Damascum, ubi Regis gaza erat, Parmenione præmissa.

13. Atque is, cum præcessisse Darii satrapam comperisset,

perisset, veritus, ne paucitas suorum sperneretur, accersire majorem manum statuit: Sed forte in exploratores ab eo præmissos incidit nomine Mardus, qui ad Parmenionem perductus, literas ad Alexandrum, à Præfecto Damasci missas, tradit ei: nec dubitare eum, quin omnem regiam supellectilem cum pecunia traderet, adjecit. Parmenio, asservari eo jussu, literas aperit: in quæis erat scriptum, ut mature Alexander aliquem ex ducibus suis mitteret cum manu exigua. Itaque re cognita, Mardum datis comitibus ad proditorum remittit. Ille è manibus custodientium lapsus, Damascum ante lucem intrat. Turbaverat ea res Parmenionis animum insidias timentis, & ignotum iter sine duce non audebat ingredi. Felicitati tamen Regis sui confusus, agrestes, qui duces itineris essent, excipi jussit: quibus celeriter repertis, quarto die ad urbem pervenit, jam metuentes Præfecto, ne sibi fides habitata non esset. Igitur, quasi parum munimentis oppidi fidens, ante solis ortum pecuniam regiam, quam gazam Persæ vocant, cum pretiosissimis rerum efferri jubet, fugam simulans, revera ut prædam hosti offerret. Multa millia virorum feminarumque excedentem oppido sequebantur; omnibus miserabilis turba, præter eum, cujus fidei commissa fuerat: quippe quo major proditoris merces foret, objicere hosti parabat gratiorem omni pecunia prædam, nobiles viros prætorum Darii conjuges, liberosque, præter hos urbium Græcarum legatos, quos Darius, velut in arce tutissima, in proditoris reliquerat manibus. Gangabas Persæ vocant humeris onera portantes: hi cum frigus tolerare non possent, quippe & procella subito nivem effuderat, & humus rigebat gelu, tum astrictas vestes, quas cum pecunia portabant, auro, & purpura insignes, induunt, nullo prohibere auso, cum fortuna Regis, etiam humillimis, in ipsum licentiam faceret. Præbuere ergo Parmenioni non spernendi agminis speciem, qui intentiore cura suos quasi ad justum prælium paucis adhortatus, equis calcaria subdere jubet, & accri imperu in hostem invehit. At illi, qui sub oneribus

bus erant, omiſſis illis, per metum capeſſunt fugam. Armati quoque, qui eos perſequebantur, eodem metu arma jactare, ac nota diverticula petere ceperunt. Præfectus quaſi & ipſe conterritus, ſimulans, cuncta pavore compleverat. Jacebant totis campis opes regiæ. Illa pecunia ſtipendio ingenti militum præparata: ille cultus tot nobilium virorum, tot illuſtrium feminarum: aurea vaſa, aurei fræni, tabernacula regali magnificæntia ornata: vehicula quoque à ſuis deſtituta ingentis opulentia plena; facies etiam prædantibus triſtis, ſi qua res avaritiam moraretur: quippe tot annorum incredibili, & fidem excedente fortuna cumulata, tunc alia ſtirpibus dilacerata, alia in cœnum demerſa eruebantur. Non ſufficiebant prædantium manus prædæ. Jamque etiam ad eos, qui primi fugerant, ventum erat. Feminae pleræque parvos trahentes liberos ibant, inter quas tres fuere virgines, Ochi, qui ante Darium regnaverat, filia, olim quidem ex ſtigio paterno rerum mutatione detractæ, ſed tum ſortem earum crudelius aggravante fortuna. In eodem grege uxor quoque ejuſdem Ochi fuit, Oxathriſque (frater hic erat Darii) filia, & conjunx Artabazi principis purpuratorum: & filius cui Ilioneo fuit nomen. Pharnabazi quoque, cui ſummum imperium maritimæ oræ Rex dederat, uxor cum filio excepta eſt; Mentoris filia tres, ac nobiliſſimi ducis Memnonis conjunx, & filius: vixque ulla domus purpurati fuit tantæ cladis expers. Lacedæmonii quoque, & Athenienſes, ſocietatis fide violata, Perſas ſecuti Ariſtogiton, Dropides, & Eleutherius, inter Athenienſes genere ſamaque longe clariſſimi. Lacedæmonii, Perſiſſippus, & Onomaſtorides, cum Omaio & Callicratide, ii quoque domi nobiles. Summa pecuniæ ſignatæ fuit talentorum duo millia & ſexaginta; facti argenti pondus quingenta æquabat. Præterea xxx millia hominum, cum ſeptem milibus jumentorum, dorſo onera portantium, capta ſunt. Ceterum, Dii tantæ fortunæ proditorem ſepulchræ celeriter debita poena perſecuti ſunt. Namque unus è conſciis ejus, credo Regis vicem etiam in illa ſorte reveritus,

revertus, interfecti proditoris caput ad Darium tulit,  
opportunum solatium prodito: quippe & ultus inimi-  
cum erat, & nondum in omnium animis memoriam  
majestatis suæ exolevisse cernebat.

---

QUINTI

I  
re  
de  
ta  
P  
u  
ri  
cip  
Ty  
pi  
fr  
fo  
ad  
leg  
ci  
rea  
pra  
ten  
cin  
Ga  
pra  
fici  
Al  
Han  
8  
con  
dis

## Q U I N T I C U R T I I

## L I B E R I V.

## B R E V I A R I U M L I B R I.

1. *Alexander literis à Dario superbe scriptis regie respondet. Abdolonymum Sideniis regem praeſcit. Amyntas transfuga, miro modo à Persis ipsis occiditur. Varia variis locis praefectorum Darii clades.*
2. *Tyrii, Alexandrum recipere recusantes, obsidentur.*
3. *Dubius belli eventibus Tyri obsidio nobilitatur.*
4. *Tandem Tyrus, vi capta maximaque hominum strage corrupta, luctuoso deformatur incendio.*
5. *Darii iterata de pace ad Alexandrum submissior legatio: qua repudiata, Graeci Alexandrum corona aurea donant: ille autem, per praefectos, multas in potestatem suam redigit provincias.*
6. *Ad bellum dum se accingit Darius, Alexander Garam expugnat: ejusque praefectum Batim crudeli afficit supplicio.*
7. *Praefectio, & varia Alexandri quaesita ad Jovis Hammonis craculum.*
8. *In Aegypto Alexandria condita, variaque Alexandri bellica expeditiones.*
9. *Darius ad Arbellas pervenit, eoque invito Alexander Granicum superat.*
10. *Milites, ob luna defectum turbatos, per Aegyptios vates confirmat Alexander: Persas vastatores conjicit in fugam. Darii uxor captiva, morore confecta, supremum diem claudis: unde Alexandri lacryma, Darii suspiciones, luctus & vota.*
11. *Pacem tertio quaesitam Darius non impetrat: imo ad deditionem, aut ad bellum, ab Alexandro provocatus.*
12. *Ad praelium dum Persarum ingens exercitus paratur, Macedones Panico quodam defuncti terrore, arma alacriter capeſſunt.*
13. *Consilia de nocturno praelio Parmenionis & Polypercontis Alexander damnat: somnoque reſectus, interrito vultu suos ad pugnam accendit.*
14. *Alexandri ad Graecorum, Dariique ad Persarum exercitus, ante pugnam orationes.*
15. *Cruenti ad Arbellas praelii descriptio. Victor Alexander,*

*xander, Darium victum persequitur.*

16. *Parmenio in discrimine constitutus, Alexander fugam sibi quaerere salutem cœdum retrahit. Tandem in-*

*tegra victoria potiti Macedones, reliquos Persas, multis*

*suorum millibus desideratis, fuga sibi quaerere salutem cœdunt.*

**D**Arius tanti modo exercitus Rex, qui triumphantis magis, quam dimicantis more curru sublimis inierat prælium, per loca quæ prope immensis agminibus compleverat, jam inania, & ingenti solitudine vasta, fugiebat. Pauci Regem sequebantur. nam nec eodem omnes fugam intenderant; & deficientibus equis, cursum eorum, quos Rex subinde mutabat, æquare non poterant. Unchas deinde pervenit, ubi exceperere eum Græcorum quatuor millia, cum quibus ad Euphratem contendit, id demum credens fore ipsius, quod celeritate præripere potuisset. At Alexander Parmenionem, per quem apud Damascus recepta erat præda, iussu eam ipsam, & captivos diligenti asservare custodia, Syriæ, quam Coelen vocant, præfecit. Novum imperium Syri, nondum belli cladibus satis domiti, aspernabantur: sed celeriter subacti, obedientes imperata fecerunt. Nardus quoque insula deditur regi. Maritimam tamen oram, & pleraque longius etiam à mari recedentia, Rex ejus insulæ Strato possidebat: quo in fidem accepto, castra movit ad urbem Marathon. Ibi illi literæ à Dario redduntur: quibus ut superbe scriptis vehementer offensus est. Præcipue eum movit, quod Darius sibi Regis titulum, nec eundem Alexandri nomini adscripserat. Postulabat autem magis, quam petebat, ut accepta pecunia quantamcunque tota Macedonia caperet, matrem sibi, ac conjugem, liberosque restitueret. De regno, æquo, si vellet, Marte contenderet. Si saniora consilia tandem pati potuisset, contentus patrio, cederet alieni imperii finibus: socius amicusque esset. in ea se fidem & dare paratum, & accipere. Contra Alexander in hunc maxime modum rescripsit: *Rex Alexander Dario. Ille, cujus nomen sumpsi, Darius, Græcos,*



Græcos, qui oram Hellepontii tenent, coloniasque Græcorum Ionias, omni clade vastavit. cum magno deinde exercitu mare trajecit, illato Macedoniæ & Græciæ bello. Rursus Rex Xerxes gentis ejusdem, ad oppugnandos nos cum immanium Barbarorum copiis venit: qui, navali prælio victus, Mardonium tamen reliquit in Græcia, ut absens quoque popularetur urbes, agros ureret. Philippum verò parentem meum quis ignorat ab his interfectum esse, quos ingentis pecuniæ spe sollicitaverant vestri? Impia enim bella suscipitis, & cum habeatis arma, licitamini hostium capita, sicut tu proximè talentis mille, tanti exercitus Rex, percussorem in me emere voluisti. Repello igitur bellum, non infero. Et Diis quoque pro meliore stantibus causâ, magnam partem Asiæ in ditionem redegei meam, te ipsum acie vici. quem etsi nihil à me impetrare oportebat, quod petieras; utpote qui ne belli quidem in me jura servaveris; tamen si veneris supplex, & matrem, & conjugem, & liberos, sine pretio recepturum te esse promitto. Et vincere, & consulere victis scio. Quod si te nobis committere times, dabimus fidem impune venturum. De cetero, cum mihi scribes, memento non solum Regi te, sed etiam tuo, scribere. Ad hanc perferendam Therisippus missus. ipse in Phœnicen deinde descendit, & oppidum Biblon traditum recepit. Inde ad Sidona ventum est, urbem vetustate famaue conditorum inclytam. Regnabat in ea Strato, Darii opibus adjutus; sed quia deditionem magis popularium, quam sua sponte fecerat, regno visus indignus: Hephæstionique permissum, ut quem eo fastigio Sidones dignissimum arbitrantur, constitueret Regem. Erant Hephæstioni hospites, clari inter suos juvenes, qui facta ipsis potestate regnandi, negaverunt quemquam patrio more in id fastigium recipi, nisi regia stirpe ortum. Admiratus Hephæstio magnitudinem animi spernentis, quod alii per ignes ferrumque peterent, Vos quidem macti virtute, inquit, estote, qui primi intellexistis, quanto majus esset regnum fastidire, quam accipere. Ceterum date aliquem

regiæ stirpis, qui meminerit, à vobis acceptum habere se regnum. At illi, cum multos imminere tantæ spei cernerent, singulis amicorum Alexandri ob nimiam regni cupiditatem adulantes, statuunt, neminem esse potiore, quam Abdolonymum quendam, longa quidem cognatione stirpi regiæ annexum, sed ob inopiam suburbanum hortum exigua colentem stipe. Causa ei paupertatis, sicut plerisque, probitas erat: intentusque operi diurno, strepitum armorum, qui totam Asiam concusserat, non exaudiebat. Subito deinde, de quibus ante dictum est, cum regiæ vestis insignibus hortum intrant, quem forte, steriles herbas eligens, Abdolonymus repurgabat. Tunc rege eo salutato, alter ex his, Habitus, inquit, hic quem cernis in meis manibus, cum isto squalore permutandus tibi est. Ablue corpus illuvie æternisque sordibus squalidum. Cape Regis animum, & in eam fortunam, qua dignus es, istam continentiam profer. Et cum in regali solio resideris, vitæ necisque omnium civium dominus, cave obliviscaris hujus status, in quo accipis regnum: imo hercule, propter quem. Somnio similis res Abdolonymo videbatur. Interdum, satissæ fini essent, qui tam proterve sibi illuderent, percunctabatur. Sed ut cunctanti squalor ablutus est, & injecta vestis purpura auroque distincta, & fides à jurantibus facta serio: jam Rex iisdem comitibus in regiam pervenit, Fama, ut solet, strenue totas urbes discurrit: aliorum studium, aliorum indignatio eminebat. Ditissimus quisque humilitatem inopiamque ejus apud amicos Alexandri criminabatur. Admitti cum Rex protinus jussit, diuque contemplatus, Corporis, inquit, habitus, famæ generis non repugnat: sed libet scire, inopiam qua patientia tuleris. Tum ille, Utinam, inquit, eodem animo regnum pati possim. Hæ manus sufficere desiderio meo: nihil habenti, nihil defuit. Magnæ indolis specimen ex hoc sermone Abdolonymi cepit. Itaque non Stratonis modo regiam supellectilem attribui ei jussit, sed pleraque etiam ex Persica præda: regionem quoque urbi appositam, ditioni ejus adjecit. Interea

rea Amyntas, quem ad Persas ab Alexandro transfugisse diximus, cum quatuor millibus Græcorum, ipsum ex acie persecutus, fuga Tripolim pervenit: Inde, in naves militibus impositis, Cyprum transmisit: & cum in illo statu rerum id quemque, quod occupasset, habiturum arbitraretur, velut certo jure possessum, Ægyptum petere decrevit. Utrique Regi hostis, & semper ex ancipiti mutatione temporum pendens, hortatusque milites ad spem tantæ rei, docet; Sabacem Prætores Ægypti cecidisse in acie: Persarum præsidium, & sine duce esse, & invalidum; Ægyptios semper Prætoribus eorum infensos, pro sociis ipsos, non pro hostibus æstimaturos. Omnia experiri necessitas coegit quippe cum primas spes fortuna destituit, futura præsentibus videntur esse potiora. Igitur conclamant, duceret, quo videretur. Atque ille utendum animis, dum spe calerent, ratus, ad Pelusii ostium penetrat, simulans, à Dario se esse præmissum. Potitus ergo Pelusii, Memphin copias promovit: ad cuius famam Ægyptii, vana gens, & novandis quam gerendis aptior rebus, ex suis quisque vicis urbibusque ad hoc ipsum concurrunt, ad delenda præsidia Persarum: qui territi, tamen spem obtinendi Ægyptum non amiserunt. Sed eos Amyntas prælio superatos in urbem compellit, castrisque positos victores ad populandos agros eduxit, ac velut in medio positos omnibus, hostium cuncta agebantur. Itaque Mazeces, quancquam infelici prælio suorum animos territos esse cognoverat: tamen palantes, & victoriæ fiducia incautos ostentans, perpulit, ne dubitarent ex urbe erumpere, & res amissas recuperare. Id consilium non ratione prudentius, quam eventu felicius fuit. Ad unum omnes cum ipso duce occisi sunt. Has poenas Amyntas utrique Regi dedit, nihilo magis ei, ad quem transfugerat, fidus, quam illi, quem deseruerat. Darii prætores, qui prælio apud Isson superfuerunt, cum omni manu, quæ fugientes secuta erat, assumpta etiam Cappadocum & Paphlagonum juventute, Lydiam recuperare tentabant. Antigonus Prætor Alexandri Lydiæ præerat: qui, quan-

quam plerosque militum ex prædiis ad Regem dimiserat, tamen Barbaris spretis in aciem suos eduxit. Eadem illinc quoque fortuna partium fuit: tribus præliis alia atque alia regione commissis, Persæ funduntur. Eodem tempore classis Macedonum, ex Græcia accitata, Aristomenem, qui ad Hellesponti oram recuperandam à Dario erat missus, captis ejus aut demersis navibus superat. A Milesiis deinde Pharnabazus Præfectus Persicæ classis pecunia exacta, & præsidio in urbem Chium introducto, centum navibus Andrum, & inde Syphnum petiit: eas quoque insulas prædiis occupat, pecunia mulctat. Magnitudo belli, quod ab opulentissimis Europæ Asiæque Regibus in spem totius orbis occupandi gerebatur. Græciæ quoque & Cretæ arma commoverat. Agis Lacedæmoniorum Rex octo milibus Græcorum, qui ex Cilicia profugi domos repetierant, contractis, bellum Antipatro Macedoniae præfecto moliebatur. Cretenses, has aut illas partes secuti, nunc Spartanorum, nunc Macedonum prædiis occupabantur. Sed leviora inter illos fuere discrimina; unum certamen, ex quo cetera pendebant, intuite fortuna.

2. Jam tota Syria, jam Phœnice quoque, excepta Tyro, Macedonum erant: habebatque Rex castra in continenti, à quo urbem angustum fretum dirimit. Tyrus & claritate & magnitudine ante omnes urbes Syriæ Phœnicesque memorabilis, facilius societatem Alexandri acceptura videbatur, quam imperium. Coronam igitur auream legati donum afferebant, comæatusque large & hospitaliter ex oppido adduxerat. Ille dona, ut ab amicis, accipi jussit, benigneque legatos allocutus, Herculi (quem præcipue Tyrii colerent) sacrificare velle se dixit. Macedonum Reges credere, ab illo Deo ipsos genus ducere: se vero, ut id faceret, etiam oraculo monitum. Legati respondent, esse templum Herculis extra urbem, in ea sede quam Palætyron ipsi vocant. Ibi Regem Deo sacrum rite facturum. Non tenuit iram Alexander, cujus alioquin potens non erat. Itaque, Vos quidem, inquit, fiducia loci,

loci, quod insulam incolitis, pedestrem hunc exercitum spernitis: sed brevi ostendam, in continenti vos esse. Proinde sciatis licet, aut intraturum me urbem, aut oppugnaturum. Cum hoc responso dimissos monere amici coeperunt, ut Regem, quem Syria, quem Phœnice recepisset, ipsi quoque urbem intrare paterentur. At illi, loco satis fisi, obsidionem ferre decreverunt: namque urbem à continenti quatuor stadiorum fretum dividit, Africo maxime objectum, crebros ex alto fluctus in litus evolvens: nec accipiendo operi, quo Macedones continenti insulam jungere parabant, quidquam magis, quam ille ventus, obstabat. Quippe vix leni & tranquillo mari moles agi possunt. Africanus vero prima quæque congesta pulsi illis mari subruit: nec ulla tam firma moles est, quam non exedant undæ per nexus operum manantes, & ubi acrior status exitit, summi operis fastigio superflua. Præter hanc difficultatem, haud minor alia erat: muros turesque urbis præaltum mare ambiebat. Non tormenta, nisi è navibus procul excussa, emitti, non scalæ moenibus applicari poterant. Præceps in salum murus pedestre intercepterat iter: naves nec habebat Rex, & si admovisset, pendentes & instabiles missilibus arceri poterant. Inter quæ, haud parva dictu res Tyrriorum fiduciam accendit. Carthaginensium legati ad celebrandum anniversarium sacrum more patrio tunc venerant: quippe Carthaginem Tyrii condiderunt, semper parentum loco culti. Hortari ergo Pœni coeperunt, ut obsidionem forti animo paterentur; brevi Carthagine auxilia ventura: namque ea tempestate magna ex parte Punicis classibus maria obsidebantur. Igitur bello decreto per muros terresque tormenta disponunt, arma junioribus dividunt, opificesque, quorum copia urbs abundabat, in officinas distribuunt. Omnia belli apparatu strepunt: ferreæ quoque manus (harpaginas vocant) quas operibus hostium injicerent, corvique, & alia tuendis urbibus excogitata, præparabantur. Sed cum fornacibus ferrum, quod excudi oportebat, impositum esset, adnotisque follibus ignem fla-

tu accenderent, sanguinis rivi sub ipsis flammis extitisse dicuntur. Idque omen in Macedonum metum verterunt Tyrii. Apud Macedonas quoque, cum forte panem quidam militum frangeret, manantis sanguinis guttas notaverunt. Territoque Rege, Aristander peritissimus vatum respondit, si extrinsecus cruor fluxisset, Macedonibus id triste futurum. Contra, cum ab interiore parte manaverit, urbi, quam obsidere destinassent, exitium portendere. Alexander cum & classem procul haberet, & longam obsidionem magno sibi ad cetera impedimento videret fore, caduceatores, qui ad pacem eos compellerent, misit: quos Tyrii contra jus gentium occisos præcipitaverunt in altum. Atque ille suorum tam indigna nece commotus, urbem obsidere statuit. Sed ante jacienda moles erat, quæ urbem continenti committeret. Ingens ergo animos militum desperatio incessit, cernentium profundum mare, quod vix divina ope possit impleri: quæ saxa tam vasta, quas tam proceras arbores posse reperiri? exhaustas esse regiones, ut illud spatium aggeraretur, & exæstare semper fretum, quoque arctius voluteretur inter insulam & continentem, hoc acrius furere. At ille haudquaquam rudis tractandi militares animos, speciem sibi Herculis in somno oblatam esse pronunciat, dexteram porrigentis: illo duce, illo aperiente, in urbem intrare se visum. Inter hæc caduceatores interfectos, gentium jura violata referebat. Unam esse urbem, quæ cursum victoris morari causa esset. Ducibus deinde negotium datur, ut suos quisque castiger: satisque omnibus stimulis, opus orsus est. Magna vis saxorum ad manum erat, Tyro vetere præbente. materies ex Libano monte ratibus & turribus faciendis vehebatur. Jamque à fundo maris in altitudinem montis opus excreverat: nondum tamen aquæ fastigium æquabat: & quo longius moles agebatur à littore, hoc magis quicquid ingerebatur, præaltum absorbebat mare: cum Tyrii, parvis navigiis admotis, per ludibrium exprobrabant, illos, armis inclytos, dorso, sicut jumenta, onera gestare.

Interro-

Interrogabant etiam, num major Neptuno esset Alexander. Hæc ipsa infectatio alacritatem militum accendit. Jamque paululum moles aquam eminebat, & simul aggeris latitudo crescebat, ubique admovebatur: cum Tyrii, magnitudine molis, cujus incrementum eos ante fefellerat, conspecta, levibus navigiis nondum commissum opus circuire coeperunt: missilibus eos quoque, qui pro opere stabant, incescere. Multis ergo impune vulneratis, cum & remove & appellere scaphas in expedito non esset, ad curam semet ipsos tuendi ab opere converterant. Igitur ex jumentis coria velaque jussit obtendi, ut extra teli jactum essent, duasque turres ex capite molis erexit, è quibus in subeuntes scaphas tela ingeri possent. Contra, Tyrii navigia procul à conspectu hostium litori appellant; expositisque militibus, eos, qui fixa gestabant, obtruncant. In Libano quoque Arabum agrestes, incompósitos Macedonas aggressi, triginta fere interficiunt, paucioribus captis.

3. Ea res Alexandrum dividere copias coëgit: Et ne segniter assidere uni urbi videretur, operi Perdicam Craterumque præfecit: ipse cum expedita manu Arabiam petit. Inter hæc Tyrii navem magnitudine eximia, saxis arenaque à puppi oneratam, ita ut multum proa emereret, bitumine ac sulphure illitam remis concitaverunt: & cum magnam vim venti vela quoque concepissent, celeriter ad molem successit. Tunc proa ejus accensa, remiges defiliere in scaphas, quæ ad hoc ipsum præparatæ sequebantur. Naves autem, igne concepto, latius fundere incendium coepit, quod, priusquam posset occurri, turres, & cetera opera in capite molis posita comprehendit. At qui defilierant in parva navigia, faces & quidquid alendo igni aptum erat, in eadem opera ingerunt. Jamque non modo Macedonum turres, sed etiam summa tabulatæ, conceperant ignem: cum ii, qui in turribus erant, partim haurirentur incendio, partim armis omissis in mare semet ipsi immittere. At Tyrii, qui capere eos, quam interficere malle, natantium manus stupitibus

saxisque lacerabant, donec debilitati impune navigiis excipi possent: nec incendio solum opera consumpta, sed forte eodem die vehementior ventus motum ex profundo mare illisit in molem, crebrisque fluctibus compages operis verberatae se laxavere, saxaque interfluens unda medium opus rupit. Prorutis igitur lapidum cumulis, quibus injecta terra sustinebatur, praecipit in profundum ruit, tantaque molis vix ulla vestigia invenit ab Arabia rediens Alexander. Hic (quod in adversis rebus solet fieri) alius in alium culpam referebat, cum omnes verius de sevitia maris queri possent. Rex novi operis molem orsus, id adversum ventum, non latere, sed recta fronte direxit, quod cetera opera velut sub ipso latentia tuebatur. Latitudinem quoque aggeri adjecit, ut turres in medio erectae, procul teli jactu abessent. Totas autem arbores cum ingentibus ramis in altum jaciebant. deinde saxis onerabant. Rursus cumulo eorum alias arbores injiciebant. Tum humus aggerebatur. super quae alia strue saxorum arborumque cumulata, velut quodam nexu continens opus junxerant. Nec Tyrii, quidquid ad impediendam molem excogitari poterat, segniter exsequiebantur. Praecipuum auxilium erat, qui procul hostium conspectu subibant aquam, oculoque lapsu ad molem usque penetrabant, falcibus palmites arborum eminentium ad se trahentes: quae ubi secutae erant, pleraque secum in profundum dabant: tum levatos onere stipites truncoque arborum haud ægre moliebantur. Deinde totum opus, quod stipitibus fuerat innixum, fundamento lapsò, sequebatur. Ergo animi Alexandro, & utrum perseveraret an abiret, satis incerto, classis Cypro advenit. Eodemque tempore Cleander, cum Græcis militibus in Asiam nuper advectus, centum & octoginta navium classem in duo dividit cornua. Laevum Pythagoras Rex Cypriorum, cum Cratero tuebatur: Alexandrum in dextero quinqueregis regia vehebat. Nec Tyrii, quamquam classem habebant, ausi navale inire certamen, triremes omnes ante ipsa moenia opposuerunt, quibus Rex in-

vectus,



vectus, ipsas demersit. Postera die, classe ad moenia admota, undique tormentis, & maxime arietum pulso, muros quatit: quos Tyrii raptim obstructis saxis refecerunt. Interiorem quoque murum, ut, si prior fefellisset, illo se tuerentur, undique orsi. Sed undique vis mali urgebat: moles intra teli jactum erat: classis moenia circuibat: terrestri simul navalique clade obruebantur. Quippe binas quadriremes Macedones inter se ita junxerant, ut, proræ cohærent; puppes intervallo, quantum capere poterant, distarent. Hoc puppium intervallum, antennis asseribusque validis deligatis, superque eos pontibus stratis, qui militem sustinerent, impleverant. sic instructas quadriremes ad urbem agebant: inde missilia in propugnantes ingeriebantur tuto, quia proris miles tegebatur. Media nox erat, cum classem, sicuti dictum est, paratam circumire urbem jubet: jamque naves urbi undique admovebantur, & Tyrii desperatione torpebant, cum subito spissæ nubes intendere se cælo, & quidquid lucis internitebat, effusa caligine, extinctum est. Tum inhorrescens mare, paulatim levare, deinde acius vento concitatum, fluctus cingere, & inter se navigia collidere. Jamque scindi cœperant vincula, quibus connexæ quadriremes erant, ruere tabulata, & cum ingenti fragore in profundum secum milites trahere. Neque enim conferta navigia ulla ope in turbido regi poterant. Miles ministeria nautarum, remex militis officia turbabat, & quod in hujusmodi casu accidit, periti ignaris parebant: quippe gubernatores alias imperare soliti, tum metu mortis jussa exsequerantur. Tandem remis pertinacius everberatum mare, veluti eripientibus navigia classicis cessit, appulsæque sunt littori lacerata pleraque. Iisdem diebus forte Carthagenensium legati triginta superveniunt; magis obsessis solatium, quam auxilium: quippe domestico bello Poenos impediri, nec de imperio, sed pro salute dimicare nunciabant. Syracusani tunc Africam urgebant, & haud procul Carthaginis muris locaverant castra. Non tamen defecere animis Tyrii, quanquam

ab ingenti spe destituti erant, sed conjuges liberosque devehendos Charthaginem tradiderunt; fortius quidquid accideret laturo, si carissimam sui partem extra communis periculi sortem habuissent. Cumque unus è civibus concioni indicasset, oblatam esse per somnum sibi speciem Apollinis, quem eximia religione colerent, urbem deferentis, molemque à Macedonibus jactam in salo, in silvestrem saltum esse mutatam: quanquam auctor levis erat, tamen ad deteriora credenda proni, metu aurea catena devinxere simulacrum, aræque Herculis, cujus numini urbem dicerant, inferuere vinculum, quasi illo Deo Apollinem retenturi. Syraculis id simulacrum devexerant Pœni, & in majore locaverant patria, multisque aliis spoliis urbium à semet captarum, non Carthaginem magis quam Tyrum ornaverant. Sacrum quoque, quod quidem Diis minime cordi esse crediderim, multis sæculis intermissum, repetendi auctores quidam erant, ut ingenuus puer Saturno immolaretur. quod sacrilegium verius, quam sacrum, Carthaginenses, à conditoribus traditum, usque ad excidium urbis suæ fecisse dicuntur: ac nisi seniores obstitissent, quorum consilio cuncta agebantur, humanitatem dira superstitio vicisset. Ceterum efficacior omni arte imminens necessitas, non usitata modo præsidia, sed quædam etiam nova admovit. Namque ad amplianda navigia, quæ muros subibant, validis asseribus corvos & ferreas manus cum uncis ac falcibus illigaverant, ut, cum tormento asseres promovissent, subito laxatis funibus injicerent. Unci quoque & falces ex iisdem asseribus dependentes, aut propugnatores, aut ipsa navigia lacerabant. Clypeos verò æneos intulto igne torrebant, quos repletos fervida arena cænoque decocto, è muris subito devolvebant, nec ulla pestis magis timebatur. Quippe ubi lorricam corpusque fervens arena penetraverat, nec ulla vi excuri poterat, & quicquid attigerat, perurebat: jacentesque arma, laceratis omnibus, quæ protegi poterant, vulneribus inulti patebant. Corvi vero & ferreæ manus tormentis emissæ, plerosque rapiebant.

4. Hic Rex fatigatus, statuerat, soluto obsidione, Ægyptum petere: quippe cum Asiam ingenti celeritate percurrisset, circa muros unius urbis hærebat, tot maximarum rerum opportunitate dimissa. Ceterum tam discedere irritum, quam morari pudebat. Fæmam quoque, qua plura quam armis everterat, ratus leviores fore, si Tyrum, quasi testem se posse vinci, reliquisset. Igitur ne quid inexpertum omitteret, plures naves admoventi jubet, delectosque militum imponi. Et forte bellua inusitatae magnitudinis, super ipsos fluctus dorso eminens, ad molem quam Macedones jecerant, ingens corpus applicuit, diverberatisque fluctibus allevans semet, utrinque conspecta est. Deinde, à capite molis, rursus alto se immerfit: ac modo super undas eminens magna sui parte, modo superfusus fluctibus condita, haud procul munimentis urbis emerfit. Utrisque lætus fuit belluæ adspectus. Macedones iter jaciendo operi monstrasse eam augurabantur. Tyrii, Neptunum occupati maris vindictam abripuisse belluam ad molem brevi profecto ruituram: lætique omine eo, ad opulas dilapsi, onerare se vino: quo graves, orto sole navigia conscendunt, redimita coronis floribusque: adeo victoriæ non omen modo, sed etiam gratulationem præceperant. Forte Rex classem in diversam partem agi jusserat, triginta minoribus navigiis relictis in littore, è quibus Tyrii duobus capris, cetera ingenti terruerant metu: donec suorum clamore audito, Alexander classem litori, à quo fremirus acciderat, admovit. Prima è Macedonum navibus quinqueregis, velocitate inter ceteras eminens, occurrit: quam ut conspexere Tyrii, duæ è diverso in latera ejus invectæ sunt; in quarum alteram quinqueregis eadem concitata, & ipsa rostro icta est, & illam invicem tenuit. Jamque ea, quæ non cohærebat, libero impetu evecta in aliud quinqueregis latus invehatur, cum opportunitate mira triremis è classe Alexandri, in eam ipsam, quæ quinqueregi imminabat, tanta vi impulsæ est, ut Tyrius gubernator in mare excuteretur è puppi. Plures deinde Macedonum naves superveniunt,

unt; & Rex quoque aderat; cum Tyrii inhibentes remos, ægre evellere navem quæ hærebat, portumque omnia simul navigia repetunt. Confestim Rex infectus, portum quidem intrare non potuit, cum procul è muris missilibus submoveretur: naves autem omnes fere aut demersit, aut cepit. Biduo deinde ad quietem dato militibus, jussisque & classem & machinas pariter, admove, & undique territis instare, ipse in altissimam turrin ascendit; ingenti animo, periculo majore; quippe regio insigni, & armis fulgentibus conspicuus, unus præcipue telis petabatur, & digna prius spectaculo edidit: multos è muris propugnantes hasta transfixit: quosdam etiam cominus gladio elypeoque impulsos præcipitavit. quippe turris, ex qua dimicabat, muris hostium propemodum cohærebat. Jamque crebris arietibus saxorum compage laxata, munimenta defecerant; & classis intraverat portum, & quidam Macedonum in turres hostium desertas evaserant: cum Tyrii, tot simul malis victi, alii supplices in templa confugiunt, alii foribus ædium obseratis occupant liberum mortis arbitrium; nonnulli ruunt in hostem, haud inulte tamen perituri. Magna pars summa tectorum obtinebat; saxa, & quidquid manibus fors dederat, ingerentes subeuntibus. Alexander, exceptis qui in templa confugerant, omnes interhei, ignemque rectis injicit juber. His per præcones pronuntiatis, nemo tamen armatus opem à Diis petere sustinuit. Pueri virginesque templa compleverant: viri in vestibulo suarum quisque ædium stabant, parata sævientibus turba. Multis tamen saluti fuere Sidonii, qui intra Macedonum præsidia erant. Hi urbem quidem inter victores intraverant, sed cognationis cum Tyriis memores (quippe utramque urbem Agenorem condidisse credebant) multos Tyriorum etiam protegentes ad sua perduxere navigia. quibus occultatis, Sidona deVecti sunt. Quindecim millia hoc facto subducta sevitæ sunt. Quantumque sanguinis fustum sit, vel ex hoc existimari potest, quod intra munimenta urbis, sex millia armatorum trucidata sunt. Triste deinde

deinde spectaculum victoribus ira præbuit Regis. Duo millia, in quibus occidendis defecerat rabies, crucibus affixi, per ingens litoris spatium pependerunt. Carthagenensium legatis pepercit, addita denunciatione belli, quod præsentium rerum necessitas moraretur. Tyrus septimo mense, quam oppugnari coëpta erat, capta est: urbs & vetustate originis, & crebra fortunæ varietate ad memoriam posteritatis insignis: condita ab Agenore, diu mare, non vicinum modo, sed quodcunque classes ejus adierunt, ditionis suæ fecit: &, si famæ libet credere, hæc gens literas prima aut docuit aut didicit. Coloniae certe ejus pene orbe toto diffusæ sunt, Carthago in Africa, in Bæotia Thebæ, Gades ad Oceanum. Credo, libero commeantes mari, sæpiusque adeundo ceteris incognitas terras, elegisse sedes juventuti, qua tunc abundabant: seu quia crebris motibus terræ (nam hoc quoque traditur) cultores ejus fatigati, nova & externa domicilia armis sibimet quærere cogebantur. Multis ergo casibus defuncta, & post excidium renata, nunc tamen longa pace cuncta refovente, sub tutela Romanæ mansuetudinis acquiescit.

5. Iisdem ferme diebus Darii literæ allatæ sunt, tandem ut Regi scriptæ. Petebat, uti filiam suam (Statyræ erat nomen) nuptiis Alexander sibi adjungeret. Dotem fore omnem regionem inter Hellespontum & Halyn amnem sitam. inde Orientem spectantibus terris contentum se fore. Si forte dubitaret, quod offerretur, accipere, nunquam diu eodem vestigio stare fortunam, semperque homines, quantamcumque felicitatem habeant, invidiam tamen sentire majorem. Vereri se, ne avium modo, quas naturalis levitas ageret ad sidera, inani ac puerili mentis affectu efferrer. Nihil difficilius esse, quam in illa ætate tantam capere fortunam. Multas se adhuc reliquias habere, nec semper in angustiis posse deprehendi. Transeundum esse Alexandro Euphratem, Tigrinque, & Araxen, & Hydaspem, magna munimenta regni sui. Veniendum in campos, ubi paucitate suorū erubescendum sit.

Medi-

Mediam, Hyrcaniam, Bactra, & Indos, Oceani accolas, quando aditum, vel Sogdianos, & Arachosios, nomine tantum notos? ceterasque gentes, ad Caucasum & Tanaim pertinentes? Senescendum fore, tantum terrarum vel sine prælio obeunti. Se vero ad ipsum vocare defineret. namque illius exitio esse venturum. Alexander his, qui litteras attulerant, respondit: Darium sibi aliena promittere; quod totum amiserit, vel le partiri. Doti sibi dari Lydiam, Ioniam, Æolidem, Helleſponti oram, victoriæ suæ præmia: leges autem à victoribus dici, accipi à victis. In utro statu ambo essent, si solus ignoraret, quam primum Marte decerneret: se quoque, cum transisset mare, non Ciliciam aut Lydiam; quippe tanti belli exiguum hanc esse mercedem; sed Persèpolim, caput regni ejus, Bactra deinde, Ecbatana, ultimique Orientis oram imperio suo destinasse. quocumque ille fugere potuisset, ipsum sequi posse. defineret terrere fluminibus, quem sciret maria transisse. Reges quidem invicem hæc scripserant. Sed Rhodii urbem suam portusque dedebant Alexandro. Ille Ciliciam Socrati tradiderat; Philota regioni circa Tyrum jussu præsidere: Syriam, quæ Coele appellatur, Andromacho Parmenio tradiderat; bello, quod supererat, interfuturus. Rex, Hephæstione Phœnices oram classe prætervehi jussu, ad urbem Gazam cum omnibus copiis venit. Iisdem fere diebus solenne erat ludicrum Isthmiorum, quod conventu totius Græciæ celebratur. In eo concilio, ut sunt Græcorum temporaria ingenia, decernunt, ut duodecim legarentur ad Regem, qui, ob res pro salute Græciæ ac libertate gestas, coronam auream donum victoriæ ferrent. Iidem paulo ante incertæ famæ captaverant auram, ut quocumque pendentes animos tulisset fortuna, sequerentur. Ceterum non ipse modo Rex obibat urbes, imperii jugum adhuc recusantes: sed Prætores quoque ipsius, egregii duces, pleraque invaserant. Calas Paphlagoniam, Antigonus Lycaoniam, Balacrus, Idarne Prætores Darii superato, Miletum cepit: Amphoterus & Hegilochus, centum sexaginta navium classe, insulas

lss inter Achaïam atque Asiam in ditionem Alexandri redegerunt; Tenedon quoque receptum, incolis ultro vocantibus. Statuerant & Chion occupare. Sed Pharnabazus Darii Prætor, comprehensus qui res ad Macedonas trahebant, rursus Apollonidi & Athenagoræ, suarum partium viris, urbem cum modico præsidio militum tradit. Præfetti Alexandri in obsidione urbis perseverabant: non tam suis viribus, quam ipsorum, qui obsidebantur, voluntate: nec fefellit opinio. Namque inter Apollonidem, & duces militum, orta seditio, irrumpendi in urbem occasionem dedit. Cumque porta effracta cohors Macedonum intrasset, oppidani olim consilio prodicionis agitato, aggregant se Amphotero & Hegilocho; Persarumque præsidio cæso, Pharnabazus cum Apollonide & Athenagora victi traduntur; XII. triremes cum suo milite ac remige; præter eas triginta naves, & piratici lembi, Græcorumque tria millia à Persis mercede conducta. His in supplementum copiarum suarum distributis, piratisque supplicio affectis, captivos remiges adjecere classi suæ. Forte Aristonicus Methynæorum Tyrannus, cum piraticis navibus, ignarus omnium quæ ad Chium acta erant, prima vigilia ad portus claustra successit: interrogatusque à custodibus, quis esset; Aristonicum ad Pharnabazum venire, respondit. Illi, Pharnabazum quidem jam quiescere, & non possentum adiri: ceterum patere socio atque hospiti portum, & postero die Pharnabazi copiam fore, affirmant. Nec dubitavit Aristonicus primus intrare. Secuti sunt duces piratici lembi: ac dum applicant navigia crepidini portus, objicitur à vigilibus claustrum, & qui proximi excubabant, ab iisdem excitantur: nulloque ex his auso repugnare, omnibus catenæ injectæ sunt: Amphotero deinde, Hegilochoque traduntur. Hinc Macedones transiere Mytilenem, quam Chares Atheniensis nuper occupatam duorum millium Persarum præsidio tenebat: sed cum obsidionem tolerare non posset, urbe tradita pactus est, ut incolumi abire liceret. Imbrum petit. Deditis Macedones pepercerunt.

6. Darius desperata pace, quam per literas legatosque impetrari posse crediderat, ad reparandas vires, bellumque impigre renovandum intendit. Duces ergo copiarum Babyloniam convenire, Bessum quoque Bactrianorum ducem, perquam maximo posset exercitu coacto, descendere ad se juber. Sunt autem Bactriani inter illas gentes promptissimi, horridis ingeniis, multumque à Persiarum luxu abhorrentibus, siti haud procul Scytharum bellicosissima gente, & rapto vivere assueta; semperque in armis errant. Sed Bessus, suspecta perfidia, haud sine æquo animo in secundo se continens gradu, Regem terrebat. Nam cum regnum affectaret, proditio, qua sola id assequi poterat, timebatur. Ceterum Alexander, quam regionem Darius petiisset, omni cura vestigans, tamen explorare non poterat: more quodam Persarum, arcana Regum mira celantium fide, non metus, non spes elicit vocem, qua prodantur occulta: vetus disciplina Regum, silentium vitæ periculo sanxerat. Lingua gravius castigatur, quam ullum probum: nec magnam rem sustineri posse credunt ab eo, cui tacere grave sit: quod homini facillimum voluerit esse natura. Ob hanc causam Alexander omnium, quæ apud hostem gererentur, ignarus, urbem Gazam obsidebat. Præerat ei Batis, eximie in Regem suum fidei, modicoque præsidio muros ingentis operis tuebatur. Alexander æstimato locorum situ agi cuniculos jussit, facile ac levi humo acceptante occultum opus, quippe multam arenam vicinum mare emovit, nec saxa cotesque, quæ interpellent specus, obstabant. Igitur ab ea parte, quam oppidani conspiceri non possent, opus orsus, ut a sensu ejus averteret, turres muris admoventi juber. Sed eadem humus admovendis inutilis turribus, deficiente sabulo, agilitatem rotarum morabatur, & tabulata turrium perfringebat: multique vulnerabantur impune, cum idem recipiendis, qui admovendis turribus labor eos fatigaret. Ergo receptui signo dato, postero die muros corona circumdari jussit. Ortoque sole, prius quam admoveret exercitum, opem Deum exposcens,



scens, sicurum patrio more faciebat. Forte prætervolans corvus, glebam, quam unguibus ferebat, subito amissit: quæ cum Regis capiti incidisset, resoluta defluxit. Ipsa autem avis in proxima turri confedit. Illita erat turris bitumine ac sulphure, in qua alis hærentibus frustra se allevare conatus, à circumstantibus capitur. Digna res visæ, de qua vates considerentur, & erat non inactus ea superstitione mentis. Ergo Aristander, cui maxima fides habebatur, urbis quidem excidium augurio illo portendi; ceterum periculum esse, ne Rex vulnus acciperet. Itaque monuit, ne quid eo die inciperet. Ille, quanquam unam urbem sibi, quo minus securus Ægyptum intraret, obstare ægre ferebat, tamen paruit vati, signumque receptui dedit. Hinc animus crevit obsessis: egressique porta, recedentibus inferunt signa: cunctationem hostium fore suam occasionem rati. Sed acrius quam constantius prælium inierunt: quippe ut Macedonum signa circumagi videre, repente sistunt gradum. Jamque ad Regem præliantium clamor pervenerat, cum, denunciati periculi haud sine memor, lorica tamen, quam raro induebat, amicis orantibus, sumpsit, & ad prima signa pervenit. Quo conspecto, Arabs quidam Darii miles, majus fortuna sua facinus ausus, clypeo gladium regens, quasi transfuga genibus Regis advolvitur. Ille assurgere supplicem, recipique inter suos jussit. At gladio Barbarus strenue in dextram translato, cervicem appetit Regis: qui exigua corporis declinatione evitato ictu, in vanum manum Barbari lapsam amputat gladio; denunciato in illum diem periculo (ut arbitrabatur ipse) defunctus. Sed, ut opinor, inevitabile est fatum: quippe dum inter primores promptius dimicat, gignit ictus est; quam per lorica adaptam, stantem in humero, medicus ejus Philippus evellit. Plurimus deinde sanguis manare capit; omnibus territis, quia quàm alte penetrasset telum, lorica obstante, non cognoverant. Ipse, nec oris quidem colore mutato, suppressi sanguinem, & vulnus obligari jussit. Diu ante ipsa signa, vel dissimulato vel victo dolore, persisterat,

terat, cum suppressus paulo ante sanguis medicamento, quo retentus erat, manare latius coepit, & vulnus, quod recens adhuc dolorem non moverat, frigente sanguine intumuit. Linqui deinde animo, & submitti genu coepit. quem proximi exceptum in castra receperunt. Et Batis interfectum ratus, urbem ovans victoria repetit. At Alexander, nondum percurato vulnere, aggerem, quo maximum altitudinem æquaret, extruxit, & pluribus cuniculis muros subruui iussit. Opidani ad pristinum fastigium murorum, novum extruxere munimentum. sed ne id quidem turres eggeri impositas æquare poterat. Itaque interiora quoque urbis infecta telis erant. Ultima pestis urbis fuit, cuniculo subrutus murus, per ejus ruinas hostis intravit. Ducebat ipse Rex Antesignanos, & dum incautius subit, saxo crus ejus affigitur. Innixus tamen telo, nondum prioris vulneris obducta cicatrice, inter primores diricat: ira quoque accensus, quod duo iam obsidione urbis ejus acceperat vulnera. Batim, egregia edita pugna, multisque vulneribus confectum, deseruerant sui: nec tamen segnus prælium capessebat, lubricis armis, suo pariter atque hostium sanguine: cum undique telis circumducto Alexander, insolenti gaudio juvenis elatus, alias virtutem etiam in hoste miratus; Non ut voluisti, inquit, morieris, Bati: sed quidquid tormentorum in captivum inveniri potest, passurum esse te cogita. Ille, non interrito modo, sed contumaci quoque vultu intuens Regem, nullam ad minas ejus reddidit vocem. Tum Alexander, Videtisne obstinatum ad tacendum? inquit. num genu posuit? num supplicem vocem misit? Vincam tamen silentium, & si nihil aliud, certe gemitu interpolabo. Iram deinde vertit in rabiem, jam tum peregrinos ritus nova subeunte fortuna. Per talos enim spirantis lora trajecta sunt, religatumque ad currum traxere circa urbem equi; gloriante Rege, Achillem, à quo genus ipse deduceret, imitatum se esse poena in hostem capiendam. Cecidere Persarum Arabumque circa decem millia: nec Macedonibus incruenta victoria fuit. Obsidio certe

certe non tam claritate urbis nobilitata est, quam geminito periculo Regis, qui Ægyptum adire festinans, Amyntam cum decem triremibus in Macedoniam ad inquisitionem novorum militum misit. Namque prælis etiam secundis atterebantur copiae, devictarumque gentium militi minor, quam domestico, fides habebatur.

7. Ægyptii, olim Persarum opibus infensi, quippe avare & superbe imperitatum sibi esse credebant, ad spem adventus ejus crexerant animos: utpote qui Amyntam quoque transfugam, & cum precario imperio venientem, læti recepissent. Igitur ingens multitudo Pelusium, qua intraturus Rex videbatur, convenerat. Atque ille septimo die, posteaquam à Gaza copias moverat, in Regionem Ægypti, quam nunc castra Alexandri vocant, pervenit. Deinde pedestribus copiis Pelusium petere jussis, ipse cum expedita delectorum manu, Nilo amne vectus est. Nec sustinere adventum ejus Persæ, defectione quoque perterriti. Jamque haud procul Memphi erat, in cujus præsidio Astaces prætor Darii relictus, Oxio amne superato, octoginta talenta Alexandro, omnemque regiam supellestem tradidit. A Memphi, eodem flumine vectus, ad interiora Ægypti penetrat; compositisque rebus, ita ut nihil ex patrio Ægyptiorum more mutaret, adire Jovis Ammonis oraculum statuit. Iter, expeditis quoque & paucis vix tolerabile, ingrediendum erat: terra celoque aquarum penuria est: steriles arenæ jacent: quas ubi vapor solis accendit, fervido solo exurrente vestigia, intolerabilis æstus existit: luctandumque est non tantum cum ardore & siccitate regionis, sed etiam cum tenacissimo sabulo, quod præaltum & vestigio cedens, ægre moliantur pedes. Hæc Ægyptii vero majora jactabant. Sed ingens cupido zimum stimulabat adeundi Jovem, quem generis sui auctorem, haud contentus mortali fastigio, aut credebatur esse, aut credi volebat. Ergo cum iis, quos ducere secum statuerat, secundo amne descendit ad Mareotum paludem. Eo legati Cyrenensium dona attulere: pacem,

pacem, & ut adirēt urbes suas, petentes. Ille donis acceptis, amicisq; conjuncta, destinata exsequi pergit. Ac primo quidem, & sequenti die, tolerabilis labor visus; nondum tam vastis nudisque solitudinibus aditis: jam tamen sterili & emoriente terra. Sed ut aperuere se campi alio obruti siculo, haud secus quam profundum æquer ingressi, terram oculis requirerant. Nulla arbor, nullum culti soli occurrebat vestigium. Aqua etiam defecerat, quam utribus cameli devexerant, & in arido solo ac fervido siculo nulla erat. Ad hæc sol omnia incenderat, sicæque & adusta erant omnia; cum repente, sive illud Deorum munus, sive casus fuit, obductæ cælo nubes condidere solem; ingens aestu fatigatis, etiamsi aqua deficeret, auxilium. Enimvero ut longum quoque imbrem excusserunt procellæ, pro se quisque excipere eum, quidam, ob sitim impotentes sui, ore quoque hianti captare cœperunt. Quatriduum per vastas solitudines absumptum est. Jamque haud procul oraculi sede aberant; cum complures corvi agmini occurrunt, modico volatu prima signa antecedentes: & modo humi residebant, cum lentius agmen incederet, modo se pennis levabant, antecedentium iterque monstrantium ritu. Tandem ad sedem consecratam Deo ventum est. Incredibile dictu, inter vastes solitudines sita ita undique ambientibus ramis, vix in densam umbram cadente sole contestata est: multique fontes, dulcibus aquis passim manantibus, alunt silvas. Cæli quoque mira temperies, verno tempori maxime similis, omnes anni partes pari salubritate percurrit. Accolæ sedis sunt ab Oriente proximi Æthiopum: Meridiem versus, Arabes spectant. Troglodytis cognomen est. Horum regio usque ad Rubrum mare excurrit. At quæ vergit ad Occidentem, alii Æthiopes colunt, quos Scenitas vocant; à Septentrione Nasimones sunt; gens Syrtica, navigiorum spoliis quæstuosa. Quippe obsident litora, & aestu destituta navigia notis sibi vadis occupant. Incolæ nemoris, quos Ammonios vocant, dispersis tuguriis habitant: medium nemus pro arce habent, triplici

plici  
veter  
cum  
oracu  
geron  
nem  
Sub  
men  
in ve  
quoc  
noch  
assu  
non  
ces  
est  
cum  
dor  
ter  
trio  
pro  
At  
na  
re  
re  
lu  
na  
te  
in  
p  
li  
t  
r  
8  
c  
n

plici muro circumdatum. Prima munitio tyrannorum  
 veterum regiam clausit. In proxima conjuges eorum,  
 cum liberis & pellicibus, habitant. Hic quoque Dei  
 oraculum est. Ultima munimenta, satellitum armi-  
 gerorumque sedes erant. Est etiam aliud Ammonis  
 nemus; in medio habet fontem; aquam Solis vocant.  
 Sub lucis ortum tepida manat: medio die, cum vehe-  
 mentissimus est calor, frigida eadem fluit: inclinato  
 in vespem, calefit: media nocte, fervida exæstuat.  
 quoque propius nox vergit ad lucem, multum ex  
 nocturno calore decrevit, donec sub ipsam diei ortum  
 assuetis tepore languescat. Id, quod pro Deo colitur,  
 non eandem effigiem habet, quam vulgo Diis artifi-  
 ces accommodaverunt. Umbilico tenus, arieti similis  
 est habitus; sinaragdo & gemmis coagmentatus. Hunc,  
 cum responsum petitur, navigio aurato gestant sacer-  
 dotes; multis argenteis pateris ab utroque navigii la-  
 tere pendentibus. Sequuntur matronæ virginisque pa-  
 trio more inconditum quoddam carmen cinentes, quo  
 propitiari Jovem credunt, ut cernum edat oraculum.  
 At tum quidem Regem, propius adeuntem, maximus  
 natu è sacerdotibus filium appellat, hoc nomen illi pa-  
 rentem Jovem reddere affirmans. Ille vero & accipe-  
 re se ait, & agnoscere, humanæ sortis oblitus. Consu-  
 luit deinde, an totius orbis imperium satis sibi desti-  
 naret pater. Vates, æque in adulationem compositus,  
 terrarum omnium rectorem fore ostendit. Post hæc  
 institit quærere, an omnes parentis sui interfectores  
 pœnas dedissent. Sacerdos, parentem ejus negat ul-  
 lius scelere posse violari: Philippi autem omnes in-  
 terfectores fuisse supplicia. adjecit, invictum fore, do-  
 nec excederet ad Deos. Sacrificio deinde facto, dona  
 & Sacerdotibus & Deo data sunt, permissumque ami-  
 cis, ut ipsi quoque consulerent Jovem. Nihil amplius  
 quæsierunt, quam an auctor esset sibi divinis hono-  
 ribus colendi suum Regem? Hoc quoque acceptum fo-  
 re Jovi vates respondit, ut ipsi victorem Regem divi-  
 no honore colerent. Vere & salubriter æstimanti fi-  
 dem oraculi, vana profecto responsa videri potuissent :  
 sed

sed fortuna, quos uni sibi credere coëgit, magna ex parte avidos gloriæ magis quam capaces facit. Jovis igitur filium se non solum appellari passus est, sed etiam jussit: rerumque gestarum famam dum augere vult, tali appellatione corrumpit. Et Macedones, assueri quidem regio imperio, sed majore libertatis umbra quam ceteræ gentes, immortalitatem affectantem contumacius, quam aut ipsis expediebat, aut Regi, averfati sunt. Sed hæc suo quoque tempori reserventur. Nunc cetera exsequi pergam.

8. Alexander ab Ammone rediens, ut ad Mareotim paludem haud procul insula Pharo sitam venit, contemplatus loci naturam, primum in ipsâ insula statuerat urbem novam condere. Inde, ut apparuit, magnæ sedis insulam haud capacem, elegit urbi locum, ubi nunc est Alexandria, appellationem trahens ex nomine auctoris complexus quidquid loci est inter paludem & mare, octoginta stadiorum muris ambitum destinavit, & qui ædificandæ urbi præessent relictis, Memphin petit. Cupido, haud injusta quidem, ceterum intempestiva, inceserat, non interiora modo Ægypti, sed etiam Æthiopiam invisere. Memnonis Tithonique celebrata regia cognoscendæ vetustatis avidum trahebat, pene extra terminos Solis. Sed imminens bellum, cujus multo major supererat moles, otiosæ peregrinationi tempora exemerat. Itaque Ægypto præfecit Æschylum Rhodium, & Peucesten Macedonem, quatuor millibus militum in præsidium regionis ejus datis: claustra Nili fluminis Polymenem tueri jubet, triginta ad hoc triremes datæ. Africæ deinde, quæ Ægypto juncta est, præpositus Apollonius: vectigalibus ejusdem Africæ, Ægyptique Cleomenes. Ex finitimis urbibus commigrare Alexandriam jussis, novam urbem magna multitudine implevit. Fama est, cum Rex urbis futuris muris polentam, ut Macedonum mos est, destinasset, avium greges advolasse, & polenta esse pastas. Cumque id omen pro tristi à plerisque esset acceptum, respondisse vates, magnam illam urbem advenarum frequentiam culturam, multisque eam ter-

ris

ris alimenta præbituram. Regem, cum secundo ampe deflueret, assequi cupiens Hector, Parmenionis filius, eximio ætatis flore in paucis Alexandro carus, parvum navigium conscendit, pluribus quam capere posset impositis. Itaque merſa navis omnes destituit. Hector diu flumini obluſtatus, cum madens veſtis, & adſtriſti crepidis pedes natare prohiberent, in ripam tamen ſemianimis evaſit: & ut primum fatigatus ſpiritum laxavit, quem metus & periculum intenderant, nullo adjuvante (quippe in diverſum evaſerant alii) exanimatus eſt. Rex amiſſi ejus deſiderio vehementer afflictuſ eſt, reptumque corpus magnifico extulit funere. Oneravit hunc dolorem nunciuſ mortis Andromachi, quem præfecerat Syriæ: vivum Samaritæ cremaverant. Ad cujuſ interituſ vindicandū, quanta maxime celeritate potuit, contendit: advenientique ſunt traditi tanti ſceleris auctoreſ. Andromacho deinde Memnona ſubſtituit, affectiſ ſupplicio, qui prætorem interemerant. Tyrannos (inter eoſ, Methymnæorum Ariſtoſimicuſ, & Chryſolaū) popularibuſ ſuiſ tradidit, quoſ illi ob injuriſ tortoſ necaverunt. Athenienſiuſ deinde, Rhodiorumque, & Chioruſ legatoſ audit. Athenienſeſ victoriā gratulabantur, & ut captivi Græcoruſ ſuiſ reſtituerentur, orabant. Rhodii & Chii de præſidio querebantur. omneſ ea, quæ deſiderare viſi, impetraverunt. Mitylenæiſ quoque, ob egregiam in parteſ ſuaſ fidem, & pecuniā, quam in belluſ impenderant, obſideſ reddidit, & magnā regionem finibuſ eoruſ adjecit. Cyprioruſ quoque regibuſ, qui & à Dario defeſcerant ad ipſuſ, & oppugnanti Tyruſ miſerant claſſem; pro merito honoſ habituſ eſt. Amphoteruſ deinde claſſiſ præfectuſ ad liberandā Cretā miſſuſ, (namque & Perſaruſ & pirataruſ armiſ pleræque ejuſ inſulæ obſidebantur.) Antè omnia mare à piraticis claſſibuſ vindicare juſſuſ: quippe obnoxium prædonibuſ erat, in belluſ utroque Rege converſo. Hiſ compoſitiſ, Hérculi Tyrio ex auro craterā, cum triginta ptereiſ, dicavit: imminenſque

que Dario, iter ad Euphratem pronunciari iussit.

9. At Darius, cum ab Ægypto divertisse in Africam hostem comperisset, dubitaverat, utrumne circa Mesopotamiam subsisteret, an interiora regni sui peteret, haud dubie potentior auctor præsens futurus ultimis gentibus impigre bellum capeffendi, quas ægre per Præfectos suos moliebatur. Sed, ut idoneis auctoribus fama vulgavit, Alexandrum cum omnibus copiis, quamcunque ipse adiisset regionem, petiturum, haud ignarus, quam cum streuuo res esset, omnia longinquarum gentium auxiliis Babylonem contrahi iussit. Bactriani, Scythæque, & Indi convenerant. Nam & ceterarum gentium copiarum partibus simul adfuerunt. Ceterum cum dimido ferme major esset exercitus, quam in Cilicia fuerat, multis arma deerant; quæ summa cura comparabantur. Equitibus equisque tegumenta erant ex ferreis laminis, serie inter se connexis quæ antea præter jacula nihil dederat, scuta gladiique adiciebantur. Equorum domandi greges peditibus distributi sunt, ut major pristino esset equitatus: ingenisque, ut crediderat, terror hostium, ducentæ falcatæ quadrigæ, unicum illarum gentium auxilium, secutæ sunt. Ex summo temone hastæ præfixæ ferro eminebant. Utrunque à iugo ternos direxerant gladios, & inter radios rotarum plura spicula eminebant in adversum. Aliæ deinde falces summis rotarum orbibus hærebant, & aliæ in terram demissæ, quidquid obvium concitatis equis fuisset, amputaturæ. Hæc modo instructo exercitu, ac perarmato, Babylone copias movit. A parte dextera erat Tigris, nobilis fluvius: lævam tegebat Euphrates: agmen Mesopotamiæ campos impleverat. Tigri deinde superato, cum audisset haud procul abesse hostem, Satropacem equitum præfectum cum mille delectis præmisit. Mazæo prætori sex millia data, quibus hostem transitu amnis arceret. Eidem mandatum, ut regionem, quam Alexander esset aditurus, popularetur, atque ureret: quippe credebat, inopia debellari posse, nihil habentem, nisi quod rapiendo occupasset. Ipsi autem commeatus, alii terra, alii Tigris



gri anine subvehebantur. Jam pervenerat ad Arbellam vicum, nobilem sua clade facturus. Hic comineatum sarcinarumque majore parte deposita, Lycium amnem ponte junxit, & per dies quinque, sicut ante Euphratem, trajecit exercitum. Inde octoginta fere stadia progressus, ad alterum amnem, Bumadō nomen est, castra posuit. Opportuna explicandis copiis regio erat, equitabilis & vasta planities: ne stirpes quidem & brevia virgula operiunt solum, liberque prospectus oculorum, etiam quæ procul recessere, permittitur. Itaque, si qua campi eminebant, jussit æquari, totumque fastigium extendi. Alexandro, qui numerum copiarum ejus, quantum procul conjectari poterat, æstimabant, vix fecerunt fidem, tot millibus cæsis majores copias esse reparatas. Ceterum omnis periculi, & maxime multitudinis contemptor, undecimis castris pervenit ad Euphratem: quo pontibus juncto, equites primos ire, phalangem sequi jubet; Mazæo, qui ad inhibendum transitum cum sex millibus equitum occurrerat, non auso periculum sui facere. Paucis deinde, non ad quietem, sed ad reparandos animos, diebus datis militi, strenue hostem insequi cœpit, metuens ne interiora regni sui pereret, sequendusque esset per loca omni solitudine atque inopia vasta. Igitur quarto die præter Arbellam penetrat ad Tigrim. Tota regio ultra amnem recenti fumabat incendio, quippe Mazæus, quæcunque adierat, haud secus quam hostis urebat. Ac nrimo caligine, quam fumus effuderat, obscurante lucem, insidiarum metu substitit. Deinde ut speculatores præmissi tuta omnia nunciaverunt, paucos equitum ad tentandum vadum fluminis præmisit: cujus altitudo primo summa equorum pectora, mox ut in medium alveum ventum est, cervices quoque æquabat. nec sane alius ad Orientis plagam tam violentus inychitur; multorum torrentium non aquas solum, sed etiam saxa secum trahens. Itaque à celeritate qua defluit, Tigris nomen est inditum, quia Persica lingua Tigrim sagittam appellant. Igitur pedes velut divisus in cornua circumdato equitatu, levatis su-

per capita armis, haud ægre ad ipsum alveum penetrat. Primus inter pedites Rex egressus in ripam, vadum militibus manu, quando vox exaudiri non poterat, ostendit. sed gradum firmare vix poterant, cum modo saxa lubrica vestigium fallerent, modo rapidior unda subduceret. Præcipuus erat labor eorum, qui humeris onera portabant. quippe cum semet ipsos regere non possent, in rapidos gurgites incommodo onere auferebantur. Et dum sua quisque spolia consequi studet, major inter ipsos quam cum amne orta luctatio est, cumuli que sarcinarum passim fluitantes, plerosque perculerant. Rex monere ut satis haberent arma retinere: cetera se redditurum. Sed neque consilium, neque imperium accipi poterat. Obstrepbat hinc metus: præter hunc, invicem natantium mutus clamor. Tandem, qua leniore tractu amnis aperit vadium, emergere: nec quidquam præter paucas sarcinas desideratum est. Deleri potuit exercitus, si quis ausus esset vincere. Sed perpetua fortuna Regis avertit inde hostem. Sic Granicum, tot millibus equitum peditumque in ulteriore stantibus ripa, superavit: sic angustis in Ciliciæ callibus tantam multitudinem hostium. Audaciæ quoque, qua maxime viguit, ratio minui potest: quia nunquam in discrimen venit, an temere fecisset. Mazæus, si transeuntibus flumen supervenisset, haud dubie oppressurus fuit incompósitos in ripa; demum etiam per armatos adequitare cœpit. Mille admodum equites præmiserat; quorum paucitate Alexander explorata, deinde contempta, præfectum Pæonum equitum Aristona laxatis habenis invehii iussit. Insignis eo die pugna equitum, & præcipue Aristonis, fuit. Præfectum equitatus Persarum Satropacem, directâ in gutture hasta, transfixit, fugientemque per medios hostes consecutus, ex equo præcipitavit, & obluctanti caput gladio dempsit: quod relatum magna cum laude ante Régis pedes posuit.

10. Biduo ibi Rex stativa habuit; in proximum deinde iter pronunciari iussit. Sed prima fere vigilia,  
Luna

Luna deficiens primum nitorem fideris sui condidit :  
 deinde sanguinis colore suffuso, lumen omne fœdavit :  
 sollicitisque sub ipsa tanti discriminis casum ingens  
 religio, & ex ea formido quædam incussa est. Diis  
 invitis in ultimas terras trahi se querebantur. Jam nec  
 flumina posse adiri, nec sidera pristinum præstare ful-  
 gorem. Vastas terras, deserta omnia occurrere, in-  
 unius hominis jactationem tot millium sanguinem im-  
 pendì : fastidio esse patriam, abdicari Philippum pa-  
 trem, cælum vanis cogitationibus peti. Jam pro se-  
 ditione res erat, cum ad omnia interritus, duces, prin-  
 cipesque militum, frequentes adesse prætorio, Ægyp-  
 tiosque vates, quos cæli ac siderum peritissimos esse  
 credebat, quid sentirent, expromere jubet. At illi,  
 qui satis scirent, temporum orbis implere destinatas  
 vices, Lunamque deficere, cum aut terram subiret,  
 aut Solo premeretur, rationem quidem ipsis perceptam  
 non edocent vulgus : ceterum affirmant, Solem Græ-  
 corum, Lunam esse Persarum : quoties illa deficiat,  
 ruinam stragemque illis gentibus portendi. Vetera-  
 que exempla recensent Persidis Regum, quos adversis  
 Diis pugnasse Lunæ ostendisset defectio. Nulla res  
 efficacius multitudinem regit, quam superstitio : alio-  
 qui impotens, sæva, mutabilis, ubi vana religione  
 capta est, melius vatibus, quam ducibus suis paret. Igi-  
 tur edita in vulgus Ægyptiorum responsa, rursus ad  
 spem & fiduciam erexere torpentes. Rex impetu ani-  
 morum utendum ratus, secunda vigilia castra movit.  
 Dextra Tigrim habebat, à leva montes, quos Gordy-  
 æos vocant. Hoc ingressio iter, speculatores, qui præ-  
 missi erant, sub lucis ortum, Darium adventare nunci-  
 averunt. Instructo igitur milite, & composito agmi-  
 ne, antecedebat. Sed Persarum exploratores erant  
 mille ferme, qui speciem magni agminis fecerant.  
 quippe ubi explorare vera non possunt, falsâ per me-  
 tum augurantur. His cognitis, Rex cum paucis sue-  
 rum affecutus agmen refugientium ad suos, alios ceci-  
 dit, alios cepit, equitesque præmisit simul speculatum,  
 simul ut ignem, quo Barbari cremaverant vicos, ex-

tinguerent. quippe fugientes raptim tectis acervisque  
frumenti injecerant flammæ. quæ cum in summo hæ-  
sissent, ad inferiora nondum penetraverant. Exincto  
igitur igne, plurimumimenti repertum est, copia  
aliarum quoque rerum abundare cœperunt. Ea res  
ipsa mili, ad persequendum hostem animum incen-  
dit, quippe urente & populante eo terram festinandum  
erat, ne incendio cuncta præriperet. In rationem er-  
go necessitas versa: quippe Mazæus, qui antea per  
otium vicos incenderat, jam fugere contentus, plera-  
que inviolata hosti reliquit. Alexander haud longius  
centum quinquaginta stadiis Darium abesse compere-  
rat. Itaque ad satietatem quoque copiâ commeatuum  
instructus, quatrduo in eodem loco subsistit. Inter-  
ceptæ deinde Darii litteræ sunt, quibus Græci milites  
solicitabantur, ut Regem interficerent, aut proderent;  
dubitavitque, an eos pro concione recitaret; satis con-  
fisis Græcorum quoque erga se benevolentia ac fidei:  
Sed Parmenio deterruit, non esse talibus promissis  
imbuendas aures militum; patere vel unius insidiis Re-  
gem; nihil nefas esse avaritiæ. Secutus consilii aucto-  
rem, castra movit. Iter facienti, Spado unus ex cap-  
tavis, qui Darii uxorem comitabantur, deficere eam  
nunciat, & vix spiritum ducere. Itineris continui la-  
bore animique ægritudine fatigata, inter focus &  
virginum filiarum manus, collapsa erat; deinde &  
extincta. Id ipsum nuncians alius supervenit. Et Rex  
haud secus, quam si parentis suæ mors nunciata esset,  
crebros edidit gemitus, lacrymisque obortis, quales  
Darius profudisset, in tabernaculum, in quo mater e-  
rat Darii, desupecto assidens corpori, venit. Hic verò  
renovatus est mœror, ut prostratam humi vidit, re-  
centi malo priorum quoque admonita, receperat in  
gremium adultas virgines, magna quidem mutui do-  
loris solatia; sed quibus ipsa deberet esse solatio. In  
conspectu erat nepos parvulus, ob id ipsum miserabilis,  
quod nondum sentiebat calamitatem, maxima ex par-  
te ad ipsum redundantem. Crederes Alexandrum in-  
ter suas necessitudines flere, & solatia non adhibere,  
&c

sed quærere. Cibo certe abstinuit, omnemque honorem funeri patrio Persarum more servavit; dignus hercule, qui nunc quoque tantum mansuetudinis & continentiae ferat fructum. Semel omnino eam viderat, quo die capta est, nec ut ipsam, sed ut Darii matrem, viderat: eximiamque plucritudinem formæ ejus, non libidinis habuerat incitamentum, sed gloriæ. E Spadonibus, qui circa Reginam erant, Tyriotes inter trepidationem lugentium elapsi, per eam portam, quæ, quia ab hoste averſa erat, levius custodiebatur, ad Darii castra pervenit: exceptusque à vigiliis, in tabernaculum Regis perducitur, gemens, & veste lacerata. Quem ut conspexit Darius, multiplici doloris expectatione commotus, & quid potissimum timeret, incertus, Vultus tuus, inquit, nescio quod ingens malum præfert: sed cave miseri hominis auribus parcas: didici enim esse infelix, & sepe calamitatis solatium est, nosse sortem suam. Num, quod maxime suspicor, & loqui timeo, ludibria meorum nunciaturus es mihi, & (ut credo) ipsis quoque omni graviora supplicio? Ad hæc Tyriotes; Istud quidem procul abest, inquit: Quantuscunque enim Reginis honor ab iis, qui parent, haberi potest, tuis à victore servatus est: sed uxor tua paulo ante excessit à vita. Tum vero non gemitus modo, sed etiam ejulatus totis castris exaudiebantur. Nec dubitavit Darius quin interfecta esset, quia nequisset contumeliam pati: exclamatque amens dolore; Quod ego tantum nefas commisi, Alexander? quem tuorum propinquorum necavi, ut hanc vicem sevitiæ meæ reddas? Odisti me, non quidem provocatus. Sed finge, justum intulisse te bellum: cum feminis ergo agere debueras? Tyriotes affirmare per Deos patrios, nihil in eam gravius esse consultum. Ingemuisse etiam Alexandrum morti, & non parcius flevisse, quam ipse lacrymaretur. Ob hæc ipse amanti animus in sollicitudinem suspicionemque revolutus est: desiderium captivæ profecto à consuetudine stupri ortum esse conjectans. Submotis igitur arbitris, uno duntaxat Tyriote retento, jam non flens, sed su-

spirans, Videsne in te, Tyriote, locum mendacio non esse? Tormenta jam hic erunt: sed nec exspectaveris per Deos, si quid tibi tui Regis reverentia est. num, quod & scire expeto, & querere pudet, ausus est & dominus & juvenis? Ille quaestioni corpus offerre, Deos testes invocare, caste sancteque habitam esse Reginam. Tandem, ut fides facta est, vera esse quæ affirmaret Spado, capite velato diu flevit: manantibusque adhuc lacrymis, veste ab ore rejecta, ad cælum manus tendens, Dii patrii, inquit, primum mihi stabilitæ regnum: deinde, si de me jam transactum est, precor ne quis Asiæ Rex sit, quam iste tam justus hostis, tam misericors victor.

II. Itaque, quanquam pace frustra bis petita, omnia in bellum consilia converterat; victus tamen continentia hostis, ad novas pacis condiciones ferendas, decem legatos, cognatorum principes, misit: quos Alexander consilio advocato introduci jussit. E quibus maximus natu: Darium, inquit, ut pacem à te jam tertio peteret, nulla vis subegit, sed justitia & continentia tua expressit. Matrem, conjugem, liberisque ejus, nisi quod sine illo sunt, captos esse non sensit. Pudicitia earum, quæ supersunt, curam, haud secus quam parens, agens: Reginas appellas, speciem pristinae fortunæ retinere pateris. Vultum tuum video, qualis Darii fuit, cum dimitteremur ab eo: & ille tamen uxorem, tu hostem luges. Jam in acie stares, nisi cura te sepulturæ ejus moraretur: Ecquid mirum est, si tam ab amico animo pacem petit? Quid opus est armis, inrer quos odia sublata sunt? Antea imperio tuo finem destinabat Halym ænnem, qui Lydiam terminat. Nunc, quidquid inter Hellespontum & Euphratem est, in dotem filiaæ offert, quam tibi tradit. Ochum filium, quem habes, pacis & fidei obsidem retine. Matrem, & duas virgines filias redde. pro tribus corporibus xxx millia talentum auri precatur accipias. Nisi moderationem animi tui notam haberem, non dicerem, hoc esse tempus, quo pacem non dare solum, sed etiam occupare deberes. Respice, quantum post te reliqueris,

reliqueris, intuere quantum petas. Periculosum est prægrave imperium? difficile est continere quod capere non possis. Videsne ut navigia, quæ modum excedunt, regi nequeant? Nescio an Darius ideo tam multa amiserit, quia nimis opes magnæ jacturæ locum faciunt. Facilius est quædam vincere, quam periri, quam, hercule, expeditius manus nostræ rapiunt, quam continent! Ipsa mors uxoris Darii te admonere potest, minus jam misericordiæ tuæ licere, quam licuit. Alexander, legatis excedere tabernaculo iussis, quid placeret, ad consilium refert. Diu nemo, quid sentiret, ausus est dicere, incerta Regis voluntate. Tandem Parmenio, Ante suasissimè, ait, ut captivos apud Damascum redimentibus redderès; ingentem pecuniam potuisse redigi ex iis, qui multi victi virorum fortium occupaverant manus. Et nunc magnopere censerem, ut unam anum & duas puellas, itinerum agminumque impedimenta, triginta millibus talentis auri permutes. Opimum regnum occupari posse conditione: non bello: nec quemquam alium inter Istrum & Euphratem possedisse terras, ingenti spatio intervalloque discretas. Macedoniam quoque respiceret potius, quam Bactra & Indos intueretur. Ingrata oratio Regi fuit. Itaque, ut finem dicendi fecit, Et ego, inquit, pecuniam quam gloriam malle, si Parmenio essem. Nunc Alexander, de paupertate securus sum; & me non mercatorem memini esse, sed Regem. Nihil quidem habeo venale: sed fortunam meam utique non vendo. Captivos si placet reddi, honestius dono dabimus, quam pretio remitteremus. Introductis deinde legatis, ad hunc modum respondit. Nunciate Dario, gratiarum actionem apud hostem supervacaneam esse, & me, quæ fecerim clementer & liberaliter, non amicitiae ejus tribuisse, sed naturæ meæ: nec adversus calamitates, sed adversus hostium vires contendere. Bellum cum captivis & feminis gerere non soleo: armatus sit oportet, quem oderim. Quod si saltem pacem bona fide peteret, deliberarem forsitam an darem. Verumenimvero, cum modo milites meos licet-

ris ad prodicionem, modo amicos ad perniciem meam pecunia sollicitet, ad internicionem mihi persequendus est, non ut iustus hostis, sed ut percussor veneficus. Conditiones verò pacis, quas fertis, si accepero, victorem cum faciunt. Quæ post Euphratem sunt, liberatim donat. Ubi igitur me affamini? nempe ultra Euphratem sum. Summum ergo dotis, quam promittit, terminum castra mea transeunt. Hinc me depellere, ut sciam vestrum esse quod ceditis. Eadem liberalitate dat mihi filiam suam, nempe quam scio alicui servorum ejus nupturam. Multum verò mihi præstat, si me Mazæo generum præponit. Ite, nunciate Regi vestro, & quæ amisit, & quæ adhuc haber, præmia esse belli. Hoc repente utriusque terminos regni, id quemque habiturum, quod proximæ lucis assignatura fortuna est; & me in Asiam non venisse, ut ab aliis acciperem, sed ut aliis darem. Si secundus, & non par mihi vellet haberi, facerem forsitan quæ petit. Ceterum nec mundus duobus solibus potest regi, nec duo summa regna salvo statu terrarum potest habere. Proinde aut deditionem hodie, aut in crastinum bellum paret: nec aliam sibi, quam expertus est, polliceatur fortunam. Legati respondent; Cum bellum in animo sit, facere eum simpliciter, quod spe pacis non frustraretur: ipsos petere, quam primum dimittantur ad Regem, eum quoque bellum parare debere. Dimissi nunciant, adesse certamen.

12. Ille quidem confestim Mazæum cum **xxi** milibus equitum, ad itinera, quæ hostis petiturus erat, occupanda præmisit. Alexander, corpori uxoris ejus iustis perfolutis, omnique graviore comitatu intra eadem munimenta cum modico præsidio relicto, ad hostem contendit. Duo cornua divisa erant peditum; in utrumque latus equite circumdato: impedimenta sequebantur agmen præmissum. Deinde cum Scythis equitibus Menidam jubet explorare, ubi Darius esset. At ille, cum Mazæus haud procul consedisset, non ausus ultra procedere, nihil aliud quam fremitum hominum, hinnitumque equorum, exaudisse nunciat.

Mazæus



Mazæus quoque conspectis procul exploratoribus, in castra se recepit, adventus hostium nuncius. Igitur Darius, qui in patentibus campis decernere optabat, armari militem jubet, aciemque disponit. In lævo cornu Bactriani ibant equites, mille admodum. Dacæ totidem, & Arachosii, Suiique quatuor millia explebant. Hos centum falcati currus sequebantur. Proximus quadrigis erat Bessus cum VIII millibus equitum, item Bactrianis. Massagetæ II millibus agmen ejus claudebant: pedites his plurium gentium non mixtos, sed suæ quisque nationis, junxerant copias. Persas deinde cum Mardis, Sogdianisque, Ariobarzanes & Orobrates ducebant. Illis partibus copiarum Orsines præerat, à septem Persis oriundus; ad Cyrum quoque nobilissimum Regem originem sui referens. Hos aliæ gentes, ne sociis quidem satis notæ, sequebantur. Post quas quinquaginta quadrigas Phradates magno Caspianorum agmine antecedebat. Indi, ceterique Rubri maris accolæ, nomina verius quam auxilia, post currus erant. Claudebatur hoc agmen aliis falcatis curribus quinquaginta, queis peregrinum militem adjunxerat. Hunc Armenii quos minores vocant, Armenios Babylonii, utrosque Belitæ, & qui montes Cossæorum incolebant, sequebantur. Post hos ibant Gortuæ, gentes quidem Euboicæ, Medos quondam secuti, sed jam degeneres, & patrii moris ignari. Applicuerat his Phrygas, & Cataonas. Parthorum deinde gens, incolentium terras, quas nunc Parthi, Scythia profecti, tenent, claudebant agmen. Hæc sinistri cornu acies fuit: dextrum teuebat natio majoris Armeniæ, Cadusique, & Cappadoces, & Syri, & Medi. His quoque falcati currus erant quinquaginta. Summa totius exercitus: equites CXLV millia: pedestris acies sexcenta millia expleverat. Hoc modo instructi, decem stadia procedunt; jussique subsistere armati, hostem expectabant. Alexandri exercitum pavor, cujus causa non suberat, invasit. quippe lymphati trepidare coeperunt; omnium pectora occulto metu percurrente. Cæli fulgor tempore æstivo ardenti similis interni-

rens, ignis præbuit speciem, flammæque ex Darii castris splendere velut illatas temere præfidiis credebant. Quod si perculsis Mazæus, qui præsidebat itineri, supervenisset; ingens clades accipi potuit. Ille segniss in eo, quem occupaverat, tumulto sedet; contentus non laceSSI. Alexander, cognito pavore exercitus, signum ut consisterent dari, ipsos arma deponere, ac levare corpora jubet, admonens, nullam subiti causam esse timoris; hostem procul stare: Tandem compotes sui, pariter arma & animos recepere, nec quidam ex præsentibus tutius visum est, quam eodem loco castra munire. Postero die Mazæus, qui cum delectis equitum in edito colle, ex quo Macedonum prospiciebantur castra, confederat, sive metu, sive quia speculari modo jussus erat, ad Darium rediit. Macedones eum ipsum collem, quem deseruerat, occupaverunt. nam & tutior planitie erat, & inde acies hostium, quæ in campo explicabatur, conspici poterat. Sed caligo, quam circa humidi effuderant montes, universam quidem rei faciem non abstulit: ceterum agminum discrimina, atque ordinem, prohibuit perspicere. Multitudo inundaverat campos, fremitusque tot millium, etiam procul stantium, aures impleverat. Fluctuare animo Rex, & modo suum, modo Parmenionis consilium, sera æstimatione perpendere. quippe eo ventum erat, unde recipi exercitus, nisi victor, aut sine clade, non posset. Movebat etiam eum multitudo hostium, respectu paucitatis suæ gentis. Sed interdum reputabat, quantas res cum hac gente gefsisset, quantosque populos fudisset. Itaque, cum spes metum vinceret, periculosius bellum differre ratus ne desperatio suis cresceret: dissimulato eo, mercenarium equitem, ex Pæonia præcedere jubet. Ipse phalangem, sicut antea dictum est, in duo cornua extenderat. Utrumque cornu equites tegebant. Jamque nitidior lux, discussa caligine, aciem hostium ostenderat: & Macedones, sive alacritate, sive tædio expectationis, ingentem, pugnantium more, edidete clamorem. Redditus & à Persis nemora vallesque circum-

circumjectas terribili sono impleverat. Nec jam contineri Macedones poterant, quin cursu quoque ad hostem contenderent. Melius adhunc ratus Alexander in eodem tumultu castra munire, vallum jaci iussit: strenueque opere perfecto, in tabernaculum, ex quo tota acies hostium conspiciebatur, secessit.

13. Tum vero universa futuri discriminis facies in oculis erat, armis insignibus equi virique splendebant, & omnia interiore cura præparari, sollicitudo Prætorum agmina sua interequitantium ostendebat. ac pleaque inania, sicut fremitus hominum, equorum hinnitus, armorum internitentium fulgor, sollicitam expectatione mentem turbaverant. Igitur, siue dubius animi, siue ut suus experiretur, consilium adhibet; quid optimum factu esset, exquirens. Parmenio peritissimus inter duces artium belli, furto, non prælio, opus esse censebat: Intempesta nocte opprimi posse hostes discordes moribus, linguis. Ad hæc & somno & improvise periculo interritos, quando in nocturna trepidatione coituros? At interdum primum terribiles occursuras facies Scytharum, Bactrianorumque, hirta illis ora, & intonsas comas esse. Præterea eximiam vastorum magnitudinem corporum. Vanis & inani-bus militem magis quam justis formidinis causis moveri. deinde tantam multitudinem circumfundi paucioribus posse. Non in Ciliciæ angustiis, & inviis calibus, sed in aperta & lata planitie dimicandum fore. Omnes ferme Parmenioni assentiebantur. Polypercon haud dubie in eo consilio positam victoriam arbitrabatur. Quem intuens Rex, (namque Parmenionem nuper acrius quam veller increpitum, rursus castigare non sustinebat,) Latrunculorum, inquit, & furum ista solertia est, quam præcipitis mihi, quippe illorum votum unicum est, fallere. Meæ vero gloriæ semper, aut absentiæ Darii, aut angustias locorum, aut furum noctis obistere non patiar: palam luce aggredi certum est. Malo me fortunæ poeniteat, quam victoriæ pudeat. Ad hæc illud quoque accedit: vigilias agere Barbaros, & in armis stare, ut nec decipi quidem

dem possint compertum habeo. Itaque ad prælium vos parate. Sic incitatos ad corpora curanda dimisit. Darius illud quod Parmenio suaserat, hostem facturum esse conjectans, frænatos equos stare, magnamque exercitus partem in armis esse, ac vigilias intentiore cura servari, iusserat. Ergo ignibus tota ejus castra fulgebant. Ipse cum ducibus propinquisque agmina in armis stantium circumibant, Solem, Mithren, sacrumque & æternum invocans ignem, ut illis dignam veteri gloria majorumque monumentis fortitudinem inspirarent. & profecto si qua divinæ opis auguria humana mente concipi possent, Deos stare secum. illos nuper Macedonum animis subitam incussisse formidinem: adhuc lymphatos ferri agique, arma jacentes. Expetere Præhides Persarum imperii Deos debitas à vecordibus poenas nec ipsum ducem sanioresse. quippe ritu ferarum prædam modo, quam expeteret, intuentem: in perniciem, quæ ante prædam posita esset, incurrere. Similis apud Macedones quoque sollicitudo erat; noctemque, velut in eam certamine edicto, metu egerunt. Alexander non alias magis territus, ad vota & preces Aristandrum vocari jubet. Ille in candida veste, verbenas manu præferens, capite velato, præibat preces Regis, Jovem, Minervam, Victoriæque propitiatis. Tunc quidem sacrificio rite perpetrato, reliquum noctis acquieturus in tabernaculum rediit. Sed nec somnum capere, nec quietem pati poterat. modo è jugo montis aciem in dexterum Persarum cornu demittere agitabat; modo recta fronte concurrere hosti: interdum hæsitare, an potius in lævum torqueret agmen. Tandem gravatum animi anxietate corpus altior somnus oppressit. Jamque luce orta duces ad accipienda imperia convenerant, insolito circa prætorium silentio attoniti. Quippe alias accersere ipsos, & interdum morantes castigare assueverat. Tunc ne ultimo quidem rerum discrimine excitatum esse mirabantur, & non somno quiescere, sed pavore manere credebant: non tamen quisquam è custodibus corporis intrare tabernaculum audebat, & jam  
tempus

tempus instabat; nec miles injussu ducis, aut arma capere poterat, aut in ordines ire. Diu Parmenio cunctatus, cibum ut caperent, ipse pronunciat. Jamque exire necesse erat: tunc denum intrat tabernaculum, sæpiusque nomine compellatum, cum voce non posset, tactu excitavit. Multa lux, inquit, est. Instructam aciem hostis admovit: tuus miles adhuc inermis expectat imperium. Ubi est vigor ille animi tui? nempe excitare vigiles soles. Ad hæc Alexander: Credidisse me prius somnum capere potuisse, quam exonerare animum sollicitudine, quæ quietem morabatur? Signumque pugnæ tuba dari iussit. Et cum in eadem admiratione Parmenio perseveraret, quod securus somnum cepisset: Minime, inquit, mirum est. Ego enim, cum Darius terras ureret, vicos excinderet, alimenta corrumperet, potens mei non eram. Nunc vero quid metuan, cum acie decernere paret? hercule votum meum implevi. sed hujus quoque consilii ratio postea reddetur. Vos ite ad copias, quibus quisque præest: ego jam adero, & quid fieri velim, exponam. Raro admodum admonitu amicorum, cum metus discriminis aderat, uri solebat. Tum quoque munimento corporis sumpto processit ad milites. Haud alias tam alacrem viderant Regem; & vultu ejus interrito, certam spem victoriæ augurabantur. Atque ille prorupto vallo exire copias jubet, aciemque disponit. In dextro cornu locati sunt equites, quos agema appellant. Præerat his Clitus, cui junxit Philotæ turmas; ceterosque Præfectos equitum lateri ejus applicuit. Ultima Meleagri ala stabat, quam phalanx sequebatur. Post phalangem Argyraspides erant. His Nicanor Parmenionis filius præerat: in subsidiis cum manu sua Cornus. Post eum Orestes, Lyncestesque. Post illos Polypercon, dux peregrini militis. Hujus agminis Amyntas princeps erat. Philagus Balacros regebat, in societatem nuper adscitos. Hæc dextri cornu facies erat. In lævo Craterus Peloponnesium equites habebat, Achæorumque, & Locrensum, & Mareon turmis sibi adjunctis: hos Thessali equites cladebant, Philipppo duce. Peditem  
acies

acies equitatu tegebatur. Frons lævi cornu hæc erat. Sed ne circuii posset à multitudine, ultimum agmen valida manu cinxerat. Cornua quoque subsidiis firmavit; non recta fronte, sed à latere positis: ut si hostis circumvenire aciem tentasset, parata pugnae forent. Hic Agriani erant, quibus Attalus præerat, adjunctis sagittariis Cretensisibus. Ultimos ordines avertit à fronte, ut totam aciem orbe muniret. Illyrii hic erant, adjuncto milite mercede conducto. Thracas quoque simul objecerat leviter armatos, adeoque aciem versatilem posuit, ut qui ultimi stabant, ne circumrentur, verti tamen, & in frontem circumagi possent. Itaque non prima quam latera, non latera munitiora fuere quam terga. His ita ordinatis præcipit, ut si falcatos currus cum fremitu Barbari emitterent, ipsi laxatis ordinibus impetum occurrentium silentio exciperent: haud dubius, sine noxa transcurso, si nemo se opponeret. Sin autem sine fremitu immisissent, eos ipsi clamore terrent, pavidosque equos telis utrinque suffoderent. Qui cornibus præerant, extendere ea iussit; ita ut nec circumvenirentur, si arctius starent, nec tamen mediam aciem exinanirent. Impedimenta cum captivis, inter quos mater liberique Darii custodiebantur, haud procul ab acie in edito colle constituit; modico præsidio relicto. Lævum cornu, sicut alias, Parmenioni tuendum datum: ipse in dextro stabat. Non dum ad teli jactum pervenerant, cum Bion quidam transfuga, quanto maximo cursu poterat, ad Regem pervenit, nuncians, murices ferreos in terram defodisse Darium, qua hostem equites emissurum esse credebat: notatumque certo signo locum, ut fraus evitari à suis posset. Asservari transfuga jussu, duces convocat; expositoque quod nunciatum erat, monet, ut regionem monstratam declinent, equitumque periculum edoceant. Ceterum hoc tantus exercitus exaudire non poterat, usum aurium intercipientem fremitu duorum agminum: sed, in conspectu omnium duces & proximum quemque interequitans alloquebarur.

14. Emenfis tot terras in spem victoriae, de qua dimicandum

micandum foret, hoc unum superesse discrimen; Granicum hic amnem, Ciliciæque montes, & Syriam, Ægyptumque prætereuntibus raptas, ingentia spei gloriæque incitamenta referebat. Reprehensos ex fuga Persas pugnatuuros, quia fugere non possent, tertium diem jam metu exsangues, armis suis oneratos, in eodem vestigio hædere, nullum desperationis illorum majus indicium esse, quam quod urbes, quod agros suos urent: quidquid non corrupissent, hostium esse confessi. Nomina modo vana gentium ignotarum ne extimescerent; neque enim ad belli discrimen pertinere, qui ab his Scythæ, quive Cadusii appellantur: ob id ipsum, quod ignoti essent, ignobiles esse: numquam ignorari viros fortes: at imbelles ex latebris suis erutos, nihil præter nomina afferre. Macedones virtute affecutos, ne quis toto orbe locus esset, qui tales viros ignoraret. intuerentur Barbarorum inconditum agmen: alium nihil præter jaculum habere, alium funda saxa librare, paucis iusta arma esse. Itaque illinc plures stare, hinc plures dimicatuuros: nec postulare se, ut fortiter capefferent prælium, ni ipse ceteris fortitudinis fuisset exemplum: se ante prima signa dimicaturum spondere: pro se, quot cieatrices, totidem corporis decora: scire ipsos, unum pene se prædæ communis exsortem: in illis colendis ornandisque usurpare victoriæ præmia. Hæc se fortibus viris dicere. Si qui dissimiles eorum essent, illa fuisse dicturum: pervenisse eo, unde fugere non possent tot terrarum spatia emensis, tot annibus montibusque post tergum objectis, iter in patriam & penates manu esse faciendum. Sic duces, sic proximi militum instincti sunt. Darius in lævo cornu erat, magno suorum agmine delectis equitum peditumque stipatus: contempseratque paucitatem hostis, vanam aciem esse: extentis cornibus ratus. Ceterum, sicut curru eminebat, dextera lævaque ad circumstantium agmina oculos manusque circumferens, Terrarum inquit, quas Oceanus hinc alluit, illinc claudit Hellespontus, paulo ante domini, jam non de gloria, sed de salute, &, quod saluti præpo-

nitur

nitis, de libertate pugnandum est. Hic dies imperium, quo nullum amplius vidit ætas, aut constituet aut finiet. Apud Granicum minima virium parte cum hoste certavimus. In Cilicia victos Syria poterat excipere. Magna munimenta regni Tigris atque Euphrates erant. Ventum est eo, unde pulsus ne fugæ quidem locus est. Omnia tam diutino bello exhausta post tergum sunt. Non incolas suos urbes, non cultores habent terræ. Coniuges quoque & liberi sequuntur hanc aciem, parata hostibus præda, nisi pro carissimis pignoribus corpora opponitis. Quod mearum fuit partium, exercitum, quem pene immensa planities vix saperet, comparavi. equos, arma distribui: commearus, ne tantæ multitudini deessent, providi; locum, in quo acies explicari posset, elegi. Cetera in vestra potestate sunt. Audete modo vincere, famamque, infirmissimum adversus fortes viros relum, contemnite. Temeritas est, quam adhuc pro virtute timuistis. quæ ubi primum imperum effudit, velut quædam animalia amisso aculeo, torpet. Hi vero campi deprehendere paucitatem, quam Ciliciæ montes absconderant. Videntis ordines raros, cornua extenta, mediam aciem vanam & exhaustam. Nam ultimi, quos locavit aversos, terga jam præbent: obteri mehercule equorum ungulis possunt, etiam si nil præter falcatos currus emisero: & bello vicerimus, si vincimus prælio. nam ne illis quidem ad fugam locus est. Hinc Euphrates, illinc Tigris prohibet inclusos: & quæ antea pro illis erant, in contrarium conversi sunt. Nostrium mobile & expeditum agmen est; illud præda grave. Implicatos ergo spoliis nostris trucidabimus: eademque res & causâ victoriæ erat, & fructus. Quod si quem è vobis nomen gentis movet: cogitet, Macedonum illic arma esse, non corpora. Multum enim sanguinis invicem hausimus, & semper gravior in paucitate iactura est. Nam Alexander quantuscunque ignavis & timidus videri potest, unum animal est, &, si quid mihi creditis, temerarium & vecors; adhuc nostro pavore, quam sua virtute felicius. Nihil autem potest esse



esse diuturnum, cui non subest ratio. Licet felicitas adspirare videatur, tamen ad ultimum temeritati non sufficit. Præterea breves & mutabiles vices rerum sunt, & fortuna nunquam simpliciter indulget. Forsitan ita Deorum fata ordinaverunt, ut Persarum imperium, quod secundo cursu per cccxxx annos ad summum fastigium evexerant, magno motu concuterent magis, quam affligerent, admonerentque nos fragilitatis humanæ, cujus nimia in prosperis rebus oblivio est. Modo Græcis ultro bellum inferebamus; nunc in sedibus nostris propulsamus illarum. Jactamur invicem varietate fortunæ. Videlicet imperium, quia mutuo affectamus, una gens non capit. Ceterum si spes non subesset, necessitas tamen stimulare deberet. Ad extrema perventum est. Matrem meam, duas filias, Ochum in spem hujus imperii genitum, illos principes, illam sobolem regiæ stirpis, duces vestros, Regum instar, victos habet: nisi, quod in vobis est, ipse ego majore parte captivus sum. Eripite viscera mea ex vinculis, restituite mihi pignora, pro quibus ipse mori non recuso. Parentem, liberos (nam conjugem in illo carcere amisi) credite nunc omnes tendere ad vos manus, implorare patrios Deos, opem vestram, misericordiam, fidem exposcere, ut servitute, ut compedibus, ut precario victu ipsos liberetis. An creditis æquo animo iis servire, quorum Reges esse fastidiunt? Video admoveri hostium aciem: sed quo propius discrimen accedo, hoc minus his quæ dixi, possum esse contentus. Precor vos per Deos patrios, æternumque ignem, qui præfertur altaribus, fulgoremque solis intra fines regni mei orientis, per æternam memoriam Cyri, qui ademptum Medis Lydiisque imperium primus in Persidem intulit, vindicate ab ultimo dedecore nomen gentemque Persarum. Ite alacres, & spe pleni, ut quam gloriam accepistis à majoribus vestris, posteris relinquatis. In dextris vestris jam libertatem, opem, spem futuri temporis geritis. Effugit mortem quisquis contempserit: timidissimum quemque consequitur. Ipse non patrio more solum, sed etiam ut  
conspi-

conspici possim, curru vehor. Nec recusō, quo minus inextemini me, siue fortitudinis exemplum siue ignaviae fuero.

15. Interim Alexander ( ut est demonstratum à transfuga ) cum insidiarum locum circumiret, & Dario, qui laevum cornu tuebatur, occurreret, agmen obliquum incedere jubet. Darius quoque eodem suum obvertit. Bessio admonito, ut Massagetas equites in laevum Alexandri cornu invahi juberet. Ipse ante se falcatos currus habebat, quos signo dato universos in hostem effudit. Ruebant laxatis habenis aurigae, quos plures, nondum satis provisō impetu, obtererent. Alios ergo hastae multum ultra remonem eminentes, alios ab utroque latere demissae falces laceravere. Nec sensim Macedones cedebant, sed effusa turbaverant fuga ordines. Mazæus quoque percussis metum incussit, mille equitibus ad diripienda hostis impedimenta circumvehi jussis: rarus, captivos quoque, qui simul affervabantur, rupturos vincula, cum suos appropinquantes vidissent. Non sefellerat Parmenionem, qui in laevo cornu erat. Propere igitur Polydamanta mittit ad Regem, qui & periculum ostenderet, & quid fieri juberet, consuleret. Ille, audito Polydamante, Abi, nuncia, inquit, Parmenioni, si acie vicerimus, non nostra solum nos recuperaturos, sed omnia, quae hostium sunt, occupaturos. Proinde non est quod quidquam virium subducat ex acie, sed, ut me & Philippo patre dignum est, contempto sarcinarum damno, fortiter dimicet. Interim Barbari impedimenta turbaverant, caesisque plerisque custodum, caprivi, vinculis ruptis, quidquid obvium erat, quo armari possent, rapiunt: & aggregati suorum equitibus, Macedonas accipiti circumventos malo invadunt. lætique circa Syfigambim, vicisse Darium, ingenti cæde prostratos hostes, ad ultimum etiam impedimentis exutos nunciant: quippe eandem fortunam ubique esse credebant & victores Persas ad prædam discurrisse. Syfigambis, hortantibus captivis ut animum à mœrore allevaret, in eodem, quo antea fuit, perseveravit: non vox ulla exci-

excidit ei : non oris color vultusve mutatus est : sed  
sedit immobilis. credo præcoce gaudio verita fortu-  
nam irritare. adeo ut, quid mallet, intuentibus eam,  
fuerit incertum. Inter hæc Amyntas, præfectus equi-  
tum Alexandri, cum paucis turmis opem impedimen-  
tis laturus advenerat, incertum, si one consilio, an Re-  
gis imperio : sed non sustinuit Cadusiorum Scyrha-  
rumque impetum, quippe vix tentato certamine, effu-  
git ad Regem ; amissorum impedimentorum testis  
magis quam vindex. Jam consilium Alexandri vice-  
rat dolor, & ne cura recuperandi sua militem à prælio  
averteter, non immerito verebatur. Itaque Aretem,  
ducem hastatorum ( Sarissophoros vocabant ) adversus  
Scythas mittit. Inter hæc currus, qui circa prima sig-  
na turbaverant aciem, in phalangem inveci erant.  
Macedones confirmatis animis in medium agmen ac-  
cipiunt. Vallo similis acies erat, junxerant hastas, &  
ab utroque latere temere incurrentium ilia suffodie-  
bant : circuire deinde currus, & propugnatores præci-  
pitare cœperunt. Ingens ruina equorum aurigarum-  
que aciem compleverat. Hi territos regere non po-  
terant : equi crebra jactatione cervicum, non jugum  
modo excusserant, sed etiam currus everterant : vul-  
nerati interfectos trahebant : nec consistere terri-  
ti, neo progredi debiles poterant. Paucae tamen evasere  
quadrigæ in ultimam aciem ; iis, quibus inciderunt,  
miserabili morte consumptis. quippe amputata viro-  
rum membra humi jacebant : & quia calidis adhuc  
vulneribus aberat dolor, trunci quoque & debiles, ar-  
ma tamen non omittebant, donec multo sanguine ef-  
fuso exanimati procumberent. Interim Aretes, Scy-  
tharum, qui impedimenta diripiebant, duce occiso,  
gravius territis instabat. Supervenere deinde missi à  
Dario Bactriani, pugnaeque vertere fortunam. Multi  
ergo Macedonum primo impetu obruti sunt : plures  
ad Alexandrum refugerunt. Tum Persæ clamore sub-  
lato, qualem victores solent edere, ferociter in hostem,  
quasi ubique profligatum, incurrunt. Alexander ter-  
ritos castigare, adhortari ; prælium, quod jam elan-  
guerat,

guerat, solus accendere ; confirmatisque tandem animis ire in hostem jubet. Rarior acies erat in dextero cornu Persarum : namque inde Bactriani decesserant ad opprimenda impedimenta. Itaque Alexander laxatos ordines invadit, & multa cæde hostium invehitur. At qui in lævo cornu erant Persæ, spe, posse eum includi, agmen suum à tergo dimicantis opponunt. Ingenisque periculum in medio hærens adisset, ni equites Agriani, calcaribus subditis, circumfussos Regi Barbaros adorti essent, aversosque cædendo in se obverti coëgissent. Turbata erat utraque Acies. Alexander & à fronte & à tergo hostem habebat. Qui averso ei instabant, ab Agrianiis militibus premebantur. Bactriani, impedimentis hostium direptis, reversi, ordines suos recuperare non poterant. Plura simul abrupta à ceteris agmina, ubicunque alium alii fors miscuerat, dimicabant. Duo Reges junctis prope agminibus prælium accendebant. Plures Persæ cadebant ; par ferme utrinque numerus vulnerabatur. Curru Darius, Alexander equo vehebatur. utrumque delecti tuebantur, sui immemores. Quippe amisso Rege nec volebant silvi esse, nec poterant. Nam ante oculos sui quisque Regis mortem occumbere ducebant egregium. Maximum tamen periculum adiebant, qui maxime tuebantur. quippe sibi quisque cæsi Regis expetebat decus. Ceterum, sive ludibrium oculorum, sive vera species fuit, qui circa Alexandrum erant, vidisse se crediderunt paululum super caput Regis placide volantem aquilam ; non sonitu armorum, non gemitu morientium territam ; diuque circa equum Alexandri, pendenti magis quam volanti similis, apparuit. Certe vates Aristander alba veste indutus, & dextra præferens lauream, militibus in pugnam intentis, avem monstravit, haud dubium victoriæ auspici-um. Ingens ergo alacritas ac fiducia paulo ante terribitos accendit ad pugnam, urique posteaquam auriga Darii, qui ante ipsum sedens equos regebat, hasta transfixus est : nec aut Persæ, aut Macedones dubitavere, quin ipse Rex esset occisus. Lugubri ergo ululatu, & inconti-

incondito clamore, gemituque, totam fere aciem adhuc æquo Marte pugnantium turbavere. Cognati Darii, & armigeri, lævumque tuentes cornu, in fugam effusi, destituerant currum: quem à dextera parte stipati in medium agmen receperunt. Dicitur acinace stricto Darius dubitasse, an fugæ dedecus hostesta morte vitaret. Sed eminens curru, nondum omnem suorum aciem prælio excedentem destituere erubescibat. Dum inter spem & desperationem hæsitat, sensim Persæ cedebant, & laxaverant ordines. Alexander, mutato equo (quippe plures fatigaverat,) resistentium ora fodiebat, fugientium terga. Jamque non pugna, sed cædes erat, cum Darius quoque currum suum in fugam vertit. Hærebat in tergis fugientium victor. sed prospectum oculorum nubes pulveris, quæ ad cœlum ferebatur, abstulerat. Ergo hæud secus quam in tenebris errabant, ad sonum notæ vocis ut signum subinde cœiuntes. Exaudiebant tamen strepitus habentium, quibus equi currum vehentes identidem verberabantur. Hæc sola fugientis vestigia excepta sunt.

16. At in lævo Macedonum cornu, quod Parmenio, sicut ante dictum est, tuebatur, longe alia fortuna utriusque partis res gerebatur. Mazæus cum omni suorum equitatu vehementer investus, urgebat Macedonum alas. Jamque abundans multitudine aciem circumvehi cœperat, cum Parmenio equites nunciare jubet Alexandro, in quo discrimine ipsi essent, nisi mature subveniretur, non posse sisti fugam. Jam multum viæ processerat Rex, imminens fugientium tergis, cum à Parmenione tristis nuncius venit. refrænare equos iussit, qui vehebantur, agmenque constitit: frendente Alexandro, eripi sibi victoriam è manibus, & Darium felicius fugere, quam sequi se. Interim ad Mazæum superati Regis fama pervenerat. Itaque quamquam validior erat, fortuna tamen partium territus, perculsis languidius instabat. Parmenio ignorabat quidem causam sua sponte pugnæ remissæ: sed occasione vincendi strenue est usus. Thessalos equites ad se vocari jubet: Ecquid, inquit, videtis, istos, qui ferociter modo

do instabant, pedem referre subito pavore perterritos? Nimirum nobis quoque Regis nostri fortuna vincit. omnia Persarum cæde strata sunt. quid cessatis? an ne fugientibus quidem pares estis? Vera dicere videbatur, & spes languentes quoque erexerat, subditis calcaribus proruere in hostem: & illi jam non sensim, sed citato gradu recedebant: nec quidquam fugæ, nisi quod terga nondum verterant, deerat. Parmenio tamen, ignarus, quænam in dextro cornu fortuna Regis esset, repressit suos. Mazæus, dato fugæ spatio, non recto itinere, sed majore, & ob id tutiore circuitu, Tigrim superat, & Babylonem cum reliquiis devicti exercitus intrat. Darius paucis fugæ comitibus ad Lycum amnem contenderat: quo trajecto dubitavit an solveret pontem: quippe hostem jam affore nunciabatur. Sed tot millia suorum, quæ nondum ad amnem pervenerant, ponte reciso, prædam hostis fore videbat. Abiuntem, cum intactum fineret pontem, dixisse constat, Malle insequentibus iter dare quam auferre fugientibus. Ipse ingens spatium fuga emensus, media fere nocte Arbela pervenit. Quis tot ludibria fortunæ, dum agminumque cædem multiplicem, devictorum fugam, clades nunc singulorum, nunc universorum, aut animo assequi queat, aut oratione complecti? Prope modum seculi res in unum diem fortuna cumulavit. Alii qua brevissimum patebat iter, alii diversos saltus, & ignotos sequentibus calles petebant. Eques pedesque confusi sine duce, armatis inermes, integris debiles implicabantur. Deinde misericordia in metum versa, qui sequi non poterant, inter mutuos gemitus deserebantur. Sitis præcipue fatigatos & saucios exurebat, passimque omnibus rivis prostraverant corpora, præterfluentem aquam hianti ore captantes, quam cum avidè turbidam hausissent, tendebantur extemplo præcordia premente limo: resolutisque & torpentibus membris, cum supervenisset hostis, novis vulneribus excitabantur. Quidam, occupatis proximis rivis, diverterant longius, ut, quidquid occulti humoris usquam manaret, exciperent. Nec ulla adeo avia & sic-

ca lacuna erat, quæ vestigantium sitim falleret. E  
proximis vero itineri vicis senum ululatus feminarum-  
que exaudiebantur, barbaro ritu Darium adhuc Regem  
clamantium. Alexander, ut supra dictum est, inhibi-  
to suorum cursu, ad Lycum amnem pervenerat : ubi  
ingens multitudo fugientium oneraverat pontem, &  
plerique, cum hostis urgeret, in flumen se precipitave-  
rant, gravesque armis, & prælio ac fuga fatigati, gur-  
gitibus hauriebantur. Jamque non pons modo fugien-  
tes, sed ne amnis quidem capiebat, agmina sua impro-  
vide subinde cumulantes, quippe ubi intravit animos  
pavor, id solum metuunt, quod primum formidare cœ-  
perunt. Alexander, instantibus suis abeuntem hostem  
sequi permetteret, hebetia tela esse ; & manus fatiga-  
tas, tantoque cursu corpora exhausta, & præceps in  
noctem diei tempus, causatus est ; re vera de lævo cor-  
nu, quod adhuc in acie stare credebat, sollicitus, re-  
verti ad ferendam opem suis statuit. Jamque signa  
converterat, cum equites à Parmenione missi, illius  
quoque partis victoriam nunciant. Sed nullum eo die  
majus periculum adiit, quam dum copias reducit in  
castra. Pauci eum & incompositi sequebantur ovan-  
tes victoria. Quippe omnes hostes, aut in fugam ef-  
fusus : aut in acie cecidisse credebant. Cum repente  
ex adverso apparuit agmen equitum, qui primo inhi-  
buere cursum, deinde, Macedonum paucitate conspecta,  
turmas in obvios concitaverunt. Ante signa Rex ibat,  
dissimulato magis periculo, quam spreto. Nec desuit  
ei perpetua in dubiis rebus felicitas. Namque Præ-  
fectum equitatus, avidum certaminis, & ob id ipsum  
incautius in se ruentem, hasta transfixit. Quo ex e-  
quo lapso, proximum, ac deinde plures, eodem telo  
confodit. Invasere turbatos amici quoque. nec Persæ  
inulti cadebant ; quippe non universæ acies, quam hæ-  
tumultuariæ manus, vehementius injere certamen. Tan-  
dem Barbari, cum obscura luce fuga tutior videretur  
esse, quam pugna, diversis agminibus abiere. Rex ex-  
traordinario periculo defunctus, incolumes suos redux-  
it in castra. Cecidere Persarum, quorum numerum  
victores

viatores finire potuerunt, millia XL. Macedonum minus quam ccc desiderati sunt. Ceterum hanc victoriam Rex maiore ex parte virtuti, quam fortunæ suæ debuit: animo, non (ut antea) loco, vicit. Nam & aciem peritissime instruxit, & promptissime ipse pugnavit, & magno consilio iacturam sarcinarum impedimentorumque contempsit, cum in ipsa acie summum rei videret esse discrimen: dubioque adhuc pugnae eventu, pro victore se gessit, Percussos deinde hostes fudit: fugientes, quod in illo ardore animi vix credi potest, prudenter quam avidius persecutus est. Nam si, parte exercitus adhuc in acie stante, instare cedentibus perseverasset, aut sua culpa victus esset, aut aliena virtute vicisset. Jam si multitudinem equitum occurrentium extimuisset, victori aut fœde fugiendum, aut miserabiliter cadendum fuit. Nec duces quidem copiarum sua laude fraudandi sunt. Quippe vulnera quæ quisque excepit, indicia virtutis sunt. Hephæstionis brachium hasta ictum est: Perdicas, ac Cœnus & Menidas, sagittis prope occisi. Et, si vere æstimare Macedonas, qui tunc erant, volumus, fatebimur, & Regem talibus ministris, & illos tanto Rege fuisse dignissimos.

---



# Q U I N T I C U R T I I

## L I B E R V.

### B R E V I A R I U M L I B R I.

1. Dario Media fines ingressus, Arbela potitur Alexander, & Babylone. cujus situs, amplitudo, & corrupti mores describuntur.

2. Militibus premia proponit, ut iis otium excuteret. Susianam urbem ac regum Persie thesauros recipit, & Sygambim solatur.

3. Uxoriorum regione superata, Madathem praefectum ac deditos & captivos, tum libertate tum immunitate donat: Persidemque intrare cogitans, ab Ariobarzane retrocedere cogitur.

4. Captivo quodam iter paucis cognitum aperiente, Persarum exercitum ipso Ariobarzane occiso delet Alexander.

5. Ad Persepolim properans captivorum Graecorum quatuor M. liberat.

6. Opulentissima Persepoli direpta, interiorem Persidis regionem petit, ac Mardum domat gentem.

7. Alexander in convivio à Thaide aliisque castrensibus scortis impulsus, Persarum regiam incendit: deinde persequi Darium statuit.

8. Darii, suos ad pugnam

hortantis, cratio.

9. Varia Magnatum sententia, actumultus, ob Nabarzanis, qui cum Besso prodicionis societatem inierat, consilium.

10. Bessi & Nabarzanis, de Dario prodendo aut occidendo nefaria deliberatio, quam miris artibus occultant.

11. Insidia proditorum Dario aperiuntur, qui Graecorum praesentiumque respuit auxilium: paratus perire, si saluum esse nollent sui milites.

12. Bessus Darium fictis verbis & lacrymis delusum comprehendit, aureisque vittatum compedibus, in sordido vehiculo ad Alexandrum deduci curat.

13. Alexander, audito Darii periculo ad Persarum exercitum contendit. Bessus autem cum parricidis aliis arma vultumque metuens victoris, Darium, multis confossum vulneribus, relinquit, fugaque sibi consulere conatur.

14. Darii corpus repertum Alexander lacrymis prosequitur, & ad Sygambim sepeliendum mittit.

E

Qu

**Q**Uæ interim ductu imperioque Alexandri, vel in Græcia, vel Illyriis ac Thracia gesta sunt, si quæque suis temporibus reddere voluero, interrumpendæ sunt res Asiæ, quas utique ad fugam, mortemque Darii universas in conspectum dari, & sicut inter se cohærent, ita opere ipso conjungi, haud paulo aptius videri potest. Igitur, quæ prælio apud Arbela conjuncta sunt, ordiar dicere. Darius media fere nocte Arbela pervenit, eodemque magnæ partis amicorum ejus ac militum fugam fortuna compulerat. Quibus convocatis, exponit, haud dubitare se, quin Alexander celeberrimas urbes, agrosque omni copia rerum abundantes, petiturus esset; prædam opimam paratamque ipsum & milites ejus spectare. Id suis rebus tali in statu salutis fore: quippe se deserta cum expedita manu petiturum. Ultima regni adhuc intacta esse: inde bello vires haud ægre reparaturum. Occuparet sane gazam avidissima gens, & ex longa fame satiare se auro, mox futura prædæ sibi, didicisse usum, pretiosam supellectilem pellicefque, & spadonum agmina, nihil aliud fuisse, quam onera & impedimenta. Eadem trahentem Alexandrum, quibus antea vicisset, inferiorem fore. Plena omnibus desperationis videbatur oratio: quippe Babylonem urbem opulentissimam dedit cernentibus, jam Susa, jam cetera ornamenta regni, causamque belli, victorem occupaturum. At ille docere pergit, non speciosa dictu, sed usu necessaria in rebus adversis sequenda esse. Ferro geri bella, non auro: viris, non urbium tectis. omnia sequi armatos. Sic majores suos perculos in principio rerum, celeriter pristinam reparasse fortunam. Igitur sive confirmatis eorum animis, sive imperium magis quam consilium sequentibus, Mediæ fines ingressus est. Paulo post Alexandro Arbela traduntur, regia supellectili ditique gaza repleta. Quatuor millia talentum fuere. præterea pretiosæ vestes, totius (ut supra dictum est) exercitus opibus in illam sedem congestis. Ingruentibus deinde morbis, quos odor cadaverum totis jacentium campis vulgaverat, maturius castra movit. Euntibus aperit

aperit se à læva Arabia odorum fertilitate nobilis regio. Campestre iter est; inter Tigrim & Euphratem tam uber & pinguis soli, ut à pastu repelli pecora dicantur, ne satietas perimat. Causa fertilitatis est humor, qui ex utroque amne manat: toto fere solo propter venas aquarum residante. Ipsi amnes ex Armeniæ montibus profluunt, ac magno deinde aquarum divortio iter, quod cœpere, percurrunt. Duo millia & quingenta stadia emensi sunt, qui amplissimum intervallum circa Armeniæ montes notaverunt. Idem cum Mediæ & Gordianorum terras secare cœperunt, paulatim in arctius cœunt: & quo longius manent, hoc angustius inter se spatium terræ relinquunt. Vicini maxime sunt his campi, quos incolæ Mesopotamiam appellant: mediam namque ab utroque latere concludunt. Eadem per Babyloniorum fines in Rubrum mare prorumpunt. Alexander quartis castris ad Menin urbem pervenit. Caverna ibi est, ex qua fons ingentem vim bituminis effundit: adeo, ut satis constet, Babylonios muros ingentis operis huius fontis bitumine interlitos fuisse. Ceterum, Babylonem procedenti Alexandro Mazæus, qui ex acie in urbem eam confugerat, cum adultis liberis supplex occurrit; urbem seque dedens. Gratus adventus ejus fuit Regi; quippe magni operis futura erat obsidio tam munitæ urbis. Ad hoc vir illustris, & manu promptus, famaque etiam proximo prælio celebris, & ceteros ad deditionem, sui incitaturus exemplo videbatur. Igitur hunc quidem benigne cum liberis excepit. Ceterum quadrato agmine, quod ipse ducebat, velut in aciem irent, ingredi suos jubet. Magna pars Babyloniorum constiterat in muris; avida cognoscendi novum Regem. Plures obviam egressi sunt. Inter quos Bagophanes, arcis & regiæ pecuniæ custos, ne studio à Mazæo vinceretur, totum iter floribus coronisque constraverat, argenteis altaribus utroque latere dispositis, quæ non thure modo, sed omnibus odoribus cumlaverat. Eum dona sequebantur, greges pecorum equorumque; leones quoque & pardales caveis præferebantur.

tur. Magi deinde suo more patrium carmen canentes. Post hos Chaldæi, Babyloniorumque non vates modo, sed etiam artifices, cum fidibus sui generis ibant; laudes ii Regum canere soliti; Chaldæi fiderum motus, & statas temporum vices ostendere. Equites deinde Babylonii: suo atque equorum cultu, ad luxuriam magis quam ad magnificentiam exacto, ultimi ibant. Rex armatis stipatus, oppidanorum turbam post ultimos pedites ire iussit. Ipse cum curru urbem, ac deinde regiam, intravit. Postero die suppellectilem Darii, & omnem pecuniam recognovit. Ceterum ipsius urbis pulchritudo ac venustas, non Regis modo, sed etiam omnium oculos in semet haud immerito convertit. Semiramis eam condiderat, vel (ut plerique credidere) Belus, cuius regia ostenditur. Murus instructus laterculo coctili, bitumine interlitus, spatium xxx & duorum pedum latitudinem amplectitur. quadrigæ inter se occurrentes sine periculo commicare dicuntur. Altitudo muri c cubitorum eminent spatio. Turres denis pedibus, quam murus, altiores sunt. Totius operis ambitus CCCLVIII stadia complectitur singulorum stadiorum structuram singulis diebus perfectam esse, memoriæ proditum est. Ædificia non sunt admota muris, sed fere spatium unius iugeris absunt. Ac ne totam quidem urbem tectis occupaverunt. per xc stadia habitatur: nec omnia contrinua sunt. credo, quia tutius visum est pluribus locis spargi. Cetera ferunt, coluntque: ut, si externa vis ingruat: obsessis alimenta ex ipsius urbis solo subministrant. Euphrates interfluit, magnæque molis crepidinibus coërcetur. Sed omnium operum magnitudinem circumveniunt cavernæ ingentes, in altitudinem pressæ ad accipiendum impetum fluminis: quod ubi appositæ crepidinis fastigium excessit, urbis tecta corripere, nisi essent specus, lacusque, qui exciperent. Coctili laterculo structi sunt: totum opus bitumine astringitur. Pons lapideus, flumini impositus, jungit urbem. Hic quoque inter mirabilia Orientis opera numeratus est. quippe Euphrates altum limum vehit, quo  
penitus

penitus ad fundamenta jacienda egesto, vix fulciendo operi firmum reperiunt solum. Arenæ autem subinde cumulatae, & saxis, quibus pons sustinetur, annexæ morantur annem: qui retentus acrius, quam si libero cursu mearet, illiditur. Arcem quoque ambitu viginti stadia complexam habet: triginta pedes in terram turrium fundamenta dimissa sunt. ad octoginta summum munimenti fastigium pervenit. Super arce, vulgatum Græcorum fabulis miraculum, pensiles horti sunt, summam murorum altitudinem æquantes, multarumque arborum umbræ & proceritate amœni. Saxæ pilæ, quæ totum onus sustinent, instructæ sunt. Super pilas lapide quadrato solum stratum est, patiens terræ, quam altam injiciunt, & humoris, quo rigant: adeoque validas arborum sustinent moles, ut stipites earum octo cubitorum spatium crassitudine æquent, in quinquaginta pedum altitudinem emineant, & frugiferæ æque sint, ac si terra sua alerentur. Et, cum vetustas non opera solum manufacta, sed etiam ipsam naturam paulatim exedendo perimat: hæc moles, quæ tot arborum radicibus premitur, tantique nemoris pondere onerata est, inviolata durat: quippe viginti lati parietes sustinent, undecim pedum intervallo distantes, ut procul visentibus silvæ montibus suis imminere videantur. Syriæ Regem Babylone regnantem hoc opus esse moliturum, memoriæ proditum est, amore conjugis victum, quæ desiderio memorum sylvarumque, in campestribus locis virum compulit, naturæ genium amœnitate hujus operis imitari. Diutius in hac urbe quam usquam constitit Rex, nec ullus locus disciplinæ militari magis nocuit. Nihil urbis ejus corruptiis moribus, nihil ad irritandas illiciendasque immodicas voluptates instructius. Liberos conjugesque cum hospitibus stupro coire, modo pretiam flagitii detur, parentes maritique patiuntur. Convivales ludi tota Perside, Regibus purpuratisque cordi sunt. Babylonii maxime in vinum, & quæ ebrietatem sequuntur, effusi sunt. Feminarum convivia ineuntium in principio modestus est habitus. dein summa quæque amacula

exuunt, paulatimque pudorem profanant. Ad ultimum (honus auribus fit) ima corporum velamenta projiciunt. nec meretricum hoc dedecus est, sed matronarum, virorumque, apud quos comitas habetur vulgati corporis vilitas. Inter hæc flagitia exercitus ille domitor Asiæ per xxxiv dies saginatus, ad ea, quæ sequebantur discrimina, haud dubie debilior futurus fuit, si hostem habuisset. Ceterum quo minus damnum sentiret, identidem incremento novabatur. Namque Amyntas Andromenis ab Antipatro Macedonum peditum sex millia adduxit: cccc præterea ejusdem generis equites. cum his DC Thracas, adjunctis peditibus suæ gentis tribus millibus & quingentis: & ex Peloponneso mercenarius miles ad quatuor millia advenerat, cum CCCLXXX equitibus. Idem Amyntas adduxerat quinquaginta principum Macedoniæ liberos adultos, ad custodiam corporis. quippe inter epulas hi sunt Regis ministri, iidemque equos ineunti prælium admovent, venantemque comitantur, & vigiliarum vices ante cubiculi fores servant: magnorumque præfectorum & ducum hæc incrementa sunt, & rudimenta. Igitur arci Babylonie Rex Agathone præsidere jussit, cum septingentis Macedonum, trecentisque mercede conductis: Prætores, qui regioni Babylonie, & civitati præessent, Menetam, & Apollodorum reliquit. his duo millia peditum cum mille talentis data. Utrique præceptum, ut in supplementum milites legerent. Mazæum transfugam Satrapia Babylonie donat. Bagophanem, qui arcem tradiderat, sequi jussit. Armenia Mithreni Sardium proditori data est. Ex pecunia deinde Babylonie Macedonibus equitibus sexcenti denarii tribut: peregrinus eques quingenos accepit: ducelis pedestrium stipendium mensem est.

2. His ita compositis, in regionem, quæ Satrapene vocatur, pervenit: fertilis terra, copia rerum, & omni commeatu abundans. Itaque diutius ibi substitit: ac ne desides otio dimitterent animos, judices dedit, præmiaque proposuit de virtute militari certantibus. Octo, qui

qui fortissimi judicati essent, singulis militum millibus præfutura erant. Chiliarchas vocabant, tum primum in hunc numerum copiis distributis. Namque antea quinquagenariæ cohortes erant, nec fortitudinis præmia gesserant. Ingens militum turba convenerat, egregio interfutura certamini, testis eadem cujusque factorum, & de iudicibus latura sententiam; quippe verone an falso honos cuique haberetur, ignorari non poterat. Primus omnium virtutis causa donatus est Adarchias senior, qui omissum apud Halicarnasson à junioribus prælium, unus maxime accenderat: proximus ei Antigenes visus est: tertium locum Philotas Angeus obtinuit: quartus Amyntæ datus est: post hos Antigonus, & ab eo Lyncestes Amyntas fuit: septimum locum Theodorus: ultimum obtinuit Hellanicus. In disciplina quoque militaris rei pleraque à majoribus tradita, utiliter mutavit. Nam cum ante equites in suam quisque gentem describerentur, seorsum à ceteris exempto nationum discrimine, Præfectos non utique suarum gentium, sed delectos, attribuit. Tuba, cum castra movere vellet, signum dabat. cujus sonus plerumque, tumultuantium fremitu exoriente, haud satis exaudiebatur. Ergo perticam, quæ undique conspici posset, supra prætorium statuit: ex qua signum eminebat pariter omnibus conspicuum. Observabatur ignis noctu, fumus interdiu. Jamque Susi adituro, Abulites regionis ejus Præfectus, sive Darii jussu, ut Alexandrum præda retineret, sive sponte, filium obviam misit, traditurum se urbem promittens. Benigne juvenem excepit Rex, & eo duce ad Choaspen amnem pervenit, delicatam (ut fama est) vehementem aquam. Hic Abulites cum donis regalis opulentiæ occurrit. Dromades cameli inter dona erant, velocitatis eximiae: duodecim elephantum à Dario ex India acciti; non jam terror (ut sepeverat) Macedonum, sed auxilium; opes victi ad victorem transferente fortuna. Ut vero urbem intravit, incredibilem ex thesauris summam pecuniæ egressit, L millia talentum argenti, non signati forma, sed rudi pondere. Multi Reges tantas opes

longa ætate cum alaverant liberis, posterisque, ut arbitrabantur, quas una hora in externi Regis manus intulit. Consedit deinde in regia sella, multo excelsiore, quam pro habitu corporis. Itaque pedes cum inum gradum non contingerent, unus ex Regiis pueris mensam subdidit pedibus: & cum spadonem, qui Darii fuerat, ingemiscentem conspexisset Rex, causam mortis requirivit. Ille indicat, Darium vesci in ea solitum: seque sacram ejus mensam ad ludibrium recidentem, sine lacrymis conspiciere non posse. Subiit ergo Regem verecundia violandi hospitales Deos. Jamque subduci jubebat, cum Philotas; Minime vero hæc feceris, Rex, sed omen quoque accipe: mensam, ex qua libavit hostis epulas, tuis pedibus esse subjectam. Rex, Perfidis fines aditurus, Susam urbem Archelao, & præsidium trium millium, tradidit. Xenophilo arcis cura mandata est: mille Macedonum ætate gravibus præsidere arcis custodiæ jussis. Thesaurorum Callicrati tutela permissa. Satrapia regionis Susiæ restituta Abullti. Matrem quoque Darii & liberos in eadem urbe deponit. Ac forte Macedonicas vestes, multamque purpuram dono ex Macedonia sibi missam, cum iis, qui confecerant, tradi Syfigambi jussit. Omni namque honore eam, & filii quoque pietate prosequeretur. Admoneri jussit, ut, si cordi quoque vestis esset, conficere eam neptes suas assuefaceret, donoque doceret dare. Ad hanc vocem lacrymæ obortæ, prodidere animum aspernantis id munus: quippe non aliud magis in contumeliam Persarum feminæ accipiunt, quam admoveere lævæ manus. Nunciant, qui dona tulerant, tristem esse Syfigambim. dignaque res excusatione & solatio visâ. Ipse ergo pervenit ad eam, & Mater (inquit) hanc vestem qua indutus sum, sororum non solum donum, sed etiam opus vides. Nostri decipere me mores. Cave, obsecro, in contumeliam accipias ignorationem meam. Quæ tui moris esse cognovi, ut spero, abunde servata sunt. Scio apud vos filium in conspectu matris nefas esse confidere, nisi cum illa permiserit. Quotiescunque ad te veni, donec

ut



ut considerem annueres, restiti. Procumbens venerari me sepe voluisti, inhibui. Dulcissimæ matri Olympiadi nomen debitum, tibi reddo.

3. Mitigato ejus animo Rex quartis castris pervenit ad fluvium: Pasitigrim incolæ vocant. oritur in montibus Uxiorum, & per L stadia sylvestribus ripis præceps inter saxa devolvitur. Accipiant deinde cum campi, quos clementiore alveo præterit, jam navium patiens. DC stadia sunt mollioris soli, per quod leni tractu aquarum Persico mari se insinuat. Alexander, amne superato, cum IX millibus peditum, & Agrianis, atque Græcorum mercenariis, millibus III, additis millibus Thracum, in regionem Uxiorum pervenit. Finitima Susis est, & in primam Persidem excurrit; arctum inter se & Susianos aditum relinquens. Madathes erat hujus regionis Præfectus, haud sane temporum homo. quippe ultima pro fide experiri decreverat. Sed periti locorum Alexandrum docent, occultum iter esse per calles, & aversum ab urbe: si paucos misisset leviter armatos; super capita hostium evasuros. Cum consilium placuisset, iidem iterum fuerunt duces: mille & quingenti mercede conducti, & Agriani fere mille Tauroni Præfecto dati, ac post solis occasum iter ingredi jussi. Ipse tertia vigilia castris motis, circa lucis ortum superaverat angustias: cæsaque materia cratibus & pluteis faciendis, ut, qui turres admovent, extra teli jactum essent, urbem obsidere cœpit. Prærupta erant omnia fixis & cotibus. Multis ergo vulneribus depulsi, ut quibus non cum hoste solum, sed etiam cum loco dimicandum esset, subibant tamen: quia Rex inter primos constiterat, interrogans tot urbium victores, an erubescerent hære in obsidione castelli exigui & ignobilis? simul jam inter hæc eminus petebatur: cum testudine objecta milites, qui, ut inde discederet, percellere nequiverant, tuebantur. Tandem Tauron super arcem urbis se cum suo agmine ostendit: ad cuius conspectum & animi hostium labare, & Macedones acrius prælium inire cœperunt. Anceps oppidanos malum urge-

bar, nec fisci vis hostium poterat. Paucis ad moriendum, pluribus ad fugam animus fuit. Magna pars in arcem concessit. Inde triginta oratoribus missis ad deprecandum, tristo responsum à Rege redditur, non esse veniæ locum. Itaque suppliciorum metu perculsi, ad Syfigambim Darii matrem, occulto itinere ignotoque hostibus, mittunt, qui peterent, ut ipsa Regem mitigaret; haud ignari, parentis eam loco diligere colique. Et Madathes sororis filiam secum matrimonio junxerat, Darii propinqua cognatione contingens. Dia Syfigambis supplicum precibus repugnavit; abnuens deprecationem pro illis convenire fortunæ, in qua esset: adjecitque, metuere sese ne victoris indulgentiam fatigaret; sæpiusque cogitare, captivam esse se, quam reginam fuisse. Ad ultimum victa literis, Alexandrum ita deprecata est, ut ipsam excusaret, quod deprecaretur: petere se, ut illis quoque, si minus sibi, ignosceret. pro necessario ac propinquo suo, jam non hoste, sed supplice tantum, vitam precari. Moderationem clementiamque Regis, quæ tunc fuit, vel una hæc res possit ostendere: non Madathi modo ignovit, sed omnes & deditos & captivos libertate atque immunitate donavit: urbem reliquit intactam: agros sine tributo colere permisit. A victore Dario plura mater non impetrasset. Uxiorum deinde gentem subactam, Susianorum Satrapiæ contribuit: divisisque cum Parmenione copiis, illum campestri itinere procedere jubet: ipse cum expedito agmine jugum montium cepit, quorum perpetuum dorsum in Persidem excurrit. Omni hac regione vastata, tertio die Persidem, quinto angustias (quas illi Susidas Pylas vocant) intrat. Ariobarzanes has cum quindecim millibus peditum occupaverat; rupes abscissas, & undique præruptas; in quarum cacuminibus extra relinquantur Barbari stabant: de industria quieti, & paventibus similes, donec in arctissimas fauces penetraret agmen. Quod ubi contemptu sui pergere vident; tum vero ingentis magnitudinis saxa per montium prona devolvunt, quæ incussa sæpius subjacentibus petris,

majore

maiore vi incidebant: nec singulos modo, sed agmina proterebant. Fundis quoque excussi lapides, & sagittæ, ingerebantur undique. Nec id miserrimum fortibus viris erat, sed quod inulti, ferarum ritu, velut in fovea deprehensi, cæderentur. Ira igitur in rabiem versâ, eminentia fixa complexi, ut ad hostem perveniant, alius alium levantes conabantur ascendere: ea ipsâ multorum simul manibus correpta, & convulsâ, in eos, qui commoverant, recidebant. Nec stare ergo, nec niti, nec testudine quidem protegi poterant, cum tantæ molis onera propellerent Barbari. Regem non dolor modo, sed etiam pudor temere in illis angustias conjecti exercitus angebat. Inventus ante eam diem fuerat, nihil frustra ausus. impune Ciliciæ fauces intraverat, mari quoque novum iter in Pamphyliam aperuerat. Tunc hæsitabat deprehensâ felicitas. nec aliud remedium erat, quam reverti, qua venerat. Itaque signo receptui dato, densatis agminibus, scutisque super capita consertis, retro evadere Rex ex angustis juber: triginta fuere stadia, quæ remensi sunt.

4. Tum castris undique aperto loco positis, non consultare modo quid agendum esset, sed vates quoque adhibere coepit à superstitione animi. Sed quid tunc prædicere Aristander, cui tum plurimum credebatur ex vatibus, poterat? Itaque damnatis intempestivis sacrificiis, peritos locorum convocari juber. Medium iter ostendebant, tutum apertumque: sed Rex dimittere milites insepultos erubescerebat, ita tradito more, ut vix ullum militiæ tam solenne esset munus, quasi humanandi suos. Captivos ergo, quos nuper exceperat, vocari juber: inter quos erat quidam, Græcæ Persicæque linguæ peritus, qui frustra eam in Persidem montium dorso exercitum ducere affirmat: sylvestres esse calles, vix singulis pervios, omnia contegi fronalibus, implexosque arborum ramos sylvas committere. Namque Persis ab altero latere perpetuis montium jugis clauditur, quod in longitudinem MDC stadia, in latitudinem CLXX procurrit. Hoc dorsum à Caucaso monte ad Rubrum mare pertinet; quæque deficit mons,

aliud

aliud munimentum, fretum, obiectum est. Planities deinde sub radicibus montium spatiosa procumbit: fertilis terra, multisque vicis atque urbibus frequens. Araxes amnis per hos campos multorum aquas torrentium evolvit in Medum. Medus à mari, ad meridiem versus, minor amnis eo quem recipit, evehitur: gignendæque herbæ non alius est aptior; quicquid alipit, floribus vestiens. Platani quoque & populi contegunt ripas; ita ut procul visentibus continuata videantur montibus nemora riparum. Quippe obumbratus amnis, pressio in solum dilabitur alveo: imminetque colles, ipsi quoque frondibus lætis, radices humore subeunte. Regio non alia tota Asia salubrior habetur: temperatum calum. hinc perpetuum jugum opacum & umbrosum, quod æstus levat: illinc mare adjunctum, quod modico tepore terras fovet. His expositis, captivus interrogatus à Rege, audirune an oculis comperta haberet, quæ diceret; pastorem se fuisse, & omnes eos calles percurrisse respondit; bis captum, semel à Persis in Lycia, iterum ab ipso. Subit animum memoria Regis oraculo editæ sortis. Quippe consulenti responsum erat, ducem in Persidem ferentis viæ Lycium civem fote. Igitur promissis, quanta & præsens necessitas exigebat, & ipsius fortuna capiebat, oneratum, armari jubet Macedonum more. & quod bene verteret, monstraret iter, quamvis arduum & præceps, evasurum se esse cum paucis: nisi forte crederet, quo ipse pecoris causi isset, Alexandrum pro gloria & perpetua laude ire non posse. etiam atque etiam docere captivus, quam difficile iter esset, maxime armatis. Tum Rex, Prædem me, inquit, accipe, neminem eorum, qui sequuntur, recusaturum ire, qua duces. Cratere igitur ad custodiam castrorum relicto, cum peditibus, quæis aslueverat, & iis copiis, quas Meleager ducebat, & sigittariis ducentis, & equitibus mille, præcepit, ut castrorum specie manente, plures de industria ingens fieri imperaret, quo magis Barbari crederent ipsum Regem in castris esse. Ceterum, si forte Ariobarzanes cognovisset, per calli-

um.

um anfractus eum intrare, & ad occupandum iter suum partem copiarum tentasset opponere; Craterus in eum illato terrore retineret ad propius periculum conversum agmen. Sin autem ipse hostem fefellisset, & saltum occupasset, cum trepidantium Barbarorum tumultum exaudisset, persequentium Regem, id ipsum iter, quo pridie pulsi fuerant, ne dubitaret ingredi: quippe vacuum fore, hostibus in semet averfis. Ipse tertia vigilia, silenti agminae, ac ne tuba quidem dato signo, pergit ad demonstratum iter callium. Tridui alimenta portare militem jusserat leviter armatum. Sed præter invias rupes, ac prærupta saxa, vestigium subinde fallentia, nix cumulata vento, ingredientiæ fatigabat. Quippe velut in foveas delati hauriebantur, & cum à commilitonibus levarentur, trahebant magis adjuvantes, quam assequebantur. Nox quoque, & ignota regio, ac dux, incertum, an satis fidus, multiplicabant metum, si custodes fefellissent, quasi feras bestias ipsos posse deprehendi. Ex unius captivi vel fide vel anima, pendere & Regis salutem, & suam. Tandem venere in jugum. A dextra iter ad ipsum Ariobarzanem erat. hic Philotam & Cœnum cum Amynta & Polyperconte, expeditam habentes manum, reliquit; monitos ut, quia eques pediti erat mixtus, & quam pinguissimum esset solum, & pabuli fertile, sensum procederent. Duces erant itineris de captivis dati. Ipse cum armigeris, & ala, quam Agema appellant, ardua semita, sed longius à stationibus hostium remota, multa cum vexatione processit. Medius erat dies, & fatigatis necessaria quies. Quippe tantundem itineris supererat, quantum emensi erant, sed minus præcipitis atque ardui. Itaque refectis cibo somnoque militibus, secunda vigilia surgit, & cetera quidem haud ægro præteriiit. Ceterum, qua se jugum montium paulatim ad planiora demittit, ingens vorago concursu cavata torrentium, iter ruperat. Ad hæc arborum rami alius alio implicati & coeuntes, ut perpetuam obsecrant sepem. Desperatio igitur ingens, adeo ut vix lacrymis abstinere, incesserat. Præcipue obscuritas  
terrori

terrori erat. Nam etiam si qua sidera internitebant, continenti fronde tectæ arbores conspiciere prohibebant. Ne aurium quidem usus supererat: silvas quatiente vento, quæ concutientibus ramis maiorem quam pro flatu sonum reddebant. Tandem expectata lux omnia, quæ terribiliora nox fecerat, minuit. Circumiri brevi spatio poterat eluvies, & sibi quisque dux itineris cøperat fieri. Evadunt ergò in editum verticem, ex quo hostium statione conspecta, strenue armati à tergo se ostendunt: nihil tale metuentibus. Quorum pauci, qui congregi ausi erant, cæsi sunt. Itaque hinc morientium gemitus, hinc ad suos recurrentium miserabilis facies, integros quoque, antequam discrimen experirentur, in fugam avertit. Fremitu deinde in castra, quæ Craterus præerat, illato, ad occupandas angustias, in quibus pridie hæsitabat, miles educitur. Simul & Philotas cum Polyperconte Amyntaque & Cæno, diversum iter ingredi iussis, alium terrorem intulit Barbaris. Ergo undique Macedonum armis fulgentibus, ancipiti malo oppressi, memorabile tamen prælium edunt. ut opinor, ignaviam quoque necessitas acuit, & sæpe desperatio spei causa est. Nudi complectebantur armatos, & ingenti corporum mole secum ad terram detrahentes, ipsorum telis plerosque fodiebant. Ariobarzanes tamen XL ferme equitibus, & quinque millibus peditum stipatus, per mediam aciem Macedonum cum multo suorum atque hostium sanguine erupit. Persèpòlīm urbem caput regionis occupare festinans. Sed à custodibus urbis exclusus, contectis strenue hostibus, cum omnibus fugæ comitibus, renovato prælio cecidit. Craterus quoque raptim agmine acto supervenit.

5. Rex eodem in loco, quo hostium copias fuderat, castra communiter. quanquam enim undique fugati hostes victoriam concesserant, tamen præaltæ præcipientesque fossæ, pluribus locis objectæ, abruperant iter, festinque & caute progrediendum erat, jam non hostium, sed locorum fraude suspecta. Procedenti ei literæ redduntur à Tyridate custode regis pecuniæ;

nix; indicantes, eos qui in urbe essent, audito ejus adventu, diripere velle thesauros: properaret occupare: expeditum iter esse, quanquam Araxes amnis interfuerat. Nullam virtutem Regis istius magis, quam celeritatem laudaverim: relictis enim pedestribus copiis, tota nocte cum equitibus itineris tanto spatio fatigatis ad Araxem prima luce pervenit. Vici erant in propinquo: quibus direptis ac dirutis, pontem ex materia eorum subditis faxis strenue induxit. Jamque haud procul urbe erant, cum miserabile agmen, inter pauca fortunæ exempla memorandum, Regi occurrit. Captivi erant Græci ad quatuor millia fere, quos Perse vario suppliciorum modo affecerant. Alios pedibus, quosdam manibus auribusque amputatis, iniustissime Barbararum literarum notis, in longum sui ludibrium reservaverant, & cum se quoque alienæ ditionis esse cernerent, volentes Regi occurrere non prohibuerant. Inusitata simulacra, non homines videbantur. nec quidquam in illis præter vocem poterat agnoscere. Plures igitur lacrymas commovere, quam profunderant ipsi: quippe in tam multiplici variaque fortuna singulorum, intuentibus similes quidem, sed tamen dispares pœnas, quis maxime miserabilis esset, liquere non poterat. Ut vero Jovem illi tandem Græciæ ultorem aperuisse oculos conclamavere, omnes pari supplicio affecti sibi videbantur: Rex, absterfis quas profunderat lacrymis, bonum habere animum jubet; virosque urbes suas, conjugesque: & castra inde duo ab urbe stadia communis. Græci excefferant vallo, deliberaturi, quid potissimum à Rege peterent. Cumque aliis sedes in Asia rogare, aliis reverti domos placeret; Eudemon ita locutus ad eos fertur: Nos, qui modo ad opem petendam ex tenebris & carcere procedere erubimus, ut nunc est, supplicia nostra, quorum nos pudeat magis, an poeniteat, incertum est, ostentare Græciæ velut lætum spectaculum cupimus. Atqui optime misérias ferunt, qui abscondunt: nec ulla est tam familiaris infelicibus patria, quam solitudo, & status prioris oblivio. Nam qui multum in suorum mi-

feri.

misericordia ponunt, ignorant quam celeriter lacrymæ inarescant. Nemo fideliter diligit, quem fastidit: nam & calamitas querula est, & superba felicitas. Ita suam quisque fortunam in consilio habet, cum de aliena deliberat: & nisi mutuo essemus miseri, olim alius alii potuissemus esse fastidio. Quid mirum est, fortunatos semper parem querere? Obscuro vos, olim vita defuncti, quaeramus locum, in quo hæc semesa membra obruamus, ubi horribiles cęatrices celet exilium. Ingrati prorsus conjugibus, quas juvenes duximus, revertemur. Liberi in flore & ætatis & rerum, & fratres, agnoscent ergastuli detrimenta; & quota pars nostri tot obire terras potest? procul Europa in ultima Orientis relegati, senes, debiles, majore membrorum parte mutilati, tolerabimus scilicet quæ armatos & victores fatigaverunt? Conjuges deinde, quas captis fors & necessitas unicum solatium applicuit, parvosque liberos, trahimus nobiscum, an relinquimus? Cum his venientes nemo agnoscere volet. Relinquemus ergo extemplo præsentia pignora, cum incertum sit, an visuri simus ea quæ petimus? Inter hos latendum est, qui nos miseros nosse cęperunt. Hæc Euclemon. Contra Theætetus Atheniensis orsus est dicere: Neminem pium habitu corporis suos æstimaturum, utique sævitia hostis, non natura calamitosos. Dignum esse omnimalo, qui erubesceret fortuita: tristem eum de mortalitate ferre sententiam, & desperare misericordiam, quam ipse alteri denegaturus sit. Deos (quod ipsi nunquam ausi optare forent) offerre patriam, conjuges, liberos, & quicquid homines vel vita æstimaunt, vel morte redimunt. Quin illi ex hoc carcere erumperent; alium domi esse cœli haustum, alium lucis aspectum. Mores, sacra, linguæ commercium etiam à Barbaris expeti, quæ ingentia ipsi omissuri sint sua sponte, non ob aliud tam calamitosi, quam quod illis carere coacti essent. Se certe rediturum ad penates, & in patriam, tantoque beneficio Regis usurum. Si quos contubernii, liberorumque, quos servitus coëgisset agnoscere, amor detineret, relinquerent, quibus nil patria



patria carius est. Pauci hujus sententiæ fuere. Ceteros consuetudo, natura potentior, vicit. Consenserunt, petendum esse à Rege, ut aliquam ipsis attribueret sedem. Centum ad hoc lecti sunt; quos Alexander ratus, quod ipse præstare cogitabat, petituros, Jumenta, inquit, assignari, quæ vos veherent, & singulis vestrum mille denarium dari jussi. Cum redieritis in Græciam, præstabo, ne quis statum suum, si hæc calamitas absit, vestro credat esse meliorem. Illi, obortis lacrymis, terram intuebantur, nec aut erigere vultus, aut loqui audebant. Tandem Rege tristitiæ causam exigente, Eustemon similia iis, quæ in consilio dixerat, respondit. Atque ille non fortunæ solum eorum, sed etiam poenitiæ misertus, terna millia denarium singulis dari jussit. Denæ vestes adjectæ sunt, & armenta cum pecoribus ac frumento data, ut coli serique attributus iis ager posset.

6. Postero die convocatos duces copiarum docet, nullam infestiorē urbem Græcis esse, quam regiam veterum Persidis Regum. Hinc illa immensā agmina infusa: hinc Darium prius, deinde Xerxem, Europæ impium intulisse bellum. Excidio illius parentandum esse majoribus. Jamque Barbari, deserto oppido, qua quemque metus agebat, diffugerant; cum rex phalarigem nil cunctatus inducit. Multas urbes refertas opulentia regia partim expugnat: partim in fidem acceperat. Sed urbis hujus divitiæ vicere præterita. in hanc totius Persidis opes congefserant Barbari: aurum, argentumque cumularum erat: vestis ingens modus: supellex, non ad usum modo, sed ad ostentationem luxus comparata. Itaque inter ipsos victores ferro dimicabatur. pro hoste erat qui pretiosiorē occupaverat prædam. Et, cum omnia, quæ reperiebantur, capere non possent (nam res non occupabantur, sed æstimabantur,) lacerabant regias vestes, ad se quisque partem trahentes: dolabris pretiosæ artis vasa cædebant: nihil neque intactum erat, nec integrum ferebatur. Abrupta simulacrorum membra ut quisque avellerat, trahebat: neque avaritia solum, sed  
etiam.

etiam crudelitas, in capta urbe grassata est. Auro argentoque onusti, vilia captivorum corpora trucidabant, passimque obvii cædebantur, quos antea pretium sui miserabiles fecerat. Multi ergo hostium manus voluntaria morte occupaverunt, pretiosissima vestium induti: è muris semet ipsos cum conjugibus ac liberis in præceps jactantes. Quidam ignes, quod paulo post facturus hostis videbatur, subjecerant ædibus, ut cum suis vivi cremarentur. Tandem suis Rex corporibus, & cultu feminarum abstinere iussit. Ingens pecuniæ captivæ modus traditur, prope ut fidem excedat. Ceterum aut de aliis quoque dubitamus, aut credimus in hujus urbis gaza fuisse c & xx millia talenta. ad quæ vehenda (namque ad usus belli secum portare decreverat) jumenta & camelos à Suis & Babylone contrahi iussit. Accessere ad hanc pecuniæ summam captis Pasergadis sex millia talentorum. Cyrus Pasergadam urbem condiderat, quam Alexandro Præfectus ejus Globares tradit. Rex arcem Persæpolis, tribus millibus Macedonum præsidio relictis, Nicarchiden tueri jubet. Tyridati quoque, qui gazam tradiderat, servatus est honos quem apud Darium habuerat, magnaue exercitus parte, & impedimentis ibi relictis, Parmenionem, Cræterumque præfecit. Ipse cum mille equitibus, peditumque expedita manu, interiori Persidis regionem, sub ipsum Vergiliarum fides, petiit: multisque imbribus, & prope intolerabili tempestate vexatus, procedere tamen, quo intenderat, perseveravit. Ventum erat ad iter perpetuis obstitum nivibus, quas frigoris vis gelu astrinxerat. Locorum ñqualor & solitudines invicem fatigatum militem terrebant, humanarum rerum terminos se videre credentem. Omnia vasta, atque sine ullo humani cultus vestigio, attoniti intuebantur, & antequam lux quoque & cælum ipsos deficerent, reverti jubebant. Rex castigare territos supersedit. Ceterum ipse equo desiliit, pedesque per nivem & concertam glaciem ingredi coepit. Erubuerunt non sequi primum amici, deinde copiarum daces, ad ultimum milites. Primusque

Que Rex dolabra glaciem perfringens, iter sibi fecit. Exemplum Regis ceteri imitati sunt. Tandem pro-  
Pemodum invias sylvas emensi, humani cultus rara  
vestigia, & passim errantes pecorum greges reperere :  
& incolæ, qui sparsis tuguriis habitabant, cum se cal-  
libus invisi septos esse credidissent, ut conspexere  
hostium agmen, interfectis, qui fugientes sequi non  
poterant, devios montes & obritos nivibus petiverunt.  
Inde per colloquia captivorum paulatim feritate miti-  
gata, tradidere se Regi. nec in deditos gravius con-  
sultum. Vastatis deinde agris Persidis, vicisque com-  
pluribus reductis in potestatem, ventum est in Mardo-  
rum gentem bellicosissimam, & multum à ceteris Per-  
sis cultu vitæ abhorrentem. Specus in montibus fodi-  
unt, in quos se, ac conjuges, & liberos condunt. Pe-  
corum aut ferarum carne vescuntur. Nec foeminis  
quidem pro naturæ habitu molliora ingenia sunt.  
Comæ prominent hirtæ, vestis super genus est, funda  
vinciunt frontem : hoc & ornamentum capitis, & tel-  
lum est. Sed hanc quoque gentem idem fortunæ im-  
petus domuit. Itaque trigesimo die, postea quam à  
Persepoli profectus erat, eodem rediit. Dona deinde  
amicis ceterisque pro cuiusque merito dedit. Pro-  
pemodum omnia, quæ in ea urbe ceperat, distri-  
buit.

7. Ceterum ingentia animi bona, illam indolem,  
qua omnes Reges antecessit, illam in subeundis peri-  
culis constantiam, in rebus moliendis efficiendisque ve-  
locitatem, in deditos fidem, in captivos clementiam,  
in voluptatibus permissis quoque & usitatis temperan-  
tiam, haud tolerabili vini cupiditate sædavit. Hoste &  
æmulo regni reparante tum cum maxime bellum, nu-  
per subactis, quos vicerat, novumque imperium asper-  
nantibus, de die inibat convivia, quibus feminæ inte-  
rerant : non quidem quas violari nefas esset, quippe  
pellices, licentius quam decebat, cum armato vivere  
assuetæ. Ex his una Thais, & ipsa temulenta, maxi-  
mam apud omnes Græcos initurum gratiam affirnat,  
si regiam Persæum jussisset incendi : expectare hoc  
eos,

eos, quorum urbes Barbari deleſſent. Ebriò ſcorto de  
 tanta re referenti ſententiam, unus & alter, & ipſi  
 mero onerati, aſſentiuntur. Rex quoque fuit avidior,  
 quam patientior. Quin igitur ulciſcimur Græciam, &  
 urbi faces ſubdimus? Omnes incaluerant mero. Ita-  
 que ſurgunt temulenti ad incendendam urbem, cui  
 armati pepercerant. Primus Rex ignem regię inje-  
 cit. tum convivæ, & miniſtri, pellicesque. Multa ce-  
 dro ædificata erat regia, quæ celeriter igne concep-  
 to late fudit incendium. Quod ubi exercitus, qui haud  
 procul urbe tendebat, conſpexit, fortuitum ratus, ad  
 opem ferendam concurrir. Sed ut ad veſtibulum re-  
 giæ ventum eſt, vident Regem ipſum adhuc aggeren-  
 tem faces. Omiſſa igitur, quam portaverant, aqua, a-  
 ridam materiam in incendium jacere coeperunt. Hunc  
 exitum habuit regia totius Orientis, unde tot gentes  
 ante jura petebant, patria tot Regum, unicus quondam  
 Græciæ terror, molita mille navium claſſem, & exer-  
 citus, quibus Europa inundata eſt, contabulato mari  
 molibus, perfoſſisque montibus, in quorum ſpecus fre-  
 tum immiſſum eſt. Ac ne longa quidem ætate, quæ  
 excidium ejus ſecuta eſt, reſurrexit. Alias urbes ha-  
 buere Macedonum Reges, quas nunc habent Parthi.  
 Hujus veſtigium non inveniretur, niſi Araxes amnis  
 oſtenderet. Haud procul mœnibus fluxerat: inde ur-  
 bem fuiſſe xx ſtadiis diſtanti credunt magis, quam  
 ſciunt accollæ. Pudebat Macedones tam præclaram  
 urbem à comeſſabundo Rege deletam eſſe. Itaque  
 res in ſerium verſa eſt, & imperaverunt ſibi, ut crede-  
 rent illo potiſſimum modo fuiſſe delendam. Ipſum,  
 ut primum gravatam ebrietate mentem quies reddidit,  
 poenituiſſe conſtat, & dixiſſe: Majores poenas Perſas  
 Græcis daturus fuiſſe, ſi ipſum in ſolio regięque Xerxis  
 reſpicere coacti eſſent. Poſtero die Lycio, itineris,  
 quo Perſidem intraverat, duci, triginta talenta dono  
 dedit. Hinc in regionem Mediæ tranſiit, ubi ſupple-  
 mentum novorum militum è Cilicia occurrit. Pedi-  
 tum erant quinque millia, equites mille: utriſque  
 Plato Athenienſis præerat. His copiis auctus, Darium  
 perſequi ſtatuit.

8. Ille.

8. Ille jam Ecbatana pervenerat, caput Mediæ. Urbem hanc nunc tenent Parthi: eaque æstiva agentibus sedes est. Adire deinde Bactra decreverat: sed veritus ne celeritate Alexandri occuparetur, consilium iterque mutavit. Aberat ab eo Alexander stadia MD. sed jam nullum intervallum adversus celeritatem ejus satis longum videbatur. Itaque prælio magis quam fugæ se præparabat. Triginta millia peditum sequebantur: in quibus Græcorum erant quatuor millia; fide erga Regem ad ultimum invicta. Funditorum quoque & sagittariorum manus quatuor millia expleverat. Præter hos tria millia & ccc equites erant, maxime Bactrianorum. His Bessus præerat, Bactrianæ regionis Præfectus. Cum hoc agmine Darius paulatim, declinavit via militari, jussis præcedere lixis impedimentorum custodibus. Consilio deinde advocato, Si me cum ignavis, inquit, & pluris qualemcumque vitam morte honesta æstimantibus fortuna junxisset, tacerem potius, quam frustra verba consumerem. sed majore quam vellem documento, & virtutem vestram & fidem expertus, magis etiam conniti debeo, ut dignus talibus amicis sim, quam dubitare an vestri similes adhuc sitis. Ex tot millibus, quæ sub imperio fuerunt meo, bis me victum, bis fugientem persecuti estis. Fides vestra, & constantia, ut Regem me esse credam, facit. Proditores & transfugæ in urbibus meis regnant, non hercule qui tanto honore digni habeantur, sed ut præmijs eorum vestri sollicitentur animi. Meam tamen fortunam quam victoris maluistis sequi: dignissimè, quibus, si ego non possim, Dii pro me gratiam referant; & mehercule referent. Nulla erit tam surda posteritas, nulla tam ingrata fama, quæ non in cœlum vos debitis laudibus ferat. Itaque, etiamsi consilium fugæ, à qua multum abhorret animus, agitarem, vestra tamen virtute fretus, obviam essem hosti. Quousque enim in regno exulabo, & per fines imperii mei fugiam externum & advenam regem, cum liceat experto belli fortunam aut reparare quæ amisi, aut honesta morte desungi? nisi forte satius est expectare victoris

viſtoris arbitrium, & Mazæi, & Methrenis exemplo, precarium accipere regnum nationis unius, ut jam malit ille gloriæ ſuæ, quam iræ obſequi. Nec Dii ſiverint, ut hoc decus mei capitis, aut demere mihi quicquam, aut condonare poſſit. nec hoc imperium vivus amittam, idemque erit regni mei, qui & ſpiritus, ſiſis. Si hic animus, ſi hæc lex, nulli non parta libertas eſt: nemo è vobis ſaſtidium Macedonum, nemo vultum ſuperbum ferre cogetur. Sua cuique dextra aut ultionem tot malorum pariet, aut finem. Equidem quam verſaſibilis fortuna ſit, documentum ipſe ſum. Nec immerito mitiores vices ejus exſpecto. Sed ſi juſta ac pia bella Dii averſantur, fortibus tamen viris licebit honeſte mori. Per ego vos decora majorum, qui totius Orientis regna cum memorabili laude tenuerunt, per illos viros, quibus ſtipendium Macedonia quondam tulit, per tot navium claſſes in Græciam miſſas, per tot trophæa Regum, oro, & obteſtor, ut nobilitate veſtra gentiſque dignos ſpiritus capiat, ut eadem conſtantia animorum, qua præterita toleraſtis, experiamini quidquid deinde ſors tulerit. Me certe in perpetuum, aut victoria egregia nobilitabit, aut pugna.

9. Hæc dicente Dario, præſentis periculi ſpecies omnium ſimul corda animoſque horrore perſtrinxerat: nec aut conſilium ſuppetebar, aut vox; cum Artabazus veruſtiſſimus amicorum, quem hoſpitem fuiſſe Philippi ſæpe diximus, nos vero, inquit, pretioſiſſimam veſtigium induri, armiſque quanto maximo cultu poſſumus, adornati, Regem in aciem ſequemur. ea quidem mente, victoriam ut ſperemus, mortem non recuſemus. Aſſenſu excepere ceteri hanc vocem. Sed Nabarzanes, qui in eodem conſilio erat cum Beſſo, inauditi antea facinoriſ ſocietate inita, Regem ſuum per milites, quibus ambo præerant, comprehendere & vincere decreverant: ea mente, ut ſi Alexander ipſos inſecutus foret, tradito Rege vivo, inirent gratiam viſtoris; magni proſecto cepiſſe Darium æſtimaturi. Sin autem eum effugere potuiſſent, interfecto Dario, regnum ſibi occuparent, bellumque renovarent. Hoc parricidium

dium cum diu voluissent, Nabarzanes aditum nefariæ  
spei præparans, Scio me, inquit, sententiam esse dictu-  
rum prima specie haudquaquam auribus tuis gratam :  
sed medici quoque graviores morbos asperis remediis  
curant : & gubernator, ubi naufragium timet, jactura,  
quidquid servari potest, redimit. Ego tamen, non ut  
damnum quidem facias, suadeo ; sed ut te, ac regnum  
tuum, salubri ratione conserves. Diis adversis bellum  
inimicus, & pertinax fortuna Persas urgere non desinit.  
Novis initiis & ominibus opus est. Auspiciis & im-  
perium alii trade interim, qui tam diu Rex appelletur,  
donec Asia decedat hostis. Victor deinde regnum ti-  
bi reddat : hoc autem brevi futurum ratio promittit.  
Bactra intacta sunt. Indi & Sagæ in tua potestate :  
tot populi, tot exercitus, tot equitum peditumque mil-  
lia ad renovandum bellum vires paratas habent, ut  
major belli moles superfit, quam exhausta sit. Quid  
ruimus belluarum ritu in perniciem non necessariam ?  
Fortium virorum est, magis mortem contemnere, quam  
odisse vitam. Sæpe tædio laboris ad vilitatem sui  
compelluntur ignavi : at virtus nihil inexpertum omit-  
tit. Itaque ultimum omnium mors est, ad quam non  
pigre ire sitis est. Proinde si Bactra, quod tutissimum  
receptaculum est, petimus : Præfectum regionis ejus  
Bessus, Regem temporis gratia statuamus. Compo-  
sitis rebus, justo Regi tibi fiduciarium restituet impe-  
rium. Haud mirum est. Darium non temperasse ani-  
mo : quanquam tam impiæ voci quantum nefas subef-  
feret, latebat. Itaque, Pessimus, inquit, mancipium,  
reperisti optatum tibi tempus, quo parricidium ape-  
rires ? strictoque acinace interfectorus videbatur, ni  
propere Bessus Bactrianique, tristium specie, ceterum  
si perseveraret, victuri circumstetissent. Nabarzanes  
interim elapsus, mox & Bessus consecutus, copias, qui-  
bus præerant, à cetero exercitu secedere jubent ; se-  
cretum inituri consilium. Artabazus convenientem  
præsenti fortunæ sententiam orsus, mitigare Darium,  
temporum identidem admonens, coepit. Ferret æquo  
animo qualiumcunque, suorum tamen, vel stultitiam,  
vel

vel errorem. Instare Alexandrum, gravem etiam si omnes præsto essent; quid futurum si persecuti fugam ipsius, alienentur à Rege; Ea re paruit Artabazo, & quanquam movere castra statuerat, turbatis tamen omnium animis, eodem in loco substitit. Sed attonitus moestitia simul & desperatione, tabernaculo se inclusit. Ergo in castris, quæ nullius regebantur imperio, varii animorum motus erant: nec in commune, ut antea, consulebatur. Dux Græcorum militum Patron arma capere suos jubet, paratosque esse ad exsequendum imperium. Persæ secesserant. Bessus cum Bactrianis erat, tentabatque Persas adducere, Bactra, & intactæ regionis opulentiam, simulque quæ manentibus instarent pericula, ostentans. Persarum omnium eadem fere fuit vox, nefas esse deserere Regem. Inter hæc Artabazus omnibus imperatoriis fungebatur officiis. Ille Persarum tabernacula circuire, hortari, monere nunc singulos, nunc universos, non ante destitit, quam satis constaret imperata facturos. Idem ægre à Dario impetravit, ut cibum caperet animumque Regis.

10. At Bessus & Nabarzanes, olim agitarum sæculus exsequi statuunt, regni cupiditate accensi. Dario autem incolumi tantas opes sperare non poterant. Quippe in illis gentibus Regum eximia majestas est. ad nomen quoque Barbari conveniunt, & pristinae veneratio fortunæ sequitur adversam. Infiabat impios animos regio cui præerant, armis, virisque, & spatio locorum nulli earum gentium secunda. Tertiam partem Asiæ tenet. Multitudo juniorum, exercitus, quos amiserat Darius, æquabat. Itaque non illum modo, sed etiam Alexandrum spernebant; inde vires imperii repetituri, si regionis potiri contigisset. Diu omnibus cogitatis, placuit, per milites Bactrianos ad omne obsequium destinatos, Regem comprehendere, mittique nuncium ad Alexandrum, qui indicaret vivum assevari eum. Si, id quod timebant, prodicionem aspernatus esset, occisuri Darium, & Bactra cum suarum gentium manu petituri. Ceterum propalam comprehendendi Darius non poterat; tot Persarum millibus laturis opem Regi. Græcorum



corum quoque fides timebatur. Itaque quod non poterant vi, fraude assequi tentant. Pœnitentiam secessionis simulare decreverant, & excusare apud Regem consternationem suam. Interim qui Persas sollicitarent, mittuntur. Hinc spe, hinc metu militares animos versant: ruinæ rerum illos subdere capita: in perniciem trahi. cum Bactra pateant, exceptura eos donis, & opulentia, quantam animis concipere non possint. Hæc agitantibus Artabazus supervenit, sive Regis jussu, sive sua sponte, affirmans mitigatum esse Darium, & eundem illis amicitiae gradum patere apud Regem. Illi lacrymantes, nunc purgare se, nunc Artabazum orare, ut causam ipsorum tueretur, percesque perferret. Sic peracta nocte, sub lucis exortu Nabarzanes cum Bactrianis militibus in vestibulo Prætorii aderat; titulum solennis officii occulto scelere præferens. Darius, signo ad eundem dato currum pristino more conscendit. Nabarzanes, ceterique parricidæ procumbentes humi, quem paulo post in vinculis habituri erant, sustinere venerari: lacrymas etiam pœnitentiæ indices profuderunt. adeo humanis ingeniis parata simulatio est. Preces deinde suppliciter admotæ, Darium, natura simplicem & mitem, non credere modo quæ affirmabant, sed etiam flere coegerunt. Ac ne tum quidem cogitati sceleris pœnituit, cum intuerentur, qualem & Regem & virum fallerent. Ille quidem securus periculi, quod instabat, Alexandri manus, quas solas timebat, effugere properabat.

II. Patron autem Græcorum dux, præcepit suis, ut arma, quæ in sarcinis antea ferebantur, induerent; ad omne imperium suum parati, & intenti. Ipse currum Regis sequebatur, occasione imminens alloquendi eum. quippe Bessi facinus præsenferat. Sed Bessus id ipsum metuens, custos verius quam comes, à curru non recedebat. Diu ergo Patron cunctatus, ac sæpius sermone revocato, inter fidem timoremque hæsitans, Regem intuebatur. qui ut tandem advertit oculos, Bubacem spadonem inter proximos currum sequentem percunctari jubet, nunquid ipse velit dicere? Patron, se

vero, sed remotis arbitris, loqui velle cum eo, respondit. Jussusque propius accedere, sine interprete (nam haud rudis Græcæ linguæ Darius erat:) Rex, inquit, ex quinquaginta millibus Græcorum supersumus pauci; omnes fortunæ tuæ comites: & in hoc tuo statu iidem, qui florente te fuimus. Quasunque sedes elegeris, pro patria & domesticis rebus petitori. Secundæ adversæque res tuæ copulavere nos tecum. Per hanc fidem invictam oro, & obrestor, in nostris castris tibi tabernaculum statuere. nos corporis tui custodes esse patiaris. Amisimus Græciam: nulla Bactra sunt nobis. spes omnis in te, utinam & in ceteris esset? Plura dici non attinet. Custodiam corporis tui externus & alienigena non deposcerem, si crederem alium posse præstare. Bessus quenuquam erat Græci sermonis ignarus, tamen stimulante conscientia, indicium profecto Patronem detulisse credebatur: & interpretis Græci relato sermone, exempta dubitatio est. Darius autem, quantum ex vultu conspici poterat, haud sane territus, percunctari Patrona causam consilii quod afferret, coepit. Ille non ultra differendum ratus: Bessus, inquit, & Nabarzanes insidiantur tibi, in ultimo discrimine & fortunæ tuæ & vitæ. Hic dies aut patricidis, aut tibi futurus ultimus. Et Patron quidem egregiam conservati Regis gloriam tulerat. Eludant licet quibus forte ac temere humana negotia volvi agique persuasum est: equidem æterna constitutione crediderim, nexuque causarum latentium, & multo ante destinatarum, suum quemque ordinem immutabili lege percurrere. Darius certe respondit: Quanquam sibi Græcorum militum fides nota sit, nunquam tamen à popularibus suis recessurum. Difficilius sibi esse damnare, quam decipi. quidquid fors tulisset, inter suos perpeti malle, quam transfugam fieri: sero se perire, si salvum esse sui milites nollent. Patron desperata salute Regis, ad eos, quibus præerat, rediit; omnia pro fide experiri paratus.

12. At Bessus occidendi protinus Regis impetum conceperat. Sed veritus, ne gratiam Alexandri, ni  
vivum

vivum cum tradidisset, inire non posset, dilato in proximam noctem sceleris consilio, agere gratias incipit, quod perfidi hominis infidias jam Alexandri opes spectantis prudenter cauteque vitasset: donum cum hosti laturum fuisse Regis caput; nec mirari, hominem mercede conductum omnia habere venalia: sine pignore; sine lare, terrarum orbis exsulem, ancipitem hostem, ad nutum licentium circumferri. Purganti deinde se, Deosque patrios testes fidei suæ invocanti, Darius vultu assentiebatur: haud dubius quin vera deferrentur à Græcis: sed eo rerum ventum erat, ut tam periculosum esset non credere suis, quam decipi. Tringenta millia erant, quorum inclinata in scelus levitas timebatur. Quatuor millia Patron habebat; quibus si credidisset salutem suam, damnata popularium fide, parricidio excusationem videbat offerri. Itaque præoptabat immerito, quam jure violari. Bessio tamen insidiarum consilium purganti respondit: Alexandri sibi non minus justitiam, quam virtutem esse perspectam. Falli eos, qui prodicionis ab eo præmium expectent. Violatæ fidei neminem acriorem fore vindicem ultoremque. Jamque nox appetebat, cum Persæ more solito armis positæ ad necessaria ex proximo vico ferenda discurrunt. At Bactriani (ut imperatum erat à Bessio) armati stabant. Inter hæc Darius Artabazum acciri jubet, expositisque quæ Patron detulerat, haud dubitare Artabazus, quin transcendendum esset in castra Græcorum: Persas quoque periculo vulgato secuturos. Destinatos forti suæ, & jam nullius silubris consilii patiens, unicam in illa fortuna opem, Artabazum, ultimum illum visuros amplectitur, persususque mutuis lacrymis, inhærentem sibi avelli jubet: capite deinde velato, ne inter gemitus digredientem velut à Rege intueretur, in humum prona corpus abjecit. Tum vero custodiæ ejus aslucti, quos Regis salutem vel periculis vitæ tueri oportebat, dilapsi sunt, armatis, quos jam adventare credebant, haud rati se futuros pares. Ingens ergo in tabernaculo solitudo erat, præcis spadonibus (quia quo discederent

non habebant) circumstantibus Regem. At ille, remotis arbitris, diu aliud atque aliud consilium animo volutabat. Jamque solitudinem, quam paulo ante pro solatio petiverat, perosus, Bubacem vocari jubet: quem intuens, *Ite, inquit, consulite vobis; ad ultimum Regi vestro (ut decebat) fide exhibita. Ego hic legem fati mei exspecto.* Forsitan mireris quod vitam non finiam: alieno scelere quam meo mori malo. Post hanc vocem, spado gemitu non modo tabernaculum, sed etiam castra complevit. Irrupere deinde alii, laceratisque vestibus, lugubri & barbaro ululatu Regem deplorare coeperunt. Persæ, ad illos clamore perlato, ettoniti metu, nec arma capere, ne in Bactrianos inciderent, nec quiescere audebant, ne impie deserere Regem viderentur. Varius ac dissonus clamor, sine duce, ac sine imperio, totis castris referebatur. Besso & Nabarzani nunciaverant sui, Regem à semet ipso interceptum esse. Placatus eos deceperat. Itaque citatis equis advolant, sequentibus quos ad ministerium sceleris delegerant: & cum tabernaculum intrassent, qui Regem vivere spadones indicabant, comprehendi, vinciri que jusserunt. Rex curru paulo ante vectus, & Deorum, à suis, honoribus cultus, nulla externa ope admota, captivus servorum suorum, in sordidum vehiculum pellibus undique contextum imponitur. Pecunia Regis, & supellex, quasi jure belli, diripitur: onustique præda per scelus ultimum parta, fugam intendunt. Artabazus cum iis, qui imperio parebant, Græcisque militibus, Parthienem petebat; omnia tutiora parricidarum contuitu ratus. Persæ promissis Bessi onerati, maxime quia nemo alius erat quem sequerentur, conjungere se Bactrianis, agmen eorum tertio afsecuti die. Ne tamen honos Regi non haberetur, aureis compedibus Darium vinciunt, nova ludibria subinde excogitante fortuna. Et ne forte cultu regio posset agnosci, sordidis pellibus vehiculum inrexerant. Ignoti jumenta agebant, ne percunctantibus in agmine monstrari posset. custodes procul sequebantur.

13. Alexander, audito Darium movisse ab Ecbatana,

nis, omisso itinere, quod patebat in Mediam, fugientem insequi pergit strenue. Tabas oppidum est in Parætacene ultima: quo ubi pervenit, ibi transfugæ nuntiant, præcipitem fuga Bactra petere Darium. Certiora deinde cognoscit ex Bagysthene Babylonio: non equidem vinctum Regem, sed in periculo esse aut mortis, aut vinculorum. Rex, ducibus convocatis, Maximum, inquit, opus, sed labor brevissimus superest. Darius haud procul, destitutus à suis, aut viæctus, aut oppressus est. In illo corpore posita est victoria nostra, & tanta res celeritatis est præmium. Omnes pariter conelamant, paratos ipsos sequi: nec labori, nec periculo parceret. Igitur raptim agmen cursus magis quam itineris modo ducit; ne nocturna quidem quiete diurnum laborem relaxante. Itaque quingenta stadia processit: perventumque erat in vicum, in quo Darium Bessus comprehenderat. Ibi Melon Darii interpes excipitur. corpore æger, non potuerat agmen sequi: & deprehensus celeritate Regis, transfugam se esse simulabat. Ex hoc acta cognoscit: sed fatigatis necessaria quies erat. Itaque delectis equitum sex millibus, trecentos, quos Dimachas appellabant, adiungit. Dorso hi graviora arma portabant: ceterum equis vehebantur. cum res locusque posceret, pedestris acies erat. Hæc agentem Alexandrum adeunt Orsillos & Mythrænes, qui Bessi parricidium exosi transfugerant: nuntiabantque, stadia quingenta abesse Persas: ipsos brevius iter monstraturos. Gratus Regi adventus transfugarum fuit. Itaque prima vespere, ducibus iisdem, cum expedita equitum manu monstratam viam ingreditur, phalange, quantum festinare posset, sequi iussa. Ipse quadrato agmine incedens, ita cursum regebat, ut primi conjungi ultimis possent. Trecenta stadia processerant, cum occurrit Brocubelus, Mazæ filius, Syriæ quondam Prætor. Is quoque transfuga, nuntiabat Bessum haud amplius quam ducenta stadia abesse. Exercitum, utpote qui nihil præcaveret, incompositum inordinatumque procedere: Hyrcaniam videri petiuros. si festinaret sequi, palantibus

superventurum. Darium adhuc vivere. Strenuo aliqui cupiditatem consequendi transfuga iniecerat. Itaque calcaribus subditis, effuso cursu eunt. Janique fremitus hostium iter ingredientium exaudiebatur: sed prospectum ademerat pulveris nubes. Paulisper ergo inhibuit cursum, donec consideret pulvis. Jamque conspecti à Barbaris erant, & abeuntium agmen conspexerant: nequaquam futuri pares, si Besso tantum animi fuisset ad prælium, quantum ad parricidium fuerat. Namque & numero Barbari præstabant, & robore. Ad hoc, refectione cum fatigatis certamen inituri erant. Sed nomen Alexandri, & fama, maximum in bello utique momentum, pavidos in fugam convertit. Bessus, & ceteri facinoris ejus participes, vehiculum Darii affecuti, coeperunt hortari eum, ut conscenderet equum, & se hosti fuga eriperet. Ille Deos ultores adesse testatur, & Alexandri fidem implorans, negat se parricidas velle comitari. Tum vero ira quoque accensi, tela injiciunt in Regem, multisque confossum vulneribus relinquunt. Jumenta quoque, ne longius prosequi possent, convulnerant, duobus servis, qui Regem comitabantur, occisis. Hoc edito facinore, ut vestigia fugæ spargerent, Nabarzanes Hyrcaniam, Bessus Bactra, paucis equitum comitantibus, petebant. Barbari ducibus destituti, quemque aut spes ducebat, aut pavor, dissipabantur. Quingenti tantum equites congregaverant se, incerti adhuc, resisterene melius esset an fugere. Alexander, hostium trepidatione comperta, Nicanorem cum equitum parte ad inhibendam fugam præmittit: Ipse cum ceteris sequitur: tria ferme millia resistentium occisa sunt: reliquum agmen more pecudum intactum agebatur, jubente Rege, ut cadibus abstineretur. Nemo captivorum erat, qui monstrare Darii vehiculum posset: singuli, ut quæque prehenderant, scrutabantur: nec tamen ullum vestigium fugæ Regis extabat. Festinantem Alexandrum vix tria millia equitum persecuta sunt. At in eos, qui lentius sequebantur, inciderunt universi fugientium agmina. Vix credibile dictu, plu-

res captivi, quam qui caperent, erant : adeo omnem sensum territis fortuna penitus excusserat, ut nec hostium paucitatem, nec multitudinem suam satis cernerent. Interim jumenta, quæ Darium vehebant, nullo regente decesserant militari via, & errore delata per quatuor stadia, in quadam valle constiterant, æstu simulque vulneribus fatigata. Haud procul erat fons, ad quem monstratum à peritis Polystratus Macedo siti maceratus accessit. Ac dum galea haustam aquam sorbet, tela jumentorum deficientium corporibus infixæ conspexit. Miratusque confossa potius, quam abacta esse, semivivi hominis corpus, cum propius accessisset, in sordido vehiculo pellibus contexto situm reperit : atque Darium, multis quidem vulneribus confossum, adhuc tamen spirantem, esse cognovit. Qui applicito captivo, cum civem ex voce cognovisset, id saltem præsentis fortunæ solatium se habere dixit, quod apud intellecturum locuturus esset, nec incassum postremas voces emissurus ; Hæcque Alexandro perferri jubet : Se nullis in eum meritorum officiis, maximorum autem illi debitorem mori. Agere tamen ei maximas gratias pro beneficiis, in matrem, conjugem liberosque suos impensis : iis enim vitam, & pristini status reverentiam dignitatemque concessam : sibi autem à cognatis atque amicis, quibus & regna & vitam dederit, illa omnia erepta esse : precari se, ut illi victori terrarum omnium imperium contingat. Ultionem sceleris erga se perpetrati, non solum suæ, sed exempli, omniumque Regum causæ, non negligere, illi cum decorum, tum utile futurum. Jamque deficiens, aquam poposcit : quam allatam postquam hibat, Polystrato, qui eam tulerat : Quisquis es mortalium, inquit, hoc mihi extremum universæ calamitatis genus accidit, ut pro tanto in me beneficio dignas tibi grates referre nequeam, at referat Alexander : Alexandro vero Dii, pro ejus summa in meos humanitate ac clementia. Cui hoc fidei regis unicum dextræ pignus pro me dabis. Hæc dicentem, accepta Polystrati manu, vita destituit. Quibus Alexandro nunciatis, ad corpus demortui perveni-

ens, tam indignam illo fastigio mortem lacrymis profectus est. demptaque sibi chlamyde, corpus illius contexit: atque regio ornatum cultu, ad matrem Syngambim, patrio regioque more sepeliendum, atque regis majorum suorum tumulis inferendum, misit.

---

QUINTI

n  
se  
d  
se  
E  
s  
q  
a  
in  
q  
d  
b  
q  
L  
ca  
L  
E  
a  
G  
re  
M  
✓  
na  
d  
ut  
be  
m  
str



## Q U I N T I C U R T I I

## L I B E R V I.

## B R E V I A R I U M L I B R I.

1. Prælii inter Lacedæmonios atque Macedones descriptio, & pax ab Alexandro victore Græcis, qui eo absente defecerant, concessa.

2. Alexander bello invidius, otio & deliciis frangitur. unde rumor in castris, qui torpentem excitat.

3. Hortatoria Alexandri ad milites oratio, ut bellum, in Asia inchoatum, persequantur & absolvant.

4. Ziobæris miri fluminis descriptio. Alexander Nabarzani per literas salutem querenti veniam pollicetur. Deinde mari Caspio & Hyrcania proximus, quosdam Darii præfectos recipit in gratiam.

5. Artabazo summa cum animi benevolentia excepto, Græcis qui Darium adjuverant, parcat Alexander, & Mardorum gente debellata, Amazonica cujusdam regiona petitioni satisfacit.

6. Macedones Alexandri offenduntur moribus. qui ut seditionem averteret, ad bellum Bessæ inferendum mentem convertit. quod & stratagemate inchoat: ac Sa-

tibarzanem, quod defecisset, primum persequitur: Barbaros à montibus fortiter depellit; Artacacnam expugnat.

7. Conjuratorem in Alexandrum Dymnus Nicmacho, hic per Ceballinum fratrem Alexandro detegit. Hinc mors Dymni, qui ipse sibi manus infert.

8. Amicorum regionum consilio Philotas Parmenionis, filius conjurationis auctor & particeps creditus, capitur ac velato capite in regiam adducitur.

9. De conjuratione, adversus Philotam expostulatoria Alexandri ad milites oratio, coram quibus Philotas adductus, defensionem parat.

10. Apologetica Philota oratio, qua conjurationis accusationem prolixè refellit.

11. Concio à quodam Belone accensa, in Philotam surgit. Is paulo post, ut se cruciatibus liberaret, ficta conjurationis circumstantias aperit. cumque aliis qui accusantur, saxis à Nicmacho obruitur.

**P**ugnae discrimen immisit; obruncatisque qui promptius resistebant, magnam partem hostium propulit. Coeperant fugere victores, & donec avidius sequentes in planum deduxere, multi cadebant. Sed ut primum locus, in quo stare posset, fuit, æquis viribus dimicatum est. Inter omnes tamen Lacedæmonios Rex eminebat, non armorum modo & corporis specie, sed etiam magnitudine animi, quo uno victi non potuit. Undiq; nunc cominus nunc eminus petebatur, diuque arma circumferens, alia tela clypeo excipiebat, corpore alia vitabat, donec hasta femora perfossa, plurimo sanguine effuso, destituere pugnantem. Ergo clypeo suo exceptum armigeri raptim in castra referebant, iactationem vulneryum haud facile tolerantem. Nec tamen omisere Lacedæmonii pugnam, & ut primum sibi quam hosti æquiorum locum capere potuerunt, densatis ordinibus effusi, fluentem in se aciem exceperunt. Non aliud discrimen vehementius fuisse, memoriæ proditum est. Duarum nobilissimarum bello gentium exercitus pari Marte pugabant. Lacedæmonii veteres, Macedones præsentia decora intuebantur. Illi pro libertate, hi pro dominatione pugabant. Lacedæmoniis dux, Macedonibus locus deerat. Duci quoq; unius tam multiplex casus, modo spem, modo metum, utriusque partis augebat. velut de industria inter fortissimos viros certamen æquante fortuna. Ceterum angustiae loci, in quo hæserat pugna, non patiebantur totis congregi viribus. Spectabant ergo plures quam inierant prælium: & qui extra teli iactum erant, clamore invicem suos accendebant. Tandem Laconum acies languescere, lubrica arma sudore vix sustinens, pedem deinde referre cepit urgente hoste, ac aperte fugere. Insequēbatur dissipatos victor, & emensus omne spatium quod acies Laconum obrunderat, ipsum Agim persequēbatur. Ille, ut fugam suorum, & proximos hostium conspexit, deponi se iussit: expertusque membra, an impetum animi sequi possent, postquam deficere sensit, poplitibus semet excepit: galeaque strenue sumpta, clypeo protegens corpus,

corpus, hastam dextra vibrabat : ultro vocans hostem, si quis jacenti spolia demere auderet. Nec quisquam fuit, qui sustineret cominus congredi. Procul missilibus apperebatur, ea ipsa in hostem retorquens, donec lancea nudo pectori infixæ est : qua ex vulnere evulsi, inclinatum ac deficiens caput clypeo paulisper excepit. Deinde, lingente spiritu pariter ac sanguine, moribundus in arma procubuit. Cecidere Lacedæmoniorum quinque millia & CCCL. ex Macedonibus haud amplius CIO. Ceterum vix quisquam, nisi saucius, revertit in castra. Hæc victoria non Spartam modo, sociosque ejus, sed etiam omnia qui fortunam belli spectaverant, fregit. Nec fallebat Antipatrum, dissentire ab animis gratulantium vultus : sed bellum finire cupienti, opus erat decipi. & quanquam fortuna rerum placebat, invidiam tamen, quia majores res erant, quam quas Præfecti modus caperet, metuebat. quippe Alexander hostes vinci voluerat ; Antipatrum vicisse, ne tacitus quidem indignabatur ; suæ dampnum gloriæ existimans, quicquid cessisset alienæ. Itaque Antipater, qui probe nosset spiritum ejus, non est ausus ipsæ agere arbitrum victoriæ : sed concilium Græcorum, quid fieri placeret, consulit. A quo Lacedæmonii, nihil aliud, quam ut oratores mittere ad Regem liceret, precati, non gravatæ veniam defectionis, præter auctores, impetraverunt ; Megalopolitanis, quorum urbs erat obsessa à defectione, Achæis & Ætolis DXX talenta dare jussis. Hic fuit exitus belli, quod repente ortum, prius tamen finitum est, quem Darium Alexander apud Arbella superaret.

2. Sed ut primum instantibus curis laxatus est animus, militarium rerum, quam quietis otiique patientior, excipere eum voluptates : & quem arma Persarum non fregerant, vitia vicerunt. Intempestiva convivia, & perpotandi pervigilandique insana dulcedo ; ludique & greges pellicum, omnia in externum lapsi sunt morem : quem æmulatus quasi potiorum suo, ita popularium animos oculosque pariter offendit, ut à plerisque amicorum pro hoste haberetur. tenaces quippe disciplinæ

disciplinæ suæ, solitosque parco ac parabili victu ad implenda naturæ desideria defungi, in peregrina & victarum gentium mala impulerat. Hinc sæpius comparatæ in caput ejus insidiæ, secessio militum, & liberior inter mutuas querelas dolor; ipsius deinde nunc ira, nunc suspiciones, quas excitabat inconsultus pavor, ceteraque his similia, quæ deinde dicentur. Igitur cum intempestivis conviviis dies pariter noctesque consumeret, satietatem epularum ludis interpolabat, non contentus artificum, quos è Græcia excitaverat, turba. quippe captivæ feminarum jubebantur suo ritu canere inconditum & abhorrens peregrinis auribus carmen. Inter quas unam Rex ipse conspexit mœstiorē quam ceteras, & producentibus eam verecunde reluctātem. Excellens erat forma, & formam pudor honestabat. Dejectis in terram oculis, & quantum licebat, ore velatq, suspicionem præbuit Rēgi, nobiliorem esse, quam ut inter convivales ludos deberet ostendi. Ergo interrogata quænam esset, neptem se Ochi, qui nuper regnasset in Persis, filio ejus genitam esse respondit: uxorem Histaspis fuisse. Propinquus hic Darii fuerat; magni & ipse exercitus Prætor. Adhuc in animo Regis tenues reliquæ pristini moris hærebant. Itaque fortunam regia stirpe genitæ, & tam celebre nomen reveritus, non dimitti modo captivam, sed etiam restitui ei suas opes jussit; virum quoque requiri, ut repperito conjugem redderet. Postero autem die præcepit Hephæstioni, ut omnes captivos in regiam juberet adduci. Ubi singulorum nobilitate spectata, secrevit à vulgo, quorum eminebat genus. Mille hi fuerunt, inter quos repertus est Oxatres Darii frater, non illius fortuna, quam indole animi sui clarior. xxvi millia talentum proxima præda redacta erant: è quibus xii millia in congiarium militum absumpta sunt. Par huic pecuniæ summa custodum fraude subtracta est. Oxydates erat nobilis Perses; qui à Dario capitali supplicio destinatus, cohibebatur in vineulis. Huic liberato Satrapiam Mediæ attribuit, fratremque Darii recepit in cohortem amicorum; omni vetustæ claritatis honore

honore servato. Hinc in Parthienem perventum est, tunc ignobilem gentem, nunc caput omnium, qui post Euphratem & Tigrim amnes siti, Rubro mari terminantur. Scythæ regionem tempestrem ac fertilem occupaverunt, graves adhuc accolæ. Sedes habent & in Europa, & in Asia. Qui super Bosphorum colunt, ascribuntur Asiæ. At qui in Europa sunt, à levo Thraciæ latere ad Borysthenem, atque inde ad Tanaim, alium amnem, recta plaga pertinent. Tanais Europam & Asiam medius interfuit: nec dubitatur quin Scythæ, qui Parthos condidere, non à Bosphoro, sed ex regione Europæ penetraverint. Urbs erat ea tempestate clara Hecatœmpylos, condita à Græcis. Ibi stativa Rex habuit, com meatibus undique advectis. Itaque rumor otiosi militis, viritum sine auctore percrebuit, Regem contentum rebus, quas gessisset, in Macedoniam protinus redire statuisse. Discurrunt lymphatis similes in tabernacula, & itineri sarcinas aptant. signum datum crederes, ut vasa colligerent. Toris castris tumultus, hinc contubernales suos requirentium, hinc onerantium plaustra, perfertur ad Regem. Fecerant fidem rumori temere vulgato Græci milites, redire iussi domos, quorum equitibus singulis denariorum sena millia dono dederat. Iphis quoque finem militiæ adesse credebant. Haud secus quam per erat, territus Alexander, qui Indos atque ultima Orientis peragrarè statuisset, Præfectos copiarum in Prætorium contrahit, obortisque lacrymis, ex medio gloriæ spatio revocari se, victi magis quam victoris fortunam in patriam relaturum, conquestus est: nec sibi ignaviam militum obstare, sed Deorum invidiam, qui fortissimis viris subito patriæ desiderium admovissent, paulo post in eandem cum majore laude famaue redituris. Tum vero pro se quisque operam suam offerre, difficillima quæque poscere, polliceri militum quoque obsequium, si animos eorum leni & apta oratione permulcere voluisset. Nunquam infractos & abjectos recessisse, quoties ipsius alacritatem & tanti animi spiritus haurire potuissent. Ita se facturum esse respondit: illi vulgi aures

gures præparent sibi. Satisque omnibus, quæ in rem videbantur, compositis: vocari ad concionem exercitum iussit, apud quem talem orationem habuit:

3. Magnitudinem rerum, quas gessimus, milites, in-  
tuentibus vobis, minime mirum est, & desiderium qui-  
etis, & satietatem gloriæ occurrere. ut omittam Illy-  
rios, Triballos, Bœotiam, Thraciam, Spartam, Achæos,  
Peloponnesum, quorum alia ductu meo, alia imperio  
auspicioque perdomui. Ecce orsi bellum ad Hellespon-  
tum, Jonas, Æolidem servitio Barbariæ impotentis ex-  
emimus. Cariam, Lydiam, Cappadociam, Phrygiam,  
Paphlagoniam, Pamphiliam, Pisidias, Ciliciam, Syriam,  
Phœnicen, Armeniam, Persidem, Medos, Parthienem,  
habemus in potestate. Plures provincias complexus  
sum, quam alii urbes ceperunt. & nescio an enumeran-  
ti mihi quædam ipsarum rerum multitudo subduxerit.  
Itaque, si crederem satis certam esse possessionem ter-  
rarum quas tanta velocitate domuimus, ego vero, mi-  
lites, ad penates meos, ad parentem sororesque & cete-  
ros cives, vel renitentibus vobis, erumperem, ut ibi po-  
tissimum parta vobiscum laude & gloria fruerer, ubi  
nos uberrima victoriæ præmia expectant, liberorum,  
conjugum, parentumque lætitiæ, pax, quies: rerum,  
per virtutem partarum, secura possessio. Sed in no-  
vo, & (si verum fateri volumus) precario imperio, ad-  
huc jugum ejus rigida cervice subeuntibus Barbaris,  
tempore, milite opus est, dum mitioribus ingeniis im-  
buuntur, & efferatos mollior consuetudo permulcet.  
Fruges quoque maturitatem statuto tempore expect-  
ant. adeo etiam illa sentus omnis expertia, tamen sua  
lege mitescunt. Quid? creditis, tot gentes alterius im-  
perio ac nomine assuetas, non sacris, non moribus, non  
commercio linguæ nobiscum coherentes, eodem præ-  
lio domitas esse, quo victæ sunt? Vestris armis conti-  
nentur, non suis moribus, & qui præsentibus metuant,  
in absentia hostes erunt. Cum feris bestiis res est, quas  
captas & inclusas, quia ipsarum natura non potest, lon-  
gior dies mitigat. Et adhuc sic ago, tanquam omnia  
subacta sint armis, quæ fuerunt in ditione Darii. Hyr-  
caniam

etiam Nabarzanes occupavit. Bactra non solum possidet parricida Bessus, sed etiam minatur. Sogdiani, Dahæ, Massagetæ, Sacæ, Indi, sui juris sunt. Omnes hi simul, si terga nostra viderint, sequentur. Illi enim ejusdem nationis sunt, nos alienigenæ & externi. Suis autem quique parent placidius, etiam cum is præest, qui magis timeri potest. Proinde aut quæ cepimus, omittenda sunt; aut quæ non habemus, occupanda. Sicut in corporibus ægris, milites, nihil quod nociturum est, medici relinquunt: sic nos, quidquid obstat imperio, recidamus. Parva sæpe scintilla contempta, magnum excitavit incendium. Nil tuto in hoste despicitur: quem spreveris, valentior negligenter facies. Ne Darius quidem hæreditariam Persarum accepit imperium, sed in sedem Cyri beneficio Bagæ castrati hominis admissus: ne vos magno labore credatis Bessum vacuum regnum occupaturum. Nos vero peccavimus, milites, si Darium ob hoc vicimus, ut servo ejus traderemus imperium: qui ultimum ausus scelus, Regem suum etiam externæ opis egentem, certe cui nos victores pepercissimus, quasi captivum in vinculis habuit: ad ultimum, ne à nobis conservari posset, occidit. Hunc vos regnare patiemini? quem equidem cruci affixum videre festino, omnibus Regibus gentibusque fidei, quam violavit, meritas poenas solventem. At hercule, si mox eundem Græcorum urbes, aut Hellespontum vastare nunciatum erit vobis, quo dolore afficiemini, Bessum præmia vestræ occupasse victoriæ? Tunc ad repetendas res festinabitis: tunc arma capietis. Quanto autem præstaret terribum adhuc, & vix mentis suæ compotem, opprimere? Quatridui nobis iter superest, qui tot proculcavimus nives, tot annes superavimus, tot montium juga transcurrimus: non mare illud, quod exæstuans iter fluctibus occupat, euntes nos moratur, non Ciliciæ fauces, & angustię includunt. plana omnia & prona sunt. In ipso limine victoriæ stamus. Pauci nobis fugitivi, & domini sui interfectores supersunt. Egregium meretricule opus, & inter prima gloriæ vestræ numerandum,

dum, posteritati famæque tradetis : Darii quoque hostis, finito post mortem ejus odio, parridas esse vos ultos : neminem impium effugisse manus vestras. Hoc perpetrato, quanto creditis Persas obsequentiores fore, cum intellexerint, vos pia bella suscipere ; & Bessif sceleri, non nomini suo irasci ?

4. Summa militum alacritate, jubentium quocunque vellet, duceret, oratio excepta est. Nec Rex moratus impetum. tertioque per Parthienem die ad fines Hyrcaniæ penetrat ; Cratero relicto cum iis copiis, quibus præerat, & ex manu, quam Amyntas ducebat, additis sexcentis equitibus, & toridem sagittariis, ut ab incursione Barbarorum Parthienem tueretur. Erigyum impedimenta, & modico præsidio dato, campestri itinere ducere jubet. Ipse cum phalange & equitatu CL stadia emensus, castra in valle, qua Hyrcaniam adeunt, communit. Nemus præaltis densisque arboribus umbrosum est, pingue vallis solum rigantibus aquis, quæ ex petris eminentibus manant. Ex ipsis radicibus montium Zioberis amnis effunditur, qui tria fere stadia in longitudinem universus fluit : deinde saxo, quod alveolum interpolat, percussus, duo itinera velut dispensatis aquis aperit. Inde torrens & saxorum per quæ incurrit asperitate violentior, terram præceps subit. Per ccc stadia conditus labitur, rursusque velut ex alio fonte conceptus editur, & novum alveum intendit, priore sui parte spatiosior. Quippe in latitudinem xiii stadiorum diffunditur, rursusque angustioribus coercitus ripis iter cogit : tandem in alterum amnem cadit, cui Rhidago nomen est. Incolæ affirmabant, quæcunque dimissa essent in cavernam, quæ propior est fontis, rursus, ubi aliud os amnis aperit, existere. Itaque Alexander duos tauros, qua subeunt aquæ terram, præcipitari jubet : quorum corpora, ubi rursus erumpit, expulsâ videre qui missi erant ut exciperent. Quartum jam diem eodem loco quietem militi dederat, cum literas Nabarzanis, qui Darium cum Bessio interceperat, accipit. quarum sententia hæc erat : Se Dario non fuisse inimicum, imo etiam, quæ credidisset utilia esse,



se, suasse: & quia fidele consilium Regi dedisset, prope occisum ab eo. Agitasse Darium, custodiam corporis sui contra jus fasque peregrino militi tradere, damnata popularium fide, quam per ducentos & triginta annos inviolatam Regibus suis præstitissent. Se in præcipiti & lubrico stantem, consilium à præsentī necessitate reperisse. Darium quoque, cum occidisset Bagoam, hac excusatione satisfacisse popularibus, quod insidiantem interemisset. Nihil esse miseris mortalibus spiritu carius. Amore ejus ad ultima esse propulsum: sed ea magis esse secutum, quæ coëgisset necessitas, quam quæ optasset. In communi calamitate suam quemque habere fortunam. Si venire se juberet, sine metu esse venturum. Non timere, ne fidem datam tantus Rex violaret. Deos à Deo falli non solere. Ceterum, si, cui fidem daret, videretur indignus, multa exilia patere fugienti. Patriam esse ubicunque vir fortis sedem elegerit. Nec dubitavit Alexander fidem, quo Persæ modo accipiebant, dare, inviolatum, si venisset, fore. Quadrato tamen agmine & composito ibat: speculatores subinde præmittens, qui explorarent loca. Levis armatura ducebat agmen: phalanx eam sequebatur: post pedites erant impedimenta: & gens bellicosa, & natura situs difficilis aditu, curam Regis intenderat. Namque perpetua vallis jacet, usque ad mare Caspium patens. Duo terræ ejus veluti brachia excurrunt: media fluxu modico sinum faciunt, Lunæ maxime similem, cum eminent cornu nondum totum orbem fidere implente. Cercetæ, Mossyni, & Chalybes, à læva sunt. Ab altera parte Leucosyri, & Amazonum campi. & illos qua vergit ad septentrionem, hos ad occasum conversâ prospectat. Mare Caspium dulcius ceteris, ingentis magnitudinis serpentes alit. piscium longe diversus ab aliis color. quidam Caspium, quidam Hyrcanum appellant. Alii sunt, qui Mæotim paludem in id cadere putant, & argumentum afferunt, aquam, quo dulcior sit quam cetera maria, infuso paludis humore mitescere. A Septentrione ingens in litus mare incumbit, longeque agit fluctus, sed  
magna

magna parte exæstuans stagnat. Idem alio cœli statui recipit in se frerum, eodenaque impetu, quo effusum est, relabens, terram naturæ suæ reddit. & quidam credidere non Caspium mare esse, sed ex India in Hyrcaniam cadere. cujus fastigium (ut supra dictum est) perpetua valle submittitur. Hinc Rex viginti stadia processit, semita propemodum invia, cui silva imminabat, torrentesque & eluvies iter morabantur: nullo tamen hoste obvio penetravit, tandemque ad ulteriora perventum est. Præter alios commeatus, quorum tum copia regio abundabat, pomorum quoque ingens modus nascitur, & uberrimum gignendis uvis solum est. Frequens arbor faciem quercus habet, cujus folia multo melle tinguntur: sed nisi Solis ortum incolæ occupaverint, vel modico tepore succus extinguitur. Tringinta hic stadia processerat, cum Phrataphernes ei occurrit, seque, & eos, qui post Darii mortem profugerant, dedens. Quibus benigne exceptis, ad oppidum Arvas pervenit. Hic ei Craterus & Erigonus occurrunt; Præfectum Tapurorum gentis Phradatem adduxerant. Hic quoque in fidem receptus, multis exemplo fuit experiendi clementiam Regis. Satrapem deinde Hyrcaniæ dedit Menapim. exsul hic regnante Ocho, ad Philippum pervenerat. Tapurorum quoque gentem Phradati reddidit.

5. Jamque Rex ultima Hyrcaniæ intraverat, cum Artabazus, quem Dario fidiſſimum fuisse supra diximus, cum propinquis Darii, ac suis liberis, modicaque Græcorum militum manu, occurrit. dextram venienti obtulit Rex. Quippe & hospes Philippi fuerat, cum, Ocho regnante, exularet, & hospitii pignora in Regem suum ad ultimum fides conservata vincebat. Commiserat igitur exceptus. Tu quidem, inquit, Rex perpetua felicitate floreas. Ego ceteris lætus hoc uno torquor, quod præcipiti senectute diu frui tua bonitate non possum. xc & quintum annum agebat. Novem juvenes eadem matre geniti patrem comitabantur. Hos Artabazus dextræ Regis admovit, precatus ut ramdis viverent, donec utiles Alexandro essent. Rex pedibus

bus iter plerumque faciebat. Tunc admoveri sibi & Artabazo equos iussit, ne ipso ingrediente pedibus, senex equo vehi erubesceret. Deinde ut castra sunt posita, Græcos, quos Artabazus adduxerat, convocari jubet. At illi, nisi Lacedæmoniis quoque fides daretur, respondent, se quid agendum ipsis foret, deliberaturos. Legati erant Lacedæmoniorum missi ad Darium, quo victo applicaverant se Græcis mercede apud Persas militantibus. Rex, ommissis sponsonum fideique pignori-  
bus, venire eos iussit, fortunam, quam ipse dedisset, habituros. Diu cunctantes plerisque consilia variantibus, tandem venturos se pollicentur. At Democrates Atheniensis, qui maxime Macedonum opibus semper obstiterat, venia desperata, gladio se transfigit. Ceteri, sicut constituerant, ditioni Alexandri seipfos permittunt; mille & D. milites erant. Præter hos legati ad Darium missi x c. In supplementum distributus miles, ceteri remissi domum, præter Lacedæmonios, quos tradi in custodiam iussit. Mardorum erat gens confinis Hyrcaniæ, cultu vitæ aspera, & latrociniis aflueta. Hæc sola nec legatos miserat, nec videbatur imperata factura. Itaque Rex indignatus, si una gens posset efficere, ne invictus esset, impedimentis cum præsidio relictis, invicta manu comitante procedit. Noctu iter fecerat, & prima luce hostis in conspectu erat: tumultus magis quam prælium fuit. Deturbati ex collibus, quos occupaverant, Barbari profugiant, proximique vici ab incolis deserti capiuntur: Interiora regionis ejus haud sane adire sine magna vexatione exercitus poterant. Juga montium, præaltæ sylvæ, rupesque invias sepiunt: ea, quæ plana sunt, novo munimenti genere impedi-  
rant Barbari. Arbores densæ sunt ex industria con-  
sitæ, quarum teneros adhuc ramos manu flectunt, quos intortos rursus inserunt terræ. Inde velut ex alia radice letiores virent trunci. Hos qua natura fert, adolescere non sinunt. Quippe alium alii quasi nexu conserunt; qui ubi multa fronde vestiti sunt, operiunt terram. Itaque occulti ramorum velut laquei, perpetua sepe iter cludunt. Uno ratio erat, cædendo aperire

rire saltum. Sed hoc quoque magni operis. Crebri namque nodi nudaverant stipites; & in se implicati arborum rami suspensis circulis similes, lento vimine frustrabantur ictus. Incolæ autem ritu ferarum virgulta subire soliti, tum quoque intraverant saltum, occultisque telis hostem laceſcebant. Ille venantium modo latibula scrutatus, plerosque confodit: ad ultimum circuire saltum milites jubet, ut, si qua pateret, irrumperent. Sed ignotis locis plerique oberrabant. Excepti sunt quidam, inter quos equus Regis (Bucephalum vocabant,) quem Alexander non eodem, quo ceteras pecudes, animo æstimabat. Namque ille nec in dorſo inſidere ſuo patiebatur alium: & Regem, cum vellet aſcendere, ſponte ſua genua ſubmittens, excipiebat, credebaturque ſentire quem veheret. Majore ergo, quam decebat, ira ſimul ac dolore ſtimulatus, equum veſtigari jubet, & per interpretem pronuciari, ni reddidiſſent, neminem eſſe victurum. Hac denunciatione territi, cum ceteris donis equum adducunt. Sed ne ſic quidem mitigatus, cædi ſylvas jubet, aggeſtaque humo è montibus, planitiem ramis impeditam exaggerari. Jam aliquantulum altitudinis opus creverat, cum Barbari, deſperato regionem quam occupaverant, poſſe retineri, gentem ſuam dedidere. Rex obſidibus acceptis, Phradati tradere eos juſſit. Inde quinto die in ſtativa revertitur. Artabazum deinde, geminato honore, quem Darius habuerat ei, remittit domum. Jamque ad urbem Hyrcaniæ, in qua regia Darii fuit, ventum erat. Ibi Nabarzanes accepta hinc occurrit, dona ingentia ferens. Inter quæ Bagoas erat, ſpecie ſingulari ſpado, atque in ipſo flore pueritiæ: cui & Darius fuerat aſſuetus, & mox Alexander aſſuevit, ejuſque maxime precibus motus, Nabarzani ignovit. Erat, ut ſupra dictum eſt, Hyrcaniæ finitima gens Amazonum, circa Thermodoonta amnem, Themifcyræ incolentium campos. Reginam habebant Thaleſtrim, omnibus inter Caucaſum montem & Phaſim amnem imperitantem. Hæc cupidine viſendi Regis accenſa, finibus regni ſui exceſſit: & cum haud procul

procul abesset, præmisit indicantes, venisse reginam, adeundi ejus cognoscendique avidam. Protinus facta potestate veniendi, ceteris jussis subsistere, ccc feminarum comitatu processit. Atque ut primum Rex in conspectu fuit, equo ipsa defiliit, duas lanceas dextra præferens. Vestis non toto Amazonum corpori obducitur: nam læva pars ad pectus est nuda, cetera inde velantur: nec tamen sinus vestis, quam nodo colligunt, infra genua descendit. Altera papilla intacta servatur, qua muliebris sexus liberos alant: aduritur dextera, ut arcus facilius intendant, & tela vibrent. Interposito vultu Regem Thalestris intuebatur: habitum ejus haudquaquam rerum famæ parem oculis perlustrans. Quippe omnibus barbaris in corporum maiestate veneratio est; magnorumque operum non alios capaces putant, quam quos eximia specie donare natura dignata est. Ceterum interrogata, num aliquid petere veller, haud dubitavit fateri, ad communicandos cum Rege liberos se venisse, dignam ex qua ipse regni generaret hæredes. Fœminei sexus se retenturam; marem reddituram patri. Alexander, an cum ipso militare vellent, interrogat. & illa, causata sine custode regnum reliquisse, petere perseverabat, ne se irritam spei pateretur abire. Acrior ad Venerem feminae cupido, quam Regis, ut paucos dies subsisteret, perpulit. Tredecim dies in obsequium desiderii ejus absumpti sunt. Tum illa regnum suum, Rex Parthienem, petiverunt.

6. Hic vero palam cupiditates suas solvit: continentiamque & moderationem, in altissima quaque fortuna eminentia bona, in superbiam ac lasciviam vertit. Patrios mores, disciplinamque Macedonum Regum salubriter temperatam, & civilem habitum, velut leviora magnitudine sua ducens, Persicæ regiæ par Deorum potentiæ fastigium æmulabatur. Jacere humi venerabundos ipsum, paulatimque servilibus ministeriis tot victores gentium imbuere, & captivis pares facere expetebat. Itaque purpureum diadema distinctum albo, quale Darius habuerat, capiti circundedit,

dit, vestemque Persicam sumpsit: ne omen quidem veritus, quod à victoris insignibus in devicti transiret habitum. Et ille, se quidem Persarum spolia gestare dicebat; sed cum illis quoque mores induerat: superbiamque habitus, animi insolentia sequebatur. Literas quoque, quas in Europam mitteret, veteris annuli gemma obsignabat: iis, quas in Asiam scriberet, Darii annulus imprimebatur, ut appareret, unum animum duorum non capere fortunam. Amicos vero & equites, unaque principes militum, aspernantes quidem, sed recusare non ausos, Persicis ornaverat vestibus. Pellices ccc. & LX. totidem quot Darii fuerant, regiam implebant, quas spadonum greges, & ipsi muliebria pati assueti, sequebantur. Hæc luxu, & peregrinis infecta moribus, veteres Philippi milites, rudis natio ad voluptates, palam aversebantur: totisque castris unus omnium sensus ac sermo erat, plus amissum victoria, quam bello quæsitum esse. Tum maxime vincti ipsos, dedique alienis moribus & externis: tantæ moræ pretium, domos quasi in captivo habitu reversuros: pudere jam sui Regem, victis quam victoribus similiorem, ex Macedonia Imperatore Darii Satrapen factum. Ille non ignarus, & principes amicorum, & exercitum graviter offendi, gratiam liberalitate donisque recuperare tentabat. Sed, ut opinor, liberis pretium servitutis ingratum est. Igitur, ne in seditionem res verteretur, otium interpellandum erat bello, cuius materia opportune alebatur. Namque Bessus, veste regia sumpta, Artaxerxem appellari se iusserat, Scythasque & ceteros Tanais accolæ contrahebat. Hæc Satibarzanes nuntiabat. quem receptum in fidem, regioni, quam antea obtinuerat, præfecit. Et cum grave spoliis apparatuque luxuriæ agmen vix moveretur, suas primum, deinde totius exercitus sarcinas, exceptis admodum necessariis, conferri iussit in medium. Planities sparsa erat, in quam vehicula onusta perduxerant. Expectantibus cunctis, quid deinde esset imperatoris, jumenta iussit abduci, suisque primum sarcinis face subdita, ceteras incendi præcepit. Flagrabant exurentibus

urentibus dominis, quæ ut intacta ex urbibus hostium  
 raperent, sæpe flammæ restinxerant, nullo sanguinis  
 pretium audente deslere, cum regias opes idem ignis  
 exureret. Brevis deinde oratio mitigavit dolorem,  
 habilesque militiæ, & ad omnia parati, lætabantur  
 sarcinarum potius quam disciplinæ fecisse jacturam.  
 Igitur Bactrianam regionem petebant. Sed Nicanor  
 Parmenionis filius, subita morte correptus, magno de-  
 siderio sui affecerat cunctos. Rex ante omnes mortuus,  
 cupiebat quidem subsistere, funeri affuturus, sed penu-  
 ria comæatuum festinare cogebat. Itaque Philotas  
 cum duobus millibus & DC. relictus, ut iusta fratri per-  
 solveret: ipse contendit ad Bessum. Iter facienti li-  
 teræ ei afferuntur à finitimis Satraparum, à quibus cog-  
 noscit, Bessum quidem hostili animo occurrere cum  
 exercitu: ceterum Satibarzanem, quem Satrapem A-  
 riorum ipse præfecisset, defecisse ab eo. Itaque quan-  
 quam Bessio imminebat, tamen ad Satibarzanem op-  
 primendum præverti optimum ratus, levem armatu-  
 ram, & equestres copias educit: totaque nocte stre-  
 nue facto itinere, improvisus hosti supervenit. Cujus  
 cognito adventu, Satibarzanes cum duobus millibus e-  
 quitum (nec enim plures subito contrahi poterant)  
 Bactra perfugit: ceteri proximos montes occupave-  
 runt. Prærupta rupes erat, qua spectat Occidentem.  
 eadem, qua vergit ad Orientem, leniore submissa fa-  
 stigio, multis arboribus obsita, perennem habet fontem,  
 ex quo largæ aquæ manant. Circuitus ejus triginta &  
 duo stadia comprehendit. In vertice herbidus cam-  
 pus in hoc multitudinem imbellem confidere jubent.  
 Ipsi, qua rupes erat, arborum truncos & saxa obmoli-  
 untur. XIII millia armata erant. In horum obsidio-  
 nem Cratæo relicto, ipse Satibarzanem sequi festinat.  
 Et quia longius eum abesse cognoverat, ad expugna-  
 dos eos, qui edita montium occupaverant, redit. Ac  
 primo repurgari jubet, quicquid ingredi possent: de-  
 inde ut occurrebant invicæ cautes præruptæque rupes,  
 irritus labor videbatur obstante natura. Ille, ut erat  
 animi semper oblectantis difficultatibus, cum & pro-  
 gredi

gredi arduum, & reverti periculosum esset, versabat se ad omnes cogitationes, aliud atque aliud (ut solet, ubi prima quæque damnamus) subjiciente animo: hæsitanti, quod ratio non potuit, fortuna consilium subministravit. Vehemens Favonius erat, & multam materiam ceciderat miles, aditum per saxa molitus. Hæc vapore torrida inaruerat. Ergo aggeri alias arbores jubet, & igni dari alimenta: celeriterque stipitibus cumulatis, fastigium montis æquatum est. Tunc undique ignis injectus cuncta comprehendit: flammam in ora hostium ventus ferebat: fumus ingens velut quadam nube absconderat cælum. Sonabant incendio sylvæ, atque ea quoque, quæ non incenderat miles, concepto igne, proxima quæque adurebant. Barbari suppliciorum ultimum, si qua intermoretur ignis, effugere tentabant: sed qua flamma dederat locum, hostis obstabat. Varia igitur cæde consumpti sunt. Alii in medios ignes, alii in petras præcipitavere se; quidam manibus hostium se obtulerunt; pauci semiustulati venire in potestatem. Hinc ad Craterum, qui Artacacnam obsidebat, rediit. Ille, omnibus præparatis, Regis expectabat adventum, captæ urbis titulo (sicut par erat) cedens. Igitur Alexander turres admoveri jubet: ipsoque aspectu territi Barbari, è muris supinas manus tendentes, orare cœperunt, iram in Satibarzanem defectionis auctorem reservaret, supplicibus semet deditibus parceret. Rex, data veniâ, non obfidionem modo solvit, sed omnia sua incolis reddidit. Ab hac urbe digresso, supplementum novorum militum occurrit. Zoilus Dequites ex Græcia adduxerat: tria millia Illyrico Antipater miserat. Thessali equites c & xxx cum Philippo erant. Ex Lydia duo millia & DC, peregrinus miles, advenerant: ccc equites gentis ejusdem sequebantur. Hac manu adjecta Drangas pervenit. Bellicosa natio est. Satrapes erat Bazæntes, sceleris in Regem suum particeps Besso. Is suppliciorum, quæ meruerat, metu, profugit in Indiam.

7. Jam nonum diem stativa erant, cum externa vi  
non



non tutus modo Rex, sed invictus, intestino facinore petebatur. Dymnus modicæ apud Regem auctoritatis & gratiæ, exoleti, cui Nicomacho erat nomen, amore flagrabat, obsequio uni sibi dediti corporis victus. Is, quod ex vultu quoque perspicui poterat, similis attonito, remotis arbitris cum juvene secessit in templum; arcana se & silenda afferre præfatus: suspensumque expectatione, per mutuam caritatem & pignora utriusque animi rogat, ut affirmet jurejurando, quæ commisisset, silentio esse tecturum. Et ille ratus, nihil quod etiam cum perjurio detegendum foret, indicaturum, per præsentis Deos jurat. Tum Dymnus aperit, in tertium diem insidias Regi comparatas, seque ejus consilii fortibus viris & illustribus esse participem. Quibus juvenis auditis, se vero fidem in parricidio dedisse constanter abnuit, nec ulla religione, ut scelus tegat, posse constringi. Dymnus & amore & metu amens, dextram exoleti complexus, & lacrymans, orare primum ut particeps consilii operisque fieret. Si id sustinere non posset, attamen ne præderet se, cujus erga ipsum benevolentia præter alia hoc quoque haberet fortissimum pignus, quod caput suum permisisset fidei adhuc inexpertæ. Ad ultimum averfari scelus perseverantem, metu mortis terret; ab illo capite conjuratos pulcherrimum facinus inchoaturos. Alias deinde effeminatum, & muliebriter timidum, alias proditorem amatoris appellans, nunc ingentia promittens, interdumque regnum quoque, versabat animum tanto facinorose procul abhorrentem: strictum deinde gladium modo illius, modo suo admovens jugulo, supplex idem & infestus expressit, ut tandem non solum silentium, sed etiam operam polliceretur. namque abunde constantis animi; & dignus qui pudicus esset, nihil ex pristina voluntate mutaverat: sed captum Dymni amore simulabat nihil recusare. Sciscitari deinde pergit, cum quibus tantæ rei societatem inisset. Plurimum referre quales viri tam memorabili operi admoturi manus essent. Ille & amore & scelere male sanus, simul gratias agit, simul gratulatur, quod fortissimæ

juvenum non dubitasset se jungere, Demetrio corporis custodi, Peucolao, Nicanori. Adjicit his Apha-  
 tum, Loceum, Dioxenum, Archepolim, & Amyntam.  
 Ab hoc sermone dimissus Nicomachus, ad fratrem ( Ce-  
 ballino erat nomen ) quæ acceperat, deferit. Placet  
 ipsum subsistere in tabernaculo, ne si regiam intrasset,  
 non assuetus adire Regem, conjurati proditos se esse  
 resciscerent. Ipse Ceballinus ante vestibulum regiae  
 ( neque enim propius aditus ei patebat ) consistit, op-  
 periens aliquem ex prima cohorte amicorum, ut in-  
 troduceretur ad Regem. Forte ceteris dimissis, unus  
 Philotas Parmenionis filius, incertum quam ob cau-  
 sam, subsisterat in regia. Huic Ceballinus ore con-  
 fusio magnæ perturbationis notas præ se ferens, aperit  
 quæ ex fratre compererat, & sine cunctatione nuncia-  
 ri Regi jubet. Philotas, laudato eo, protinus intrat  
 ad Alexandrum : multoque invicem de aliis rebus con-  
 sumpto sermone, nihil eorum quæ ex Ceballino cogno-  
 verat, nunciat. Sub vesperam eum prodeuntem in  
 vestibulo regiae excipit juvenis, an mandatum exsecu-  
 tus foret, requirens. Ille non vacasse sermoni suo Re-  
 gem causatus, discessit. Postero die Ceballinus veni-  
 enti in regiam præsto est. Intransemque admonet  
 pridie communicatæ cum ipso rei. Ille curæ sibi esse  
 respondit : ac ne tum quidem Regi, quæ audierat, a-  
 perit. Coeperat Ceballino esse suspectus. Itaque non  
 ultra interpellandum ratus, nobili juveni ( Metron e-  
 rat ei nomen ) super armamentarium posito, quod sce-  
 lus pararetur, indicat. Ille, Ceballino in armamenta-  
 rio abscondito, protinus Regi corpus forte curanti, quid  
 ei index detulisset, ostendit. Rex, ad comprehen-  
 dendum Dymnum missis satellitibus, armamentarium  
 intrat. Ibi Ceballinus gaudio elatus, Habeo te, inquit,  
 incolunem ex impiorum manibus ereptum. Percuncta-  
 tus deinde Alexander quæ noscenda erant, ordine  
 omnia cognoscit. Rursusque institit quærere, quotus  
 dies esset, ex quo Nicomachus ad eum detulisset indi-  
 cium. Atque illo satente, jam tertium esse : existi-  
 mans haud incorrupta fide tanto post deferre quæ au-  
 dierat,

dierat, vinciti eum iussit. Ille clamitare coepit, eodem temporis momento, quo audisset, ad Philotam decurrisse: ab eo percontaretur. Rex item quærens, an Philotam adisset, an institisset ei, ut perveniret ad se; perseverante eo affirmare quæ dixerat; manus ad cælum tendens, manantibus lacrymis, hanc sibi à carissimo quondam amicorum relatum gratiam querebatur. Inter hæc Dymnus, haud ignarus quam ob causam accerseretur à Rege, gladio, quo forte erat cinctus, graviter se vulnerat: occursumque satellitum inhibitus, perfertur in regiam. Quem intuens Rex: Quod, inquit, in te, Dymne, tantum cogitavi nefas, ut tibi Macedonum regno dignior Philotas me quoque ipso videretur? Illum jam defecerat vox. Itaque edito gemitu, vultuque à conspectu Regis averso, subinde collapsus extinguitur. Rex, Philota venire in regiam iussit, Ceballinus, inquit, ultimum supplicium meritis, si in caput meum præparatas insidias biduo texit, huius criminis reum Philotam substituit, ad quem propius indicium detulisse se affirmat. Quo proprio gradu amicitiae me contingis, hoc majus est dissimulationis tuæ facinus: & ego Ceballino magis, quam Philotæ id convenire fateor. Faventem habes iudicem, si quod admitti non oportuit, saltem negari potest. Ad hæc Philotas, haud sane trepidus, si animus vultu aestimaretur; Ceballinum quidem scorti sermonem ad se detulisse, sed ipsum tam levi auctori nihil credidisse respondit: veritum ne jurgium inter amatorem & exoletum non sine risu aliorum detulisset. Cum Dymnus interemerit se ipsum, qualicumque erant, non fuisse reticenda; complexusque Regem, orare coepit, ut præteritam vitam potius quam culpam, silentii tamen, non facti ullius, intrueretur. Haud facile dixerim, credideritne ei Rex, an alius iram suppresserit, dextram reconciliatæ gratiæ pignus obtulit, & contemptum magis quam celatum indicium esse, videri sibi dixit.

8. Advocato tamen concilio amicorum, cui tum Philotas adhibitus non est, Nicomachum introduci jubet. Is eadem, quæ detulerat ad Regem, ordine ex-

posuit. Erat Craterus regi carus in paucis, & eo Philotæ ob æmulationem dignitatis adversus. Neque ignorabat, sæpe Alexandri auribus nimia jactatione virtutis atque operæ gravem fuisse, & ob ea non quidem sceleris, sed contumaciæ tamen, suspectum. Non aliam premendi inimici occasionem aptiorem futuram ratus, odio suo pietatis præferens speciem, Utinam, inquit, in principio quoque hujus rei nobiscum deliberasset: suavissemus, si Philotæ velles ignoscere, paterere potius ignorare eum, quantum deberet tibi, quam usque ad mortis metum adductum, cogeres potius de periculo suo, quam de tuo cogitare beneficio. Ille enim semper insidiari tibi poterit: tu non semper Philotæ poteris ignoscere. Nec est quod existimes, eum, qui tantum facinus ausus est, venia posse mutari. Scit eos, qui misericordiam consumpserunt, amplius sperare non posse. At ego, etiam si ipse, vel poenitentia, vel beneficio tuo victus, quiescere velit, patrem ejus Parmenionem, tanti ducem exercitus & inveteratam apud milites tuos auctoritatem, haud multum infra magnitudinis tuæ fastigium positum, scio non æquo animo salutem filii sui debiturum tibi. Quædam beneficia odimus. Meruisse mortem, confiteri pudet. Superest, ut malit videri injuriam accepisse, quam vitam. Proinde scio, tibi cum illis de salute esse pugnandum. Satis hostium superest, ad quos persequendos ituri sumus. Latus à domesticis hostibus muni. Hos si submoves, nihil metuo ab externo. Hæc Craterus nec ceteri dubitabant, quin conjurationis indicium suppressurus non fuisset, nisi auctor, aut particeps. Quem enim pium, & bonæ mentis, non amicum modo, sed ex ultima plebe, auditis quæ ad eum delata erant, non protinus ad Regem fuisse cursurum? Nec Ceballini quidem exemplo; qui ex fratre comperta ipsi nunciasset. Parmenionis filium, Præfectum equitatus, omnium arcanorum Regis arbitrum, simulasse etiam non vacasse sermoni suo Regem, ne index alium internuntium quæreret. Nicomachum religionem quoque Deum adstrictum, conscientiam suam exonerare properasse. Philotam,

Philotam, consumpro per ludum jocumque pene toto die, gravatum esse pauca verba ad caput Regis pertinentia tam longo & forsitan supervacuo inferere sermone. At enim non credidisse talia deferentibus pueris, cur igitur extraxisset biduum, tanquam indicio haberet fidem? Dimittendum fuisse Ceballinum, si delationem ejus damnabat. In suo quemque periculo magnum animum habere: cum de salute Regis timeretur, credulos esse debere: vana quoque deferentis admittere. Omnes igitur quæstionem de eo, ut participes sceleris indicare cogeretur, habendam esse decernunt. Rex, admonitos ut consilium silentio premerent, dimittit. Pronunciari deinde iter in posterum diem jubet, ne qua novi iniri consilii daretur nota. Invitatus est etiam Philotas ad ultimas ipsi epulas: & non cenare modo, sed etiam familiariter colloqui cum eo, quem damnaverat, sustinuit. Secunda deinde vigilia, luminibus extinctis, cum paucis in regiam cœunt Hephæstion, & Craterus, & Cœnus, & Erigyus. Hi ex amicis. Ex armigeris autem, Perdiccas, & Leonatus. Per hos imperatum, ut qui ad Prætorium excubabant, armati vigilarent. Jam ad omnes aditus dispositi equites, itinera quoque obsidere jussi, ne quis ad Parmenionem, qui tum Mediæ, magnisque copiis præerat, occultus evaderet. Attarras autem cum trecentis armatis intraverat regiam. Huic decem satellites traduntur, quorum singulos deni armigeri sequebantur. Ii ad alios conjuratos comprehendendos distributi sunt: Attarras cum trecentis ad Philotam missus, clausum aditum domus moliebatur, L juvenum promptissimis stipatus. Nam ceteros cingere undique domum jussérat, ne occulto aditu Philotas posset elabi. Illum, sive securitate animi, sive fatigatione resolutum, somnus oppræsserat: quem Attarras torpentem adhuc occupat. Tandem ei sopore discusso cum injicerentur catenæ: Vicit, inquit, bonitatem tuam, Rex, inimicorum meorum acerbitas. Nec plura locutum, capite velato, in regiam abducunt. Postero die Rex edixit, omnes armati coirent. Sex millia fere mili-

tum venerant, præterea turba lixarum calorumque impleverant regiam. Philotam armigeri agmine suo regebant, ne ante conspici posset à vulgo, quam Rex allocutus milites esset. De capitulibus rebus vetusto Macedonum modo inquirebat exercitus. in pace erat vulgi. nihil potestas Regum valebat, nisi prius valuisset auctoritas. Igitur primum Dymeï cadaver infertur, plerisque quid patraisset, quoque casu extinctus esset, ignaris.

9. Rex deinde in concionem procedit, vultu præferens dolorem animi. Amicorum quoque maestitia expectationem haud parvam fecerat. Diu dimisso in terram vultu, attonito stupentique similis stetit. Tandem recepto animo, Pene, inquit, milites, paucorum hominum scelere vobis creptus sum. Deum providentia & misericordia vivo: conspectusque vester venerabilis coëgit, ut vehementius parricidis irascerer: quoniam spiritus, imo unus vitæ meæ fructus est, tot fortissimis viris & de me optime meritis referre adhuc gratiam posse. Interrupit orationem militum gemitus, obortæque sunt omnibus lacrymæ. Tum Rex: Quanto, inquit, maiorem in animis vestris motum excitabo, cum tanti sceleris auctores ostendero, quorum mentionem adhuc reformido, & tanquam salvi esse possit, nominibus abstineo? Sed vincenda est memoria pristinae caritatis, & conjuratio impiorum civium detegenda. Quomodo autem tantum nefas fileam? Parmenio, illa ætate, tot meis, tot parentis mei meritis devinctus, omnium nobis amicorum vetustissimus, duce tanto sceleri se præbuit. Minister ejus Philotas, Peucolaum, & Demetrium, & hunc Dymnum, cujus corpus aspiciatis, ceterosque ejusdem amentia in caput meum subornavit. Fremitus undique indignantium querentiumque tota concione obstrepebat, qualis solet esse multitudinis, & maxime militaris, ubi aut studio agitur, aut ira. Nichomachus deinde, & Metron, & Ceballinus, producti, quæ quisque detulerat, exponunt: nullius eorum indicio Philotas particeps sceleris destinabatur. Itaque indignatione pressa, vox indicum

dicum silentio excepta est. Tum Rex: Qualis, inquit, ergo animi vobis videtur, qui hujus rei delatum indicium id ipsam suppressit? quod non fuisse vanum, Dymni exitus declarat. Incertam rem deferens, tormenta non timuit. Ceballinus ne momentum quidem temporis distulit exonerare se, ut eo, ubi lavabar, irumperet, Philotas solus nihil timuit, nihil credidit. O magni animi virum: Is de Regis periculo cum mone-retur, vultum non mutaret? indicem tantæ rei sollicitus non audiret? Subest nimirum silentio facinus, & avida spes regni præcipitem animum ad ultimum nefas impulit. Pater Mediæ præest. Ipse apud multos copiarum duces meis præpotens viribus, majora, quam capit, sperat. Orbitas quoque meæ, quod sine liberis sum, spernitur. Sed errat Philotas: In vobis liberos, parentes, consanguineos habeo: Vobis silvis orbus esse non possum. Epistolam deinde Parmenionis interceptam, quam ad filios Nicanorem & Philotam scripserat, recitat, haud sane indicium gravioris consilii præferentem. Namque summa ejus hæc erat. Primum vestri curam agere, deinde vestrorum: sic enim, quæ destinavimus, efficiemus. Adjecitque Rex; Sic esse scriptam, ut, si ve ad filios pervenisset, à consciis posset intelligi, si ve intercepta esset, falleret ignaros. At enim Dymnus, cum ceteros participes sceleris indicaret, Philotam non nominavit. Hoc quidem illius non innocentie, sed potentie indicium est, quod sic ab iis timeretur etiam à quibus prodi potest, ut, cum de se fateantur, illum tamen celent. Ceterum Philotam ipse indicat vita. Hic Amyntæ, qui mihi consobrinus fuit, & in Macedonia capiti meo impias comparavit insidias, socium se, & conscium, adjunxit. Hic Attalo, quo gravio rem inimicum non habui, sororem suam in matrimonium dedit. Hic, cum scripsssem ei pro jure tum familiaris usus atque amicitie, qualis fors edita esset Jovis Ammonis oraculo, sustinuit rescribere mihi, Se quidem gratulari, quod in numerum Deorum receptus essem: ceterum misereri eorum, quibus vivendum esset sub eo, qui modum hominis excederet. Hæc sunt etiam

animi, pridem alienati à me, & invidentis gloriæ meæ, indicia: quæ equidem, milites, quamdiu licuit, in animo meo preffi. Videbar enim mihi partem viscerum meorum abrumpere, si, in quos tam magna contuleram, viliores mihi facerem. Sed jam non verba puniendæ sunt, linguæ temeritas pervenit ad gladios. Hos (si mihi creditis) Philotas in me acuit. si ipsum dimiserò, quo me conferam, milites? cui caput meum credam? Equitatus, optimæ exercitus parti, principibus nobilissimæ juventutis, unum præfeci: filum, spem, victoriam meam, fidei ejus tutelæque commisi: patrem in idem festigium, in quo me ipsi posuistis, admovi. Mediam, qua nulla opulentior regio est, tot civium sociorumque millia, imperio ejus ditionique subjeci. Unde præsidium petieram, periculum exstitit. Quam feliciter in acie occidissem, potius hostis præda, quam civis victima? Nunc servatus ex periculis, quæ sola timui, in hæc incidi, quæ timere non debui. Soletis identidem à me, milites, petere, ut filuti meæ parcam. Ipsi mihi præstare potestis, quod suaderis ut faciam. Ad vestras manus, ad vestra arma confugio: invictis vobis salvus esse nolo: volentibus, non possum, nisi vindicor. Tum Philotam, religatis post tergum manibus, obsoleto amiculo velatum jussit induci. Facile apparebat, motos esse tam miserabili habitu, non sine invidia paulo ante conspecti. Ducem equitatus pridie viderant, sciebant, Regis interfuisse convivio: repente non reum modo, sed etiam damnatum: imo victum intuebantur. Subibat animos Parmenionis quoque tanti ducis, tam clari civis fortuna, qui modo duobus filiis Hectore & Nicanore orbat, cum eo, quem reliquum calamitas fecerat, abtens diceret causam. Itaque Amyntæ Regis Prætor, inclinantem ad misericordiam concionem rursus aspera in Philotam oratione commovet: Proditos, eos esse Barbaris: neminem ad confugem suam, neminem in patriam, & ad parentes fuisse rediturum: velut truncum corpus, dempto capite, sine spiritu, sine nomine, in aliena terra ludibrium hostis futuros. Haudquaquam pro re ipsius Amyntæ

oratio



Oratio grata Regi fuit, quod conjugum, quod patriæ admonitos, pigriores ad cetera mania exsequenda fecisset. Tunc Cœnus, quanquam Philotæ sororem matrimonio secum conjunxerat, tamen acrius quam quisquam in Philotam invehens est: patricidam esse Regis, patriæ, exercitus, clamitans: saxumque, quod forte ante pedes jacebat, arripuit, emissurus in eum, ut plerique credidere, tormentis subtrahere cupiens: sed Rex manum ejus inhibuit, dicendæ prius causæ debere fieri potestatem, nec aliter judicari passurum se, affirmans. Tum dicere rursus permissus Philotas, sive conscientia sceleris, seu periculi magnitudine amens & attonitus, non attollere oculos, non hiscere audebat. Lacrymis deinde manantibus, linquente animo, in eum, à quo tenebatur, incubuit: absterisique amiculo ejus oculis, paulatim recipiens spiritum ac vocem, dicturus videbatur. Jamque Rex intuens eum, Macedones, inquit, de te judicaturi sunt: quæro, an patrio sermone sis apud eos usus? Tum Philotas: Præter Macedones, inquit, plerique adsunt, quos facilius, quæ dicam, percepturos arbitror, si eadem lingua fuero usus, qua tu egisti: non ob aliud, credo, quam ut oratio tua intelligi posset à pluribus. Tum Rex: Ecquid videris odio etiam sermonis patrii Philotam teneri? Solus quippe fastidit eum dicere. Sed sane, dicat utcumque cordi est, dum memineritis, æque illum à nostro more atque sermone abhorрere. Atque ita concione excessit.

10. Tum Philotas, Verba, inquit, innocenti repere facile est, modum verborum misero tenere difficile. Itaque inter optimam conscientiam, & iniquissimam fortunam destitutus, ignoro quo modo & animo meo & tempori paream. Abest quidem optimus causæ meæ iudex: qui cur me ipse audire noluerit, non mehercule excogito, cum illi utique, cognita causâ, tam damnare me liceat, quam absolvere. Non cognita vero, liberari ab absente non possum, qui à præsentē damnatus sum. Sed quanquam victi hominis non supervacua solum, sed etiam invisâ defensio est, quæ

judicem non docere videtur, sed arguere: tamen, ut-  
 cunque licet dicere, memet ipsē non deseram, nec com-  
 mittam ut damnatus etiam mea sententia videar. Equi-  
 dem, cujus criminis reus sim, non video. Inter con-  
 juratos nemo me nominat. De me Nicomachus nihil  
 dixit. Ceballinus plus quam audierat scire non po-  
 tuit. Atqui conjurationis caput me fuisse credit Rex.  
 Potuit ergo Dymnus eum præterire, quem sequebatur?  
 præsertim cum quærenti socios vel falsò fuerim nomi-  
 nandus, quò facilius qui tentabatur, posset impelli.  
 Non enim detecto facinore nomen meum præteriiit, ut  
 posset videri socio pepercisse. Nihomachus, quem ta-  
 citurum arcana de semet ipso credebat, confessus, aliis  
 nominatis, me unum subtraherebat. Quæso, commili-  
 tiones, si Ceballinus me non adisset, nihil me de con-  
 juratis scire voluisset: num hodie dicerem causam nul-  
 lo me nominante? Dymnus sane & vivat adhuc, &  
 velit mihi parcere: quid ceteri, qui de se confitebuntur?  
 me videlicet subtrahent? Maligna calamitas, & vere  
 noxia, cum quis suo supplicio acquiescit pro alio cruci-  
 atus. Tot consilii ne in equuleum quidem impositi  
 verum fatēbuntur? Atqui nemo parcat morituro, nec  
 cuiquam moriturus, ut opinor. Ad verum crimen &  
 ad usum revertendum mihi est. Cur rem delatam ad  
 te tacuisti? cur tam securus audisti? Hoc quaecunque  
 est, confessio mihi, ubicunque es, Alexander, remisisti:  
 dexteram tuam amplexus, reconciliatè pignus animi,  
 convivio quoque interfui. Si credidisti mihi, absolutus  
 sum: si pepercisti, dimissus. Vel judicium tuum serva.  
 Quid hæc proxima nocte, qua digressus sum à mensi-  
 tua, feci? quod novum facinus delatum ad te mutavit  
 animum tuum? Gravi sopore acquiescebam, cum me,  
 malis indormientem meis, inimici vinciendo excita-  
 rant. Unde & parricidæ & proditori tam alti quies  
 sonant? scelerari, conscientia obstrepente, cum dor-  
 mire non possint, agitant eos furæ, non confirmato  
 modo, sed & cogitato parricidio. At mihi securita-  
 tem primum innocentia mea, deinde dextera tua ob-  
 tulerat. non timui ne plus alienæ crudelitati apud te  
 liceret,

liceret, quam clementiæ tuæ. Sed ne te mihi credidisse pœniteat, res ad me deferrebarur à puero, qui non testem, non pignus indicii exhibere poterat, impleturus omnes metu, si cœpisset audiri. Amatoris & scortijurgio interponi aures meas, credidi infelix, & fidei ejus suspectam habui, quod non ipse deferret, sed fratrem potius subornaret. Timui ne negaret mandasse se Ceballino, & ego viderer multis amicorum Regis fuisse periculi causâ. Sic quoque cum læserim neminem, inveni, qui mallet perire me, quam incolumem esse. Quid inimicitiarum creditis excepturum fuisse, si insontes laceffissem? At enim Dymnus se occidit. Num igitur facturum eum divinare potui? Minime. Ita quod solum indicio fidem fecit, id me, cum à Ceballino interpellatus sum, movere non potuit. At hercule, si conscius Dymno tanti sceleris fuisssem, biduo illo proditos esse nos, edissimulare non debui, Ceballinus ipse tolli de medio nullo negotio potuit. Denique post delatum indicium quo periturus eram, cubiculum Regis solus intravi, ferro quidem cinctus. Cur distuli facinus? An sine Dymno non sum ausus? Ille igitur princeps conjurationis fuit, sub illius umbra Philotas latebam, qui regnum Macedonum affecto! Equis è vobis corruptus est donis? quem ducem, quem Præfectum impensius colui? Mihi quidem objicitur, quod societatem patrii sermonis asperner, quod Macedonum mores fastidiam. Sic ego imperio, quod dedignor, immineo! Jam pridem natus ille sermo commercio aliarum gentium exolevit; tam victoribus, quam victis, peregrina lingua discenda est. Non me hercule ista me magis lædunt, quam quod Amyntas Perdiccæ filius insidiatus est Regi: cum quo quod amicitia fuerit mihi, non recusò defendere, si fratrem Regis non oportuit diligi à nobis. Sin autem in illo fortunæ gradu positum etiam venerari necesse erat, utrum, quæso, quod non divinavi, reus sum? An impiorum amicis insontibus quoque moriendum est? Quod si æquum est, cur tam diu vivo? si injustum, cur nunc demum occidor? At enim scripti, Misereri me

me eorum, quibus vivendum esset sub eo, qui se Jovis filium crederet. Fides amicitiae, veri consilii periculosa libertas, vos me decepistis: vos, quae sentiebam, ne reticerem, impulistis. Scripisse me hoc fateor Regi, non de Rege. non enim faciebam invidiam, sed pro eo timebam. Dignior mihi Alexander videbatur, qui Jovis stirpem tacitus agnosceret, quam qui praedicatione jactaret. Sed quoniam oraculi fides certa est, sit Deus causae meae testis. Retinete me in vinculis, dum consulitur Hammon interim. Qui Regem nostrum dignatus est filium, neminem eorum, qui stirpi suae insidiati sunt, latere patietur. Si certiora oraculis creditis esse tormenta, ne hanc quidem exhibendae veritatis fidem deprecor. Solent rei capitis adhibere vobis parentes. Duos fratres ego nuper amisi: patrem nec ostendere possum, nec invocare audeo, cum & ipse tanti criminis reus sit. Parum est enim, tot modo liberorum parentem, in unico filio acquiescentem, eo quoque orbari, ni ipse in rogam meum inponitur. Ergo, carissime pater, & propter me morieris, & mecum. Ego tibi vitam adimo, ego senectutem tuam extinguo. Quid enim me procreabas infelicem adversantibus Diis? an ut hos ex me fructus perciperes, qui te manent? Nescio, adolescentia mea miserior sit, an senectus tua. Ego in ipso robore aetatis eripior: tibi carnifex spiritum adimet, quem si fortuna exspectare voluisset, natura reposcebat. Admonuit me patris mei mentio, quam timide & cunctanter, quae Ceballinus detulerat ad me, indicare debuim. Parmenio enim cum audisset venenum à Philippo medico Regi parari, detertere eum voluit epistola scripta, quo minus medicamentum biberet, quod medicus dare constituerat. Num creditum est patri meo? num ullam auctoritatem ejus literae habuerunt? Ego ipse quoties, quae audieram, detuli, cum ludibrio credulitatis repulsus sum. Si, & cum indicamus, invisi; & cum tacemus, suspecti sumus, quid facere nos oportet? Cumque unus è circumstantium turba exclamasset, Bene meritis non insidiari: Philotas, Recte, inquit,

inquit, quisquis es, dicis. Itaque si infidiatus sum, poenam non deprecor : & finem facio decendi, quoniam ultima verba gravia sunt auribus vestris. Abducitur deinde ab iis qui custodiebant eum.

II. Erat inter duces manu strenuus Belon quidam, pacis artium & civilis habitus rudis : vetus miles, ab humili ordine ad eum gradum, in quo tunc erat, promotus, qui, tacentibus ceteris, stolidi audacia ferrox, admonere eos coepit, quoties suis quisque diversoriis, quæ occupassent, deturbatus esset, ut purgamenta servorum Philotæ reciperentur eo unde commilitones expulisset : auro argentoque vehicula ejus onusta totis vicis stetisse : ac ne in vicinia quidem diversorii quemquam commilitonum receptum esse, sed per dispositos, quos ad somnum habebat, omnes procul relegatos, ne femina illa murmurantium inter se, silentio verius quam sono, excitaretur. Ludibrio ei fuisse rusticos homines, Phrygasque & Paphlagonas appellatos, qui non erubesceret, Macedo natus, homines linguæ suæ per interpretem audire. Cur Hammonem consuli vellet? eundem Jovis arguisse mendacium, Alexandrum filium agnoscantis scilicet veritum ne invidiosum esset, quod Dii offerrent. Cum insidiaretur capiti Regis & amici, non consuluisset eum Jovem. nunc ad oraculum mittere, dum pater ejus sollicitaretur, qui præsit in Media : & pecunia, quæ ejus custodiæ commissa sit, perditos homines ad societatem sceleris impellat. Ipsos missuros ad oraculum, non qui Jovem interrogent, quod ex Rege cognoverint, sed qui gratias agant, qui vota pro incolumitate Regis optimi persolvant. Tum vero universa concio accensa est, & à corporis custodibus initium factum, clamantibus, discerpendum esse parricidam manibus eorum. Id quidem Philotas, qui graviora supplicia metueret, haud sane iniquo animo audiebat. Rex in concionem reversus, sive ut in custodia quoque torqueretur, sive ut diligentius cuncta cognosceret, consilium in posterum diem distulit. Quanquam in vespem inclinabat dies, tamen amicos convocari jubet : & ceteris quidem placebat,

tebat, Macedonum more obrui saxis. Hephæstion autem, & Craterus, & Cœnus, tormentis veritatem exprimendam esse dixerunt: & illi quoque, qui aliud suaserant, in horum sententiam transeunt. Concilio ergo dimisso, Hephæstion cum Cratero & Cœno ad quæstionem de Philota habendam consurgunt. Rex, Cratero accersito, & sermone habito, cuius summa non edita est, in intimam diversorii partem secessit, remotis arbitris, in multam noctem quæstionis expectavit eventum. Tortores in conspectu Philotæ omnia crudelitatis tormenta proponunt. Et ille ultro: Quid cessatis, inquit, Regis inimicum, interfectorem, conscientem occidere? quid quæstione opus est? Cogitavi, volui. Craterus exigere, ut quæ confiteretur, in tormentis quoque diceret. Dum corripitur, dum obligantur oculi, dum vestis exiuitur, gentium jura, Deos patrios nequidquam apud surdas aures invocabat. Per ultimos deinde cruciatus, utpote damnatus, & inimicis in gratiam Regis torquentibus, laceratur. Ac primo quinquam hinc ignis, illinc verbera, jam non ad quæstionem, sed ad pœnam ingerebantur, non vocem modo, sed etiam gemitus habuit in potestate. Sed postquam intumescens corpus ulceribus, flagellorum ictus nudis ossibus inculsos ferre non poterat, si tormentis adhibitori modum essent, dicturum se, quæ scire expeterent, pollicetur. Sed, finem quæstioni fore, jurare eos per Alexandri salutem volebat, removerique tortores. Et utroque impetrato, Cratero inquit, Dic quid me velis dicere. Illo indignante ludificari, rursusque revocante tortores, tempus petere coepit, dum reciperet spiritum, cuncta quæ sciret indicaturus. Interim equites, nobilissimus quisque, & ii maxime, qui Parmenionem propinqua cognatione contingebant, posteaquam Philotam torqueri fama vulgaverat, legem Macedonum veriti, qua cautum erat, ut propinqui eorum, qui Regi insidiati erant, cum ipsis necarentur: alii se interficiunt, alii in devios montes vastasque solitudines fugiunt, ingenti per tota castra terrore diffuso: donec Rex, tumultu cognito, legem se supplicii conjunctis

conjunctis fontium remittere edixit. Philotas verone an mendacio liberare se à cruciatu voluerit, anceps conjectura est: quoniam & vera confessis, & falsa dicentibus, idem doloris finis ostenditur. Ceterum, Pater, inquit, meus, Hegelôcho quam familiariter usus sit, non ignoratis. Illum dico Hegelochum, qui in acie cecidit. Ille omnium malorum nobis causa fuit. Nam cum primum Jovis filium se saluari jussit Rex: id indigne ferens ille; Hunc igitur regem agnoscimus, inquit, qui Philippum dedignatur patrem? Actum est de nobis, si ista perpeti possumus. Non homines solum, sed etiam Deos despicit, qui postulat Deus credi. Amisimus Alexandrum, amisimus Regem: incidimus in superbiam, nec Diis, quibus se exæquat; nec hominibus, quibus se eximit, tolerabilem. Nostrone sanguine Deum facimus, qui nos fastidiat? qui gravetur mortaliū adire concilium? Credite mihi, & nos, si viri sumus, à Diis adoptabimur. Quis proavū hujus Alexandrum, quis deinde Archelaum, quis Perdiccam occisos ultus est? hic quidem interfectoris patris ignovit. Hæc Hegelochus dixit super cenam; & postero die prima luce à patre accersor. Tristis erat, & me mœstum videbat: audieramus enim quæ sollicitudinem incuterent. Itaque ut experiremur, utrumne vino gravatus effudisset illa, an altiore concepta consilio, accersiri cum placuit, ac venire: eodemque sermone ultro reperito, adjecit, se, sive auderemus duces esse, proximas à nobis partes vindicaturum: sive deesset animus, consilium silentio esse testurum. Parmenioni, vivo adhuc Dario, intempestiva res videbatur; non enim sibi, sed hosti esse occisuros Alexandrum: Dario vero sublato, præmium Regis occisi Asiæ, & totum Orientem interfectoris esse cessurum. Approbatoque consilio, in hæc fides data est & accepta. Quod ad Dymnum pertinet, nihil scio: & hæc confessus, intelligo, non prodesse mihi quod prorsus sceleris expers sum. Illi rursus tormentis admotis, cum ipsi quoque hastis os oculosque ejus everberarent, ut hoc quoque crimen confiteretur, expressere. Exigentibus deinde, ut ordinem cogitati sceleris exponeret: cum

cum diu Baſtra retentura Regem viderentur, timuiſſe reſpondit, ne pater LXX natus annos, tanti exercitus dux, tantæ pecuniæ cuſtos, interim extingueretur, ipſique ſpoliato tantis viribus, occidendi Regis cauſa non eſſet. Feſtinaiſſe ergo ſe, dum præmium haberet in manibus. Repræſentaiſſe conſilium; cujus patrem fuiſſe auctorem ſi crederent, tormenta, quanquam tolerare non poſſet, tamen non recuſare. Illi collocti, ſatis quæſitum videri, ad Regem revertuntur, qui poſtero die, & quæ conſeſſus erat Philotas, recitari, & ipſum, quia ingredi non poterat, juiſſit aſſerri. Omnia agnoſcente eodem, Demetrius, qui proximi ſceleris particeps eſſe arguebatur, producit: multa affirmatione, animique pariter conſtantia, & vultu abnuens, quidquam ſibi in Regem cogitatum eſſe. Tormenta etiam depoſcebat in ſemet ipſum. Cum Philotas, circumlatis oculis incideret in Calin quendam haud procul ſtantem, propius eum juiſſit accedere. Illo perturbato, & recuſante tranſire ad eum; Patieris, inquit, Demetrium mentiri, ruriuſque excruciar? Calin vox ſanguis que defecerant, & Macedones Philotam inquinare innoxios velle ſuſpicabantur; quia nec à Nicomacho, nec ab ipſo Philota, cum torqueretur, nominatus eſſet adoleſcens: qui ut præfectos Regis circumſtantes ſe vidit, Demetrium & ſemet ipſum id facinus cogitaſſe conſeſſus eſt. Omnes ergo à Nicomacho nominatos, more patrio dato ſigno, ſaxis obruerunt. Magno non modo ſclatis, ſed etiam vitæ periculo liberatus erat Alexander. Quippe Parmenio & Philotas principes amicorum, niſi palam ſontes, ſine indignatione totius exercitus non potuiſſent damnari. Itaque anceps quæſtio fuit. Dum inſiciatus eſt facinus, crudeliter torqueri videbatur: poſt confeſſionem, Philotas ne amicorum quidem miſericordiam meruit.



# Q U I N T I C U R T I I

## L I B E R V I I .

### B R E V I A R I U M L I B R I .

1. Alexander Lyncestem majestatis reum interfici curat, deinde in Amyntam & Simniam Phileta amicos inquit, qui suam innocentiam gravi oratione tuentur.

2. Amynta & fratribus in gratiam receptis Polydamas à rege jussus, in Mediam celeriter profectus, Parmenionem interfici curat. Unde indignatio & seditio qua tandem extinguitur.

3. Varios populos sub jugum mittit Alexander, ac septendecim diebus cum exercitu Caucasum superat.

4. Bessus de bello adversus Alexandrum, inter epulas consultat, sapientique Cobaris consilio minime acquiescit. Interim Rex Bactra pervenit, ubi de Gracorum defectione & Satibarzane singulari certamine occiso, advenit ei nuncius.

5. Exercitus Alexandri sui liberatus Oxum annum industrie trajicit. Bessus dolo captus ad Alexandrum adducitur. à quo & Darii fratri Oxatri cruci figendus traditur.

6. Barbarorum & Mase-

donum benevolentia varias expugnat urbes. Sed & Alexandriam ad Tanaim condit amnem, brevissimæque temporis absolvit spatium.

7. De bello Scythis inferendo Alexander ager ex vulnere cum suis iniis consilium. Aristander vates regis voluntati extorum accommodat significata. Menedemus à Spitamene per insidias cum duobus peditum millibus & ccc equitibus à Dahis interficitur: quod calide admodum dissimulas Alexander.

8. Dum exercitus ad bellum accingitur, Scytharum legati adveniunt, ac de pace prorsus egregiam ad Alexandrum orationem habent.

9. Alexander legatis dimissis Tanaim trajicit: bellum Scythis infert: & cum victis benigne agit.

10. Sogdianorum nobilium invictus animus Bessi supplicium: novo milite auctus Alexandri exercitus.

11. Petram urbem amplissimam, situ naturaque loci fore inexpugnabilem, ad deditionem cogit Alexander.

Philotam

**P**hilotam sicut recentibus sceleris ejus vestigiis jure affectum supplicio censuerant milites: ita, posteaquam desierat esse quem odissent, invidia in misericordiam vertitur. Moverat & claritas juvenis, & patris ejus senectus, atque orbitas. Primus Asiam aperuerat Regi; omnium periculorum ejus participes, semper alterum acie cornu defenderat. Philippo quoque ante omnes amicus, & ipsi Alexandro tam fidus, ut occidendi Attalum non alio ministro uti mallet. Hortum cogitatio subibat exercitum, seditioseque voces referebantur ad Regem; queis ille haud sine motus, satisque prudens otii vitia negotio discuti, edicit ut omnes in vestibulo regiae praesto afforent. quos ubi frequentes adesse cognovit, in concionem processit. Haud dubie ex composito Apharias postulare coepit, ut Lyncestes Alexander qui multo antequam Philotas Regem voluisset occidere, exhiberetur. A duobus indicibus (sicut supra diximus) delatus, tertium jam annum custodiebatur in vinculis. Eundem in Philippi quoque caedem conjurasse cum Pausania, pro comperto fuit: sed quia primus Alexandrum Regem salutaverat, suppli-? magis, quam crimini fuerat exemptus. Dum quoque Antipatri soceri ejus preces justam Regis iram morabantur. Ceterum recruduit soporatus dolor: quippe veteris periculi memoriam, praesentis cura renovabat. Igitur Alexander ex custodia educitur, jussusque dicere, quanquam toto triennio meditatus erat defensionem, tamen haesitans & trepidus, pauca ex iis quae composuerat, protulit: ad ultimum non memoria solum, sed etiam mens eum destituit. Nulli erat dubium, quin trepidatio conscientiae indicium esset, non memoriae vitium. Itaque ex iis, qui proxime assisterant, oblustantem adhuc oblivioni, lanceis confoderunt: cujus corpore ablato, Rex introduci jussit Amyntam & Simmiam. Nam Polemon minimus ex fratribus, cum Philotam torqueri comperisset, profugerat. Omnium Philotae amicorum hi carissimi fuerant, ad magna & honorata ministeria illius maxime suffragatione producti: memineratque  
Rex

Rex summo studio ab eo conciliatos sibi. Nec dubitabat, hujus quoque ultimi consilii fuisse participes. Igitur olim esse sibi suspectos matris suæ literis, quibus esset admonitus, ut ab his salutem suam tueretur: ceterum se invitum deteriora credentem, nunc manifestis indiciis victum jussisse vinciri. Nam pride quam detegeretur Philotæ scelus, quin in secreto cum ipso fuisset, non posse dubitari. Fratrem vero qui profugerit cum Philotas torqueretur, aperuisse fugæ causam. Nuper præter consuetudinem, officii specie, amotis longius ceteris, admovisse semet ipsos laceri suo, nulla probabili causa: seque mirantem quod non vice sua tali fungerentur officio, & ipsa trepidatione eorum perterritum, strenue ad armigeros, qui proxime sequebantur, recessisse. Ad hoc accedere, quod, cum Antiphanes scriba equitum Amyntæ denunciasset, pridie quam Philotæ scelus deprehensum esset, ut ex suis equis, more solito, daret iis qui amiissent suos: superbe respondisse, nisi incepto desisteret, brevi scitum quis ipse esset. Jam linguæ violentiam, temeritatemque verborum, quæ in semet ipsum jacularentur, nihil aliud esse, quam scelesti animi indicem ac testem: quæ si vera essent, idem meruisse eos quod Philotam: si falsa, exigere ipsum ut resellant. Productus deinde Antiphanes, de equis non traditis, & adjectis etiam superbe minis, indicat. Amyntas, facta dicendi potestate: Si nihil, inquit, interest Regis; peto, ut, dum dico, vinculis liberer. Rex solvi utrumque jubet: desiderantique Amyntæ ut habitus quoque redderetur, armigeri lanceam dari jussit: quam ut læva comprehendit, evitato eo loco, in quo Alexandri corpus paulo ante jacuerat, Qualiscunque, inquit, exitus nos manet, Rex, confitemur, prosperum tibi debituos, tristiores fortunæ imputaturos. Sine præjudicio dicimus causam; liberis corporibus animisque: habitum etiam, in quo te comitari solemus, reddidisti. Causam non possumus, fortunam timere desinemus. Te quæso, permittas mihi id primum defendere, quod à te ultimum objectum est. Nos, Rex, sermonis adversus majestatem

tem tuam habiti nullius conscii sumus nobis. Dicerem, jam pridem vicisse te invidiam, nisi periculum esset, ne alia maligne dicta crederes blanda oratione purgari. Ceterum, etiamsi militis tui vel in agmine deficientis & fatigati, vel in acie periclitantis, vel in tabernaculo ægri & vulnera curantis, aliqua vox asperior esset acceptæ, merueramus fortibus factis, ut malles ea temporis nostro imputare, quam animo. Cum quid accidit tristius, omnes rei sunt: corporibus nostris, quæ utique non odimus, infestas admovemus manus. Parentes liberis si occurrant, & ingrati & invisi sunt. Contra, cum donis honoramur, cum præmiis onusti revertimur, quis ferre nos potest? quis illam animorum alacritatem continere? Militantium nec indignatio, nec læticia moderata est. Ad omnes affectus impetu rapimur; vituperamus, laudamus, miseremur, irascimur. Utcumque præsens movit affectio, modo Indiam adire & Oceanum libet, modo conjugum & liberorum patriæque memoria occurrit. Sed has cogitationes, has inter se colloquentium voces, signum tuba datum finit. In suos ordines quisque currimus, & quidquid irarum in tabernaculo conceptum est, in hostium effunditur capita. Utinam Philotas quoque intra verba peccasset. Proinde ad id revertar propter quod rei sumus. Amicitiam, quæ nobis cum Philota fuit, adeo non inficior, ut expetisse quoque nos, magnosque ex ea fructus percepisse consistear. An vero Parmenionis, quem tibi proximum esse voluisti, filium, omnes pene amicos tuos dignatione vincentem, cultum à nobis esse miraris? Tu hercule (si verum audire vis) Rex, hujus nobis periculi causa es. Quis enim alius effecit, ut ad Philotam decurrerent qui placere vellent tibi? Ab illo traditi, ad hunc gradum amicitiae tuæ ascendimus. Is apud te fuit, cujus gratiam expetere, & iram timere possemus. An non propemodum in tua verba tui omnes te præcunte juravimus, eosdem nos inimicos amicosque habituros esse, quos tu haberes? hoc sacramento pietatis obstricti adversamur scilicet, quem tu omnibus præferebas? Igitur si hoc crimen est, tu paucos innocentes

innocentes habes, imo hercule neminem. Omnes enim Philotæ amici esse voluerunt: totidem, quot volebant, esse non poterant: Ita si à consciis amicos non dividis, nec ab amicis quidem separabis illos qui idem esse voluerunt. Quod igitur conscientia affertur indicium? ut opinor, quia pridie familiariter, & sine arbitris, locutus est nobiscum. At ego purgare non possem, si pridie quicquam ex veteri vita ac more mutassem. Nunc vero, si, ut omnibus diebus, illo quoque qui suspectus est, fecimus; consuetudo diluet crimen. Sed equos Antiphani non dedimus: & pridie quam Philotas detectus est, hæc mihi cum Antiphane res erat. qui si nos suspectos facere vult, quod illo die equos non dederim, semet ipsum, quod eos desideraverat, purgare non poterit. Anceps enim crimen est inter retinentem, & exigentem, nisi quod melior est causa suum non tradentis, quam poscentis alienum. Ceterum, Rex, equos decem habui, è quæis Antiphanes octo jam distribuerat iis, qui amiserant suos. Omnino duos ipse habebam: quos cum vellet abducere homo superbissimus, certe iniquissimus, nisi pedes militare vellem, retinere cogebar. Nec inficias eo, liberi hominis animo locutum esse me cum ignavissimo, & hoc unum militiæ suæ usurpante, ut alienos equos pugnaturis distribuat. Huc enim malorum ventum est, ut verba mea eodem tempore & Alexandro excussem, & Antiphani. At hercule mater de nobis inimicis tibi scripsit. Utinam prudentius esset sollicita pro filio, & non inanes quoque species anxio animo figuraret. Quare enim non adscribit metus sui causam? Denique non ostendit auctorem, quo facto dictore nostro mota, tam trepidas tibi literas scripsit. O miseram conditionem meam, cui forsitan non periculosius est tacere quam dicere! Sed utrunque cessura res est, malo tibi defensionem meam displicere, quam causam. Agnoscas autem quæ dicturus sum, quippe meministi, cum me ad perducendos ex Macedonia milites mitteres, dixisse te, multos integros juvenes in domo tuæ matris abscondi. Præcepisti igitur mihi, ne quem præ-

ter te intuerer, sed detrectantes militiam perducerem ad te. Quod equidem feci, & liberius, quam expediebat mihi, executus sum imperium tuum. Gorgiam, & Hecateum, & Gorgatam, quorum bona opera uteris, inde perduxisti. Quid igitur iniquius est, quam me, qui, si tibi non paruissem, jure daturus fui poenas, nunc perire quia parui? Neque enim ulla alia matri tuæ persequendi nos causa est, quam quod utilitatem tuam muliebri præposuimus gratiæ. Sex millia Macedonum pedum, & DC equites adduxi: quorum pars secuturæ me non erat, si militiam detrectantibus indulgere voluissem. Sequitur ergo, ut, quia illa propter hanc causam irascitur nobis, tu mitiges matrem, qui iræ ejus nos obtrulisti.

2. Dum hæc Amyntas agit, forte supervenerunt qui fratrem ejus Polémonem, de quo ante dictum est, fugientem consecuti victum reducebant. Infesta concio vix inhiberi potuit, quin protinus suo more laxa in eum jaceret. Atque ille sane interritus, Nihil, inquit, pro me deprecor, modo ne fratrum innocentiae fuga imputetur mea. Hæc si defendi non potest, meum crimen sit. Horum ob id ipsum melior est causa, quod ego, qui profugi, suspectus sum. Hæc elocuto universa concio assensæ est. Lacrymæ deinde omnibus manare cœperunt, adeo in contrarium repente mutatis, ut solum pro eo esset quod maxime læserat. Juvenis erat primo ætatis flore pubescens, quem inter equites tormentis Philotæ conturbatos alienus terror abstulerat. Desertum eum à comitibus, & hæsitantem inter revertendi fugiendique consilium, qui secuti erant, occupaverunt. Is tum flere cœpit, & os suum conerberare, moestus non suam vicem, sed propter ipsum periclitantium fratrum. Moveratque jam Regem, non concionem modo: sed unus erat implacabilis frater, qui terribili vultu intuens eum, Tum, ait, demens lacrymare debueras, cum equo calcaria subderes, fratrum desertor, & desertorum comes. Miser, quo, & unde fugiebas? Effecisti ut reus capitis, accusatoris uterer verbis. Ille peccasse se, sed gravius in fratres, quam

quam in semet ipsum, fatebatur. Tum vero, neque lacrymis, neque acclamationibus, quibus studia sua multitudo profiteretur, temperaverunt. Una vox erat pari emissa consensu, ut infontibus & fortibus viris parceret. Amici quoque, data misericordiae occasione, consurgunt; flentesque Regem deprecantur. Ille, silentio facto, Et ipse, inquit, Amyntam mea sententia fratresque ejus absolvo. Vos autem juvenes malo beneficii mei oblivisci, quam periculi vestri meminisse. Ea fide redite in gratiam mecum, quā ipse vobiscum revertor. Nisi quæ delata essent, excussissem, valde dissimulatio mea suspecta esse potuisset. Sed satius est, purgatos esse, quam suspectos. Cogitate, neminem absolvi posse, nisi qui dixerit causam. Tu Amynta, ignosce fratri tuo: erit hoc simpliciter etiam mihi reconciliati animi tui pignus. Concione deinde dimissa, Polydamanta vocari jubet. Longe acceptissimus Parmenioni erat, proximus lateri in acie stare solitus. Et quanquam conscientia frētus, in regiam venerat: tamen ut iussus est fratres suos exhibere admodum juvenes, & Regi ignotos ob ætatem, fiducia in sollicitudinem versa, trepidare coepit: sapius quæ nocere possent, quam quibus eluderetur, reputans. Jam armigeri, quibus imperatum erat, produxerant eos, cum ex sanguinem metu Polydamanta propius accedere jubet: submotisque omnibus; Scelere, inquit, Parmenionis omnes pariter appetiti sumus: maxime ego ac tu, quos amicitiae specie fefellit: ad quem persequendum puniendumque (vide quantum fidei tuæ credam) te ministro uti statui. Obsides, dum hoc peragis, erunt fratres tui. Proficiscere in Mediam, & ad Præfectos meos literas scriptas manu mea perfer. Velocitate opus est, qua celeritatem famæ antecedas. Noctu pervenire illuc te volo: postero die quæ scripta erunt, exequi. Ad Parmenionem quoque epistolas feres; unam à me, alteram Philotæ nomine scriptam. Signum annuli ejus in mea potestate est. Sic pater credens à filio impressum, cum te viderit, nihil metuet. Polydamas, tanto liberatus metu, impensius etiam quam exigebatur, promittit

promittit operam. Collaudatusque, & præmiis oneratus, deposita veste quam habebat, Arabica induitur. Duo Arabes, quorum interim conjuges ac liberi vinculum fidei obfides apud Regem erant, dati comites. Per desertâ etiam ob siccitatem loca, camelis undecima die, quo destinaverat, pervenit. Et prius quam ipsius nunciaretur adventus, rursus Polydamas vestem Macedonicam sumit, & in tabernaculum Cleandri (Prætor hic regius erat) quarta vigilia pervenit. Redditis deinde literis, constituerunt prima luce ad Parmenionem coire. Namque ceteri quoque quibus literas Regis attulerat, ad eum venturi erant, cum Parmenioni Polydamanta venisse nunciaverunt: qui dum lætatur adventu amici, simulque noscendi, quæ Rex ageret, avidus, (quippe longe intervallo nullam ab eo epistolam acceperat,) Polydamanta requiri jubet. Diversoria regionis illius magnos recessus habent, amœnosque nemoribus manu confitis. Ea præcipue Regum Satarumque voluptas erat. Spatiabatur in nemore Parmenio, medius inter duces, quibus erat imperatum literis Regis, ut occiderent. Agendæ autem rei constituerant tempus, cum Parmenio à Polydamante literas traditas legere cœpisset. Polydamas procul veniens, ut à Parmenione conspectus est, vultu lætitiæ speciem præferente, ad complectendum eum cucurrit: mutuaque gratulatione functi, Polydamas epistolam à Rege scriptam ei tradidit. Parmenio vinculum epistolæ solvens, quidnam Rex ageret, requirebat. Ille, ex ipsis literis cogniturum esse, respondit. Quibus Parmenio lectis, Rex, inquit, expeditionem parat in Arachosios. Strenuum hominem, & nunquam cessantem. Sed tempus, salutis suæ, tanta jam parta gloriâ, parcere. Alteram deinde epistolam, Philotæ nomine scriptam, lætus, quod ex vultu notari poterat, legebat. Tum ejus latus gladio haurit Cleander, deinde jugulum ferit: ceteri exanimem quoque confodiunt. Et armigeri, qui ad aditum nemoris astiterant, cognita cæde, cujus causâ ignorabatur, in castra perveniunt, & tumultuoso nuncio milites concitant. Illi armati ad nemus,



mus, in quo perpetrara cædes erat, coeunt, & ni Polydamas ceterique ejusdem noxæ participes dedantur, murum circumdatum nemori everfuros denunciant, omniumque sanguine Duci parentaturos. Cleander, primores eorum intromitti jubet, literasque Regis scriptas ad milites recitat, quibus insidiæ Parmenionis in Regem, precesque ut ipsum vindicarent, continebantur. Igitur, cognita Regis voluntate, non quidem indignatio, sed tamen seditio compressa est. Dilapsis pluribus pauci remanserunt, qui saltem ut corpus ipsius sepelire permitterent, precabantur. Diu id negatum est, Cleandri metu, ne offenderet Regem. Pertinacius deinde precantibus, materiam consternationis subtrahendam ratus, capite deciso truncum humare permisit. Ad Regem caput missum est. Hic exitus Parmenionis fuit, militiae domique clari viri. Multa sine Rege prospere, Rex sine illo nihil magnæ rei gesserat. Felicissimo Regi, & omnia ad fortunæ suæ exigenti modum satisfecit, LXX natus annos: juvenis, ducis, & sæpe etiam gregarii militis munia explicuit; acer consilio, manu strenuus, carus principibus, vulgo militum acceptior. Hæc impulerint illum ad regni cupiditatem, an tantum suspectum fecerint, ambigi potest: quia Philotas ultimis cruciatibus victus, verane dixerit, quæ facta probari non poterant, an falsis tormentorum petierit finem, re quoque recenti, cum magis posset liquere, dubitatum est. Alexander, quos mortem Parmenionis conquestos esse compererat, separandos à cetero exercitu ratus, in unam cohortem secevit, ducemque his Leonidam dedit, & ipsum Parmenioni quondam intima familiaritate conjunctum. Fere iidem erant, quos alioqui Rex habuerat invisos. Nam cum experiri vellet militum animos, admonuit, qui literas in Macedoniam ad suos scripssisset, iis, quos ipse mittebat, perlaturis cum fide, traderet. Simpliciter ad necessarios suos quisque scripserat quæ sentiebat. Aliis gravis erat, plerisque non ingrata militia. Ita & agentium gratias, & querentium literæ exceptæ sunt. Et qui forte tædium laboris per literas erant

H

questi,

questi, hanc seorsum cohortem à ceteris tendere ignominiae causa juber, fortitudine usus in bello, libertatem linguae ab auribus credulis remoturus, & consilium temerarium forsitan. quippe fortissimi juvenes contumeliis irritati erant, sicut omnia alia felicitas Regis excipit. Nihil illis ab bella promptius fuit. Incitabat virtutem & ignominiae demendae cupido, & quia fortiora facta in paucis latere non poterant.

3. His ita compositis, Alexander Arianorum Satrape constituto, iter pronunciari jubet in Agriaspas, quos jam tunc mutato nomine Evergetas appellabant, ex quo frigore victusque penuria Cyri exercitum affectum, testis & commeatibus juverant. Quintus dies erat ut in eam regionem pervenerat; cognoscit Satibarzanem, quid ad Bessum defecerat, cum equitum manu irrupisse rursus in Arios. Itaque Caranum & Erigyum cum Artabazo & Andronico, & sex milibus Graecorum peditum, DC equites sequebantur. Ipse sexaginta diebus gentem Evergetarum ordinavit, magna pecunia ob egregiam in Cyrum fidem donata. Relicto deinde qui iis praesset Amenide, (scriba is Darii fuerat,) Arachosios, quorum regio ad Ponticum mare pertinet, subegit. Ibi exercitum, qui sub Parmenione fuerat, occupavit. Sex millia Macedonum erant, & cc nobiles, & v millia Graecorum, cum equibus ducentis, haud dubie robur omnium virium Regis. Arachosius datus Memnon Praetor, quatuor milibus peditum, & DC equitibus in praesidium relictis. Ipse Rex nationem ne finitimis quidem satis notam, quippe nullo commercio volentem mutuos usus, cum exercitu intravit. Parapamisadae appellantur; agreste hominum genus, & inter Barbaros maxime inconditum: locorum asperitas, hominum quoque ingenia duraverat. Gelidissimum Septentrionis axem ex magna parte spectant. Bactrianis ad Occidentem conjuncti sunt. Meridiana regio ad mare Indicum vergit. Tuguria latere primo struunt. Et quia sterilis est terra materiae, in nudo etiam montis dorso usque ad summum edificiorum fastigium eodem laterculo utuntur.

untur. Ceterum structura latior ab imo, paulatim  
 incremento operis in arctius cogitur; ad ultimam in  
 carinæ maxime modum coit. Ibi foramine relicto,  
 superne lumen accipiunt. Ad medium vites & arbo-  
 res, si quæ in tanto terræ rigore durare potuerunt,  
 obruunt. Penitus hyeme defossæ latent. Cum, nive  
 discussa, aperiiri humus cœpit, cælo solique redduntur.  
 Ceterum adeo altæ nives premunt terram, gelu & per-  
 petuo pene rigore constrictæ, ut ne avium quidem fe-  
 ræve ullius vestigium exstet. Obscûra cœli verius um-  
 bra quam lux, nocti similis, premit terram, vix ut quæ  
 prope sunt conspici possint. In hac tamen omnis hu-  
 mani cultus solitudine destitutus exercitus, quicquid  
 malorum tolerari potest, pertulit: inopiam, frigus, las-  
 titudinem, desperationem. Multos exanimavit rigor  
 insolitus nivis: multorum adussit pedes: plurimorum  
 oculis præcipue perniciosus fuit. fatigati quippe in ip-  
 so gelu deficientia corpora sternebant: que cum mo-  
 veri desissent, vis frigoris ita astringebat, ut rursus ad  
 surgendum conniti non possent. A commilitonibus  
 torpentes excitabantur. Neque aliud remedium erat,  
 quam ut ingredi cogerentur. Tum demum vitali calo-  
 re moto, membris aliquis redibat vigor. Si qui tugu-  
 ria Barbarorum adire potuerunt, celeriter refecti sunt.  
 Sed tanta caligo erat, ut ædificia nulla alia res quam  
 fumus ostenderet. illi, nunquam ante in terris suis ad-  
 vena viso, cum armatos repente conspicerent, exani-  
 mati metu, quicquid in tuguriis erat, afferebant: ut  
 corporibus ipsorum parceretur, orantes. Rex agmen  
 circumibat pedes, jacentes quosdam erigens, & alios,  
 cum ægre sequerentur, adminiculo corporis sui excipi-  
 ens. Nunc ad prima signa, nunc in medium, nunc in  
 ultimo agmine itineris, multiplicato labore, aderat.  
 Tandem ad cultiora perventum est; comœatuque  
 largo recreatus exercitus, simul & qui consequi non  
 poterant, in illa castra venerunt. Inde agmen proces-  
 sit ad Caucasum montem, cujus dorsum Asiam perpe-  
 tuo iugo dividit: hinc simul mare, quod Ciliciam subit:  
 illinc Caspium fretum, & amnem Araxem, aliaque  
 regionis

regionis Scythiæ deserta spectat. Taurus secundæ magnitudinis mons committitur Caucaſo : à Cappadocia ſe attolens Ciliciam præterit, Armeniæque montibus jungitur. Sic inter ſe tot juga velut ſerie cohærentia, perpetuum habent doſum : ex quo Aſiæ omnia fere flumina, alia in Rubrum, alia in Caſpium mare, alia in Hyrcanum & Ponticum decidunt. xvi i dierum ſpatio Caucaſum ſuperavit exercitus. Rupes in eo x in circuitu ſtadia complectitur, quatuor in altitudinem excedit : in qua vinctum Promethea fuiſſe antiquitas tradit. Condendæ in radicibus montis urbi ſedes electa eſt vi i millibus ſeniorum Macedonum ; & præterea militibus, quorum opera uti deſiſſet, permiſſum in novam urbem conſidere. Hanc quoque Alexandriam incolæ appellaverunt.

4. At Beſſus Alexandri celeritate perterritus, Diis patriis ſacrificio rite facto, ſicut illis gentibus mos eſt, cum amicis ducibuſque copiarum inter epulas de bello conſultabat. Graves mero ſuas vires extollere ; hoſtiū nunc temeritatem, nunc paucitatem, ſpernere. Præcipue Beſſus ferox verbis, & parto per ſcelus regno ſuperbus, ac vix potens mentis, dicere : Socordia Darii creviſſe hoſtiū famam. Occuriſſe enim in Ciliciæ anguſtiſſimis faucibus, cum retrocedendo poſſet perducere incautos in loca natura & ſitu invia, tot fluminibus objectis, tot montium latebris, inter quas deprehenſus hoſtis, ne fugæ quidem, nedum reſiſtendi occaſionem fuerit habiturus. Sibi placere in Sogdianos recedere. Oxum amnem velut murum objecturum hoſti, dum ex finitimis gentibus valida auxilia concurrerent. Venturos autem Choraſinios, & Dahas, Sacasque, & Indos, & ultra Tanaim amnem colentes Scythas ; quorum neminem adeo humilem eſſe, ut humeri ejus non poſſent Macedonis militis verticem æquare. Conclamant temulenti, unam hanc ſententiam ſalubrem eſſe : & Beſſus circumferri merum largiſ juberet, debellaturus ſuper menſa Alexandrum. Erat in eo convivio Cobares natione Medus, ſed magicæ artis ( ſi modo ars eſt, non vaniſſimi cujuſque ludibrium )

brum) magis professione quam scientia celebrer, alioquin moderatus, & probus. Is cum præfatus esset, scire, servo esse utilius parere dicto, quam afferre consilium, cum illos qui pareant, idem quod ceteros maneat; qui vero suadeant, proprium periculum: poculum ei, quod habebat in manum tradidit. Quo accepto Cobares, Natura, inquit, mortalium, hoc quoque nomine prava & sinistra dici potest, quod in suo quisque negotio hebetior est quam in alieno. Turbida facta sunt consilia eorum qui sibi suadent. Obstat aliis metus, aliis cupiditas, nonnunquam naturalis eorum, quæ cogitaveris, amor. nam in te subergia non cadit. Expertus es, unumquemque quod ipse reperit, aut solum, aut optimum ducere. Magnum onus sustines capite, regium insigne. Hoc aut moderate perferendam est, aut (quod abominor) in te ruet. Consilio, non impetu, opus est. Adjicit deinde, quod apud Bactrianos vulgo usurpabant, Canem timidum vehementius latrare, quam mordere. Altissimâ quæque flumina minimo sono labi. Quæ inserui, ut qualiscunque inter Barbaros potuit esse prudentia, traderetur. In his ausientium suspenderat expectationem sui. Tum consilium aperit, utilius Bessio, quam gratius. In vestibulo, inquit, regis tuæ velocissimus consistit Rex. Ante ille agmen, quam tu mensam istam movebis. Nunc ab Tanai exercitum accerses, armis flumina oppones. Scilicet, quæ tu sagiturus es, hostis sequi non potest? Iter utrique commune est, victori tutius. Licet strenuum metum pates esse, velocior tamen spes est. Quin validioris occupas gratiam, dedisque te? Utcunque cesserit, meliorem fortunam deditus, quam hostis, habiturus. Alienum habes regnum, quo facilis eo careas. Incipies forsitan justus esse Rex, cum ipse fecerit, qui tibi & dare potest regnum, & eripere. Consilium habes fidele, quod diutius exsequi supervacaneum est. Nobilis equus umbra quoque virgæ regitur; ignavus ne calcari quidem concitari potest. Bellus & ingenio & multo mero ferox adeo exarsit, ut vix ab amicis, quo minus occideret eum, nam strinxerat

H 3

quoque

quoque acinacem, contineretur. Crete è convivio profilivit, haud quaquam potens mentis. Cobares inter tumultum elapsus, ad Alexandrum transfugit. Octo millia Bactrianorum habebat armata Bessus, quæ, quamdiu propter cæli intempericem Indiam potius Macedonas petituros crediderant, obedienter imperata fecerunt. Postquam adventare Alexandrum compertum est, in suos quisque vicos dilapsi, Bessum reliquerunt. Ille cum clientium manu, qui non mutaverant fidem, Oxo amne superato, exustique navigiis, quibus transierat, ne isdem hostis uteretur, novas copias in Sogdianis contrahebat. Alexander Caucasum quidem (ut supra dictum est) transierat: sed inopia frumenti prope ad famem ventum erat. Succo ex scissima expresso, haud secus quam oleo, artus perungebant. Sed hujus succi ducenis quadragenis denariis amphoræ singulæ, mellis denariis trecentis nonagenis, trecentis vini æstimabantur; tritici nihil, aut admodum exiguum reperiebatur. Siros vocabant Barbari; quos iter solenter abscondunt, ut nisi qui defoderunt, invenire non possint. In iis conditæ fruges erant. In quarum peruria milites fluviali pisce & herbis sustinebantur. Jamque hæc ipsi alimenta defecerant, cum jumenta, quibus onera portabant, cadere jussi sunt: horum carne, dum in Bactrianos perventum, traxere vitam. Bactrianæ terræ multiplex & varia natura est. Alibi multa arbor, & vitis, largos mitesque fructus alit. Solum pingue crebri fontes rigant. Quæ mitiora sunt, frumento conscruntur. Cetera armentorum pabulo credunt. Magnam deinde partem ejusdem terræ steriles arenæ tenent. Squalida siccitate regio non hominem, non frugem alit. Cum vero venti à Pontico mari spirant, quicquid sibi in campis jacet, converrant. Quod ubi cumulatum est, magnorum collium precul species est, omniæque pristini itineris vestigia intereunt. Itaque qui transeunt campos, navigantium modo noctu sidera observant, ad quorum cursum iter dirigunt, & propemodum clatior est noctis umbra, quam lux. Ergo interdiu invia est regio:

regio : quia nec vestigium, quod sequantur, inveniunt, & nitor siderum caligine absconditur. Ceterum si quos ille ventus, qui à mari exoritur, deprehendit, arena obruit. Sed quæ mitior terra est, ingens hominum equorumque multitudo gignitur. Itaque Bactriani equites triginta millia expleverant. Ipsa Bactra, regionis ejus caput, sita sunt sub monte Paropamisso. Bactrus amnis præterit mœnia. Is urbi & regioni dedit nomen. Hic Regi stativa habenti nunciatur ex Græcia Peloponnesium Laconumque defectio. Nondum enim victi erant, cum proficiscerentur tumultus ejus principia nunciaturi. Et alius præsens terror affertur, Scythas, qui ultra Tanaim amnem colunt, adventare, Bello ferentes opem. Eodem tempore, quæ in gente Ariorum Catanus & Erigyus gesserant, perferruntur. Commissum erat prælium inter Macedones Ariosque. Transfuga Satibarzanes Barbaris præerat : qui cum pugnam segnem utrinque æquis viribus stare vidisset, in primos ordines adequitavit ; demptaque galea, inhibitis qui tela jaciebant, si quis viritum dimicare vellet, provocavit ad pugnam, nudum se caput in certamine habiturum. Non tulit ferociam Barbari, dux exercitus Erigyus, gravis quidem ætate, sed & animi & corporis robore nulli juvenum postferendus. Is galea dempta canitiem ostentans : Venit, inquit, dies, quo aut victoria, aut morte honestissimæ, quales amicos & milites Alexander habeat, ostendam. Nec plura elocutus, equum in hostem egit. Crederes imperatum, ut acies utræque tela cohiberent. Protinus certe cesserunt, dato libero spatio. intenti in eventum, non duorum modo, sed etiam suæ fortis ; quippe alienum discrimen secuturi. Prior Barbarus enisit hastam, quam Erigyus modica capitis declinatione vitavit. At ipse infestam ferissimam, equo calcaribus concito, in medio Barbari gutture ita fixit, ut per cervicem emingeret. Præcipitatus ex equo Barbarus, adhuc tamen repugnabat. Sed ille extractam ex vulnere hastam rursus in os dirigit. Satibarzanes hastam manu complexus, quo maturius interiret, ictum hostis adjecit ;

& Barbari, duce amisso, quem magis necessitate quam sponte secuti erant, tunc haud immemores meritorum Alexandri, arma Erigyo tradunt. Rex his quidem lætus, de Spartanis haudquaquam securus, magno tamen animo, defectionem eorum tulit, dicens: Non ante ausos consilia nudare, quam ipsum ad fines Indiæ pervenisse cognovissent. Ipse Bessum persequens copias movit: cui Erigyus spolia Barbarica, ceu opimum belli decus, præferens occurrit.

5. Igitur Bactrianorum regione Artabazo tradita, frcinas & impedimenta ibi cum præsidio reliquit. Ipse cum expedito agmine loca deserta Susitanorum intrat, nocturno itinere exercitum ducens. Aquarum (ut ante dictum est) penuria, prius desperatione, quam desiderio bibendi sitim accendit. Per ccc ccc stadia, ne modicus quidem humor existit. Arenas vapor æstivi solis accendit. quæ ubi flagrare cœperunt, haud secus quam continenti incendio cuncta torrentur. Caligo deinde, immodico terræ fervore excitata, lucem tegit: camporumque non alia, quam vasti & profundi æquoris species est. Nocturnum iter tolerabile videbatur, quia rore & matutino frigore corpora levabantur. Ceterum cum ipsa luce æstus oritur, omnemque naturalem absorbet humorem siccitas, ora visceraque penitus uruntur. Itaque primum animi, deinde corpora deficere cœperunt. Pigebat & consistere, & progredi. Pauci à peritis regionis admoniti, præparant aquam. Hæc paulisper repressit sitim. Deinde crescente æstu, rursus desiderium humoris accensum est. Ergo quidquid vini oleique erat, hominibus ingerebatur. Tantaque dulcedo bibendi fuit, ut in posterum sitis non timeretur. Graves deinde avide hosto humore, non sustinere arma, non ingredi poterant: & feliciores videbantur quos aqua defecerat; cum ipsi sine modo infusam vomitu cogerentur egerere. Anxium Regem tantis malis circumfusus amici, ut meminisset, orabant, animi sui magnitudinem unicum remedium deficientis exercitus esse; cum ex iis, qui præcesserant ad capiendum locum castris,



castris, duo occurrunt, utribus aquam gestantes, ut filiis suis, quos in eodem agmine esse, & ægre pati sitim non ignorabant, occurrerent. qui cum in Regem incidissent, alter ex iis, utre resóluto, vas quod simul ferebat, implet, porrigens Regi: ille, percontatus quibus aquam portarent, filiis ferre cognoscit. Tunc poculo plenus (sicut oblatum est) reddito, Nec solus, inquit, bibere sustineo, nec tam exiguum dividere omnibus possum. Vos currite, & liberis vestris, quod propter illos attulistis, date. Tandem ad flumen Oxium ipse pervenit prima fere vespéra. Sed exercitus magna pars non potuerat consequi. In edito monte ignes jubet fieri, ut ii, qui ægre sequebantur, haud procul castris se abesse cognoscerent. Eos autem qui primi agminis erant, mature cibo ac potione firmatos, implere alios utres, alios vasa, quibuscum aqua possit portari, iussit, ac suis opem ferre. Sed qui intemperantius hauserant, intercluso spiritu extincti sunt. Multoque major horum numerus fuit, quam ullo amiserat prælio. At ille thoracem adhuc indutus, nec aut cibo refectus aut potu, qua veniebat exercitus, constitit. Nec ante ad curandum corpus recessit, quam præterierant qui agmen sequebantur: totamque eam noctem cum magno animi motu perpetuis vigiliis egit. nec postero die lætior erat: quia nulla navigia habebat, nec pons erigi poterat, circumquaque amnem nudo solo, & materia maxime sterili. Consilium igitur, quod unum necessitas subjecerat, init. Utres quam plurimos stramentis refertos dividit. His incubantes transnavigare amnem: quique primi transierant, in statione erant, dum trajicerent ceteri. Hoc modo sexto demum die in ulteriore ripa totum exercitum exposuit. Jamque ad persequendum Bessum statuerat progredi, cum ea, quæ in Susianis erant, cognoscit. Spitamines erat inter omnes amicos præcipuo honore cultus à Besso. Sed nullis meritis perfidia mitigari potest: quæ tamen jam minus in eo invisâ esse poterat, quia nihil ulli nefas tum in Bessum interfectorem Regis sui videbatur. Titulus facinoris speciosus præ-

H 5

ferebatur.

ferrebat, vindicta Darii. Sed fortunam, non scelus, oderat Bessus. Nam ut Alexandrum flumen Oxum superasse cognovit, Dataphernem & Catenem, quibus à Besso maxima fides habebatur, in societatem cogitare rei asciscit. Illi promptius adeunt, quam rogabantur, assumptisque octo fortissimis juvenibus, talem dolum intendunt. Spitamenes pergit ad Bessum, & remotis arbitris comperisse ait se, insidiari ei Dataphernem & Catenem, ut vivum Alexandro traderent agitanter: à se esse occupatos esse, & victos, teneri. Bessus tanto merito (ut credebat) obligatus, partim gratias agit, partim avidus explendi supplicii, adduci eos jubet. Illi, manibus sua sponte religatis, à participibus consilii trahantur: quos Bessus truci vultu intuens consurgit, manibus non temperaturus. At illi simulatione omiffa circumfistunt eum, & frustra repugnantem vincunt, direpto ex capite regni insigni: lacerataque veste, quam spoliis occisi Regis induerat. Ille, Deos sui scelus ultores adesse confessus, adjecit, Non Dario iniquus fuisse, quem sic ulciscerentur: sed Alexandro proprios, cujus victoriam semper etiam hostis adjuvisset. Multitudo an vindicatura Bessum fuerit, incertum est, nisi illi, qui vinxerant, jussu Alexandri fecesse ipsos ementiri, dubios adhuc animi tenuissent. In equum impositum Alexandro tradituri ducunt. Inter hæc Rex, quibus matura erat missio, electis xc. fere, equitum bina talenta dedit; pedum terna denarium milia: monitosque ut liberos generarent, remisit domum. Ceteris gratiæ actæ, quod ad reliqua belli navaturos operam pollicebantur. Tum Bessus perducitur. Perventum erat in parvulum oppidum: Branchidæ ejus incolæ erant. Mileto quondam, jussu Xerxis, cum à Græcia rediret, transierant, & in ea sede constituerant: quia templum, quod Didymæon appellatur, in gratiam Xerxis violaverant. Mores patrii nondum exoleverant, sed jam bilingues erant, paulatim à domestico externoque sermone degeneres. Magno igitur gaudio Regem excipiant, urbem seque dedentes. Ille Milesios, qui apud ipsum militarent, convocari jubet. Verus odium

odium miles gerebat in Branchidarum gentem, proditi-  
onis ergo. His, sive injuriæ, sive originis meminisse  
mallent, liberum de Branchidis permittit arbitrium.  
Variantibus deinde sententiis, se ipsum consideraturum  
quod optimum factu esset, ostendit. Postero die oc-  
currentibus, Branchidas secum procedere jubet. Cum-  
que ad urbem ventum esset, ipse cum expedita manu  
portam intrat. Phalanx nœnia oppidi circuire iussa,  
& dato signo diripere urbem proditorum receptacu-  
lum: ipsosque ad unum cedere. Illi inermes passim  
trucidantur; nec aut commercio linguæ, aut supplicum  
velamentis precibusque inhiberi crudelitas potest: tan-  
dem ut dejicerent, fundamenta murorum ab imo mo-  
liuntur, ne quod urbis vestigium exstaret. Nec mora,  
lucos quoque sacros non cædunt modo, sed etiam ex-  
tirpant, ut vasta solitudo & sterilis humus, excussis e-  
tiam radicibus, linqueretur: quæ si in ipsos proditi-  
onis auctores excogitata essent, iusta ultio esse, non cru-  
delitas, videretur. Nunc culpam majorum, posteri lu-  
ère, qui ne viderant quidem Miletum; adeo Xerxi  
non potuerant prodere. Inde precessit ad Tanaim  
amnem. Quo perductus est Bessus, non victus mo-  
do, sed etiam omni velamento corporis spoliatus. Spi-  
tamenes eum tenebat, collo inserta catena, tam Bar-  
baris quam Macedonibus gratum spectaculum. Tum  
Spitamenes, Et te, inquit, & Darium, Reges meos, ul-  
tus, interfectorem domini sui adduxi, eo modo cap-  
tum, cujus ipse fecit exemplum. Aperiat ad hoc spec-  
taculum oculos Darius. Existat ab inferis, qui illo sup-  
plicio indignus fuit, & hoc solatio dignus est. Alexan-  
der multum collaudato Spitamene, conversus ad Bes-  
sum: Cujus, inquit, feræ rabies occupavit animum tu-  
um, cum Regem de te optime meritum prius vincere,  
deinde occidere sustinuisti? Sed hujus parricidii mer-  
cedem falso Regis nomine persolvisti. Ibi ille faci-  
nus purgare non ausus, Regis titulum se usurpare dixit,  
ut, gentem suam tradere ipsi possit: qui si cessasset, al-  
ium fuisse regnum occupaturum. At Alexander Ox-  
atrem fratrem Darii, quem inter corporis custodes ha-  
bebat,

bebat, propius jussit accedere, tradique Bessum ei, ut cruci affixum, mutilatus auribus naribusque, sagittis confingerent Barbari, asservarentque corpus, ut ne aves quidem contingerent. Oxatres cetera sibi curæ fore pollicetur. Aves non ab alio quam à Catene posse prohiberi adjecit; eximiam ejus artem cupiens ostendere: namque adeo certo ictu destinata feriebat, ut aves quoque exciperet. Nam etsi forsitan sagittandi tam celebri usû minus admirabilis videri hæc ars possit, tamen ingens visentibus miraculum, magnoque honori Cateni fuit. Dona deinde omnibus, qui Bessum adduxerant, data sunt. Ceterum supplicium ejus distulit, ut eo loco, in quo Darium ipse occiderat, necaretur.

6. Intera Macedones ad perendum pabulum incomposito agmine egressi, à Barbaris, ubi de proximis montibus decurrerunt, opprimuntur; pluresque capti sunt, quam occisi. Barbari autem, captivos præ se agentes, rursus in montem recesserunt. Viginti millia latronum erant; fundis sagittisque pugnam invadunt: quos dum obsidet Rex, inter promptissimos dimicans, sagitta ictus est; quæ in medio crure fixa reliquerat spiculum. Illum quidem maesti & attoniti Macedones in castra referebant. Sed nec Barbaros fefellit subductus ex acie Rex: quippe ex edito monte cuncta prospexerant. Itaque postero die misere legatos ad Regem, quos ille protinus jussit admitti; solatisque falsis magnitudinem vulneris dissimulans, crus Barbaris ostendit. Illi jussi considerare, affirmant, non Macedonas quam ipsos fuisse tristiores, cognito vulnere ipsius: cujus si auctorem reperissent, dedituros fuisse. Cum Diis enim pugnare sacrilegos tantum. Ceterum se gentem in fidem dedere, superatos virtute illius. Rex, fide data, & captivis receptis, gentem in deditionem accepit. Castris inde motis, lectica militari ferebatur, quam pro se quisque, eques pedesque subire certabant. Equites, cum quibus Rex prælia inire solitus erat, sui muneris id esse censebant. Pedites contra, cum saucios commilitones ipsi gestare assueverant, eripi

eripi sibi proprium officium, tum potissimum, cum Rex gestandus esset, querebantur. Rex in tanto utriusque partis certamine, & sibi difficilem, & præteritis gravem electionem futuram ratus, invicem subire eos iussit. Hinc quarto die ad urbem Maracanda perventum est. LXX stadia murus urbis amplectitur. Arx nullo cingitur muro. Præsidio urbi relicto proximos vicos depopulatur, atque urit. Legati deinde Abiorum Scytharum superveniunt: liberi ex quo decesserat Cyrus: tum imperata facturi. Iustissimos Barbarorum constabat. Armis abstinere, nisi lacesciti. Libertatis modico & æquali usu principibus humiliores pares fecerunt. Hos benigne allocutus, ad eos Scythas, qui Europam incolunt, Penidam quandam misit ex amicis, qui denunciaret eis, ne Tanaim amnem regionis injussu Regis transirent. Eidem mandatum, ut contempleretur locorum situm, & illos quoque Scythas, qui super Bosphoro incolunt, viseret. Condendæ urbis sedem super ripam Tanais elegerat, claustrum etiam perdomitorum, & quos deinde adire decreverat. Sed consilium distulit Sogdianorum nunciata defectio, quæ Bactrianos quoque traxit. Septem millia equitum erant, quorum auctoritatem ceteri sequebantur. Alexander Spitamenem & Catenem, à quibus ei traditus erat Bessus, haud dubius quin eorum opera redigi possent in potestatem, coercendo qui novaverant, iussit accersiri. At illi defectionis, ad quam coercendam evocabantur, auctores, vulgaverant famam Bactrianos equites à Rege omnes, ut occiderentur, accersiri: idque imperatum ipsis: non sustinuisse tamen exequi, ne inexprabile in populares facinus admitterent: non magis Alexandri sævitiam, quam Bessi parricidium ferre potuisse. Itaque sua sponte jam motos, metu pœne haud difficulter concitaverunt ad arma. Alexander, transfugarum defectione comperta, Cratenum obfidere Cyropolim jubet. Ipse aliam urbem regionis ejusdem corona capit; signoque ut puberes interficerentur dato, reliqui in prædam cessere victoris. Urbs diruta est, ut ceteri clavis exemplo continerentur.

Mema-

Memaceni, valida gens, obsidionem, non ut honestiorem modo, sed etiam ut tutiorem, ferre decreverant. Ad quorum pertinaciam mitigandam Rex I. equites præmisit, qui clementiam ipsius in deditos, simulque inexorabilem animum in devictos ostenderent. Illi nec de fide, nec de potentia Regis ipsos dubitare respondent, equitesque tendere extra munimenta urbis jubent. Hospitaliter deinde exceptos, gravesque epulis & somno, intempesta nocte adorti interfecerunt. Alexander haud secus quam par erat motus, urbem corona circumdedit, munitiorem quam ut primo impetu capi posset. Itaque Meleagrum, & Perdiccam, in obsidionem jungit, Cyropolim (ut ante dictum est) obsidentes. Statuerat autem parcere urbi conditæ à Cyro; quippe non alium gentium illarum magis admiratus est, quam hunc Regem, & Semiramis, in quæis & magnitudinem animi, & claritatem rerum longe emicuisse credebat. Ceterum pertinacia oppidanorum ejus iram accendit. Itaque captam urbem diripere jussit delectos Macedones, haud injuria infestos, & ad Meleagrum & Perdiccam redit. Sed non alia urbs fortius obsidionem tulit, quippe & militum promptissimi cecidere, & ipse Rex ad ultimum periculum venit. Namque cervix ejus saxo ita icta est, ut oculis caligine offusa collaberetur; ne mentis quidem compos. Exercitus certe velut erepto eo ingemuit. Sed invictus adversus ea, quæ ceteros terrent, nondum percurato vulnere acrius obsidioni institit; naturalem celeritatem ira concitante. Cuniculo ergo suffossa mœnia, ingens nudare spatium, per quod irrupit, victorque urbem dirui jussit. Hinc Menedemum cum tribus milibus peditum, & octingentis equitibus, ad urbem Mafacanda misit. Spitamenes transfuga, præsidio Macedonum inde dejecto, muris urbis ejus incluserat se, haud oppidanis consilium defectionis approbantibus. Sequi tamen videbantur, quia prohibere non poterant. Interim Alexander ad Tanaiam annem redit, & quantum soli occupaverant castris, muro circumdedit. Sexaginta stadiorum urbis

murus

murus fuit : hanc quoque urbem Alexandriam appellari iussit. Opus tanta celeritate perfectum est, ut decimo septimo die, qua munimenta excitata erant, recta quoque urbis absolverentur. Ingens militum certamen inter ipsos fuerat, ut suum quisque munus (nam divisum erat) primus ostenderet. Incolæ novæ urbi dati captivi, quos reddito pretio dominis, liberavit : quorum posterius nunc quoque nondum apud eos tam longa ætate propter memoriam Alexandri exoleverunt.

7. Rex Scytharum, cuius tum ultra Tanaim imperium erat, ratus eam urbem, quam in ripa amnis Macedones condiderant, suis impositam esse cervicibus, fratrem, Cartasini nomine, cum magna equitum manu misit ad diruendam eam, proculque amne submovendas Macedonum copias. Bactrianos Tanais ab Scythiis, quos Europæos vocant, dividit. Idem Asiam & Europam fines interfuit. Ceterum Scytharum gens haud procul Thracia sita, ab Oriente ad Septentrionem se vertit. Sarmatarumque, ut quidam credidere, non finitima, sed pars est. Recta deinde regione aliam ultra Istrum jacentem colit. Ultima Asiæ, quæ Bactra sunt, stringit : quæ Septentrioni proxima sunt, profundæ inde sylvæ, vastæque solitudines excipiunt. Rursus, quæ ad Tanaim & Bactra spectant, humano cultu haud disparia sunt. Primus cum hac gente non provisum bellum Alexander gesturus, cum in conspectu ejus obequitaret hostis, adhuc æger ex vulnere, præcipue voce deficiens, quam & medicus cibus, & cervicis extenuabat dolor, amicos in consilium advocari jubet. Terrebat eum non hostis, sed iniquitas temporis. Bactriani defecerant. Scythæ etiam lacescebant. Ipse non insistere in terra, non equo vehi, non docere, non hortari suos poterat. Ancipiti periculo implicitus, Deos quoque inculans, querebatur, se jacere segnem, cuius velocitatem nemo ante valuisset effugere. Vix suos credere, non simulari valetudinem. Itaque qui post Darium victum ariolos & vates consulere defecerat, rursus ad superstitionem, humanarum mentium ludibria,

ludibria, revolutus, Aristandrum, cui credulitatem suam addixerat, explorare eventum rerum sacrificiis jubet. Mos erat aruspicius, exta sine Rege spectare, & quæ portenderentur, referre. Inter hæc Rex, dum fibris pecudum explorantur eventus latentium rerum, propius ipsum considerare amicos jubet, ne contentione vocis cicatricem infirmam adhuc rumperet; Hephæstion, Craterus, & Erigyus erant cum custodibus in tabernaculum admissi. Discrimen, inquit, me occupavit, meliore hostium, quam meo, tempore. Sed necessitas ante rationem est, maxime in bello; quo raro permittitur tempora eligere. Defecere Bactriani, in quorum cervicibus stamus, & quantum in nobis animi sit, alieno Marte experiuntur. Haud dubie si omiserimus Scythas ultro arma inferentes, contemti, ad illos, qui defecerunt, revertemur. Si vero Tanaïm transferimus, & ubique invictos esse nos Scytharum perniciæ ac sanguine ostenderimus; quis dubitabit, patere etiam Europam victoribus? Fallitur qui terminos gloriæ nostræ metitur spatium, quod transaturi sumus. Unus annis interfuit: quem si trajiciamus, in Europam arma proferimus. Et quanti æstimandum est, dum alium subigimus, in alio quodammodo orbe trophæa statuere, & quæ tam longo intervallo natura videtur diremissee, una victoria subito committere? At hercule si paululum cessaverimus, in tergis nostris Scythæ hærebunt. An soli sumus qui flumina tranare possumus? Multa in nosmet ipsos recident quibus adhuc vicinus. Fortuna belli artem victos quoque docet. Utribus annum trajiciendi exemplum fecimus nuper. hoc ut Scythæ imitari nesciant, Bactriani docebunt. Præterea unus gentis hujus adhuc exercitus venit, ceteri expectantur. Ita bellum vitando alemus, & quod inferre possumus, accipere cogemur. Manifesta est concilii mei ratio. Sed an permissuri sint Macedones animo uti meo, dubito: quia ex quo hoc vulnus accepi, non equo vectus sum, non pedibus ingressus. Sed si me sequi vultis, valeo, amici. Satis virium est ad toleranda ista. Aut si jam adest



adeſt vitæ meæ finis, in quo tandem opere melius extinguar? Hæc quaſſa adhuc voce deficiens, vix proximis exaudientibus dixerat; cum omnes à tam præcipiti conſilio Regem deterrere cœperunt. Erigyus maxime, qui haud ſine auctoritate proficiens apud obſtinatum animum, ſuperſtitionem, cujus potens non erat Rex, incutere tentavit, dicendo, Deos quoque obſtare conſilio: magnumque periculum, ſi flumen tranſiſſet, oſtendi. Intranti Erigyus tabernaculum Regis, Ariſtander occurrerat, triſtia exta fuiſſe ſignificans. Hæc ex vate comperta Erigyus nunciabat. Quo inhibito, Alexander non ira ſolum, ſed etiam pudore confuſus, quod ſuperſtitio, quam celaverat, detegebatur, Ariſtandrum vocari jubet. Qui ut venit, intuens eum, Non Rex, inquit, ſed privatus ſum. Sacrificium ut faceres mandavi. Quid eo portenderetur, cur apud alium quam apud me profeſſus es? Erigyus arcana mea & ſecretate, prodente, cognovit. Quem certum mehercule habeo extorum interpreterem metu ſuo. Tibi autem ſæpius, quam poteſt, denuncio, ipſe mihi indices quid ex extis cognoveris, ne poſſis inficiari dixiſſe quæ dixeris. Ille ex ſanguis attonitoque ſimilis ſtabat, per metum etiam voce ſuppreſſa. Tandemque eodem metu ſtimulante, ne Regis exſpectationem moraretur, Magni, inquit, laboris, non irriti, diſcrimen inſtare prædixi. Nec me mea ars quam benevolentia magis perturbat. Infirmiſſimam valetudinis tuæ video; & quantum in uno te ſit, ſcio. Vereor, ne non præſenti fortunæ tuæ ſufficere poſſit. Rex juſſum conſidere felicitati ſuæ remiſit. Sibi enim ad alia gloriam concedere Deos. Conſultanti deinde cum iisdem, quonam modo flumen tranſirens ſupervenit Ariſtander, non alias lætiora exta vidiffe ſe affirmans, utique prioribus longe diverſa: tum ſollicitudinis cauſas aperuiſſe, nunc prorsus egregie litatum eſſe. Ceterum quæ ſubinde nunciata ſunt Regi, continuæ felicitati rerum ejus impoſuerant labem. Menedemum, ut ſupra dictum eſt, miſerat ad obſidendum Spitamenem Bactrianæ defectionis auctorem.

Qui,

Qui, comperto hostis adventu, ne muris urbis includeretur, simul fretus excipi posse quem venturum sciebat, confedit occultus. Sylvestre iter aptum insidiis tegendis erat. Ibi Dahas condiidit. Equi binos armatos vehunt, quorum invicem singuli repente defiliunt, equestris pugnae ordinem turbant. Equorum velocitati par est hominum pernicitas. Hos Spitamenes saltem circuire iussos, pariter & à lateribus, & à fronte, & à tergo, hosti ostendit. Menedemus undique inclusus, ne numero quidem par, diu tamen restitit, clamitans: Nihil aliud superesse locorum fraude deceptis, quam honestæ mortis solatium ex hostium cæde. Ipsum prævalens equus vehēbat, quo sæpius in cuneos Barbarorum effusus habenis evehctus, magna strage eos fuderat. Sed cum unum omnes peterent, vulneribus exanguis, Hipsidem quandam ex amicis hortatus est, ut in equum suum ascenderet, & se fuga eriperet. Hæc agentem anima defecit, corpusque ex equo defluxit in terram. Hipsides poterat quidem effugere, sed amisso amico mori statuit. Una erat cura, ne inultus occideret. Itaque subditis calcaribus equo, in medios hostes se immisit, & memorabili edita pugna, obrutus telis est. Quod ubi videre qui cæde supererant, tumultum paulo quam cetera editiorem capiunt, quos Spitamenes fame in deditionem subacturus obsedit. Cecidere eo prælio peditum duo milia, trecenti equites. Quam cladem Alexander solerti consilio tenuit, morte denunciata iis, qui ex prælio venerant, si acta vulgassent.

8. Ceterum cum animo disparem vultum diutius ferre non posset, in tabernaculum, supra ripam fluminis de industria locatum, secessit. Ibi sine arbitris singula animi consulta pensando noctem vigiliis extraxit, sæpe pellibus tabernaculi allevatis, ut conspiceret hostium ignes, è quibus conjectare poterat, quanta hominum multitudo esset. Jamque lux appetebat, cum thoracem indutus, procedit ad milites, tum primum post vulnus proxime acceptum. Tanta erat apud eos veneratio Regis, ut facile periculi, quod horrebant,

rebant, cogitationem præsentia ejus excuteret. Læti ergo, & manantibus præ gaudio lacrymis, consulant eum, & quod ante recusaverant bellum, feroces deponunt. Ille se ratibus equitem phalangemque transportaturum esse pronunciat. super utres jubet nare levius armatos. Plura nec dici res desideravit, nec Rex dicere per valetudinem potuit. Ceterum tanta alacritate militum rates junctæ sunt, ut in triduum ad duodecim millia effectæ sint. Jamque ad transeundum omnia aptaverant, cum legati Scytharum viginti, more gentis, per castra equis vecti nunciari jubent Regi, velle ipsos ad eum mandata perferre. Admissi in tabernaculum, jussique confidere, in vultu Regis dehixerant oculos. credo, quia, magnitudine corporis animum æstimantibus, modicus, haudquaquam famæ par videbatur. Scythis autem non ut ceteris Barbaris rudis & inconditus sensus est. Quidam eorum sapientiam capere dicuntur, quantamcumque gens capiat, semper armata. Sicque locutos esse apud Regem, memoriæ proditum est, abhorrentia forsitan moribus nostris & tempora & ingenia cultiora sortitis. Sed ut possit oratio eorum sperni, tamen fides nostra non debet: quæ utcumque tradita sunt, incorrupta perferemus. Igitur unum ex his maximum natu ita locutum accepimus: Si Dii habitum corporis tui, aviditati animi parum esse voluissent, orbis te non caperet. Altera manu orientem, altera Occidentem contingeres. Et hoc assecutus, scire velles, ubi tanti numinis fulgor conderetur. Sic quoque concupiscis quæ non capis. Ab Europa petis Asiam, ex Asia transis in Europam. Deinde, si humanum genus omne superaveris, cum sylvis & nivibus, & fluminibus, ferisque bestiis, gesturus es bellum. Quid tu? ignoras, arbores magnas diu crescere, una hora extirpari? Stultus es, qui fructus earum spectat, altitudinem non metitur. Vide, ne, dum ad cacumen pervenire contendis, cum ipsis ramis, quos comprehendere, decidas. Leo quoque aliquando minimarum avium pabulum fuit, & ferrum rubigo consumit. Nihil tam firmum est, cui periculum

lum non sit, etiam ab invalido. Quid nobis tecum est? nunquam terram tuam attigimus. Qui sis, unde venias, licetne ignorare in vastis sylvis viventibus? Nec servire ulli possumus, nec imperare desideramus. Dona à nobis data sunt, ne Scytharum gentem ignores, jugum bonum, aratrum, & sagitta, & patera. His utimur & cum amicis, & adversus inimicos. Fruges amicis damus, boum labore quasitas: Patera cum iisdem vinum Diis libamus: inimicos sagitta eminus, hasta cominus petimus. Sic Scythiæ Regem, & postea Persarum, Medorumque superavimus, patuitque nobis iter usque in Ægyptum. At tu, qui te gloriaris ad latrones persequendos venire, omnium gentium, quas adisti, latro es. Lydiam cepisti, Syriam occupasti, Persidem tenes, Bactrianos habes in potestate, Indos petisti. Jam etiam ad pecora nostra avaras & insatiabiles manus porrigis. Quid tibi divitiis opus est, quæ te esurire cogunt? Primus omnium satietate parasti famem, ut, quo plura haberes, acrius, quæ non habes, cuperes. Non succurrit tibi, quamdiu circum Bactra hæreas? Dum illos subigis, Sogdiani bellare cœperunt. Bellum tibi ex victoria nascitur. Nam ut major fortiorque sis quam quisquam, tamen alienigenam dominum pati nemo vult. Transi modo Tanaim, scies quam late pateant, nunquam tamen consequeris Scythas. Paupertas nostra velocior erit quam exercitus tuus, qui prædam tot nationum vehit. Rursus, cum procul abesse nos credes, videbis in tuis castris. Eadem enim velocitate & sequimur, & fugimus **SCYTHARUM SOLITUDINES**, Græcis etiam proverbii audio eludi. Nos deserta & humano cultu vacua, magis quam urbes & opulentos agros, sequimur. Preinde fortunam tuam pressis manibus tene: lubrica est, nec invita teneri potest: impone felicitati tuæ freno, facilius illam reges. Nostri **SINE PEDIBUS** dicunt esse **FORTUNAM**, quæ manibus & pinas tantum habet: cum manus porrigit, pinas quoque comprehendere non sinat. Denique si Deus es, tribuere mortali-

libus

libus  
mo  
eorum  
bellum  
& fir  
pares  
viceri  
& ser  
men  
ne cr  
cauti  
religi  
homi  
cujus  
Euro  
nais,  
ciam  
se fa  
amic

9.  
usur  
dat,  
dact  
para  
locav  
sent  
ta i  
fron  
ta c  
stud  
que  
maj  
illos  
rate  
solvi  
ordi  
ut n  
præ  
navi

libus beneficia debes, non sua eripere. Sin autem homo es : id quod es, semper esse te cogita. Stultum est, eorum meminisse propter quæ tui oblivisceris, Quibus bellum non intuleris, bonis amicis poteris uti. Nam & firmissima est inter pares amicitia : & videntur pares, qui non fecerunt inter se periculum virium. Quos viceris, amicos tibi esse cave credas. Inter dominum & servum nulla amicitia est : etiam in pace, belli tamen jura servantur. Jurando gratiam Scythas sancire ne credideris : colendo fidem jurant. Græcorum ista cautio est, qui acta consignant, & Deos invocant : nos religionem in ipsa fide novimus. Qui non reverentur homines, fallunt Deos. Nec tibi amico opus est, de cujus benevolentia dubites. Ceterum nos & Asiæ & Europæ custodes habebis. Bactra, nisi dividat Tanais, contingimus. Ultra Tanaim, usque ad Thraciam, colimus. Thraciæ Macedoniam conjunctam esse fama est. utrique imperio tuo finitimos, hostes an amicos velis esse, considera. Hæc Barbaris.

9. Contra Rex, fortuna sua, & consilii suorum, se usuram esse responder. Nam & fortunam cui confidat, & consilium suadentium, ne quid temere & audacter faciat, securum. Dimissisque legatis, in præparatas rates exercitum imposuit. In proris clypeatorum locaverat, jussos in genua subsidere, quo tutiores essent adversus ictus sagittarum. Post hos, qui tormenta intenderent stabant, & ab utroque latere, & à fronte circumdati armatis. Reliqui, qui post tormenta constiterant, remigem lorica indutum scutorum testudine armati protegebant. Idem ordo in illis quoque ratibus, quæ equitem vehebant, servatus est : major pars à puppe nanres equos loris trahebat. At illos, quos utres stramento repleti vehebant, objectæ rates tuebantur. Ipse Rex cum delectis primus ratem solvit, & in ripam dirigi jussit. Cui Scythæ admotos ordines equitum in primo ripæ margine opponunt, ut ne applicari quidem terræ rates possent. Ceterum præter hanc speciem ripis præsidentis exercitus, ingens navigantes terror invaserat. Namque cursum gubernatores,

natores, cum obliquo flumine impellerentur, regere non poterant: vacillantesque milites, & ne excuterentur solliciti, nautarum ministeria turbaverant. Neo tela quidem conati nisi vibrare poterant, cum prior standi sine periculo, quam hostem incessendi cura esset. Tormenta saluti fuerunt, quibus in confertos ac temere se offerentes, haud frustra excussa sunt tela. Barbari quoque ingentem vim sagittarum infudere ratibus. Vixque ullum fuit scutum, quod non pluribus simul spiculis perforaretur. Jamque terrae rates applicabantur, cum acies clypeata consurgit, & hastas certo ictu, utpote libero nisu, mittit è ratibus. Et ut territos recipientesque equos videre, alacres mutua adhortatione in terram desiliere, Turbatis acriter pedem inferre coeperunt. Equitum deinde turmae, quae frænatos habebant equos, perfregere Barbarorum aciem. Interim ceteri, agmine dimicantium tecti, aptavere se pugnae. Ipse Rex, quod vigoris ægro adhuc corpori deerat, animi firmitate supplebat. Vox adhortantis non poterat audiri, nondum bene obducta cicatrice cervicis: sed dimicantem cuncti videbant. Itaque ipsi quidem ducum fungebantur officio: aliusque alium adhortati in hostem, salutis immemores, ruere coeperunt. Tum vero non ora, non arma, non clamorem hostium Barbari tolerare potuerunt, omnesque effusis habenis (namque equestris acies erat) capeflunt fugam: quos Rex, quanquam vexationem invalidi corporis pati non poterat, per LXXX tamen stadia insequi perseveravit. Jamque linquente animo, suis præcepit, ut, donec lucis aliquid separet, fugientium tergis inhaerent. Ipse, exhaustis etiam animi viribus, in castra se recepit, reliquum substitit. Transierant jam Liberi patris terminos, quorum monumenta lapides erant crebris intervallis dispositi, arboreque proceræ, quarum stipites hedera contexerat. Sed Macedones ira longius provexit: quippe media fere nocte in castra redierunt, multis interfectis, pluribus captis, equosque MDCCC abegere. Ceciderunt autem Macedonum equites LX, pedites C fere: M saucii fuerunt.

Hæc

Hæc expeditio deficientem magna ex parte Asiam fama tam opportunæ victoriæ domuit. Inviectos Scythas esse crediderant: quibus fractis nullam gentem Macedonum armis parem fore confitebantur. Itaque Sacæ misere legatos, qui pollicerentur, gentem mandata facturam. Moverat eos Regis non virtus magis, quam clementia in devictos Scythas: quippe captivos omnes sine pretio remiserat, ut fidem faceret, sibi cum ferocissimis gentium de fortitudine, non de ira, fuisse certamen. Benigne igitur exceptis Sacarum legatis, comitem excipinum dedit, admodum juvenem, ætatis flore conciliatum sibi: qui, cum specie corporis æquaret Hephæstionem, lepore haud sane illi par erat. Ipse, Cratero cum majore parte exercitus modicis itineribus sequi jussu, ad Maracanda urbem pervenit: ex qua Spitamenes, cognito ejus adventu, Bactra perfugerat. Itaque quadriduo Rex longum itineris spatium emensus, pervenerat in eum locum, in quo, Menedemo duce, duo millia peditum, & trecentos equites amiserat. Horum ossa tumulo contegi jussit, & inferias more patrio dedit. Jam Craterus cum phalange subsequi jussus, ad Regem pervenerat. Itaque ut omnes, qui defecerant, pariter belli clade premerentur, copias dividit, urique agros, & interfici puberes jussit.

10. Sogdiana regio majori ex parte deserta est: octingenta fere stadia in latitudinem vastæ solitudines tenent. Ingens spatium rectæ regionis est, per quam amnis (Polyrmetum vocant incolæ) fertur. Torrentem eum ripæ in tenuem alveum cogunt: deinde caverna accipit, & sub terram rapit. Cursus absconditi indicium est aquæ meantis sonus, cum ipsum solum, sub quo tantus amnis fluit, ne modico quidem refudet humore. Ex captivis Sogdianorum, ad Regem triginta nobilissimi, corporum robore eximio, perducti erant. Qui, ut per interpretem cognoverunt, jussu Regis ipsos ad supplicium trahi; carmen latantium more canere, tripudiisque, & lasciviori corporis motu, gaudium quoddam animi ostentare coeperunt. Admiratus Rex, tanta magnitudine animi

oppe-

oppetere mortem, revocari eos iussit, causam tam effuse  
 lætitiæ, cum supplicium ante oculos haberent, requirens.  
 Illi, si ab alio occiderentur, tristes morituros fuisse re-  
 spondent. Nunc à tanto Rege, victore omnium gen-  
 tium majoribus suis redditos, honestam mortem, quam  
 fortes viri voto quoque expeterent, carminibus sui  
 moris lætitiæque celebrare. Tum Rex admiratus mag-  
 nitudinem animi : Quæro itaque, inquit, an vivere  
 velitis non inimici mihi, cujus beneficio victuri estis ?  
 illi, nunquam se inimicos ei, sed bello laceffitōs, hostes  
 fuisse respondent. Si quis ipsos beneficio, quam inju-  
 ria experiri maluisset, certaturos fuisse ne vincerentur  
 officio. Interrogantique, quo pignore fidem obliga-  
 turi essent ? Vitam quam acciperent, pignori futuram  
 esse dixerunt ; reddituros, quandocunque repetisset.  
 Nec promissum fefellerunt. Nam qui remissi domos  
 ierant, in fide continuere populares. Quatuor inter  
 custodes corporis retenti, nulli Macedonum in regem  
 caritate cesserunt. In Sogdianis Peucolao cum tri-  
 bus millibus peditum ( neque enim majori præsidio in-  
 digebat ) relicto, Bactra pervenit. Inde Bessum Ecba-  
 tana duci iussit, interfecto Dario poenas capite persol-  
 uturum. Iisdem fere diebus Ptolemæus & Menidas  
 peditum tria millia, & equites mille adduxerunt mer-  
 cede militaturos ; Alexander quoque ex Lycia cum  
 pari numero peditum, & quingentis equitibus venit.  
 Totidem è Syria Asclepiodorum sequebantur. Antipa-  
 ter Græcorum octo millia, in quibus quingenti equites  
 erant, miserat. Itaque exercitu aucto, ad ea, quæ  
 defectione turbata erant, componenda processit : in-  
 terfectisque consternationis auctoribus, quarto die ad  
 flumen Oxum perventum est : hic, quia limum vehit,  
 turbidus semper, & insalubris est potu. Itaque pute-  
 os miles coeperat fodere. Nec tamen humo alte e-  
 gesta existerat humor, cum in ipsò tabernaculo Re-  
 gis conspectus est fons : quem, quia tarde notaverant,  
 subito exitisse finxerunt. Rexque ipse credi voluit,  
 donum Dei id fuisse. Superatis deinde amnibus Ocho  
 & Oxo, ad urbem Marginiam pervenit. Circa eam  
 sex



sex oppidis condendis electa sedes est. Duo ad meridiem versi, quatuor spectantia Orientem, modicis inter se spatiis distabant, ne procul repetendum esset mutuum auxilium. Hæc omnia sita sunt in editis collibus, tum velut fræni domitarum gentium, nunc originis suæ oblita, serviunt quibus imperaverunt. Et cetera quidem pacaverat.

11. Una erat Petra, quam Arimazes Sogdianus cum xxx millibus armatorum obtinebat, alimentis ante congestis, quæ tantæ multitudini vel per biennium suppetere. Petra in altitudinem xxx eminet stadia, circuitu C & L complectitur. Undique abscissa & abrupta, semita perangusta aditur. In medio altitudinis spatium habet specum, cujus os arctum & obscurum est: paulatim deinde ulteriora panduntur. Ultima etiam altos recessus habent: fontes per totum fere specum manant. E quibus collatæ aquæ per prona montis flumen emittunt. Rex, loci difficultate spectata, statuerat inde abire: Cupido, deinde incessit animo, naturam quoque fatigandi. Prius tamen quam fortunam obsidionis experiretur, Cophen (Artabazi hic filius erat) misit ad Barbaros, qui suaderet, ut dederent rupem. Arimazes loco fixus, superbe multa respondit. Ad ultimum, an Alexander volare possit, interrogat. Quæ nunciata Regi, sic accendere animum, ut adhibitis, cum quibus consultare erat solitus, indicaret insolentiam Barbari illudentis ipsos, quia pinnas non haberent. Se autem proxima nocte effecturum, ut crederet, Macedonas etiam volare; Trecentos, inquit, perniciosissimos juvenes ex suis quisque copiis perducite ad me, qui per calles, & pene invias rupes, domi pecora agere consueverint. Illi præstantes & levitate corporum, & ardore animorum, strenue adducunt: quos intuens Rex, Vobiscum, inquit, o juvenes, & mei æquales, urbium invictarum ante munimenta superavi: montium juga perenni nive obruta emensus sum: angustias Ciliciæ intravi: Indiæ sine lassitudine vim frigoris sum perpeffus. Et mei documenta vobis dedi, & vestra habeo. Petra, quam videtis,

detis, unum aditum habet, quem Barbari obsident, cetera negligunt. Nullæ vigiliæ sunt, nisi qua castra nostra spectant. Invenietis viam, si solerter rimati fueritis aditus ferentis ad cacumen. Nihil tam altè natura constituit, quo virtus non possit eniti. Experiendo, quæ ceteri desperaverunt, Asiam habemus in potestate. Evadite in cacumen quod cum ceperitis, candidis velis signum mihi dabit: ego, copiis admotis, hostem in nos à vobis convertam. Præmium erit ei, qui primus occupaverit verticem, talenta decem. Uno minus accipiet, qui proximus ei venerit: eademque ad decem homines servabitur portio. Certum habeo, vos non tam liberalitatem intueri meam, quam voluntatem. His animis Regem audierunt, ut jam cepisse verticem viderentur. dimissique, ferreos cuneos, quos inter saxa defigerent, validosque funes parabant. Rex circumvectus Petram, qua minime asper ac præruptus aditus videbatur, secunda vigilia (quod bene verteret) ingredi jubet. Illi, alimentis in biduum sumptis, gladiis modo atque hastis armati subire coeperunt. Ac primo pedibus ingressi sunt: deinde ut in prærupta perventum est, alii manibus eminentia saxa complexi, levavere semet; alii adjectis funium laqueis evasere, cum cuneos inter saxa defigerent, quæis gradus subinde insisterent; diem inter metum laboremque consumpserunt. Per aspera enixis, duriora restabant, & crescere altitudo petræ videbatur. Illa vero miserabilis erat facies, cum ii, quos instabilis gradus fefellerat, ex præcipiti devolverentur: mox eadem in se patiendi alieni casus ostendebat exemplum. Per has tamen difficultates enjuntur in verticem montis, omnes fatigatione continuati laboris affecti, quidam multati parte membrorum, pariterque eos & nox, & somnus oppressit. Stratis passim corporibus in inviis & in asperis saxorum, periculi instantis obliti in lucem quieverunt: tandemque velut ex alto sopore excitati, occultas subjectasque ipsis valles rimantes, ignari in qua parte Petræ tanta vis hostium condita esset, fumum specus infra se ipsos evolutum

evolutum notaverunt. Ex quo intellectum est, illam hostium latebram esse. Itaque hastis imposuere quod convenerat signum, totoque è numero duos & triginta in ascensu interiisse cognoscunt. Rex, non cupidine magis potiundi loci, quam vicem eorum, quos ad tam manifestum periculum miserat, sollicitus, toto die cacumina montis intuens restitit. Noctu demum, cum obscuritas conspectum oculorum ademisset, ad curandum corpus recessit. Postero die nondum satis clara luce primus vels, signum capti verticis, conspexit. Sed ne falleretur acies, dubitare cogebat varietas coeli, internitente lucis fulgore conditi. Verum ut liquidior lux apparuit cælo, dubitatio exempta est. Vocatumque Cophen, per quem Barbarorum animos tentaverat, mittit ad eos, qui moneret, nunc saltem salubrius consilium inirent. Sin autem fiducia loci perseverarent, ostendi à tergo iussit qui ceperant verticem. Cophes ad eos missus suadere cœpit Arimazi Petram tradere, gratiam Regis inituro, si tantas res molientem in unius rupis obsidione hædere non cœgisset. Ille, ferocius superbiusque quam antea locutus, abire Cophen jubet. At is prehensum manu Barbarum rogat, ut secum extra specum prodeat: quo impetrato, juvenes in cacumine ostendit, ejusque superbiæ haud immerito illudens, pinnas ait habere milites Alexandri. Jamque è Macedonum castris signorum concentus, & totius exercitus clamor audiebatur. Ea res, sicut pleraque belli vana & inania, Barbaros ad deditiorem traxit. quippe occupati metu, paucitatem eorum, qui à tergo erant, æstimare non poterant. Itaque Cophen (nam trepidantes reliquerat) strenue revocant, & cum eo triginta principes mittunt, qui Petram tradant, & ut incolumibus abire liceat, pacifcantur. Ille, quanquam verebatur, ne conspecta juvenum paucitate deturbarent eos Barbari; tamen & fortunæ suæ confusus, & Arimazi superbiæ infensus, nullam se conditionem deditiorem accipere, responder. Arimazes, desperatis magis quam perditis rebus, cum propinquis nobilissimisque gentis suæ descendit in castra, quos omnes

verberibus affectos sub ipsis radicibus Petrae crucibus  
iussit affigi. Multitudo dedititiorum incolis novarum  
urbium cum pecunia capta dono data est. Artabazus,  
in Petrae regionisque, quae apposita esset ei, tute-  
relictus est.

---

QUINTI

---

# QUINTI CURTII

## LIBER VIII.

### BREVIARIUM LIBRI.

1. Massagetis, Dahis, & Sogdianis subactis, Scythæ sui Regis filiam Alexandro conjugem offerunt. qui, leone interfecto & quatuor millibus ferarum in venatione dejectis, Clitum solenni convivio adhibitum, & liberius loquentem, interfecit.

2. Sera Alexandri penitentia, quam sequuntur bellica expeditiones adversus Bactrianos transfugas & Syssmithren: Philippi item strenuissimi juvenis, & Erygi clarissimi ducis, obitus.

3. Spitamenis uxorem, interfecti mariti caput asserentem, Alexander castris excedere jubet: provincias quasdam à præfectorum suorum injuriis vindicat.

4. Frigoris nimia vi pene opprimitur exercitus Gabazam aditurus. Alexandri constantia, & erga gregarium militem humanitas, ejusdemque cum Roxane matrimonium.

5. Cogitationibus in bellum Indicum versis, adulatrum fraude, nimia superbia elatus Alexander, Jovis filius vult saluari: quod Calisthe-

nes gravi oratione imprecatur.

6. Ex ignominia Hermolao nobili puero illata nascitur in caput Alexandri conjuratio. qua detecta, inter auctores sceleris innocens Calisthenes conjicitur.

7. Hermolai, Calisthenem justum esse asseverantis, adversus crudelem Alexandri superbiam invectiva.

8. Alexandri ad Hermolai invectivam responsio; conjuratorum item, atque innocentis Calisthenis supplicium.

9. Indi, Gangis, Dyardenis, India, ejus incolarum, luxu diffluentium regum, ac sapientum, luculenta descriptio.

10. Varios India populos mira felicitate, non tamen sine sanguine, Alexander subicit.

11. Aornus petra & arx inaccessa ab Alexandro expugnatur, & ab Elphis relicta capitur.

12. Omphis rex potentissimus se regnumque suum Alexandro permittit. a quo in integrum restituitur; unde multa dona regia.

13. Porum regem Omphis num insignis & cruenta pu-  
*saasu, Alexander ancipiti* gna. Pori captivi magna-  
 quidem & sub initia pericu- nimitas, & Alexandri regia  
 lissimo aggreditur bello. clementia.

14. Indorum & Macedo-

**A**LEXANDER majore fama quam gloria in  
 ditionem redacta Petra, cum propter vagum  
 hostem (pargendæ manus essent, in tres par-  
 tes divisit exercitum : Hephæstionem uni, Cænon al-  
 teri duces dederat : ipse ceteris præerat. Sed non ea-  
 dem mens omnibus Barbaris fuit. Armis quidam sub-  
 acti, plures ante certamen imperata fecerunt : quibus  
 eorum, qui in defectione perseveraverant, urbes a-  
 groisque jussit attribui. At exsiles Bactriani cum DCCC  
 equitibus Massagetarum proximos vicos vastaverunt.  
 Ad quos coercendos Attinas regionis ejus Præfectus ccc  
 equites, insidiarum quæ parabantur ignarus, eduxit.  
 Namque hostis in sylvis, quæ erant forte campo junctæ,  
 armatum militem condidit, paucis propellentibus pec-  
 cora, ut improvidum ad insidias præda perduceret. Ita-  
 que in composito agmine, solutisque ordinibus, Atti-  
 nas prædabundus sequebatur : quem prætergressum  
 sylvam, qui in ea consederant, ex improviso adorti,  
 cum omnibus interemerunt. Celeriter ad Craterum hu-  
 jus cladis fama perlata est, qui cum omni equitatu su-  
 pervenit. Et Massagetæ quidem jam refugerant.  
 Dahæ mille oppressi sunt : quorum clade, totius regi-  
 onis finita defectio. Alexander quoque, Sogdianis  
 rursus subactis, Maracanda repetit. Ibi Berdes, quem  
 ad Scythas super Bosphorum colentes miserat, cum le-  
 gatis gentis occurrit. Phrataphernes quoque, qui præ-  
 erat Massagetis & Dahis, regionum confinio adjunctus,  
 miserat : qui facturum imperata pollicerentur. Scythæ  
 petebant, ut Regis sui filiam matrimonio sibi junc-  
 get : si dedignaretur affinitatem, principes Macedo-  
 num cum primoribus suæ gentis connubio coire pate-  
 retur. Ipsum quoque Regem venturum ad eum polli-  
 cebantur. Utraque legatione benigne audita, Hephæ-  
 stionem

tionem & Artabazum opperiens, stativa habuit : quibus adjunctis, in regionem, quæ appellatur Bazaris, pervenit. Barbaræ opulentia in illis locis haud ulla sunt majora indicia, quam magnis nemoribus nobilissimum ferarum greges clausi. Spatiosas ad hoc eligunt sylvas, crebris perennium aquarum fontibus amœnas. Muris nemora cinguntur, turreſque habent venantium receptacula. Quatuor continuis ætatibus intactum saltum fuisse constabat ; quem Alexander cum toto exercitu ingressus, agitari undique feras jussit. Inter quas cum leo magnitudinis raræ ipsum Regem invasurus incurreret, forte Lyſimachus, qui postea regnavit, proximus Alexandro, venabulum objicere feræ cœperat. Quo Rex repulso, & abire jussu, adjecit, Tam à semet-uno, quam à Lyſimacho, leonem interfici posse. Lyſimachus enim quondam, cum venaretur in Syria, occiderat eximie magnitudinis feram solus, sed lævo humero usque ad ossa laceratus, ad ultimum periculi pervenerat. id ipsum exprobrans ei Rex, fortius quam locutus est, fecit. Nam feram non excepit modo, sed etiam uno vulnere occidit. Fabulam, quæ objectum leoni à Rege Lyſimachum temere vulgavit, ab eo casu ( quem supra diximus ) ortam esse crediderim. Ceterum Macedones, quamquam prospero eventu defunctus erat Alexander, tamen scivere gentis suæ more, ne pedes venaretur sine delectis principum amicorumque. Ille quatuor milibus ferarum dejectis, in eodem saltu cum toto exercitu epulatus est. Inde Maracanda reditum est. Acceptaque ætatis excusatione ab Artabazo, provinciam ejus destinat Clito. Hic erat, qui apud Granicum amnem nudo capite Regem dimicantem clypeo suo texit : & Rhofacis manum capiti Regis imminuentem gladio amputavit ; verus Philippi miles, multisque bellicis operibus clarus. Hellanice, quæ Alexandrum educaverat, soror ejus, haud secus quam mater à Rege diligebatur. Ob has causas validissimam imperii partem fidei ejus tuteleque commisit. Jamque iter parare in posterum jussus solenni & tempestivo adhibe-

tur convivio. In quo Rex cum multo incaluisse me-  
ro, immodicus aestimator sui, celebrare, quæ gesserat,  
cepit: gravis etiam eorum auribus, qui sentiebant  
vera memorari. Silentium tamen habuere seniores,  
donec Philippi res orfas obterere, nobilem apud Che-  
roneam victoriam sui operis fuisse jactavit, ademp-  
tumque sibi malignitate & invidia patris tantæ rei  
gloriam. Illum quidem, seditione inter Macedonas  
milites & Græcos mercenarios orta, debilitatum vul-  
nere, quod in ea consternatione acceperat, jacuisse,  
non alias quam simulatione mortis tutiorem, se cor-  
pus ejus protexisse clypeo suo, ruentesque in illum sua  
manu occisos. Quæ patrem nunquam æquo animo et-  
se confessum, invitum filio debentem salutem suam.  
Itaque post expeditionem quam sine eo fecisset ipse  
in Illyricos, victorem scripssisse se patri, fusos fugatos-  
que hostes, nec affuisse usquam Philipppum. Laude  
dignos esse non qui Samothracum initia viserent, cum  
Aliam uri, vastarique ejus oreret; sed eos, qui mag-  
nitudine rerum fidenter antecessissent. Hæc & his li-  
milia læti audire juvenes: ingrata senioribus erant,  
maxime propter Philipppum, sub quo diutius vixerant.  
Tum Clitus, ne ipse quidem satis sobrius, ad eos, qui  
infra ipsum cubabant, conversus, Euripidis retulit car-  
men, ita ut sonus magis quam sermo exaudiri posset  
à Rege. Quo significabatur, male iustituisse Græcos,  
quod trophæis Regum duntaxat nomina inscriberen-  
tur. Alieno enim sanguine partam gloriam interci-  
pi. Itaque Rex, cum suspicaretur, malignius habitum  
esse sermonem, percontari proximos cepit, quid ex  
Clito audissent. Et illis ad silentium obstinatis, Cli-  
tus paulatim majore voce Philippi acta, bellaque in  
Græcia gesta commemorat, omnia præsentibus præ-  
ferens. Hinc inter juniores senesque orta contentio  
est. Et Rex, velut patienter audiret, queis Clitus ob-  
terebat laudes ejus, ingentem iram conceperat. Cete-  
rum cum animo videretur imperaturus, si finem pro-  
caciter orto sermoni Clitus imponeret: nihil eorum  
emittente, magis exasperabatur. Jamque Clitus eri-  
am



am Parmenionem defendere audebat : & Philippi de Atheniensibus victoriam, Thebarum præferebat excidio ; non vino modo, sed etiam animi prava contentione provectus. Ad ultimum, Si moriendum, inquit, est pro te, Clitus est primus. At victoriæ majus præmium ferunt, qui præcaciſſime patriæ tui memoriæ illudunt. Sogdianam regionem mihi attribuis toties rebellem & non modo indomitam, sed quæ ne subigi quidem possit. Mittor ad feras bestias, præcipitia ingenia sortitas. Sed quæ ad me pertinent, tranſeo : Philippi milites ſpernis, oblitus, niſi hic Atharicus ſenex juniores pugnam detrectantes revocaſſet, adhuc nos circa Halicarnasſam hæſuros fuiſſe. Quomodo ergo Aſiam etiam cum iſtis junioribus ſubjeciſti ? Verum eſt ( ut opinor ) quod avunculum tuum in Italia dixiſſe conſtat : Ipſum in viros inciſiſſe, te in feminas. Nihil ex omnibus inconſulte ac temere actis Regem magis moverat, quam Parmenionis cum honore mentio illata ; dolorem tamen Rex preſſit, contentus fuiſſe ut convivio excederet : nec quidquam aliud adjecit, quam forſitan eum ( ſi diutius locutus foret ) exprobraturum ſibi fuiſſe vitam à ſemet ipſo datam : hoc enim ſuperbe ſæpe jactaſſe. Atque illum cunctantem adhuc ſurgere, qui proximi ei cubuerant, injectis manibus, jurgantes monentesque conabantur abducere. Clitus cum abſtraheretur, ad priſtinam vinolentiam ira quoque adjecta : Suo pectore, tergum illius eſſe deſenſit : nunc, poſteaquam tanti meriti præteriiſſet tempus, etiam memoriæ inviſam eſſe, proclamavit. Attali quoque eandem obijciebat : & ad ultimum, Jovis, quem patrem ſibi Alexander aſſiceret, oraculum eludens, veriora ſe Regi, quam patrem ejus, reſponſiſſe dicebat. Jam tantum iræ conceperat Rex, quantum vix ſobrius ferre potuiſſet. Enimvero mero ſenſibus victis, ex lecto repente proſiluit. Attoniti amici, ne poſitis quidem, ſed abjectis poculis, conſurgunt, in eventum rei, quem tanto impetu acturus eſſet, intenti. Alexander, rapta lancea ex manibus arripuerit, Clitum adhuc eadem lingue intemperantia

furentem percutere conatus, à Ptolemæo & Perdicca inhibetur. medium complexi, & obluſtari perſeverantem, morabantur. Lyſimachus & Leonatus etiam lanceam abſtulerant. Ille militum fidem implorans, comprehendit ſe à proximis amicorum, quod Dario nuper accidiſſet, exclamat : ſignumque tuba dari, ut ad regiam armati coirent, jubet. Tum vero Ptolemæus & Perdiccas genibus advoluti orant, ne in tam præcipiti ira præſeſſeret, ſpatiumque potius animo det : omnia poſtero die juſtius executurum. Sed clauſæ erant aures, obſtrepente ira. Itaque impotens animi, percurrit in regiæ veſtibus, & vigili excubanti haſta ablata conſtitit in aditu, quo neceſſe erat iis, qui ſimul cœnauerant, egredi. Abierant ceteri : Clitus ultimus ſine lumine exibat. Quem Rex, quiſnam eſſet, interrogat. Eminebat etiam in voce, ſcleris, quod parabat, atrocitas. Et ille jam non ſuæ, ſed Regis iræ memor, Clitum eſſe, & de convivio exire reſpondit. Hæc dicentis latus haſta tranſfixit, morientisſque ſanguine aſperſus : I nunc, inquit, ad Philippum, & Parmenionem, & Artalum.

2. Male humanis ingeniis natura conſilii, quod plerumque non futura, ſed tranſacta perpendimus. quippe Rex poſteaquam ira mente deceſſerat, etiam ebriitate diſcuſſa, magnitudinem facinoris ſera æſtimatione perſpexit. Videbat tunc inmodica libertate abuſum, ſed alioqui egregium bello virum, & niſi erubeſceret tateri, ſervatorem ſui, occiſum. Detestabile carnificis miniſterium occupaverat Rex, verborum licentiam, quæ vino poterat imputari, nefanda cæde ultus. Manabat toto veſtibus cruor paulo ante convivæ : vigiles attoniti & ſtupentibus ſimiles procul ſtabant, liberioſiſſimam poenitentiam ſolitudo exciebat. Ergo haſtam ex corpore jacentis evulſam retorſit in ſemet : jamque admoſerat pectori, cum advolant vigiles, & repugnanti è manibus extorquent, allevatumque in tabernaculum deferunt. Ille humi proſtraverat corpus, gemitu ejulatuque miſerabili tota perſonante Regia. Laniare deinde os unguibus, & circumſtantes rogare,

ne se tanto dedecori superstitem esse, paterentur. In has preces tota nox exacta est: scrutantemque num ira Deorum ad tantum nefas actus esset, subit, anniversarium sacrificium Libero patri non esse redditum statuto tempore. Itaque inter vinum & epulas cæde commissa, iram Dei fuisse manifestam. Ceterum magis eo movebatur, quod omnium amicorum animos videbat attonitos: neminem cum ipso sociare sermonem postea aurum. Vivendum esse in solitudine, velut feræ bestiæ terrenti alias, alias timent. Prima deinde luce tabernaculo corpus, sicut adhuc cruentum erat, iussit inferri. Quo posito ante ipsum, lacrymis obortis, Hanc, inquit, nutrici meæ gratiam retuli, cuius duo filii apud Miletum pro mea gloria occubuerunt mortem? hic frater, unicum orbitatis solatium: à me inter epulas occisus est. Quò nunc se conferet misera? Omnibus ejus unus supersum, quem solum æquis oculis videre non poterit. Et ego servatorum meorum latro revertar in patriam, ut ne dexteram quidem nutrici sine memoria calamitatis ejus efferre possim? Et cum finis lacrymis querelisque non fieret, iussu amicorum corpus ablatum est. Rex triduum jacuit inclusus. Quem ut armigeri corporisque custodes ad moriendum obstinatum esse cognoverunt, universi in tabernaculum irrumpunt, diuque precibus ipsorum reluctatum ægre vicerunt, ut cibum caperet. Quoque minus cædis puderet, jure interfectum Clitum Macedones decernunt, sepultura quoque prohibitori, ni Rex humari jussisset. Igitur decem diebus maxime ad confirmandum pudorem apud Maracanda consumptis, cum parte exercitus Hephæstionem in regionem Bactrianam misit, comitatus in hiemem paraturum. Quam Clito autem destinaverat provinciam, Amyntæ dedit. Ipse Xenippa pervenit. Scythiæ confinis est regio, habitaturque pluribus ac frequentibus vicis, quia ubertas terræ non indigenas modo detinet, sed etiam advenas invitat. Bactrianorum exulum, qui ab Alexandro defecerant, receptaculum fuerat. Sed Posteaquam Regem adventare compertum est, pulsi ab incolis, duo milia

milliis fere & ducenti congregantur. Omnes equites erant, etiam in pace litrociniis assueti. Tum ferocia ingenia non bellum modo, sed etiam venie desperatio effugerat. Itaque ex improvise adorti Amyntam Prætozem Alexandri, diu anceps prælium fecerant. Ad ultimum, DCC eorum amissis, quorum ccc hostis cepit, dedere terga victoribus, haud sine inultis: quippe LXXX Macedonum interfecerunt, præterque eos trecenti & quinquaginta faucii facti sunt, veniam tamen etiam post alteram defectionem impetraverunt. His in fidem acceptis, in regionem, quam Naura appellant, Rex cum toto exercitu venit. Satrapes erat Sysmithres, duobus ex sua matre filiis genitis: quippe apud eos parentibus stupro coire cum liberis fas est. Duobus millibus armatis popularibus, fauces regionis, qua in arctissimum cogitur, valido munimento sepebant. Præterfluebat torrens amnis, qui terga petrae claudunt; hanc manu perviam incolæ fecerant. Sed aditus specus accipit lucem: interiora, nisi illato lumine, obscura sunt. Perpetuus cuniculus iter præbet in campos ignotum, nisi indigenis. At Alexander, quanquam angustias naturali situ munitas valida manu Barbari tuebantur, tamen arietibus admotis, munimenta, quæ manu adjuncta erant, concussit, fundisque & sagittis propugnantium plerosque dejecit: quos ubi dispersos fugavit, ruinas munimentorum supergressus; ad petram admovit exercitum. Ceterum interveniebat fluvius coeuntibus aquis ex superiore fastigio in vallem, magnique operis videbatur tam vastam voraginem explere. Cædi tamen arbores, & fixa congeri iussit. Ingenisque Barbaros pavor rudes ad talia opera concusserat, excitatam molem subito cernentes. Itaque Rex ad deditionem metu posse compelli ratus, Oxarten misit nationis ejusdem, sed ditionis suæ, qui suaderet duci, ut traderet Petram. Interim ad augendam formidinem, & turres admovebantur, & excussa tormentis tela eminebant. Itaque veracem Petrae, omni alio præsidio damnato, periverunt. At Oxartes tergendum dissideptemque rebus suis Sysmithrem

mithrem cœpit hortari, ut fidem, quam vim Macedonum, mallet experiri; neu moraretur festinationem victoris exercitus in Indiam tendentis: cui quisquis scimet offerret, in suum caput alienam eladem esse versurum. Et ipse quidem Sysimithres deditiōem annuebat: ceterum mater eademque conjux morituram se ante denunciāns quam in ullius veniret potestatem, Barbari animum ad honestiora quam tutiora converterat: pudebatque, libertatis majus esse apud feminas quam apud viros pretium. Itaque dimissio internuncio pacis, obsidionem ferre decreverat. Sed cum hostis vires suasque pensaret, rursus muliebris consilii, quod præceps magis quam necessarium esse credebat, pœnitere eum cœpit. Revocatoque strenue Oxarte, futurum se in Regis potestate respondit, unum precatus, ne voluntatem & consilium matris suæ proderet, quo facilius venia illi quoque impetraretur. Præmissum igitur Oxartem cum matre liberisque, & totius cognitionis grege, sequebatur, ne expectato quidem fidei pignore, quod Oxartes promiserat. Rex, equite præmisso, qui reverti eos juberet, oppeririue præsentiam ipsius, supervenit, & victimis Minervæ ac Victoriæ cæsis, imperium Sysimithri restituit, spe majoris etiam provinciæ facta, si cum fide amicitiam ipsius coluisset. Duos illi juvenes patre tradente, secum militaturos sequi jussit. Relicta deinde phalange, ad subigendos, qui defecerant, cum equite processit. Arduum & impeditum saxis iter primo utcumque tolerabant. Mox equorum non ungulis modo attritis, sed corporibus etiam fatigatis, sequi plerique non poterant, & rarius subinde agmen fiebat, pudorem (ut fere fit) immodico labore vincente. Rex tamen subinde equos mutans, sine intermissione fugientes insequebatur. Nobiles juvenes comitari eum soliti defecerant, præter Philippum; Lyfimachi erat frater, tum primum adultus, &, quod facile appareret, indolis raræ. Is pedes (incredibile dictu) per c c stadia vectum Regem comitatus est, sæpe equum suum offerente Lyfimacho: nec tamen ut digrederetur à Rege, effici potuit, cum  
loni-

lorica indutus arma gestaret. Idem, cum perventum esset in saltum, in quo se Barbari abdiderant, nobilem edidit pugnam, Regemque cominus cum hoste dimicantem protexit. Sed posteaquam Barbari in fugam effusi deseruere sylvas, animus, qui in ardore pugnae corpus sustentaverat, liquit: subitoque ex omnibus membris profuso sudore, arboris proximæ stipiti se applicuit. Deinde, ne illo quidem adminiculo sustinente, manibus Regis exceptus est, inter quas collapsus, exinguitur. Mœstum Regem alius haud levis dolor excepit. Erigyus inter claros duces fuerat, quem extinctum esse paulo ante quam reverteretur in castra, cognovit. Utriusque funus omni apparatu atque honore celebratum est.

3. Dahas deinde statuerat petere: ibi namque Spitamenem esse cognoverat. Sed hanc quoque expeditionem, ut pleraque alia, fortuna, indulgendo ei nunquam fatigata, pro absente transegit. Spitamenes uxoris immodico amore flagrabat: quam, ægre fugam & nova subinde exilia tolerantem, in omne discrimen comitem trahebat. Illa malis fatigata, identidem muliebres adhibere blanditias, ut tandem fugam sisteret, victorisque Alexandri clementiam expertus placaret, quem effugere non posset. Tres adulti erant liberi ex eo geniti: quos cum pectori patris admovisset, ut saltem eorum misereri vellet, orabat. Et quo efficaciores essent preces, haud procul erat Alexander. Ille se prodi, non moneri ratus, & formæ profecto fiducia cupere eam quam primum dedi Alexandro, acinacem strinxit, percussurus uxorem, nisi prohibitus esset fratrum ejus occursum. Ceterum abire è conspectu juber, addito metu mortis, si se oculis ejus obrulisset: & ad desiderium levandum noctes inter pellices agere coepit. Sed penitus hærens amor, fastidio præsentium accensus est. Itaque rursus uni ei deditus, orare non desistit, ut tali consilio abstineret patereturque sortem, quamcumque his fortuna fecisset. Sibi mortem deditione esse leviolem. At illa purgare se, quod quæ utilia esse censebat, muliebriter forsitan,

forſitan, ſed fida tamen mente ſuaſiſſet: de cetero futuram in viri poteſtate. Spitamenes ſimulato captus obſequio, de die convivium apparari jubet: vinoque & epulis gravis ſemiſomnus in cubiculum fertur. Quem ut alto & gravi ſomno ſopitum eſſe ſenſit uxor, gladium, quem veſte occultaverat, ſtringit, caputque ejus abſciſſum cruore reſperſa ſervo ſuo conſcio facinoris tradit. Eodem comitante (ſicut erat cruenta veſte) in Macedonum caſtra pervenit, nunciarique Alexandro jubet, eſſe quæ ex ipſa deberet agnoſcere. Ille protinus Barbaram juiſſit admitti. Quam ut aſperſam cruore conſpexit, ratus ad deplorandam contumeliam veniſſe, dicere, quæ veller, jubet. At illa, ſervum, quem ſtare in veſtibus juiſſerat, introduci deſideravit. Qui, quia caput Spitamenis veſte reſectum habebat, ſuſpectus, ſcrutantibus quid occuleret oſtendit. Conſuderat oris exſanguis notas pallor, nec quis eſſet noſci ſatis poterat. Ergo Rex certior factus, humanum caput aſſerre eum, tabernaculo exceſſit, percontatuſque quid rei ſit, illo proſitante cognoviſcit. Variæ hinc cogitationes invicem animum diverſa agitantem commoverant. Meritum ingens in ſemet eſſe credebat, quod tranſfuga, & proditor, tantis rebus (ſi vixiſſet) injecturus moram, interfectus eſſet. Contra facinus ingens averſabatur, cum optime meritum de ipſa, communium parentem liberorum per inſidias intermiſſet. Vicit tamen gratiam meriti ſceleris atrocitas, denunciarique juiſſit, ut excederet caſtris, neu licentiæ Barbaræ exemplar in Græcorum mores & mitia ingenia transferret. Dahæ, Spitamenis cæde compertæ, Dataphernem defectionis ejus participem vinctum Alexandro, ſequæ, dedunt. Ille maxima præſentium curarum parte liberatus, convertit animum ad vindicandas injurias eorum, quibus à Prætoribus ſuis avare ac ſuperbe imperabatur. Ergo Phratapherni Hyrcaniam, & Mardos cum Tapuris tradidit, mandavitque, ut Phradatem, cui ſuccedebat, ad ſe in cuſtodiam mitteret. Arſami Cariæ Præfecto ſubſtitutus eſt Staſinor. Arſaces in Mediam miſſus, ut Oxidates inde diſcederet.

discederet. Babylonia, mortuo Mazæo, Deditamēni subiecta est.

4. His compositis, tertio mense ex hybernis movit exercitum, regionem, quæ Gabaza appellatur, aditurus. Primus dies quietum iter præbuit; proximus ei nondum quidem procellosus & tristis, obscurior tamen pristino, non sine minis crescentis mali, damno præterit. Tertio ab omni parte cæli emicare fulgura, & nunc internitente luce, nunc condita, non oculos modo meantis exercitus, sed etiam animos terrere cœperunt. Erat prope continuus cæli fragor, & passim cadentium fulminum species viscebatur: attonitisque auribus stupens agmen, nec progredi, nec confidere audebat. Tum repente imber grandinem incutines, torrentis modo effunditur. Ac primo quidem armis suis tecti exceperant. Sed jam nec retinere arma lubrica rigentes manus poterant, nec ipsi destinare in quam regionem obverterent corpora, cum undique tempestatis violentia major, quam vitabatur, occurreret. Ergo ordinibus solitis, per totum saltum errabundum agmen ferebatur, multique, prius metu quam labore defatigati, prostraverant humi corpora, quamquam imbrem vis frigoris concreto gela adstrinxerant. Alii se stipitibus arborum admovebant: id plurimis & adminiculum & suffugium erat. Nec fallebat ipsos, morti locum eligere, cum immobileis-vitalis calor-linqueret. Sed grata erat pigritia corporum fatigatis, nec recusabant extingui quiescendo: quippe non vehemens modo, sed etiam pertinax vis mali insisterat, lucemque, naturale solatium, præter tempestatem haud disparem nocti, sylvarum quoque umbræ suppresserant. Rex unus tanti mali patiens, circuire milites, contrahere dispersos, allevare prostratos, ostendere procul evolutum ex tuguriis fumum, hortarique ut proxima quæque suffugia occuparent. Nec ulla res magis saluti fuit, quam quod multiplicato labore sufficientem malis, quibus ipsi cesserant, Regem desererere erubescabant. Ceterum efficacior in adversis necessitas, quam ratio, frigoris remedium invenit.

Dolabris



Dolabris enim sylvas sternere adgressi, passim acervos struesque accenderunt. Continenti incendio ardere crederes saluum, & vix inter flammias agminibus restitum locum. Hic calor stupentia membra commovit, paulatimque spiritus, quem continuerat rigor, meare libere cepit. Excepere alios recta Barbarorum, quæ in ultimo saltu abdita necessitas investigaverat. Alios castra, quæ in humido quidem, sed jam cæli mitescente sævitia, locaverunt. Mille militum atque lixarum calorumque pestis illa consumpsit. Memoriae proditum est, quosdam applicatos arborum truncis, & non solum viventibus, sed & inter se colloquentibus similes esse conspectos, durante adhuc habitu, in quo mors quemque deprehenderat. Forte Macedo gregarius miles, seque & arma sustentans, tandem in castra pervenerat. Quo viso, Rex, quamquam ipse tunc maxime admoto igne refovebat artus, ex sella sua exiit, torpentemque militem, & vix compotem mentis, demptis armis, in sua sede iussit confidere. Ille diu, nec ubi requiesceret, nec à quo esset exceptus, agnovit. Tandem recepto calore vitali, ut regiam sedem, Regemque vidit, territus surgit. Quem intuens Alexander: Ecquid intelligis, miles, inquit, quanto meliore sorte, quam Persæ, sub Rege vivatis? Illis enim in sella Regis confedissee capitale foret, tibi saluti fuit. Postero die convocatis amicis, copiarumque ducibus, pronunciare iussit, ipsum omnia quæ amissa essent redditurum, & promissio fides extitit. Nam Syssimithres multa jumenta, & camelorum duo millia, adduxit, pecoræque & armenta, quæ distributa, pariter militem & damno & fame liberaverunt. Rex gratiam sibi relatam à Syssimithre præfatus sex dierum cocta cibaria ferre milites iussit. Sacas petens, totam hanc regionem depopulatus, triginta millia pecorum ex præda Syssimithri dono dat. Inde pervenit in regionem, cui Cohortanus Satrapes nobilis præerat, qui se Regis potestati fideique permisit. Ille imperio ei reddito, haud amplius, quam, ut duo ex tribus filiis secum militarent, exegit. Satrapes etiam  
ep,

eo, qui penes ipsum relinquebatur, tradito, Barbara opulentia convivium, quo Regem accipiebat, instruxerat. Id cum multa comitate celebraret, introduci triginta nobiles virgines iussit. Inter quas erat filia ipsius Roxane nomine, eximia corporis specie, & decore habitus in Barbaris raro. Quæ, quanquam inter electas processerat, omnium tamen oculos convertit in se, maxime Regis minus jam cupiditatibus suis imperantis inter obsequia fortunæ, contra quam non satis cauta mortalitas est. Itaque ille, qui uxorem Darii, qui duas filias virgines, quibus forma præter Roxanem comparari nulla poterat, haud alio animo quam parentis aspexerat; tunc in amorem virgunculæ, si regię stirpi compararetur, ignobilis, ita effusus est, ut diceret, ad stabiliendum regnum pertinere, Persas & Macedonas connubio jungi, hoc uno modo & pudorem victis, & superbiam victoribus detrahi posse. Achillem quoque, à quo genus ipse deduceret, cum captiva coisse. Ne inferri nefas arbitrarentur, ita matrimonii jure velle jungi. Insperato gaudio lætus pater, sermonem ejus excepit. Et rex medio cupiditatis ardore iussit afferri patrio more panem (hoc erat apud Macedonas sanctissimum coeuntium pignus,) quem divisum gladio uterque libabat. Credo, eos qui gentis mores condiderunt, parco & parabili victu ostendere voluisse jungentibus opes, quantulo contenti esse deberent. Hoc modo Rex Asiæ & Europæ, introductam inter convivales ludos matrimonio sibi adjunxit, è captiva geniturus qui victoribus imperaret. Pudebat amicos, si per vinum & epulas socerum ex deditis esse electum. Sed post Cliti cædem libertate sublata, vultu, qui maxime servit, assentiebantur.

5. Ceterum Indiam, & inde Oceanum petiturus, ne quid à tergo, quod destinata impedire posset, moveretur, ex omnibus provinciis triginta millia juniorum legi iussit, & ad se armata perducere, obsides simul habiturus & milites. Craterum autem ad persequendos Haustanem, & Catenem, qui ab ipso defecerant, misit, quorum Haustanes captus est, Catenes in prælio occisus.

occisus. Polypercon quoque regionem, quæ Bubacene appellatur, in deditionem redegit. Itaque omnibus compositis, cogitationes in bellum Indicum vertit. Dives regio habebatur, non auro modo, sed gemmis quoque margaritisque ad luxum magis quam ad magnificentiam exulta. Clipei militares auro & ebore fulgere dicebantur. Itaque, necubi vinceretur cum ceteris præstaret, scutis argenteas laminas, equis frænos aureos addidit; loricas quoque alias auro, alias argento adornavit. cxx millia armatorum erant, quæ Regem ad id bellum sequebantur. Jamque omnibus præparatis, quod olim prava mente conceperat tunc esse maturum, quonam modo cœlestes honores usurparet, cœpit agitare. Jovis filium non dici tantum sè, sed etiam credi volebat, tanquam perinde animis imperare posset, ac linguis. Itaque more Persarum Macedonas venerabundos ipsum salutare prosterntes humi corpora. Non deerat talia concupiscenti perniciofa adulatio; perpetuum malum Regum, quorum opes sæpius assentatio quam hostis evertit. Nec Macedonum hæc erat culpa: nemo enim illorum quidquam ex patrio more labare sustinuit: sed Græcorum, qui professionem honestarum artium malis corruperant moribus. Agis quidam Argivus, pessimorum carminum post Charilum conditor, & ex Sicilia Cleo: hic quidem, non ingenii solum, sed etiam nationis vitio, adulator: & cetera urbium suarum purgamenta, quæ propinquis etiam, maximorumque exercituum ducibus, à Rege præferebantur: hi tum cœlum illi aperiebant, Herculemque & patrem Liberum, & cum Poluce Castorem novo numini cessuros esse jactabant. Igitur festo die omni opulentiâ convivium exornari jubet, cui non Macedones modo, & Græci principes amicorum; sed etiam nobiles adhiberentur. Cum quibus cum discubuisset Rex, paulisper epulatus, convivio egreditur. Cleo, sicut præparaverat, sermonem cum admiratione laudum ejus instituit. Merita deinde percensuit, quibus uno modo referri gratia posset; si, quem intelligerent Deum esse, confiterentur,

exigua

exigua thuris inpenſa tanta beneficia penſaturi. Perſis quidem non pie ſolum, ſed etiam prudenter, Reges ſuos inter Deos colere: majeſtatem enim imperii, ſalutis eſſe tutelam. Ne Herculem quidem, & patrem Liberum, prius dicatos Deos, quam viciſſent ſecum viventium invidiam. Tantundem quoque poſteros credere, quantum præſens ætas ſpondiſſet. Quod ſi ceteri dubitant, ſemet ipſum, cum rex inſiſſet convivium, proſtraturum humi corpus, debere idem facere ceteros, & in primis ſapientia præditos. Ab illis enim cultus in Regem eſſe prodendum exemplum. Haud perplexe in Calithenem dirigebatur oratio. Gravitatis viri & prompta libertas inviſa erat Regi, quaſi ſolis Macedonas paratos ad tale obſequium moraretur. Iſ tum, ſilentio factò, unum illum intuentibus ceteris, Si Rex, inquit, ſermone tuo affuiſſet, nullius proſectò vox reſponſuri tibi deſideraretur: Ipſe enim peteret, ne in peregrinos ritus degenerare ſe cogeret, neu rebus feliciffime geſtis invidiam tali adulatione contraheret. Sed quoniam abeſt, ego tibi pro illo reſpondeo, Nullum eſſe eundem & diuturnum & præcoccum fructum: cœleſtesque honores non dare te Regi, ſed auferre. Intervallo enim opus eſt, ut credatur Deus, ſemperque hanc gratiam magnis viris poſteri reddunt. Ego autem ſeram immortalitatem precor Regi, ut vita diuturna ſit, & æterna majeſtas. Hominem conſequitur aliquando, nunquam comitatur, divinitas. Herculem modo, & patrem Liberum, conſecrata immortalitatis exempla, reſerebas. Crediſne, illos unius convivii decreto Deos factos? Prius ab oculis mortalium amolita natura eſt, quam in cœlum fama pervheret. Scilicet ego & tu, Cleo, Deos facimus? A nobis divinitatis ſuæ auctoritatem accepturus eſt Rex? Potentiam tuam experiri libet. Fac aliquem Regem, ſi Deum potes facere. Facilius eſt imperium dare, quam cœlum. Dii propitii ſine invidia quæ Cleo dixit, audierint, eodemque curſu, quo fluxere res, ire patiantur. Noſtris moribus velint nos eſſe contentos. Non pudet patriæ, nec deſidero, ad quem modum

dum Rex mihi colendus sit, discere. Quos equidem victores esse confiteor, si ab illis leges queis vivamus, accipimus. *Æ*quis auribus Calisthenes, veluti vindex publicæ libertatis, audiebatur. Expresserat non assensionem modo, sed etiam vocem, seniorum præcipue, quibus gravis erat inveterati moris externa mutatio: nec quidquam eorum quæ invicem jactata erant, Rex ignorabat, cum post aulæ, quæ lectis obduxerat, staret. Igitur ad Agim & Cleonem misit, ut sermone finito, Barbaros tantum, cum intrasset, procumbere suo more paterentur. Et paulo post, quasi pœtiora quædam egisset, convivium repetit. Quem venerantibus Persis, Polypercon, qui cubabat super Regem, unum ex his mento contingentem humum, per ludibrium cepit hortari, ut vehementius id quateret ad terram: elicitque iram Alexandri, quam olim animo capere non poterat. Itaque Rex, Tu autem, inquit, non veneraberis me? An tibi uni digni videmur esse ludibrio? Ille nec Regem ludibrio, nec se contemptu dignum esse respondit. Tum detractum cum lecto Rex præcipitat in terram. Et cum is pronus corruisset, Videsne, inquit, idem te fecisse, quod in alio paulo ante ridebas? Et tradi eum in custodiam jussu, convivium solvit. Polyperconti quidem postea castigato diu, ignovit.

6. In Calisthenem olim contumacia suspectum, pervicacioris iræ fuit, cujus explendæ matura obvenit occasio. Mos erat (ut supra dictum est) principibus Macedonum, adultos liberos Regibus tradere ad munia haud multum servilibus ministeriis abhorrentia. Excubabant, servatis noctium vicibus, proximi foribus ejus ædis, in qua Rex acquiescebat. Per hos pellices introducebantur alio aditu, quam quem armati obsidebant. Iidem acceptos ab agasionibus equos, cum Rex adscensusus esset, admovebant, comitabanturque & venantem, & in præliis; omnibus artibus studiorum liberalium exculti. Præcipuus honor habebatur, quod licebat sedentibus vesci cum Rege. Castigandi verberibus eos nullius potestas præter ipsum erat. Hæc cohors velut seminarium ducum præfectorumque apud Macedonas fuit. Hinc habu-

habuere posteri Reges, quorum stirpi per multas ætates Romani opes ademerunt : Igitur Hermolaus, puer nobilis ex regia cohorte, cum aprum telo occupasset, quem Rex ferire destinaverat, jussu ejus verberibus affectus est. Quam ignominiam ægre ferens, deflare apud Sostratum cœpit. Ex eadem cohorte erat Sostratus, amore ejus ardens : qui cum lægeratum corpus, in quo deperibat, intueretur, forsitan olim ob aliam quoque causam Regi infestus, juvenem sua sponte jam motum, data fide acceptaque perpulit, ut occidendi Regem consilium secum iniret. Nec puerili impetu rem executi sunt : quippe solerter legerunt, quos in societatem sceleris asciscerent ; Nicostratum, Antipatrum, Asclepiodorumque : placuit & Philotam assumi. Per hos adjecti sunt Anticles, Elaptonius & Epimenes. Ceterum agendæ rei haud sane facilis patebat via. Opus erat eadem omnes conjuratos nocte excubare, ne ab expertibus consilii impedirentur. forte autem alius alia nocte excubabat. Itaque in permutandis stationum vicibus, ceteroque apparatu exsequendæ rei, triginta & duo dies absumpti sunt. Aderat nox, qua conjurati excubare debebant, mutua fide læti, cujus documentum tot dies fuerant. Neminem metus spesve mutaverat. Tanta omnibus vel in Regem ira, vel fides inter ipsos fuit. Stabant igitur ad fores ædis ejus : in qua Rex vecebat, ut convivio egressum in cubiculum deducerent. Sed fortuna ipsius, simulque epulantium comitas, provexit omnes ad largius vinum. ludi etiam convivales extraxere tempus : nunc lætis conjuratis, quod sopitum aggressuri essent : nunc sollicitis, ne in lucem convivium extraheretur. Quippe alios in stationem oportebat prima luce succedere, ipsorum post septem dies reditura vice, nec sperare poterant, in illud tempus omnibus duraturam fidem. Ceterum, cum jam lux appeteret, & convivium solvitur, & conjurati exceperunt Regem ; læti, occasionem exsequendi sceleris admotam : cum mulier attonitæ, ut creditum est, mentis, conversari in Regia solita, quia instinctu videbatur futura prædicere,

non

non occurrit modo abeunti, sed etiam semet objecit, vultuque & oculis motum præferens animi, ut rediret in convivium monuit: & ille per ludum, Bene Deos suadere, respondit: revocatisque amicis, in horam diei ferme secundam convivii tempus extraxit. Jam alii ex cohorte in stationem successerant, ante cubiculi fores excubaturi. Adhuc tamen conjurati stabant, vice officii sui expleta. Adeo pertinax spes est, quam humanæ mentes, quam ingentes concupiscentiæ devolverunt. Rex benignius quam alias allocutus, discedere eos ad curanda corpora, quoniam tota nocte perstitissent, jubet. data singulis quinquaginta sestertia: collaudatque, quod etiam ab aliis tradita vice, tamen excubare perseverassent. Illi tanta spe destituti domos abeunt, & ceteri quidem expectabant stationis suæ noctem. Epimenes, sive comitate Regis, qua ipsum inter conjuratos exceperat, repente mutatus, sive quia coëptis Deos obstare credebat, fratri suo Eurylocho, quem antea expertem esse consilii voluerat, quid pararetur, aperit. Omnibus Philotæ supplicium in oculis erat. Itaque protinus injicit fratri manum, & in regiam pervenit: excitatisque custodibus corporis, ad salutem Regis pertinere, quæ afferret, affirmat: & tempus, quo venerat, & vultus haud sane securi animi index, & mœstitia è duobus alterius, Ptolemæum ac Leonatum excubantes ad cubiculi limen excitaverunt. Itaque apertis foribus, & lumine illato, sopitum mero ac somno excitant Regem. Ille, paulatim mente collecta, quid afferrent, interrogat. Nec cum tatus Eurylochus, non ex toto domum suam aversari Deos dixit, quia frater ipsius, quanquam impium facinus ausus foret, tamen & poenitentiam ejus ageret, & per se potissimum profiteretur indicium, in eam ipsam noctem, quæ decederet, insidias comparatas fuisse. Auctores scelesti consilii esse, quos minime crederet Rex. Tum Epimenes cuncta ordine, conficiorumque nomina exponit. Calisthenem non ut participem facinoris nominatum esse constabat, sed solitum puerorum sermonibus vituperantium criminantiumque

umque Rēgem faciles aures præbere. Quidam adjiciunt; cum Hermolaus apud eum quoque verberatum se à Rege quereretur, dixisse Calisthenem, meminisse debere, eos jam viros esse. Idque an ad consolandam patientiam verberum, an ad incitandum juvenum dolorem dictum esset in ambiguo fuisse. Rex animi corporisque sopore discusso, cum tanti periculi imago oculis oberraret, Eurylochum quinquaginta talentis & cuscudam Tiridatis opulenti bonis donat protinus: fratremque, antequam pro salute ejus precaretur, restituit. Sceleris autem auctores, interque eos Calisthenem, vinctos asservari jubet. quibus in regiam adductis, totò die & nocte proxima mero ac vigiliis gravis acquievit. Postero autem die, frequens concilium adhibuit, cui patres propinque eorum, de quibus agebatur, intererant, ne de sua quidem salute scuri: quippe Macedonum more perire debebant omnium devotis captibus, qui sanguine contigissent eos. Rex introduci conjuratos, præter Calisthenem, jussit, atque quæ agitaverant, sine cunctatione confessi sunt. Inceperantibus deinde universis eos: ipse Rex, Quo suo merito tantum in semet cogitassent facinus? interrogat.

7. Stupentibus ceteris, Hermolaus; Nos vero, inquit, quoniam, quasi nescias, quæris, occidendi te consilium inivimus, quia non ut ingenuis imperare cœpisti, sed quasi in mancipia dominaris. Primus ex omnibus pater ipsius, Sopolis, parricidam etiam parentis sui clamitans esse, consurgit, & ad os manu obiecta, scelere & malis insipientem ultra negat audiendum. Rex, inhibito patre, dicere Hermolaum jubet, quæ ex magistro didicisset Calisthene. Et Hermolaus, Utor, inquit, beneficio tuo, & dico quæ nostris malis didici. Quota pars Macedonum sevitiæ tuæ superest? Quotusquisque non è vilissimo sanguine? Attalus, & Philotas, & Parmenio, & Lyncestes Alexander, & Clitus, quantum ad hostes pertinet, vivunt; stant in acie, te clypeis suis protegent, & pro gloria tua, pro victoria, vulnera accipiunt, quibus tu egregiam gratiam



am retulisti. Alius meum utram sanguine suo aspersit. Alius ne simplici quidem morte defunctus est. Duces exercituum tuorum in equuleum impositi, Persis, quos vicerant, fuere spectacula. Parmenio, indicta causa, trucidatus est, per quem Attalum occideras. In vicem enim misere miserorum uteris manibus ad expetenda supplicia. Et quos paulo ante ministros cedis habuisti, subito ab aliis jubes trucidari. Obstreperunt subinde cuncti Hermolao. Pater supremum suinlexerat ferrum, percussurus haud dubie, ni inhibitus esset à Rege. quippe Hermolaum dicere iussit; petiitque, ut causas supplicii augentem, patienter audirent. Aegre ergo coercitis, rursus Hermolaus: Quam liberaliter, inquit, pueris rodibus ad dicendum agere permisisti? at Calisthenis vox carcere inclusi est, qui solus potest dicere. Cur enim non produciatur, cum etiam confessi audiantur? Nempe quia liberam vocem innocentis audire metuis, ac ne vulum quidem pateris. Atqui nihil eum fecisse contendo. Sunt hic qui mecum rem pulcherrimam cogitaverunt. Nemo est, qui conscium fuisse nobis Calisthenem dicat, cum morti olim destinatus sit à justissimo & patientissimo Rege. Hæc ergo sunt Macedonum præmia, quorum ut supervacuo & sordido abuteris sanguine. At tibi triginta millia mulorum captivum aurum vehunt, cum militas nihil domum præter gratuitas cicatrices relaturi sint. Quæ tamen omnia tolerare potuimus, antequam nos Barbaris dederes, & novo more victores sub jugum mitteres. Persum te vestis & disciplina delectat, patrios mores exosus es. Persum ergo, non Macedonum Regem occidere volumus: & te transfugam belli jure persequimur. Tu Macedonas voluisti genua tibi ponere venerarique te ut Deum. Tu Philippum patrem aversaris, & si quis Deorum ante Jovem haberetur, fastidires etiam Jovem. Miraris si liberi homines superbiam tuam ferre non possumus? Quid speramus ex te, quibus aut in fontibus moriendum est, aut, quod tristius morte est, in servitute vivendum? Tu quidem, si emendari potes, multum mihi debes. Ex

me enim scire cœpisti, quid ingenui homines ferre non possunt. De cetero parce: quorum orbam sententiam supplicii ne oneraveris. Nos jube duci, ut quod ex tua morte petieramus, consequamur ex nostra. Hæc Hermolaus.

8. At Rex, Quam falsa sint, inquit, quæ iste tradita à magistro suo dixit, patientia mea ostendit. Confessum enim ultimum facinus, tamen, ut vos quoque, non solum ipse, audiretis, expressi, non imprudens, cum permississem huic latroni dicere, usurum eum rabie, qua compulsus est, ut me, quem parentis loco colere debet, vellet occidere. Nuper cum procacius se in venatione gessisset, more patrio, & ab antiquissimis Macedoniæ Regum usurpato, castigari eum jussi. Hoc & oportet fieri, & ut à tutoribus pupilli, à maritis uxores, servis quoque pueros hujus ætatis verberare concedimus. Hæc est severitas in ipsum mea, quam impia cæde voluit ulcisci. Nam in ceteros, qui mihi permittunt uti ingenio meo, quam mitis sim, non ignoratis, & commemorare supervacuum est. Hermolao patricidarum supplicia non probari, cum eadem ipse meruerit, minime hercule admiror. Nam cum Parmenionem & Philotam laudat, suæ servit causæ. Lyncestem vero Alexandrum bis insidiatum capiti meo, à duobus judiciis liberavi. Rursum convictum, per biennium tamen distuli, donec vos postularetis, ut tandem debito supplicio scelus lueret. Attalum, antequam Rex essem, hostem meo capiti fuisse meministis. Clitus utinam non cœgisset me sibi irasci: cujus temerariam linguam probra dicentem mihi, & vobis, diutius tuli, quam ille eadem me dicentem tulisset. Regum ducumque clementia non in ipsorum modo, sed etiam in illorum, qui parent, ingeniis sita est. Obsequio mitigantur imperia. Ubi vero reverentia excessit animis, & summa imis confundimus, vi opus est, ut vim repellamus. Sed quid ego mirer, istum crudelitatem mihi objecisse, qui avaritiam exprobrare ausus sit? Nolo singulos vestrum excitare, ne invisam liberalitatem meam faciam, si pudori vestro gravem

gravem fecero. Totum exercitum aspiciite, qui paulo ante nihil præter arma habebat, nunc argenteis cubat lectis. Menſas auro onerant, greges fervorum ducunt, ſpolia de hoſtibus ſuſtinere non poſſunt. At enim Perſæ, quos vicimus, in magno honore ſunt. Apud me quidem moderationis meæ certiffimum indicium eſt, quod ne victis quidem ſuperbe impéro. Veni enim in Aſiam, non ut funditus everterem gentes, nec ut dimidiam partem terrarum ſolitudinem facerem: ſed ut illos quoque, quos bello ſubegiffem, victoriæ meæ non pœniteret. Itaque militant vobifcum, pro imperio veſtro ſanguinem fundunt, qui ſuperbe habiti rebellaffent. Non eſt diuturna poſſeſſio, in quam gladio inducimur. Beneficiorum gratia ſempiterna eſt. Si habere Aſiam, non tranſire, volumus, cum his communicanda eſt noſtra clementia. horum fides ſtabile & æternum faciet imperium: & ſane plus habemus quam cupimus. Inſatiabilis autem avaritia eſt, adhuc implere velle, quod jam circumfluit. Veruntamen eorum mores in Macedonas tranſfundo. in multis enim gentibus eſſe video quæ non erubeſcamus imitari. nec aliter tantum imperium apte regi poteſt, quam ut quædam & tradamus illis, & ab iſdem diſcamus. Illud pene dignum riſu fuit, quod Hermolaus poſtulat a me, ut averſarer Jovem, cujus oraculo agnoſcor. An etiam quid Dii reſpondeant in mea poteſtate eſt? Obtulit nomen filii mihi: recipere, ipſis rebus, quas agimus, haud alienum fuit. Utinam Indi quoque Deum eſſe me credant. Fama enim bella conſtant, & ſæpe etiam quod falſo creditum eſt, veri vicem obtinuit. An me luxuriæ indulgentem putatis arma veſtra auro argentoque adornaffe? Aſſuetis nihil vilius hæc videri materia volui, Macedonas invictos ceteris, nec auro quidem vinci. Oculos ergo primum eorum ſordida omnia & humilia ſpectantium capiam: & docebo nos non auri aut argenti cupidos, ſed orbem terrarum ſubacturos veniſſe. quam gloriam tu parricida intercipere vpluiſti, & Macedonas, Rege adempto, devictis gentibus dedere. At nunc

mones me, ut vestris parentibus parcam. Non oportet bar quidem vos scire, quid de his statuissim, quod istiores periretis, si qua vobis parentum memoria & cura est. Sed olim istam morem occidendi cum sceleris his infantes propinquos parentesque solvi: & profitor, in eodem honore futuros omnes eos, in quo fuerunt. Nam totum Calisthenem, cui uni vir videris, quia latro es, scio cur produci velis, ut coram his probra, quæ modo in me jecisti, modo audisti, illius quoque ore referantur. Quem, si Macedo esset, tecum introduxissim, dignissimum te discipulo magistrum. Nunc Olynthio non idem juris est. Post hæc concilium dimisit, tradique damnatos hominibus, qui ex eadem cohorte erant, iussit. Illi, ut fidem suam sævitæ Regi approbarent, excruciatos necaverunt. Calisthenes quoque ante tortus interiit, inici consilii in caput Regis innoxius: sed haudquaquam aulæ & assentantiam accommodatus ingenio. Itaque nullius cædes majorem apud Græcos Alexandro excitavit invidiam, quam quod præditum optimis moribus, artibusque à quo revocatus ad vitam erat, cum interfecto Clito mori perseveraret, non tantum occiderit, sed etiam torserit, indicta quidem causâ. Quam crudelitatem scira poenitentia consecuta est.

9. Sed ne orium serendis rumoribus natum aleret, in Indiam movit, semper bello quam post victoriam clivior. India tota ferme spectat Orientem, minus in latitudinem, quam recta regione spatiosa. quæ Austrum accipiunt, in altius terræ fastigium excedunt. Plana sunt cetera, multique inclytis annibus, Caucasio monte ortis, placidum per campos iter præbent. Indus gelidior est, quam ceteri. Aquas vehit à colore maris haud multum abhorrentes. Ganges omnium ab ortu maximus, à Meridiana regione decurrit, & magnorum montium iuga recto alveo stringit. In eum objectæ rupes inclinant ad Orientem. Uterque Rubro mari accipitur findens ripas, multasque arbores cum magna soli parte exorbitet. Saxis quoque impeditus, crebro reverberatur. Ubi mellius solum reperit,

rit, stagnat, insulasque molitur. Acesines eum auge-  
 Ganges decursurum in mare intercipit: magnoque  
 motu amnis uterque colliditur. Quippe Ganges as-  
 perum os influenti objicit, nec repercussæ aquæ cedunt.  
 Dyardenes minus celebris auditu est, quia per ultima  
 Indiæ currit. Ceterum non crocodilos modo, uti Ni-  
 lus, sed etiam delphines, ignotasque aliis gentibus bel-  
 luas alit. Erimanthus crebris flexibus subinde curva-  
 tus, ab accolis gigantibus carpitur. Et causi est, cur  
 tenues reliquias jam sine nomine in mare emittat. Mul-  
 tis præter hos amnibus tota regio dividitur, sed igno-  
 bilibus, quia non adeo interfluunt. Ceterum quæ pro-  
 pria sunt mari, Aquilones maxime deurant. Si co-  
 hibiti jugis montium, ad interiora non penetrant: ita  
 alendis frugibus mites. Sed adeo in illa plaga mun-  
 dus stiras temporum vices mutat, ut, cum alia fervore  
 solis exæstuant, Indium nives obruant: rursusque ubi  
 cetera rigent, illic intolerandus æstus existat: nec  
 cur, ulli se naturæ causâ ingessit. Mare certe, quo al-  
 luitur, ne colore quidem abhorret à ceteris. Ab Ery-  
 thro Rege inditum est nomen, propter quod ignem  
 rubere aquas credunt. Terra lini ferax: inde pleris-  
 que sunt vestes. Libri arborum teneri, haud secus  
 quam ceræ literarum notas capiunt. Aves ad imitan-  
 dum humanæ vocis sonum dociles sunt: animalis in-  
 usitata ceteris gentibus, nili inest. Eadem terra &  
 rhinoceros alit, non generat. Elephantorum ma-  
 jor est vis, quam quos in Africa domitant. Et viri-  
 bus magnitudo respondet. Aurum flumina vehunt,  
 quæ leni modicoque lapsu segnes aquas ducunt. Gem-  
 mas margaritasque mare littoribus infundit. Neque  
 alia illis major opulentia causa est utrique, postquam vi-  
 tiorum commercium vulgare in exteras gentes; quip-  
 pe æstimantur purgamenta æstantis freti prævio quod  
 libido constituit. Ingenia hominum, sicut ubique ap-  
 pud illos locorum quoque situs formatur. Corpora  
 que ad pedes carbaso velant. Soleis pedes, capita lin-  
 teis vinciunt. Lapilli ex auribus pendent: brachia  
 quoque & liceros auro colunt, quibus inter populi res

aut nobilitas aut opes eminent. Capillum pectunt scipius quam tondent: Mentuin semper intonsum est. Reliquam oris cutem ad levitatem exæquant. Regum tamen luxuria, quam ipsi magnificentiam appellant, supra omnium gentium vitia. Cum Rex se in publico conspici patitur, thuribula argentea ministri ferunt, totumque iter, per quod ferri destinavit, odoribus complent. Aurea lectica marginitis circumpendentibus recubat. Distincta sunt auro & purpura carbasi, quæ indutus est: lecticam sequuntur armati corporisque custodes. Inter quos ramis aves pendent, quæ cantu seriis rebus obstreperere docuerunt. Regia auras columnas habet; totas eas vitis auro cælata percurrit, aviumque, quarum visu maxime gaudent, argenteæ effigies opera distinguunt. Regia adeuntibus patet. Cum capillum pectit atque ornat, tunc responsa legationibus, tunc iura popularibus reddit. Dempstis soleis odoribus illinuntur pedes. Venatus maximus labor est, inclusa vivario animalia inter vota cantusque pellicum figere. Binum cubitorum sagittæ sunt, quas emittunt maiore nixu quam effectu: quippe telum, cuius in levitate vis omnis est, inhabili pondere oneratur. Breviora itinera equo conficit. Longior ubi expeditio est, elephanti vehunt currum, & tantum belluarum corpora tota contegunt auro. Ac ne quid perditis moribus desit, lecticis aureis pellicum longus ordo sequitur. Separatum à Reginae ordine agmen est, æquatque luxuria. Feminae epulas parant. Ab iisdem vinum ministratur, cuius omnibus Indis largus est usus. Regem mero somnoque sopitum, in cubiculum pellices referuat, patrio carmine noctium invocantes Deos. Quis credat, inter hæc vitia curam esse sapientiæ? Unum agreste & horridum genus est, quos Sapientes vocant. Apud hos occupare faci diem, pulchrum; & vivos se cremari iubent. Quibus aut segnis ætas, aut incommoda valetudo est, expectatam mortem pro dedecore vitæ habent. Nec ullus corporibus, quæ senectus solvit, honos redditur. Inquinari putant ignem, nisi qui spirantes recipit. Illi, qui  
in

in urbibus publicis moribus degunt, siderum motus scire spectare dicuntur, & futura prædicere. Nec quemquam admoveere lethi diem credunt, cui expectare interrite liceat. Deos putant, quidquid colere ceperant: arbores maxime, quas violare capitale est. Menses in quinos denos descripserunt dies. Anni plena spatia servant. Lunæ cursu notant tempora, non ut plerique, cum orbem sidus implevit, sed cum se curvare capit in cornua: & idcirco breviores habent menses, qui spatium eorum ad hunc Lunæ modum dirigunt. Multa & alia traduntur, quibus morari ordinem rerum haud sane operæ pretium videbatur.

10. Igitur Alexandro fines Indiæ ingressò, gentium suarum Reguli occurrerunt, imperata facturi: illum tertium Jove genitum ad ipsos pervenisse memorantes. Patrem Liberum, atque Herculem, fama cognitos esse; ipsum coram adesse, cernique, Rex benigne exceptos sequi jussit, iisdem itinerum ducibus usus. Ceterum cum amplius nemo occurreret, Hephæstionem & Perdiccam cum copiarum parte præmisit, ad subigendos, qui aversirentur imperium: jussitque ad flumen Indum procedere, & navigia facere, quæ in ulteriora transportari posset exercitus. Illi, quia plura flumina superanda erant, sic junxere naves, ut solutæ pluustis vehi possent, rursusque conjungi. Post se Cratæro cum phalange jussu sequi, equitatum ac levem armaturam eduxit, eosque, qui occurrerant, levi prælio in urbem proximam compulit. Jam supervenerat Craterus. Itaque ut principio terrorem incuteret genti, nondum arma Macedonum expertæ, præcipit ne cui parceretur, munimentis urbis, quam obsidebat, incensis. Ceterum dum obequitabat mœnibus, sagitta ictus est. Cepit tamen oppidum, & omnibus incolis ejus trucidatis, etiam in testa sevitum est. Inde domita ignobili gentæ, ad Nyriam urbem pervenit. Forte castris ante mœnia ipsa in sylvestri loco positis, nocturnum frigus vehementius quam alias horrore corpora affecit, opportunumque remedium ignis oblatum est. Cælis quippe sylvis flam-

nem exstraverant : quæ igni alita, oppidanorum se-  
 pulcra comprehendit. Vetusita cedro facta erant, con-  
 ceptumque ignem lute fudere, donec omnia solo æqua-  
 ta sint. Ex urbe primum eunum laratus, deinde  
 eorum hominum fremitus auditus est. Tum & oppi-  
 dani hostem, & Macedones ipsos ad urbem venisse  
 cognoscunt. Jamque Rex eduxerat copias, & moenia  
 obsidebat, cum hostium, qui discrimen tentaverant,  
 obruti telis sint. Aliis ergo deditionem, aliis pug-  
 nam experiri placebat : quorum dubitatione comper-  
 ta, circumfideri tantum eos, & abstineri cædibus jus-  
 sit. Tandemque obsidionis malis fatigati dedidere se.  
 A Libero patre conditos se esse dicebant, & vera  
 hæc origo erat. Sita est sub radicibus montis, quem  
 Meron incolæ appellant. Inde Græci mentendi  
 traxere licentiam, Jovis femine Liberum patrem ef-  
 fe colunt. Rex situ montis cognito ex incolis, cum  
 toto exercitu, præmissis comitatibus, verticem ejus  
 ascendit. Multa hedera vitisque toto gignitur mon-  
 te. Multæ perennes aquæ manant. Pomorum quo-  
 que varii silibrafque succi sunt, sua sponte fortuito-  
 rum seminum fruges humo nutriente Lauri, baccæque,  
 & multa in illis rupibus agrestis est sylva. Credo e-  
 quidem non divino instinctu, sed lascivia esse profect-  
 os, ut passim hederæ ac vitium folia decerperent, re-  
 dimique fronde toto nemore similes bacchantibus va-  
 garentur. Vocibus ergo tot millium, præsidem ne-  
 moris ejus Deum adorantium, juga montis collefque  
 resonabant, cum orta licentia à paucis ( ut fere sit )  
 iam omnes se repente vulgasset. Quippe velut in me-  
 dia pice, per herbas congestamque frondem, prostra-  
 verant corpora. Et Rex fortuitam licentiam non a-  
 versatus, large ad epulas omnibus præbitis, per decem  
 dies Libero patri operatum habuit exercitum. Quis  
 ieger, eximiam quoque gloriam sæpius fortunæ quam  
 virtutis esse beneficium ? quippe, ne epulantes quidem  
 & sopitos mero aggredi ausus est hostis : haud secus  
 bacchanti an ululanti, utque fremitu perterritus, quam  
 præstantium clamor esset auditus. Eadem felicitas  
 ab



ab Oceano revertentes temulentos comestantesque protexit. Hinc ad regionem, quæ Dædala vocatur, per-  
ventum est. Deseruerant incolæ sedes, & in avios  
sylvestresque montes confugerant. Ergo Acadera  
transit, æque usta & destituta incolentium fuga. Ita-  
que rationem belli necessitas mutavit. Divisis enim  
copiis, pluribus simul locis arma ostendit: oppressi-  
que, & qui expectaverant hostem, omni clade perdo-  
miti sunt. Ptolemæus plurimas urbes, Alexander  
maximas cepit: rursusque quas distribuerat copias  
junxit. Superato deinde Choaspe amne, Ca non in  
obsidione urbis opulentæ (Beziram incolæ vocant)  
reliquit. Ipse ad Mazigas venit, nuper Assaceno (cu-  
jus regnum fuerat) demortuo. Regioni quoque urbi-  
que præerat mater ejus Cleophes. Triginta millia pe-  
ditum tuebantur urbem, non situ solum, sed etiam o-  
pere munitam. Nam qua spectat Orientem, cingi-  
tur amne torrenti, qui præruptis utrinque rupibus edi-  
tum ad urbem impedit. Ab Occidente & à Meridie,  
velut de industria, rupes præaltas admolita natura est,  
infra quas cavernæ & voragines longa vetustate in al-  
tum cavatæ jacent; quaque desinunt, fossi ingentis  
operis objecta est. Triginta quinque stadia manus  
urbem complectitur, cujus inferiora saxo, superiora  
crudo latere sunt structa. Lateri vinculem lapides  
sunt, quos interposuere, ut duriori materiæ fragilis in-  
cumberet: simulque terra humore diluta, ne tamen  
universi consideret, interpositæ erant tres validæ,  
quibus injecta tabulata muros & tegebant & pervios  
fecerant. Hæc munimenta contemplantem Alexan-  
dram, consiliiq; incertum (qui nec cavernas, nisi ag-  
gere, poterat implere, nec tormenta aliter munitis per-  
movere) quidam è muro sagitta percussit. Tum for-  
te in suram incidit telum, cujus spiculo evulso admo-  
veri equum iussit: quo vestus, ne obligato quidem  
vulnere, haud segnus destinata exsequitur. Cete-  
rum cum crux faucibus penderet, & cruore siccato fri-  
gescens vulnus aggravaret dolorem, dixisse fertur:  
Se quidem Jovis nliam dici, sed corporis ægri vitia

sentire. Non tamen ante se recepit in castra quam cuncta prospexit, & quæ fieri vellet, edixit. Ergo sicut imperatum erat, alii extra urbem tecta demoliebantur, ingentemque vim materiæ faciendo aggeri detrahebant, alii magnarum arborum stipites cumulis, ac moles saxorum in cavernas dejiciebant. Jamque agger æquaverat summæ fastigia terræ. Itaque turres erigebantur, quæ opera ingenti militum ardore intra nonum diem absoluta sunt. Ad ea visenda Rex, nondum obducta vulnere cicatrice, processit: laudatîsque militibus, admoventi machinas iussit, è quibus ingens vis telorum in propugnatores effusa est: præcipue rudes talium operum terrebant mobiles turres: tantasque moles nulla ope, quæ cerneretur, adductas, Deorum numine agi credebant. Pila quoque muralia, & excussas tormentis prægraves hastas, negabant convenire mortalibus. Itaque desperata urbis tutela, concessere in arcem. Inde, quia nihil obsessis præter deditionem placebat, legati ad Regem descenderunt, veniam petitori. Qua impetrata, Regina cum magno nobilium feminarum grege, aureis pateris vina libantium, processit. Ipsa genibus regis parvo filio admoto, non veniam modo, sed etiam pristinae fortunæ impetravit decus: quippe appellata Regina est, & credidere quidam plus formæ quam miserationi datum. Puero quoque certe, postea ex ea utcumque genito, Alexandro fuit nomen.

II. Hinc Polypercon ad urbem Noram cum exercita missus, inconditos oppidanos prælio vicit: intra munimenta compulso secutus, urbem in deditionem accepit. Multa ignobilia oppida deserta à suis venire in Regis potestatem. Quorum incolæ armati, petram Aornon nomine occupaverunt. Hanc ab Hercule frustra obsessam esse, terræque motu coactum abistere, fama vulgaverat. Inopem consilii Alexandrum, quia undique præceps & abrupta rupes erat, senior quidam peritus locorum cum duobus filiis adiit, si pretium operi esset, aditum se monstraturum esse promittens. Octoginta talenta constituit daturum Alexander,

Alexander, & altero ex juvenibus obside retento, ipsum ad exsequenda, quæ obtulerat, dimisit. Leviter armatis dux datus est Mullinus scriba Regis. Hos enim circuitu, qui fallerent hostem, in summum jugum placebat evadere. Petra, non ut pleræque modicis ac mollibus clavis in sublime fastigium crescit, sed in metæ maxime modum erecta est: cujus ima spatiosiora sunt, altiora in arctius coeunt, summa in acutum cacumen exsurgunt. Radices ejus Indus amnis subit, præaltus utrinque asperis ripis. Ab altera parte voragines eluviesque præruptæ sunt; nec alia expugnandi patebat via, quam ut replerentur. Ad manum sylva erat, quam Rex ita cædi jussit, ut nudi stipites jacerentur: quippe rami fronde vestiti impedissent terrentes. Ipse primus truncam arborem jecit, clamorque exercitus, index alacritatis, secutus est, nullo detrectante munus, quod Rex occupasset. Intra septimum diem cavernas expleverant, cum Rex Sagittarios & Agrianos jubet per ardua niti. Juvenesque fortissimos ex sua cohorte triginta delegit. Duces his dati sunt Charus, & Alexander, quem Rex nominis, quod sibi cum eo commune esset, admonuit. Ac primo, quia tam manifestum periculum erat, ipsum Regem discrimen subire non placuit. Sed ut signum tuba datum est, vir audaciæ promptæ, conversus ad corporis custodes, sequi se jubet, primusque invadit in regem. Nec deinde quisquam Macedonum substitit, relictisque stationibus sua sponte Regem sequebantur. Multorum miserabilis fuit casus, quos ex prærupta rupe lapsos amnis præterfluens hausit. Triste spectaculum etiam non periclitantibus. Cum vero alieno exitio, quid ipsis timendum foret, admonerentur, in metum misericordia versa, non extinctos, sed semet ipsos deshebant. Et jam eo perventum erat, unde sine pernicie, nisi victores, redire non possent; ingentia saxa in subeuntes provolventibus Barbaris, qui percussi, instabili & lubrico gradu præcipites recidebant. Evaferant tamen Alexander & Charus, quos cum triginta delectis præmiserat Rex, & jam pugna-

re

re cominus cœperant. Sed cum superne tela Barbari ingerent, sepius ipsi feriebantur quam vulnerabant. Ergo Alexander & nominis sui, & promissi memor, dum acius quam cautius dimicat, confossus undique obruitur. Quem ut Charus iacentem respexit, ruere in hostem, omnium præter ultionem immemor, cepit: multosque hasta, quosdam gladio interemit. Sed cum tot unum incesserent manus, super amici corpus precubuit exanimis. Haud secus quam par erat, promptissimorum juvenum ceterorumque militum interitu commotus Rex, signum receptui dedit. Saluti fuit, quod cœsum & intrepidi se receperunt. & Barbari hostem depulsi contenti, non insistere cedentibus. Ceterum Alexander cum struisset desistere incepto: quippe nulla spes potiundæ petrae offerebatur, tamen faciem ostendit in obsidione perseverantis. Nam & minera obsideri iussit, & turres ad moveri, & fatigatis alios succedere. Cuius pertinacia cognita, Indi per biduum quidem, ac duas noctes, cum ostentatione non fiducia modo, sed etiam victoriæ, epulati sunt, tympana suo more pulsantes. Tertia vero nocte tympanorum quidem strepitus desierat audiri: ceterum ex tota petra facies resulgebant, quas accenderant Barbari ut tutior esset ipsius fuga obscuri nocte per invia taxa castris. Rex Balacro qui specularetur præmissus, cognoscit, petram fugam Inderum esse & scire. Tum dato signo ut universi conelunarant, incompotite fugientibus metum incussit, multique (tanquam adesset hostis) per librica saxa, perque invias cotes præcipitati occiderunt. Plures aliqua membrorum parte mutilati, ab integris deserti sunt. Rex locum magis quam hostem victor, tamen magnæ victoriæ sacrificiis & cœli Diis Orisfecit. Aræ in petra locatæ sunt Minervæ Victoriæque. Dacibus itineris, quos scire iussit leviter armatos, et si promissis minora præstiterant, pretium eam fide redditum est.

12. Petra, regionisque ei adjunctæ, Sisecæ totum permittit. Inde processit Ecbolina, & cum angustis itineris obsideri viginti millibus armatorum ab Eryce.

Eryce quodam comperisse, gravius agmen exercitus  
 Cano ducendum modicis itineribus tradidit. Ipse  
 prægressus cum funditore ac sigittario, deturbatis qui  
 obsederant saltum, sequentibus se copiis viam fecit.  
 Indi, sive odio ducis, sive gratiam victoris Regis ini-  
 tati, Erycem fugientem adorti interemerunt, caput-  
 que ejus atque arma ad Alexandrum detulerunt. Ille,  
 facto impunitatem dedit: honorem denegavit exem-  
 plo. Hinc ad flumen Indum sextis decimis castris per-  
 venit, omniaque (ut præceperat) ad trajiciendum præ-  
 parata ab Hephæstione reperit. Regnabat in ea re-  
 gione Omphis, qui patri quoque fuerat auctor dæden-  
 di regnum Alexandro. Et post mortem parentis lega-  
 tos miserat, qui consulerent eum, regnare se interim  
 vellet, an privatum opperiri ejus adventum? Permis-  
 sique ut regnaret, non tamen jus datum usurpare susti-  
 nuit. is benigne quidem exceperat Hephæstionem,  
 gratuitum frumentum copiis ejus admensus: non ta-  
 men ei occurrerat, ne fidem ullius, nisi Regis, experi-  
 retur. Itaque venienti obvium cum armato exercitu  
 egressus est. Elephanti quoque per modica interval-  
 la militum agmini immixti, procul castellorum fece-  
 rant speciem. Ac primo Alexander, non socium, sed  
 hostem adventare credebat. Jamque & ipse, arma  
 milites capere, & equites discedere in cornu jussérat,  
 paratos ad pugnam. At Indus, cognito Macedonum  
 errore, jussis subsistere ceteris, ipse concitat equum,  
 quo véhebatur. Idem Alexander quoque fecit: sive  
 hostis sive amicus occurreret, vel sua virtute vel illius  
 fide tutus. coivere, quod ex utriusque vultu posset in-  
 telligi, amicis animis: ceterum sine interprete non  
 poterat conferri sermo. Itaque adhibito eo, Barbarus,  
 occurrisse se dixit cum exercitu, totas imperii vires  
 protinus traditurum, nec expectasse, dum per nuncios  
 claretur fides. Corpus suum & regnum permittere il-  
 li, quem sciret gloriæ militantis: nihil magis quam  
 famam timere perdidit. Lætus simplicitate Barbari  
 Rex, & dextram fidei suæ pignus dedit, & regnum  
 restituit. LVI eleph nati erant, quos tradidit Alexan-  
 dro,

dro, multaque pecora eximiae magnitudinis. Taurōs ad tria millia, pretiosum in ea regione acceptumque animis regnantium armentum. Quærenti Alexandro, plures agricultores haberet, an milites: cum duobus Regibus bellanti sibi majore militum quam agrestium manu opus esse, respondit. Abisares & Porus erant. Sed in Poro eminebat auctoritas. Uterque ultra Hydaspem amnem regnabat, & belli fortunam, quisquis arma inferret, experiri decreverat. Omphis, permittente Alexandro, & regium insigne sumpsit, & more gentis suae nomen, quod patris fuerat: Taxilem appellavere populares, sequente nomine imperium, in quemcunque transiret. Ergo cum per triduum hospitaliter Alexandrum accepisset, quarto die, & quantum frumenti copiis, quas Hephæstion duxerat, præbitum à se esset, ostendit: & aureas coronas ipsi, amicisque omnibus, præter hæc signati argenti octoginta talenta, dono dedit. Quæ benignitate ejus Alexander mire lætus, & quæ is dederat, remiisit, & mille talenta ex præda, quam vehebat, adjecit: multaque convivalia ex auro & argento vasa, plurimum Persicæ vestis, triginta equos ex suis cum iisdem insignibus quæis affluerant cum ipsum veherent. Quæ liberalitas, sicut Barbarum adstrinxerat, ita amicos ipsius vehementer offendit. E quibus Meleager super cœnam largiore vino usus, gratulari se Alexandro dixit, quod saltem in India reperisset dignum talentis mille. Rex haud oblitus, quam ægre tulissent, quod Clitum ob linguae remeritatem occidisset, iram quidem tenuit, sed dixit, Invidos homines nihil aliud quam ipsorum esse tormenta.

13. Postero die legati Abisarae adiere Regem. omnia ditioni ejus, ita ut mandatum erat, per mittebant, firmataque invicem fide remittuntur ad Regem. Porum quoque nominis sui fama ratus ad deditionem posse compelli, misit ad eum Cleocharem, qui denunciaret ei, ut stipendium penderet, & in primo huiusmodi suorum aditu occurreret Regi. Porus alterum ex his facturum sese respondit, ut intranti regnum suum præsto esset, sed

sed armatus. Jam Hydaspem Alexander superare decreverat, cum Barzentes defectionis Arachosii auctor, victus, trigintaque elephantis simul capti, perducuntur, opportunum adversus Indos auxilium. quippe plus in bellis quam in exercitu spei aut virium illis erat. Gamaxusque Rex exiguae partis Indorum, qui Barzenti se conjunxerat, victus adductus est. Igitur transfuga & Regulo in custodiam, elephantis autem Taxili traditis, ad amnem Hydaspem pervenit. In cujus ulteriore ripa Porus confederat, transitu prohibitorum hostem. LXXXV elephantos objecerat eximio corporum robore, utraque eos currus ccc & peditum xxx fere millia: in quibus erant sagittarii (sicut ante dictum est) gravioribus telis quam ut apte excuti possent. Ipsum vehebat elephantis super ceteras belluas eminens. armaque auro & argento distincta, corpus raræ magnitudinis honestabant. Par animus robori corporis, & quanta inter rudes poterat esse sapientia. Macedonas non conspectus hostium solum, sed etiam fluminis, quod transeundum erat, magnitudo deterrebat. Quatuor in latitudinem stadia diffusum profundo alveo & nusquam vada aperiente, speciem vasti maris fecerat. Nec pro spatio aquarum late stagnantium impetum coercerebat, sed quasi in arctum coeuntibus ripis torrens & elisus ferebatur, occultaque saxa inesse ostendebant pluribus locis undæ repercussæ. Terribilior erat facies ripæ, quam equi virique compleverant. Stabant ingentes vastorum corporum moles, & de industria irritatæ horrendo stridore aures fatigabant. Hinc hostis, hinc amnis, capacia quidem bonæ spei pectora, & sæpe se experta, improvisio tamen pavore percusserant. quippe instabilis rates, nec dirigi ad ripam, nec tuto applicari posse credebant. Erant in medio amne insulæ crebræ, in quas Indi & Macedones nantes, levatis super capita armis, transibant. Ibi levia prælia conferebantur, & uterque Rex, parvæ rei discrimine, summæ experiebatur eventum. Ceterum in Macedonum exercitu temeritate atque audacia insignes fuere Symmachus & Nicanor, nobiles juvenes, &

& perpetua patrium felicitate ad spernendam omne periculum accensi. Queis ducibus promptissimi juvenum lanceis modo armati tranavere in insulam, quam frequens hostis tenebat, multosque Indorum nulla remagis quam audacia armati interemerunt. Abire cum gloria poterant, si unquam temeritas felix inveniret modum. Sed dum supervenientes contemptim & superbe quoque expectant, circumventi ab his qui oculi enataverant, eminus obruti telis sunt. Qui effugerant hostem, aut impetu annis ablati sunt, aut vorticibus impliciti. Eaque pugna multam fiduciam Porri crexit, cuncta cernentis è ripa. Alexander, inops consilii, tandem ad fallendum hostem talem dolum intendit. Erat insula in flumine amplior ceteris, sylvestris eadem, & regendis insidiis apta. Fossa quoque præalta haud procul à ripa, quam tenebat ipse, non pedites modo, sed etiam cum equis viros poterat abscondere. Ut igitur à custodia hujus opportunitatis oculos hostium averteret, Ptolemæum cum omnibus turmis obequitare jussit procul ab insula, & subinde Indos clamore terrere, quasi flumen tranaturus foret. Per complures dies Ptolemæus id fecit, eoque consilio Porum agmenque suum ei parti, quam se petere simulabat, coëgit advertere. Jam extra conspectum hostis insula erat. Alexander in diversa parte ripæ statui suum tabernaculum jussit, assuetamque comitari ipsam cohortem ante id tabernaculum stare: & omnem apparatus regis magnificentis hostium oculis de industria ostendit. Attalum etiam, æqualem sibi, & haud dispirem habitu oris & corporis, utique cum procul viseretur, veste regia exornat præbitorum speciem, ipsum Regem illi ripæ præsidere, nec agitare de transitu. Hujus consilii effectum primo morata tempestas est, mox adjuvit; incommoda quoque ad bonos eventus vertente fortuna. Trajicere amnem cum ceteris copiis in regionem insulæ (de qua ante dictum est) parabat, averso hoste in eos qui cum Ptolemæo inferiorem obsederant ripam, cum procella imbrem vix subtectis tolerabilem effudit, obrutique milites nimbo, in  
terram



terram refugerunt, navigiis ratibusque desertis. Sed tumultuantium fremitus, obstreperantibus ripis, ab hoste non poterat audiri. Deinde momento temporis repressus est imber. Ceterum adeo spissæ intendere se nubes, ut conderent lucem, vixque colloquentium inter ipsos facies noscigaretur. Terruisset alium obducta nox cœlo, cum ignoto amne navigandum esset, forsitan hoste eam ipsam ripam, quam cæci atque improvidi, & ex periculo gloriam accersentes petebant, occupante: obscuritatem, quæ ceteros terrebat, suam occasionem ratus, dato signo ut omnes silentio ascenderent in rates, eam, qua ipse vehebatur, primam iussit expelli. Vacua erat ab hostibus ripa, quæ petebatur: quippe adhuc Porus Ptolemæum tantum intuebatur. Una ergo navi, quam petræ fluctus illiserat, hærente, ceteræ evadunt: armaque capere milites, & ire in ordinem iussit.

14. Jamque agmen in cornua divisum ipse ducebat, cum Poro nunciatur, armis virisque ripam obtineri, & rerum adesse discrimen. Ac primo humani ingenii vitio spei suæ indulgens, Abistrem, belli socium (& ita convenerat,) adventare credebatur. Mox liquidiore luce aperiente hostem, centum quadrigis & quatuor millia equitum venienti agmini Porus objecit. Dux erat copiarum, quas præmilit, Hages, frater ipsius. Summa virium in curribus. senos viros singuli vehebant; duos clypeatos, duos sigittarios ab utroque latere dispositos; ceteri aurigæ erant haud sine inermes: quippe jacula complura, ubi cominus praeliandum erat, omissis habenis, in hostem ingerebant. Ceterum vix ullus usus hujus auxilii eo die fuit. Namque (ut supra dictum est) imber violentius quam alius fusus, campos lubricos & inequitabiles fecerat; gravesque & propemodum immobiles currus illi viæ & voraginibus hærebant. Contra Alexander, expedito ac levi agmine strenue investus est. Scythæ & Dahæ primi omnium invasere Indos. Perdiccam deinde cum equitibus in dextrum cornu hostium emisit. Jam undique pugna se moverat, cum ii, qui curus agebant, illud

lud ultimum auxilium suorum rati, effusis habenis in  
 medium discrimen rucere coeperunt. Anceps id ma-  
 lum utrisque erat. Nam & Macedonum pedites pri-  
 mo impetu obtrecabantur, & per Librica atque invia im-  
 missi currus excutiebant eos à quibus regebantur. Alio-  
 rum turbati equi non in voragine modo lacunasque,  
 sed etiam in annem præcipitare curricula. Pauci  
 tamen hostium tenus exacti penetravere ad Porum, &  
 cerrime pugnam cientem. Is ut dissipatos tota acie  
 currus vagari sine rectoribus vidit, proximis amico-  
 rum distribuit elephantos. Post eos posuerat pedites,  
 ac sagittarios tympana pulsare solitos. Id pro cantu  
 tabarum Indis erat, nec strepitu eorum movebantur;  
 olim ad notum sonum auribus mitigatis. Herculis si-  
 mulacrum agmini peditum præferebatur. id maxi-  
 mum erat bellantibus incitamentum: & deseruisse ge-  
 stantes militare flagitium habebatur. Capitis enim  
 sanxerant poenam iis, qui ex acie non retulissent: me-  
 tu, quem ex illo hoste quondam conceperant, etiam  
 in religionem venerationemque converso. Macedo-  
 nas non belluarum modo, sed etiam ipsius Regis as-  
 pectus parumper inhibuit. Belluas dispositæ inter ar-  
 matos, speciem turrium procul fecerant. Ipse Porus  
 humanæ magnitudinis propemodum excefferat for-  
 mam. magnitudini adjicere videbatur bellua, qua ve-  
 hebatur, tantum inter ceteras eminens, quantum alii.  
 ipse præstabat. Itaque Alexander contemplatus &  
 Regem, & agmen Indorum, Tandem, inquit, par a-  
 nimo meo periculum video. Cum bestiis simul &  
 cum egregiis viris res est. Invenisque Cœnum, Cum  
 ego, inquit, Ptolemæo, Perdiccaque, & Hephæstione  
 comitatus in lævum hostium cornu impetum fecero, vi-  
 derisque me in medio ardore certaminis, ipse dex-  
 trum move, & turbatis signa infer. Tu Antigone, &  
 tu Leonate, & Tauron, invehimini non in mediam a-  
 ciem, sed urgebitis frontem. Hastæ nostræ prælon-  
 gæ & validæ, non alias magis quam adversus belluas  
 rectoresque earum usui esse poterunt. Deturbate eos,  
 qui vehuntur, & ipsas confodite. Anceps genus aux-  
 ilii

ilii est, & in suos acrius furit. In hostem enim imperio, in suos pavore agitur. Hæc elocutus, concitat equum primus. Jamque (ut destinatum erat) invaserat ordines hostium, cum Cœnus ingenti vi in lævum cornu invehitur: Phalanx quoque in mediam Indorum aciem uno impetu prorupit. At Porus qua equitem inveni senserat, belluas agi jussit. Sed tardum & pene immobile animal, equorum velocitatem æquare non poterat. Nec sagittarum quidem ullus erat Barbaris usus. Quippe longas & prægraves, nisi prius in terra statuerent arcum, haud satis apte & commode imponunt: tum humo lubrica, & ob id impediēte contum, molientes ictus celeritate hostium occupabantur. Ergo spreto Regis imperio (quod fere fit, ubi turbatis acrius metus quam dux imperare cœpit) toridem erant imperatores, quot agmina errabant. Alius jungere aciem, alius dividere; stare quidam, & nonnulli circumvehi terga hostium jubebant. Nihil in medium consulebatur. Porus tamen cum paucis quibus metu potior fuerat pudor, colligere dispersos, obviis hosti ire pergit, elephantosque ante agmen suorum agi jubet. Magnum belluæ injecere terrorem, insolitusque stridor non equos modo, tam pavidum ad omnia animal, sed viros quoque, ordinesque turbaverat. Jam fugæ circumspiciebant locum paulo ante victores, cum Alexander Agrianos, & Thracas leviter armatos, meliorem concursatione quam cominus militem, emisit in belluas. Ingentem ii vim telorum injecere & elephantis & regentibus eos. Phalanx quoque instare constanter territis cœpit. Sed quidam avidius persecuti belluas, in semet irritavere vulneribus. Obtriti ergo pedibus earum, ceteris, ut parcius instarent, fuere documentum. Præcipue terribilis illa facies erat, cum manu arma virosque corripere, & super se regentibus traderent. Anceps ergo pugna, nunc sequentium, nunc fugientium elephantos, in multum diei varium certamen extraxit, donec securibus (id namque genus auxilii præparatum erat) pedes amputare cœperunt. Copidas vocant gladios leviter curvatos falcibus similes,

les, quis appetebant belluarum manus. Nec quidquam inexpertum, non mortis modo, sed etiam in ipsa morte novi supplicii, timor omittebat. Ergo elephantum vulneribus tandem fatigati, suos impetu sternunt, & qui rexerant eos, præcipitati in terram ab ipsis obterebantur. Itaque pecorum modo magis pavidi quam infesti, ultra aciem exigebantur, cum Porus destitutus à pluribus tela multo ante præparata in circumfusus ex elephante suo cœpit ingerere, multisque eminus vulneratis, expositus ipse ad ictus undique petebatur. Novem jam vulnera hinc tergo, illinc pectore exceperat: multoque sanguine profuso, languidis manibus magis elapsa quam excussa tela mittebat. Nec segnius bellua instincta rabie, nondum suavia, invehebatur ordinibus, donec rector belluæ Regem conspexit, fluentibus membris, omisisque armis, vix compositæ mentis. Tum belluam in fugam concitat, sequente Alexandro. Sed equus ejus multis vulneribus confossus deficiensque procubuit, posito magis Rege, quam effuso. Iterque dum equum mutat tardius insecutus est. Interim frater Taxilis Regis Indorum præmissus ab Alexandro, monere cœpit Porum, ne ultima experiri perseveraret, dederetque se victori. At ille, quamquam exhaustæ erant vires, deficiebatque sanguis, tamen ad notam vocem excitatus: Agnosco, inquit, Taxilis fratrem, imperii regnique sui proditorem; & telum, quod unum forte non effluerat, contorsit in eum, quod per medium pectus penetravit ad tergum. Hoc ultimo virtutis opere edito, fugere acrius cœpit. Sed elephante quoque, qui multa exceperat tela, deficiebat. Itaque sistit fugam, peditemque sequenti hosti objicit. Jam Alexander consecutus erat; & pertinacia Pori cognita, vetabat resistentibus parci. Ergo undique & in pedites, & in ipsum Porum tela congesta sunt, quæ tandem gravatus, libi ex bellua cœpit. Indus, qui elephantum regebat, descendere eum ratus, more solito elephantum procumbere jussit in genus, qui ut se submisit, ceteri quoque (ita enim instituti erant) demittere corpora in terram. Ea res & Porum

&amp;

& ceteros victoribus tradidit. Rex spoliari corpus Pori, interemptum esse credens, iussit : & qui detraherent lorica vestemque, concurrere : cum bellua dominum tueri, & spoliantes coepit appetere, levatumque corpus ejus rursus dorso suo imponere. Ergo telis undique obruitur, confossoque eo, in vehiculum Porus imponitur. Quem Rex ut vidit allevantem oculos, non odio sed miseratione commotus, Quæ, meum, inquit, amentia te coëgit, rerum mearum cognita fama, belli fortunam experiri, cum Taxiles esset in deditos clementiæ meæ tam propinquum tibi exemplum? At ille; Quoniam, inquit, percontaris, respondebo ea libertate, quam interrogando fecisti. Neminem me fortiorem esse censuam. Meas enim novaram vires, nondum expertus tuas : fortiorem esse te, belli docuit eventus. Sed ne sic quidem parum felix sum, secundus tibi. Rursus interrogatus, quid ipse victorem statuere debere censeret : Quod hic, inquit, dies tibi suadet, quo expertus es, quam caduca felicitas esset. Plus monendo profecit, quam si precatus esset. Quippe magnitudinem animi ejus interritam, ac ne fortunæ quidem infractam, non misericordia modo, sed etiam honore excipere dignatus est. Ægrum curavit haud secus quam si pro ipso pugnasset. Confirmatum, contra spem omnium, in amicorum numerum recepit. Mox donavit ampliore regno quam tenuit. Nec sine quidquam ingenium ejus solidius aut constantius habuit, quam admirationem veræ laudis & gloriæ. Simplicius tamen famam æstimabat in hoste, quam in cive : quippe à suis crederet magnitudinem suam destrui posse : eandem clariorem fore, quo majores fuissent quos ipse vicisset.

## Q U I N T I C U R T I I

## L I B E R I X.

## B R E V I A R I U M L I B R I.

1. Devicto Poro, in Indiam penetrat Alexander, variasque gentes & urbes, quarum mores describuntur, sibi subijcit.

2. Gangaridas & Pharasios aggressurus, milites fatigatos & bellum deirectantes, prolixa oratione ad perseverantiam hortatur.

3. Cœnus, militum nomine, Alexandro respondet, & paulo post morbo extinguitur.

4. Sobiis, & aliis expugnatis, regionem Oxydracorum & Mallorum ingreditur. Oratione ad milites habita, Barbaros fugat, eorumque oppidum: contempto Demophoonte vate, obsidet.

5. Precipiti saltu in Oxydracorum oppidum se immittens, graviter vulneratur, & fortissimis quibusdam ducibus desideratis, oppidoque post aliquot dies expugnato, sibi suisque restituitur.

6. Ab amicis rogatus, ut saluti suæ publicæque parceret, generose respondit, in instituto suo de domando orbe perseverans.

7. Græcorum quorundam in Bactris desertio repressa. Dum Indorum legatos convivio excipit Alexander, inter Horratam & Dioxippum, qui tandem imparibus armis duello certans, rixa oritur. Paulo post Dioxippus inimicorum calumniis ultra modum irritatus, se ipsum interemit.

8. Donis à legatis Indorum acceptis, Sabracas, Musicanes, Præstes alisque populos debellat; Ptolemao venenata plaga accepta curato, ope cujusdam herba, cujus species in somnis Alexandro est oblata.

9. Cupidine visendi Oceani correptus, non sine periculis propter nautarum imperitiam, tandem voti sui compos redditur.

10. Ab Oceano in Arabitarum, Gedrosiorum & Indorum regiones revertitur: ubi cum fame & pestilentia luctatur exercitus. deinde liberatur, planeque restituitur. Unde sequutus est profusus bacechantium lusus, supplicio Aspastis Satrapis cruentatus.

Alexander

**A**lexander tam memorabili victoria lætus, qua sibi Orientis fines apertos esse censebat, Soli victimis cæsis, milites quoque, quo promptioribus animis reliqua belli munia obirent, pro concione laudatos docuit quicquid Indis virium fuisset, illa dimicatione prostratum: ceteram opimam prædam fore, celebratasque opes in ea regione eminere, quam peterent. Proinde jam vilia & obsoleta esse spolia de Persis: gemmis, margaritisque, & auro atque ebore Macedoniam Græciamque, non suas tantum domos, repleturum. Avidi milites & pecuniæ & gloriæ, simul quia nunquam affirmatio ejus sefellerat eos, pollicentur operam: dimissisque cum bona spe, navigia ædificari jubet, ut cum totam Asiam percurrissent, finem terrarum mare inviseret. Multa materia navalis in proximis montibus erat, quam cedere aggressi, magnitudinis inusitatæ reperere serpentes. Rhinocerotes quoque, rarum alibi animal, in iisdem montibus erant. Ceterum hoc nomen belluis eis inditum à Græcis, sermonis ejus ignari aliud lingua sua usurpant. Rex duabus urbibus conditis in utraque fluminis, quod superaverat, ripa, copiarum duces coronis & mille aureis singulos donat. Ceteris quoque pro portione aut gradu, quem in militia obtinebant, aut navatæ operæ, honos habitus est. Abisæres, qui prius, quam cum Poro dimicaretur, legatos ad Alexandrum miserat, rursus alios milit, pollicentes omnia facturum quæ imperasset, modo ne cogeretur corpus suum dedere. Neque enim aut sine regio imperio victurum, aut regnaturum esse captivum. Cui Alexander nunciari iussit, si gravaretur ad se venire, ipsum ad eum esse venturum. Hinc Poro, anneque superato, ad interiora Indiæ processit. Sylvæ erant prope in immensum spatium diffusæ, procerisque & in eximiam altitudinem editis arboribus umbrosæ. Plerique rami instar ingentium stipitum flexi in humum, rursus, qua se curvaverant, erigebantur, adeo ut species esset non rami resurgentis, sed arboris ex sua radice generatæ. Cœli temperies salubris: quippe & vim solis umbræ levant, & aquæ largæ manant

manant è fontibus. Ceterum hic quoque serpensium magna vis erat, squamis fulgorem auri reddentibus. Virus haud ullum magis noxium est: quippe morsum præsens mors sequebatur, donec ab incolis remedium oblatum est. Hinc per deserta ventum est ad flumen Hydraoten. Junctum erat flumini nemus opacum arboribus alibi inusitatis, agrestiumque pavonum multitudine frequens. Castris inde motis, oppidum haud procul positum corona capit, obsidibusque acceptis, stipendium imponit. Ad magnam deinde (ut in ea regione) urbem pervenit; non muro solum, sed etiam pakide munitam. Ceterum Barbari vehiculis inter se junctis dimicaturi occurrerunt. Aliis tela, aliis hastæ, aliis secures erant: transiliebantque in vehicula strenuo saltu, cum succurrere laborantibus suis vellent. Ac primo insolitum genus pugnae Macedonas terruit, cum eminus vulnerarentur. Deinde spreto tam incondito agmine, ab utroque latere vehiculis circumfusi, repugnantés fodere cœperunt. Et vincula, quæ conferta erant, jussit incidi, quo facilius singula circumvenirentur. Itaque octingentis suorum amissis, in oppidum refugerunt. Postero die scalis undique admotis, muri occupantur. Paucis pernitas cluti fuit: qui cognito urbis excidio, paludem transire, & in vicina oppida ingentem intulere terrorem; invictum exercitum, & Deorum profecto, advenisse, memorantes. Alexander ad vastandam eam regionem, Perdicca cum expedita manu missa, partem copiarum Eumeni tradit, ut is quoque Barbaros ad deditionem compelleret. Ipse ceteros ad urbem validam, in quam aliarum quoque confugerant incolæ, induxit. Oppidani, missis qui regem deprecarentur, nihilominus bellum parabant: quippe orta seditio in diversa consilia diduxerat vulgum. Alii omnia deditione potiora: quidam nullam opem in ipsis esse ducebant. Sed dum nihil in commune consilium, qui deditioni imminebant, apertis portis hostem recipiunt. Alexander, quanquam belli auctoribus jure poterat irasci, tamen omnibus venia data, & obsidibus acceptis, ad proximam deinde urbem castra movit.

vit.



vit. Obsides ducebantur ante agmen : quos cum è muris agnovissent, utpote gentis ejusdem, in colloquium convocaverunt. Illi clementiam Regis simulque vim commemorando, ad deditionem eos compulere : ceterasque urbes simili modo deditas in fidem accepit. Hinc in Regnum Sophitis perventum est. Gens, ut Barbari, sapientia excellit, bonisque moribus regitur. Genitos liberos non parentum arbitrio tollunt aluntque : sed eorum, quibus spectandi infantium habitum cura mandata est. Si quos segnes aut aliqua membrorum parte inutiles notaverunt, necari jubent. Nuptiis coeunt, non genere ac nobilitate conjunctis, sed electa corporum specie : quia eadem aestimatur in liberis. Hujus gentis oppidum, cui Alexander admovent copias, ab ipso Sophite obtinebatur. Clausæ erant portæ, sed nulli in muris turribusque se armati ostendebant : dubitabantque Macedones, deseruissentne urbem incolæ, an fraude se occulerent : cum subito patefacta porta, Rex Indus cum duobus adultis filiis occurrit, multum inter omnes Barbaros eminens corporis specie. Vestis erat auro purpuraque distincta, quæ etiam crura velabat. Auris soleis insuerat gemmas. Lacerti quoque & brachia margaritis ornata erant. Pendebant ex auribus insignes candore & magnitudine lapilli. Baculum aureum berylli distinguebant. Quo tradito, precatus ut sospes acciperet, se liberosque, & gentem suam deditit. Nobiles ad venandum canes in ea regione sunt. Latratu abstinere dicuntur, cum videre feram ; leonibus maxime infesti. Horum vim ut ostenderet Alexandro, in conspectu leonem eximie magnitudinis jussit emitti, & quatuor omnino admoventi canes, qui celeriter occupaverunt feram : cum ex iis qui assueverant talibus ministeriis unus, canis leoni cum aliis inhaerentis crus avellere, & quia non sequebatur, ferro amputare cepit. nec sic quidem pertinacia victa, rursus aliam partem secare institit, & inde non segnius inhaerentem, ferro subinde cadebat. Ille in vulnere feræ dentes moribundus quoque infixerat. Tantam in illis animilibus ad venandum cupiditatem in-

generasse naturam memoriae proditum est. Equidem plura transcribo, quam credo. Nam nec affirmare sustineo, de quibus dubito: nec subducere, quae accipi. Relicto igitur Sophite in suo regno, ad fluvium Hypasin processit, Hephæstione, qui diversam regionem subegerat, conjuncto. Phegelas erat gentis proximæ Rex; qui popularibus suis colere agros (ut assueverant) iussis, Alexandro cum donis occurrit, nihil quod imperaret detrectans, biduum apud eum substitit.

2. Rex tertio die annem superare decreverat transitu difficilem, non spatio solum aquarum, sed etiam saxi impeditum. Percontatus igitur Phegelam, quae noscenda erant, undecim dierum ultra flumen per vastas solitudines ites esse cognoscit: excipere deinde Gangem maximum totius Indiae fluminum. Ulteriore ripam colere gentes Gangaridas & Pharrasios, eorumque Regem esse Aggrammen, viginti millibus equitum, ducentisque peditum, obsidentem vias. Ad hæc quadrigarum duo millia trahere, & præcipuum terrorem elephantos, quos trium millium numerum explere dicebat. Incredibilia Regi omnia videbantur. Igitur Pori (nam cum eo erat) percunctatur, an vera essent, quae dicerentur. Ille vires quidem gentis & regni haud falsò jactari affirmat. Ceterum qui regnaret, non modo ignobilem esse, sed etiam ultimæ sortis: quippe patrem ejus tonsorem vix diurno questu propulsantem famem, propter habitum haud indecorum cordi fuisse Reginae. Ab ea in propiorem ejus, qui tum regnasset, amicitiae locum adnotum, interfecto eo per insidias, sub specie tutelæ liberum, ejus invasisse regnum, necatisque pueris, hunc qui nunc regnat, generasse, invisum vilemque popularibus, magis paternæ fortunæ quam suæ memorem. Assertio Pori multiplicem animo Regis injecerat curam: hostem belluasque spernebat, situm locorum & vim fluminum extimescebat. Relegatos in ultimum pene rerum humanarum persequi terminum, & eruere, arduum videbatur. Rursus avaritia gloriæ, & insatiabilis

bilis cupido famæ, nihil invium, nihil remotum videri sinebat. Et interdum dubitabat, an Macedones torrensi spatia terrarum, in acie, & in castris senes facti, per objecta flumina, per tot naturæ obstantes difficultates, secuturi essent. Abundantes onustosque præda, magis parta furi velle, quam acquirenda fatigari. Non idem sibi, & militibus, animi esse. Se totius orbis imperium mente complexum, adhuc in operum suorum primordio stare. Militem labore defatigatum, proximum quemque fructum, finito tandem periculo, expectare. Vicit ergo cupido rationem, & ad concionem vocatis militibus, ad hunc maxime modum disseruit: Non ignoro, milites, multa, quæ terrere vos possent, ab incolis Indiæ per hos dies, de industria esse jactata. Sed non est improvisa nobis mentientium vanitas. Sic Ciliciæ fauces, sic Mesopotamiæ campos, Tigrim & Euphratem, quorum alterum vado transivimus, alterum ponte, terribilem fecerant Persæ. Nunquam ad liquidum fama perducitur: omnia, illa tradente, majora sunt vero. Nostra quoque gloria cum sit ex solido, plus tamen habet nominis quam operis. Modo quis belluas offerentes mœnium speciem, quis Hydaspen amnem, quis cetera auditu majora quam vero, sustinere posse credebatur? Olim hercule fugissemus ex Asia, si nos fabulæ debellare potuissemus. Creditisne elephantorum greges majores esse quam usquam armentorum sunt? cum & rarum sit animas nec facile capiatur, multoque difficilius mitigetur. Atqui eadem vanitas copias peditum equitumque numeravit. Nam flumen quo latius fuit, hoc placidius stagnat; quippe angustis ripis coercita, & in angustiore alveum elisa, torrentes aquas invehunt: contra spatium alvei segnior cursus est. Præterea in ripa omne periculum est, ubi applicantes navigia hostis expectat. Ita quantumcunque flumen intervenit, idem futurum discrimen est evadentium in terram. Sed omnia ista vera esse fingamus. Utrumne vos magnitudo belluarum, an multitudo hostium terret? Quod pertinet ad elephantos, præsens habemus exemplum: in suos ve-

hærentius, quam in nos incurrerent. Tam vasta corpora securibus falcibusque mutilata sunt. Quid autem interest, totidem sint, quot Porus habuit, an tria millia, cum, uno aut altero vulneratis, ceteros in fugam declinare videamus? Deinde paucos quoque incommodè regunt: congregata vero tot millia ipsi se elidunt, ubi nec stare nec fugere poterint inhabiles vastorum corporum moles. Equidem sic animalia ista contempsi, ut, cum haberem, ipse non opproberim: satis gnarus, plus suis quam hostibus periculi inferre. At enim equitum peditumque multitudo vos commoveret. Cum pueris enim pugnare feliti estis, & nunc primum inconditam sustinebitis turbam! Testis adversus multitudinem invicti Macedonum roboris Granicus amnis, & Cilicia inundata cruore Persarum, & Arbella, cujus campi devictorum à nobis ossibus strati sunt. Sero hostium legiones numerare cepistis, posteaquam solitudinem in Asia vincendo fecistis. Cum per Hellepontum navigaremus, de paucitate nostra cogitandum fuit. Nunc nos Scythæ sequuntur, Bactriana auxilia præsto sunt. Dahæ, Sogdianique inter nos militant. Nec tamen illi turbæ confido. Vestras manus intueor; vestram virtutem, rerum, quas gesturus sum, vadem prædemque habeo. Quamdiu vobiscum in acie stabo, nec meos nec hostium exercitus numeravero. Vos modo animos mihi plenos alacritatis ac fiduciæ adhibere. Non in limine operum laborumque nostrorum, sed in exitu stamus. Pervenimus ad Solis ortum, & Oceanum; nisi obstat ignavia, inde victores, perdomito sine terrarum, revertemur in patriam. Nolite (quod pigri agricolæ faciunt) maturos fructus per inertiam amittere è manibus. Majora sunt periculis præmia, dives eadem & imbellis est regio. Itaque non tam ad gloriam vos duco quam ad prædam. Dignis estis, qui opes, quas illud mare litoribus invehit, referatis in patriam. Digni, qui nihil inexpertum, nihil metu omissum relinquantis. Per vos gloriamque vestram, quam humanum fastigium exceditis; perque & mea in vos, & in me vestra merita, quibus invicti contendimus, oro, quæstioque,

quæsoque, ne humanarum rerum terminos adcurrentem, alumnum commilitonemque vestrum, ne dicam Regem, deseratis. Ceteri vobis imperavi, hoc unum debiturus sum. Et is vos rogo, qui nihil unquam vobis præcepi, quin primus me periculis obrulerim; qui sæpe aciem clypeo meo texi; ne infringeretis in manibus meis palmam, quæ Herculem, Liberumque patrem, si invidia abfuerit, æquabo. Date hoc precibus meis, & tandem obstinatum silentium rumpite. Ubi est ille clamor, alacritatis vestræ index? Ubi est ille meorum Macedonum vultus? Non agnosco vos, milites, nec agnosci videor à vobis. Surdas jamdudum aures pulso. Aversos animos & infractos excitare conor. Cumque illi in terram demissis capitibus tacere perseverarent; Nescio quid, inquit, imprudens in vos deliqui, quod me ne intueri quidem vultis. In solitudine mihi videor esse. Nemo responder, nemo silentem negat quos alloquor. Quid autem postulo? vestram gloriam & magnitudinem vindicamus. Ubi sunt illi, quorum certamen paulo ante vidi contendentium, qui potissimum vulnerati Regis corpus exciperent? Desertus, destitutus sum, hostibus deditus. Sed solus quoque ire perseverabo. Objicite me fluminibus & belluis, & illis gentibus, quarum nomina horretis. Inveniam qui desertum à vobis sequantur. Scythæ Persæque erunt mecum, hostes paulo ante, nunc milites nostri. Moti præstat, quam precario Imperatorem esse. Ite reduces domos, ite deserto Rege ovariantes. Ego hic à vobis desperatæ victoriæ, aut honestæ morti, locum inveniam.

3. Nec sic quidem ulli militum vox exprimi potuit. Expectabant ut duces principesque ad Regem perferrent, vulneribus & continuo labore militiæ fatigatos non detrectare munus, sed sustinere non possent. Ceterum illi metu attoniti in terram ora delexerant. Igitur primo fremitus sua sponte, deinde gemitus quoque oritur, paulatimque liberius dolor erigi capit, manantibus lacrymis, adeo ut Rex, ira in misericordiam veritus, ne ipse quidem, quamquam cuperet, temperare occu-

lis potuerit. Tandem universa concione effusus fletu, Cœnus ausus est, cunctantibus ceteris, propius tribunal accedere, significans, se loqui velle. Quem ut videre milites detrahentem galeam capiti (ita enim Regem alloqui mos est,) hortari coeperunt, ut causam exercitus ageret. Tum Cœnus: Dii prohibeant, inquit, à nobis impias mentes, & profecto prohibent. Idem animus est tuis qui fuit semper, ire quo iusseris, pugnare, periclitari, sanguine nostro commendare posteritati tuum nomen. Proinde si perseveras, inermes quoque, & nudi, & exangues, utcumque tibi cordi est, sequimur, vel anteceditur. Sed si audire vis non fictas tuorum militum voces, rerum necessitate ultima expressas, præbe, quæso, propitias aures, imperium atque auspiciū tuum constantissime secutis: & quocumque pergis, secuturis. Vicisti, Rex magnitudine rerum non hostes modo, sed etiam milites. Quidquid mortalitas capere poterat, implevimus. Emenis maria terrasque, melius nobis, quam incolis, omnia nota sunt. Pene in ultimo mundi fine consistimus: in alium orbem paras ire, & Indiam quæris, Indis quoque ignotam. Inter feras serpentesque degentes eruiere ex latebris & cubilibus suis expetis, ut plura quam sol videt, victoria lustres. Digna prorsus cogitatio animo tuo, sed altior nostro. Virtus enim tua semper in incremento erit, nostra vis in fine jam est. Intuere corpora exanguia, tot perfossa vulneribus, tot cicatricibus putria. Jam tela hebetia sunt, jam arma deficient. Vestem Persicam induimus, quia domestica subvehi non potest. In externum degeneravimus cultum. Quoto cuique lorica est? quis equum habet? Jube quæri, quam multos servi ipsorum persecuti sunt, quid cuique supersit ex præda. Omnium victores, omniam inopes sumus. Nec luxuria laboramus, sed bello. Instrumenta belli consumpsimus. Hunc tu pulcherrimum exercitum nudum objicies belluis? Quorum ut multitudinem augeant de industria Barbari: magnum tamen esse numerum, etiam ex mendacio intelligo. Quod si adhuc penetrare in Indiam certum est,

est, regio à Meridie minus vasta est. Qua subacta, licebit decurrere in illud mare, quod rebus humanis terminum voluit esse natura. Cur circuitu petis gloriam, quæ ad manum posita est? Hic quoque occurrit Oceanus. Nisi mavis errare, pervenimus, quo tua fortuna ducit. Hæc tecum, quam sine te cum his, loqui malui: non ut inirem circumstantis exercitus gratiam, sed ut vocem loquentium potius quam ut gemitum murmurantium audires. Ut finem orationi Cœnus imposuit, clamor undique cum plorata oritur, Regem patrem, dominum, confusus appellantium vocibus. Jamque & alii duces, præcipueque seniores, quæ ob ætatem & excusatio honestior erat, & auctoritas major, eadem precabantur. Ille nec castigare obstinatos, nec mitigare poterat iratos. Itaque inops consilii desilivit è tribunali, claudique regiam jussit, omnibus, præter assuetos, adire prohibitis. Biduum iræ datum est. tertio die processit: erigique duodecim aras ex quadrato saxo, monumentum expeditionis suæ; munimenta quoque castrorum jussit extendi, cubiliaque amplioris formæ quam pro corporum habitu, relinqui, ut speciem omnium augeret, posteritati fallax miraculum præparans. Hinc repetens quæ emensus erat, ad flumen Acefinem locat castra. Ibi forte Cœnus morbo extinctus est. cujus morte ingemuit Rex quidem; adjecit tamen, propter paucos dies longam orationem eum exorsum, tanquam solus Macedoniam visurus esset. Jam in aqua classi, quam ædificari jasserat, stabat. Inter hæc Memnon ex Thracia in supplementum equitum VI millia, præter eos ab Harpalo peditum septem millia adduxerat, armaque viginti quinque millia auro & argento cælata pertulerat: quæis distributis, vetera cremari jussit. Mille navigiis aditurus Oceanum, discordes & vetera odia retractantes Põrum & Taxilem Indiæ Reges, firmata per affinitatem gratiæ, reliquit in suis regnis, summo in ædificanda classe amborum studio usus. Oppida quoque duo condidit, quorum alterum Nicæam appellavit, alterum Bucephalon, equi, quem amiserat, memoriæ ac nomini dedi-

ens urbem. Elephantis deinde & impedimentis terra sequi iussis: secundo amne defluxit, quadriginta ferme stadia singulis diebus procedens, ut opportunis locis exponi subinde copiae possent.

4. Perwentum erat in regionem, in qua Hydaspes amnis Acesini committitur. Hinc decurrit in fines Sobiorum. Hi de exercitu Herculis majores suos esse commemorant: ægros relictos se, cepisse sedem, quam ipsi obtinebant. Pelles ferarum pro veste, clavæ pro telo erant. Multaque, etiam cum Græci mores exolevisissent, stirpis ostendebant vestigia. Hic exscensione facta, CCL stadia processit. Depopulatusque regionem, oppidum caput ejus corona cepit. XL peditum millia alia gens in ripa fluminum opposuerat; quæ, amne superato, in fugam compulit, inclusosque mœnibus expugnat. Puberes interfecti sunt, ceteri venierunt. Alteram deinde urbem expugnare adortus, magnaque vi defendentium pulsus, multos Macedonum amisit. Sed cum in obsidione perseverasset, oppidani desperata salute ignem subjecere tectis, se quoque, ac liberos conjugesque incendio cremant. Quod cum ipsi augerent, hostes extinguerent, nova forma pugnae erat. Delebant incolæ urbem, hostes defendebant: adeo etiam naturæ jura bellum in contrarium mutat. Arx erat oppidi intacta, in qua præsidium reliquit. Ipse navigio circumvectus est arcem: quippe tria flumina, tota India præter Gangem maxima, munimento arcis applicant undas. A Septentrione Indus alluit, à Meridie Acesines Hydaspem confunditur. Ceterum amnium coitus maritimis similes fluctus movet, multoque ac turbido limo, quod aquarum concursu subinde turbatur, iter qua meant navigia, in tenuem alveum cogitur. Ipsæque cum crebri fluctus se inveherent, & navium hinc proras, hinc latera pulsarent, subducere nautæ coeperunt. Sed ministeria eorum hinc metu, hinc prærapida celeritate fluminum occupantur. In oculis duo majora omnium navigia submersa sunt: leviora, cum & ipsa nequirent regi, in ripam tamen innoxia expulsi sunt. Ipse Rex in rapidis



pidissimos vortices incidit, quibus intorta navis obliqua, & gubernaculi impatiens, agebatur. Jam vestem detraxerat corpori, projecturus semet in flumen, amicique ut exciperent eum, haud procul nabant; apparebatque anceps periculum, tam nataturi, quam navigare perseverantis. Ergo ingenti certamine concitant remos, quantaque vis humana esse poterat, admota est, ut fluctus, qui se invehebant, everberarentur. Fin-di crederes undas, & retro gurgites cedere. Quibus tandem navis erepta, non tamen ripæ applicabatur, sed in proximum vadum illiditur. Cum amne bellum fuisse crederes. Ergo aris pro numero fluminum posit-  
tis, sacrificioque facto, triginta stadia processit. Inde ventum est in regionem Oxydracarum Mallorumque, quos alias bellare inter se solitos, tunc periculi societas junxerat. Novem millia juniorum peditum in armis erant, præter hos equitum decem millia, nongentæque quadrigæ. At Macedones, qui omni discrimine jam defunctos se esse crediderant, posteaquam integrum bellum cum ferocissimis Indiæ gentibus superesse cognoverunt, improvise metu territi, rursus seditionis vocibus Regem increpare cœperunt. Gangem amnem, & quæ ultra essent, coactos transmittere, non tamen finisse, sed mutasse bellum: indomitis gentibus se objectos, ut sanguine suo aperirent ei Oceanum. Trahi extra sidera, & solem, cogique adire quæ mortalium oculis natura subduxerat. Novis identidem armis novos hostes exittere. Quos ut omnes fundant fugentque, quod præmium ipsos manere? caliginem ac tenebras, & perpetuam noctem profundo incubantem, repletum immanium belluarum gregibus fretum, immobiles undas, in quibus emoriens natura defecerit. Rex non suus, sed militum sollicitudine anxius, concione advocata docet, imbelles esse, quos metuant. Nihil deinde præter has gentes obstare, quo minus terrarum spatia emens, ad finem simul mundi laborumque perveniant. Cessisse illis metuentibus Gangem, & multitudinem nationum, quæ ultra amnem essent, declinasse iter eo, ubi par gloria, minus periculum est.

set. Jam prospicere se Oceanum : jam perflare ad ipsos auram maris : ne inviderent sibi laudem quam peteret. Herculis & Liberi patris terminos transituros illos. Regi suo parvo impendio immortalitatem famæ dâ-turos. Parerentur se ex India redire : non fugere. Omnis multitudo, & maxime militaris, mobili imperu fertur. Ita seditionis non remedia, quam principia, majora sunt. Non alias tam alacer clamor ab exercitu est redditus : jubentium duceret Diis secundis, & æquaret gloria quos æmularetur. Lætus his acclamationibus ad hostes protinus castra movit. Validissimæ Indorum gentes erant, & bellum impigre parabant, duceſque ex natione Oxydracorum spectatæ virtutis elegerant, qui sub radicibus montis castra posuit, lateque ignes, ut speciem multitudinis augeret, ostendit ; clamore quoque, ac sui moris ululatu identidem acquiescentes Macedonas frustra terrere conatus. Jam lux appeteſbat, cum Rex fiduciæ ac spei plenus, alacres milites arma capere, & exire in aciem jubet. Sed metum an seditione oborta inter ipsos, subito profugerunt Barbari. Certe avios montes & impeditos occupaverant. Quorum agmen Rex frustra persecutus, impedimenta cepit. Perventum deinde est ad oppidum Oxydracorum, in quod plerique confugerant, haud majore fiducia mœnium, quam armorum. Jam admovebat Rex, cum vates monere eum cœpit, ne committeret, aut certe differret obsidionem : vitæ ejus periculum ostendi. Rex Demophoonta (is namque vates erat) intuens, Si quis, inquit, te arti tuæ intentum & exta spectantem sic interpellet, non dubitem quin incommodus ac molestus videri tibi possit. Et cum ille ita prorsus futurum respondisset : Censesne, inquit, tantas res, non pecudum fibras, ante oculos haberi, nullum esse majus impedimentum, quam vatem superstitione caprum ? Nec diutius quam respondit moratus admoſeri jubet scâlas : cunctantibusque ceteris, evadit in murum. Angusta muri corona erat. Non pin-næ, sicut alibi, fastigium ejus distinxerant, sed perpetua lorica obducta transfusa seſerat. Itaque Rex hærebatur.

rebat magis quam stabat in margine, clypeo undique incidentia tela propulsans. Nam undique eminens ex turribus petebatur. Nec subire milites poterant, quia superne vi telorum obruebantur. Tandem magnitudinem periculi pudor vicit: quippe cernebant cunctatione sua dedi hostibus Regem. Sed festinando morabantur auxilia. Nam dum pro se quisque certat evadere, oneravere scalas: queis non sufficientibus, devoluti, unicam spem Regis sefellerunt. Stabat enim in conspectu tanti exercitus, velut in solitudine destitutus.

5. Jamque lavam, qua clypeum ad ictus circumferbat, lassaverat, clamantibus amicis, ut ad ipsos defiliret, stabantque excepturi: cum ille rem ausus incredibilem atque inauditam, multoque magis ad famam temeritatis quam gloriæ insignem. Namque in urbem hostium plenam præcipiti saltu semet ipse immisit, cum vix sperare posset, dimicantem certe & non inultum esse moriturum. quippe antequam assurgeret, opprimi poterat, & capi vivus: sed forte ita libraverat corpus, ut se pedibus exciperet. Itaque stans init pugnam, & ne circui possit, fortuna providerat. Vetus arbor haud procul muro ramos multa fronde vestitos, velut de industria Regem protegentes, objecerat. Hujus spatioso stipiti corpus, ne circui possit, applicuit, clypeo tela, quæ ex adverso ingerebantur, excipiens. Nam cum unum procul tot manus peterent, nemo tamen audebat propius accedere. Missilia ramis plura quam clypeo incidebant. Pugnat pro Rege primum celebrati nominis fama, deinde desperatio, magnum ad honeste moriendum incitamentum: Sed cum subinde hostis afflueret, jam ingentem vim telorum exceperat clipeo, jam galeam fixa perfrigerant, jam continuo labore gravia genua succiderant. Itaque contemptum & incaute, qui proximi steterant, incurrerunt: à quibus duos gladio ita excepit, ut ante ipsum exanimis procumberent. Nec cuiquam deinde propius incessendi eum animus fuit. procul jacula sigittæque mittebant. Ille ad omnes ictus expositus, ægre jam exceptum poplitibus corpus tuebatur, donec Indus

Indus duorum cubitorum sagittam (namque Indis, ut ante diximus, hujus magnitudinis sagittæ erant) ita excussit, ut per thoracem paulum super latus dexterum infigeretur. Quo vulnere affictus, magna vi sanguinis emicante, remisit arma moribundo similis, adeoque resolutus, ut ne ad vellendum quidem telum sufficeret dextra. Itaque ad exspoliandum corpus qui vulneraverat, alacer gaudio accurrit. Quem ut injicere corpori suo manus sensit, credo ultimi dedecoris indignitate commotus, linquentem revocavit animuni, & nudum hostis latus subiecto mucrone hausit. Jacebant circa Regem tria corpora, procul stupentibus ceteris. Ille, ut, antequam ultimus spiritus deficeret, dominicans jam exstingueretur, clypeo se allevare conatus est: & posteaquam ad conitterendum nihil supererat virium, dextra impendentes ramos complexus, tentabat assurgente. Sed ne sic quidem potens corporis, rursus in genua procumbit, manu provocans hostes, si quis congrédi auderet. Tandem Peucestes per aliam oppidi partem, deturbatis propugnatoribus, muri vestigia persequens, Regi supervenit. Quo conspecto, Alexander jam non vitæ siccæ, sed mortis solatium supervenisse ratus, clypeo fatigatum corpus excepit. Subit inde Timæus, & paulo post Leonatus: huic Aristonius supervenit. Indi quoque cum intra moenia Regem esse comperissent, omisissis ceteris illuc concurrerunt, urgebantque protegentis. Ex quibus Timæus multis adverso corpore vulneribus acceptis egregiaque edita pugna cecidit. Peucestes quoque tribus jaculis confossus, non se tamen scuto, sed Regem tuebatur. Leonatus dum avidè ruentes Barbaros subinover, cervice graviter ita semianimis procubuit ante Regis pedes. Jam & Peucestes vulneribus fatigatus submiserat clypeum. In Aristono spes ultima hærebat. Hic quoque graviter saucius, tantam vim hostium ultra sustinere non poterat. Inter hæc ad Mæcedonas, Regem cecidisse, fama perlata est. Terruisset alios, quod illos incitavit. Namque periculi omnis immemores, dolbris perfregere murum, & qua moliti erant aditum irruere

re in urbem, Indosque plures fugientes, quam congregi ausos, ceciderunt. Non senibus, non feminis, non infantibus parcitur. Quisquis occurrerat, ab illo vulneratum Regem esse credebant. Tandemque internecione hostium iustæ iræ parentatum est. Ptolemæum, qui postea regnavit, huic pugnae affuisse, auctor est Clitarchus, & Timagenes. Sed ipse scilicet gloriæ suæ non refragatus, abfuisse se missum in expeditionem, memoriæ tradidit. Tanta componentium vetusta rerum monumenta vel securitas, vel, par huic vitium, credulitas fuit. Rege in tabernaculum relato, medici lignum hastæ corpori infixum, ita ne spiculum moveretur, abscindunt. Corpore deinde nudato animadvertunt hamos ineffe telo, nec aliter id sine perniciæ corporis extrahi posse, quam ut secando vulnus augerent. Ceterum; ne secantes profluvium sanguinis occuparet, verebantur: quippe ingens telum adactum erat, & penetrasse in viscera videbatur. Critobulus inter medicos artis eximiæ, sed in tanto periculo territus, manus admoveere metuebat, ne in ipsius caput parum prosperæ curationis recideret eventus. Lacrymantem eum, ac metuentem, & sollicitudine prope modum exanguem Rex conspexerat. Quid, inquit, quodve tempus expectas, & non quamprimum hoc dolore me solum moriturum liberas? An times, ne reus sis, cum insanabile vulnus acceperim? At Critobulus tandem vel finito vel dissimulato metu hortari eum capit, ut se continendum præberet, dum spiculum evelleret. Etiam levem corporis motum noxium fore. Rex, cum affirmasset nihil opus esse iis qui se met continerent, sicut præceptum erat, sine motu præbuit corpus. Igitur patefacto latius vulnere, & spiculo evulso, ingens vis sanguinis manare capit, linquique animo Rex, & caligine oculis offusus, veluti moribundus extenditur. Cumque profluvium medicamenta frustra inhiberent, clamor simul atque ploratus amicorum oritur, Regem expirasse credentium. Tandem constitit sanguis, paulatimque animum recepit, & circumstantes capit agnoscere. Toto eo die ac nocte, quæ  
secuta

secuta est, armatus exercitus regiam obsedit, confessus omnes unius spiritu vivere. Nec prius recesserunt, quam compertum est, somno paulisper acquiescere. Hinc certiores spem salutis ejus in castra retulerunt.

6. Rex, septem diebus curato vulnere, necdum obducta cicatrice, cum audisset convaluisse apud Barbaros famam mortis suæ, duobus navigiis junctis statim in medium undique conspicuum tabernaculum jussit, ex quo se ostenderet periisse credentibus: conspectusque ab incolis, spem hostium falso nuncio conceptam inhibuit. Secundo deinde amne defluxit, aliquantum intervalli à cetera classe præcipiens, ne quies corpori invalido adhuc necessaria, pulsû remorum impediretur. Quarto posteaquam navigare coeperat die, pervenit in regionem, desertam quidem ab incolis, sed frumento & pecoribus abundantem. Placuit is locus, & ad suam, & ad militum requiem. Mos erat principibus amicorum & custodibus corporis, excubare ante Prætorium, quoties Regi adversa valetudo incidisset. Hoc tum more quoque servato, universi cubiculum ejus intrant. Ille sollicitus ne quid novi afferrent, quia simul venerant, percontatur, num hostium recens nunciaretur adventus. At Craterus, cui mandatum erat, ut amicorum preces preferret ad eum: Credisne, inquit, adventu magis hostium, ut jam in vallo consistere, quam cura salutis tuæ, ut nunc est tibi vilis, nos esse sollicitos? Quantalibet vis omnium gentium conspiret in nos, impleat armis virisque totum orbem, clisibus maria consternat, inusitatas belluas inducat, tu nos præstabis invictos. Sed quis Deorum hoc Macedoniæ columen ac sidus diuturnum fore polliceri potest? cum tam avide manifestis periculis offeras corpus, oblitus, tot civium animas trahere te in casum? Quis enim tibi superstes aut optat esse, aut potest? Eo pervenimus, auspiciū atque imperiū securi tuum, unde, nisi te reduce, nulli ad penates suos iter est. Qui si adhuc de Persidis regno cum Dario dimicares, et si nemo vellet, tamen ne admirari quidem posset tam promptæ

promptæ esse te ad omne discrimen audaciæ. Nam ubi paria sunt periculum ac præmium, & secundis rebus amplior fructus est, & adversis solatium majus. Tuo vero capite ignobilem vicum emi quis ferat, non tuorum modo militum, sed ullius etiam gentis harbaræ, qui tuam magnitudinem novit? Horret animus cogitatione rei, quam paulo ante vidimus. Eloqui timeo, invicti corporis spoliis inertissimos manus fuisse injecturos, nisi te interceptum misericors in nos fortuna servasset. Totidem proditores, totidem desertores sumus, quod te non potuimus persequi. Universos licet milites ignominia notes, nemo recusabit luere id, quod ne amitteret, præstare non potuit. Patere, nos, queso, alio modo esse viles tibi. Quocunque jusseris, ibimus: obscura bella, & ignobiles pugnas nobis deposcimus. Temet ipsum ad ea serva quæ magnitudinem tuam capiunt. Cito gloria obsolescit in sordidis hostibus. Nec quidquam indignius est, quam consumi eam, ubi non possit ostendi. Eadem fere Ptolemæus, & similia iis cæteri. Jamque consulis vocibus flentes eum orabant, ut tandem exsatiatæ laudi modum faceret, ac salutis suæ, id est, publicæ, parceret. Grata erat Regi pietas amicorum. Itaque singulos familiarius amplexus confidere jubet, aliusque sermone repetito: Vobis quidem, inquit, ô fidissimi, piissimique civium, atque amicorum, grates ago, habeoque, non solum eo nomine, quod hodie salutem meam vestræ præponitis, sed quod à primordiis belli nullum erga me benevolentis pignus atque indicium omisistis: adeo ut confitendum sit, nunquam mihi vitæ meam fuisse tam caram: quam esse coepit, ut vobis diu frui possim. Ceterum non eadem est cogitatio eorum qui pro me mori optant, & mea; qui quidem hanc benevolentiam vestram virtute meruisse me judico. Vos enim diuturnum fructum ex me, forsitan etiam perpetuum, percipere, cupitis. Ego me metior non ætatis spatio, sed gloria. Licuit paternis opibus contento, intra Macedoniæ terminos per otium corporis expectare obscuram & ignobilem senectutem.

tem. Quanquam ne pigri quidem sibi fata disponunt, sed unicui bonum diuturnam vitam æstimantes sæpe acerba mors occupat. Verum ego, qui non annos meos sed victorias numero, si munera fortunæ bene computo, diu vixi. Orsus à Macedonia imperium, Græciam teneo: Thraciam, & Illyricos subegi: Triballis, Medisque imperito: Asiam, qua Hellesponto, qua Rubro mari alluitur, possideo. Jamque haud procul absum à fine mundi. Quem egressus, aliam naturam, alium orbem aperire mihi statui. Ex Asia in Europæ terminos momento unius horæ transivi. Victor utriusque regionis post nonum regni mei, post xxviii ætatis annum, videorne vobis in excolenda gloria, cui me uni devovi, posse cessare? Ego vero non deero, & ubicunque pugnabo, in theatro terrarum orbis esse me credam. Dabo nobilitatem ignobilibus locis. Aperium cunctis gentibus terras, quas natura longe submoverat. In his operibus extinguere mihi (si fors ita feret) pulcrum est. Ea stirpe sum genitus, ut multam prius quam longam vitam debeam oprare. Obsæcro vos, cogitare nos pervenisse in terras, quibus feminae ob virtutem celeberrimum nomen est. Quas urbes Semiramis condidit? quas gentes redegit in potestatem? quanta opera molita est? Nondum feminam æquavimus gloria, & jam nos laudis satiety cepit? Dii faveant, majora adhuc restant. Sed ita nostra erunt quæ nondum attigimus, si nihil parvum duxerimus in quo magnæ gloriæ locus est. Vos modo me ab intestina fraude, & domesticorum insidiis præstate securum. Belli martisque discrimen impavidus subibo. Philippus in acie tutior quam in theatro fuit. hostium manus sæpe vitavi, suorum effugere non valuit. Aliorum quoque Regum exitus si reputaveritis, plures à suis quam ab hoste interemptos numerabitis. Ceterum quoniam olim rei agitatz in animo meo, nunc promendæ occasio oblata est: mihi maximus laborum atque operum meorum erit fructus, si Olympias mater immortalitati consecratur, quodcumque excesserit vita. Hoc si licuerit, ipse præstabo. Si me præceperit fatum,



fatum, vobis mandasse mementote. Ac tum quidem amicos dimisit. Ceterum per complures dies ibi stativa habuit.

7. Hæc dum in India geruntur, Græci milites, nuper in colonias à Rege deducti Carabactra, orta inter ipsos seditione, defecerant, non tam Alexandro infensi, quam metu supplicii: quippe occisis quibusdam popularium, qui validiores erant, arma spectare cœperunt. Et Bactriana arce, quæ quasi negligentius asservata erat, occupata, Barbaros quoque in societatem defectionis impulerant. Athenodorus erat princeps eorum, qui Regis quoque nomen assumpserat, non tam imperii cupidine quam in patriam revertendi cum iis qui auctoritatem ipsius sequebantur. Huic Bicon quidam nationis ejusdem, sed ob æmulationem infestus, comparavit insidias, invitatumque ad epulas, per Boxum quendam Macerianum in convivio occidit. Postero die concione advocata, Bicon ultro insidiatum sibi Athenodorum plerisque persuaserat. Sed aliis suspecta fraus erat Biconis, & paulatim in plures cœpit manare suspicio. Itaque Græci milites arma capiunt, occisuri Biconem, si daretur occasio. Ceteri principes eorum iram multitudinis mitigaverunt. Præter spem suam Bicon præsentis periculo ereptus, paulo post insidiatus auctoribus salutis suæ est: cujus dolo cognito, & ipsum comprehenderunt, & Boxum. Ceterum Boxum protinus placuit interfici, Biconem etiam per cruciatum necari. Jamque corpori torpenta admovebantur, cum Græci milites, incertum ob quam causam, lymphatis similes ad arma discurrunt, quorum fremitu exaudito, qui torquere Biconem jusserant, omisere, veriti ne id facere tumultuantium vociferatione prohiberentur. Ille, sicut nudatus erat, pervenit ad Græcos & miserabilis facilis supplicio destinati in diversum animos repente mutavit, dimittingue eum jusserunt. Hoc modo poena bis liberatus, cum ceteris, qui colonias à Rege attributas reliquerunt, revertit in patriam. Hæc circa Bactra & Scytharum terminos gesta. Interim Regem duarum gentium (de quibus ante

ante dictum est) centum legati adeunt. Omnes curru vehebantur, eximia magnitudine corporum, decoro habitu, lineæ vestes intextæ auro, purpuraque distinctæ. Ei se dedere ipsos, urbes, agrosque referebant; per tot ætates inviolatam libertatem illius primum fidei ditionique permissuros. Deos sibi deditio-  
nis auctores, non metum: quippe intactis viribus jugum excipere. Rex consilio habito, deditos in fidem accepit, stipendio, quod Arachosii utraque natio pensitabat, imposito. Præterea duo millia & D equites imperati: & omnia obedienter à Barbaris facta. In-  
vitat is deinde ad epulas legatis gentium, regulisque, exornari convivium jussit. Centum aurei lecti modicis intervallis positi erant: lectos circumdederant aula, purpura auroque fulgentia. quidquid aut apud Persis vetere luxu, aut apud Macedonas nova immutatione corruptum erat, confusus utriusque gentis vitii in illo convivio ostendens. Intererat epulis Dioxippus Atheniensis, pulgil nobilis, & ob eximiam virtutem virium jam Regi pernotus & gratus. Invidi malignique increpabant per seria & ludum, saginati corporis sequi inutilem belluam, cum ipsi prælium inirent, oleo mandentem præparare ventrem epulis. Eidem igitur in convivio Hortatus Macedo jam remulentus exprobrare ei cœpit, & postulare, ut si vir esset, postero die secum ferro decerneret: Regem tandem vel de sua temeritate, vel de illius ignavia judicaturum. Et à Dioxippo contemptim militarem eludente ferociam, accepta conditio est. Ac postero die Rex, cum etiam acrius certamen exposcerent, quia deterrire non poterat, destinata exsequi passus est. Ingens hic militum, inter quos erant Græci, qui Dioxippo studebant, convenerat multitudo. Macedo iusta arma sumpserat; æreum clypeum, hastam, quam sarissam vocant, læva tenens: dextra lanceam: gladioque cinctus, velut cum pluribus simul dimicaturus. Dioxippus oleo nitens, & coronatus, læva puniceum amiculum, dextra validum nodosumque stipitem præferebat. Ea ipsa res omnium animos expectatione suspenderat: quippe

quippe armato congredi nudum, dementia, non temeritas videbatur. Igitur Macedo, haud dubius eminus interfici posse, lanceam emisit: quam Dioxippus cum exigua corporis declinatione vitasset, antequam ille hastam transferret in dextram, assiluit, & stipite mediam eam fregit. Amisso uterque telo, Macedo gladium coeperat stringere: quem occupatum complexu, pedibus repente subductis, Dioxippus arietavit in terram: ereptoque gladio, pedem super cervicem jacentis imposuit, stipitem intentans, eiisurusque eo victum, ni prohibitus esset à Rege. Tristis spectaculi eventus non Macedonibus modo sed etiam Alexandro fuit, maxime qui Barbari affuerant: quippe celebratam Macedonum fortitudinem ad ludibrium recidisse. Hinc ad criminationem invidorum adapertæ sunt aures Regis. Et post paucos dies inter epulas aureum poculum ex composito subducitur: ministrique quasi amisissent quod amoverant, Regem adeunt. Sæpe minus est constantiæ in rubore, quam in culpa. Conjectum oculorum, quibus ut fur destinabatur, Dioxippus ferre non potuit. Et cum excessisset convivio, literis conscriptis, quæ Regi redderentur, ferro se interemit. Graviter mortem ejus tulit Rex, existimans indignationis esse, non penitentiae testem, utique posteaquam falso infamulatum eum, nimium invidorum gaudium ostendit.

8. Indorum legati dimissi domos, paucis post diebus cum donis revertuntur. cec erant equi, MXXX currus, quos quadrijugi equi ducebant: Lineæ vestis aliquantum, mille scuta Indica, & ferri candidi talentum, leonesque raræ magnitudinis, & tigres; utrumque animal ad mansuetudinem domitum. Laceratarum quoque ingentium pelles, & dorsa testudinum. Cratero deinde imperat Rex, haud procul amne, per quem erat ipse navigaturus, copias duceret. Eos autem, qui comitari eum solebant, imponit in naves, & in fines Mallorum secundo amne devehitur. Inde Sabracas adiit, validam Indiæ gentem, quæ populi, non Regum imperio regebatur. Sex millia pedum

tum habebant, equitum octo millia: has copias cur-  
 rus D sequebantur. Tres duces spectatos virtute belli-  
 ca elegerant. At qui in agris erant proximi flumini  
 (frequentes autem vicos maxime in ripa habebant)  
 ut videre totum amnem, qua prospici poterat, navigiis  
 constratum, & tot militum arma fulgentia, territi no-  
 va facie, Deorum exercitum, & alium Liberum Pa-  
 trem, celebre in illis gentibus nomen, adventare cre-  
 debant. Hinc militum clamor, hinc remorum pulsus,  
 varizque nautarum voces hortantium, pavidas aures  
 impleverant. Ergo universi ad eos, qui in armis erant,  
 currunt, furere clamitantes, & cum Diis prælium in-  
 ituros. Navigia non posse numerari, quæ invictos ve-  
 herent. Tantumque in exercitum suorum intulere ter-  
 roris, ut legatos mitterent, gentem dedituros. His in  
 fidem acceptis, ad alias deinde gentes quarto die per-  
 venit. Nihilo plus animi his fuit, quam ceteris fue-  
 rat. Itaque oppido ibi condito, quod Alexandriam  
 appellari jussierat, fines eorum, qui Musicani appellan-  
 tur, intravit. Hic de Teriolte Sarrape, quem Parapa-  
 misidis præfecerat, iisdem arguentibus, cognovit: mul-  
 taque avare ac superbe fecisse convictum, interfici ius-  
 sit. Oxyatres Prætor Bactrianorum non absolutus mo-  
 do, sed etiam jure amplioris imperii donatus est. Fi-  
 nibus Musicanis deinde in ditionem reductis, urbi eo-  
 rum præsidium imposuit. Inde Præstos, & ipsam In-  
 diæ gentem perventum est. Oxycanus Rex erat, qui  
 se munitæ urbi cum magna manu popularium incluse-  
 rat. Hanc Alexander tertio die quam cæperat ob-  
 sidere, expugnavit. Et Oxycanus cum in arcem, con-  
 fugisset, legatos de conditione deditiois misit ad Re-  
 gem. Sed antequam adirent eum, duæ turres cum  
 ingenti frangore prociderant, per quarum ruinas Mace-  
 dones evasere in arcem: qua capta, Oxycanus cum  
 paucis repugnans occiditur. Diruta igitur arce, &  
 omnibus captivis venundatis, Sabi Regis fines ingres-  
 sus est. Multisque oppidis in fidem acceptis validissi-  
 mam gentis urbem cuniculo cepit. Barbaris simile  
 monstri visam est, rudibus militarium operum. quip-

pe in media ferme urbe è terra existerant, nullo suffossi specus ante vestigio facto. Octoginta millia Indorum in ea regione caesos Clitarchus est auctor, multosque captivos sub corona venisse. Rursus Musicari defecerunt, ad quos opprimendos missus est Pithon, qui captum principem gentis, eundemque defectionis auctorem, adduxit ad Regem. Quo Alexander in crucem sublato, rursus amnem, in quo classem expectare se iusserat, repetit. Quarto deinde die secundo amne pervenit ad oppidum qua iter in regnum erat Sabi. Nuper se ille dediderat, sed oppidani detrectabant imperium, & claustrant portas. Quorum paucitate contempta, Rex D Agrianos moenia subire iusserat, & sensim recedentes elicere extra muros hostem, securum profecto, si fugere eos crederet. Agriani (sicut imperatum erat) laessito hoste, subito, terga verterunt: quos Barbari effuse sequentes, in alios, inter quos ipse Rex erat, incidunt. Renovato ergo praelio, ex tribus millibus Barbarorum sexcenti caesi sunt, mille capti, ceteri moenibus urbis inclusi. Sed non ut prima specie laeta victoria, ita eventus quoque fuit: quippe Barbari veneno tinxerant gladios. Itaque faucii subinde exspirabant. Nec causa tam strenuae mortis excogitari poterat à medicis, cum etiam leves plagae insanabiles essent. Barbari autem speraverant, incautum & temerarium Regem excipi posse. & forte inter promptissimos dimicans, intactus evaserat. Praecipue Ptolemæus laevo humero leviter quidem saucius, sed majore periculo quam vulnere affectus, Regis sollicitudinem in se converterat. Sanguine conjunctus erat, & quidam Philippo genitum esse credebant, certe pellice ejus ortum constabat. Idem corporis custos, promptissimusque bellator, & pacis artibus quam militiae major & clarior, modico civilique cultu, liberalis imprimis adituque facilis, nihil ex fastu regio assumpsérat. Ob hæc Regi an popularibus carior esset dubitari poterat: tum certe primum expertus suorum animos, adeo ut fortunam, in quam postea ascendit, in illo periculo Macedones ominati esse videantur. Quippe

pe non levior illis Ptolemæ fuit cura, quam Regis, qui & prælio & sollicitudine fatigatus cum Ptolemæo affideret, lectum, in quo ipse acquiesceret, iussit inferri. In quem ut se recepit, protinus altior insecutus est somnus. Ex quo excitatus, per quietem vidisse se exponit speciem draconis oblatam herbam ferentis ore, quam veneni remedium esse monstrasset. Colorem quoque herbæ referebat, agniturum, si quis reperisset, affirmans; inventamque deinde, quippe à multis erat requisita, vulneri imposuit: protinusque dolore finito, intra breve spatium cicatrix quoque obducta est. Barbaros ut prima spes fefellerat, seipsos urbemque dediderunt. Hinc in proximam gentem Pathalyam perventum est. Rex erat Mæris, qui urbe deserta in montes profugerat. Itaque Alexander oppido potitur, agrosque populatur. Magnæ inde prædæ actæ sunt pecorum armentorumque, magna vis reperta frumenti. Ducibus deinde sumptis amnis peritis, defluxit ad insulam medio ferme alveo enatam.

9. Ibi diutius subsistere coactus, quia duces socordius asservati profugerant, misit qui conquirerent alios: nec repertis, pervicax cupido incessit visendi Oceanum, adeundique terminos mundi; sine regionis peritis flumini ignoto caput suum totque fortissimorum virorum salutem permittere. Navigabant ergo, omnium, per quæ ferebantur, ignari; quantum inde abesset mare, quæ gentes colerent, quam placidum amnis os, quam patiens longarum navium esset, anceps & cæca æstimatio augurabatur. Unum erat temeritatis solatium, perpetua felicitas. Jam cccc stadia processerant, cum gubernatores agnoscere ipsos auram maris, & haud procul videri sibi Oceanum abesse, indicant Regi. Lætus ille hortari nauticos cœpit, incumbere remis, adesse finem laboris omnibus votis expetitum. Jam nihil gloriæ deesse, nihil obstarè virtuti. Sine ullo Martis discrimine, sine sanguine orbem terræ ab illis capi. Nec naturam quidem longius posse procedere. Brevi incognita, nisi immortalibus, esse visuros. Paucos tamen navigio emisit in ripam, qui agrestes vi-

gos exciperent, è quibus certiora nosci posse sperabat. Illi scrutati omnia tuguria, tandem latentes reperere. Qui interrogati quam procul abesset mare, responderunt, nullum ipsos mare ne fama quidem accepisse. Ceterum tertio die perveniri posse ad aquam amaram, quæ corrumpere dulcem. Intellectum est mare destinari ab ignaris naturæ ejus. Itaque ingenti alacritate nautici remigant, & proximo quoque die, quo propius spes admovebatur, crescebat ardor animorum. Tertio jam die mixtum flumini subibat mare, leni adhuc æstu confundente dispares undas. Tum aliam insulam medio amni sitam eVecti paulo lenius, quia cursus æstu reverberabatur, applicant classem, & ad comneatus petendos discurrunt, securi c. sus ejus, qui supervenit ignaris. Tertia ferme hora erat, cum stata vice Oceanus exæstuans invehì cœpit, & retro flumen urgere. Quod primo coërcitum, deinde vehementius pulsùm, majore impetu adversum agebatur quam torrentia præcipiti alveo incurrunt. Ignota vulgo freti natura erat, monstraque, & iræ Deum indicia cernere videbantur. Identidem intumescens mare, & in campos paulo ante ficos descendere superfusum. Jamque levatis navigiis, & tota classe dispersa, qui expositi erant, undique ad naves trepidi & improvise malo attoniti recurrunt. Sed in tumultu festinatio quoque tarda est. Hi contis navigia appellebant, hi dum remos aptari prohibebant, considerant. Quidam enavigare properantes, sed non expectatis qui simul esse debebant, clauda & inhabilia navigia languide moliebantur. Aliæ navium inconsulte ruentes non receperant, pariterque & multitudo & paucitas festinantes morabatur. Clamor hinc expectare, hinc ire jubentem, dissonæque voces nusquam idem ac unum tendentium, nec oculorum modo usum, sed etiam aurium abstulerant. Ne in gubernatoribus quidem quidquam opis erat, quorum nec exaudiri vox à tumultuantibus poterat, nec imperium à territis incompotis servari. Ergo collidi inter se naves abstergerique invicem remi, & alii aliorum navigia urgere cœperunt. Crederes non unius exercitus

citus classē vehi, sed duorum navale inisse certamen. Incutiebantur puppibus proræ, premebantur à sequentibus, qui antecedentes turbaverant. Jurgantium ira perveniebat etiam ad manus. Jamque æstus totos circa flumen campos inundaverat, tumulis duntaxat eminentibus, velut insulis parvis, in quos plerique trepidi, omiſſis navigiis enare cœperunt. Dispersa classis partim in præalta aqua stabat, qua subfederant valles, partim in vado hærebat, utcunque inæquale terræ fastigium occupaverant undæ; cum subito novus & pristino major terror incutitur. Reciprocare cœpit mare, magno tractu aquis in suum fretum recurrentibus: reddebatque terras paulo ante profundo salo mergas. Igitur destituta navigia, alia præcipitantur in proras, alia in latera procumbunt. Strati erant campi sarcinis, armis, avulsarum tabularum remorumque fragmentis. Miles nec egredi in terram, nec in naves subsistere audebat, identidem præsentibus graviora quæ sequerentur expectans. Vix quæ perpetiebantur, videre ipsos credebant: in sicco naufragia, in amni mare, ne finis malorum. Quippe æstum paulo post mare relaturum, quo navigia allevarentur, ignari, famem & ultima sibi met ominabantur. Bellæ quoque fluctibus destituta, terribiles vagabantur. Jamque nox appetebat, & Regem quoque desperatio salutis, ægritudine affecerat. Non tamen invictum animum curæ obruunt, quin tota nocte præsideret in speculis, equitesque præmitteret ad os amnis, ut cum mare cursus exastuare sensissent, procederent. Navigia quoque lacerata refici, & eversa fluctibus erigi jubet, paratæque esse & intentos cum rursus mare terras inundasset. Tota ea nocte inter vigilias adhortationisque consumpta, celeriter equites ingenti cursu refugere, & secutus est æstus. Qui primo, aquis leni tractu subeuntibus, cœpit levare navigia: mox totis campis inurans, etiam impulit classē: plausisque militum nauticarumque, insperatam salutem immodico celebrantium gaudio, litoribus ripisque resonabat. Unde tantum redisset subito mare, quo pridie refugisset, quænam esset



esse ejusdem elementi natura, modo discors, modo imperio temporum obnoxia, mirabundi requirebant. Rex cum ex eo, quod acciderat, conjectaret, post solis ortum statum tempus esse, media nocte, ut aestum occuparet, cum paucis navigiis secundo amne defluxit: evectusque os ejus, ccc stadia processit in mare. tandem voti sui compos, praesidibusque maris & locorum Diis sacrificio facto, ad classem rediit.

10. Hinc aversum flumen subiit classis, & altero die appulsa est haud procul lacu silso, cujus ignota natura plerosque decepit temere ingressos aquam; quippe scabies corpora invasit: & contagium morbi etiam in alios vulgatum est. Oleum remedio fuit. Leonato deinde praemisso, ut puteos foderet, qua terrestri itinere ducturus exercitum videbatur (quippe sicca erat regio;) ipse cum copiis substitit, verum tempus expectans. Interim & urbes plerasque condidit. Nearchus atque Onesicrito, nauticae rei peritis, imperavit, ut validissimas navium deducerent in Oceanum, progressique quoad tuto possent, naturam maris noscerent: vel eodem amne, vel Euphrate subire eos posse, cum reverti ad se vellent. Jamque mitigata hyeme, & navibus, quae inutiles videbantur, crematis, terra ducebat exercitum. Nonis castris in regionem Arabitarum, inde totidem diebus in Gedrosiorum regionem perventum est. Liber hic populus, consilio habito, dedit se, nec quidquam deditis praeter commeatus imperatum est. Quinto hinc die venit ad flumen: Arabon incolae appellant. Regio deserta & aquarum inops excipit, quam emensus in Horritas transit. Ibi majorem exercitus partem Hephæstioni tradidit: levem armaturam cum Ptolemæo Leonatoque partitus est. Tria simul agmina populabantur Indos, magnaeque praedae actae sunt. Maritimos Ptolemæus, ceteros ipse Rex, & ab alia parte Leonatus urabant. In hac quoque regione urbem condidit, deductique sunt in eam Arachosii. Hinc pervenit ad maritimos Indos. desertam vastamque regionem late tenent, ac ne cum finitimis quidem ullo commercii jure miscantur. Ipsa

solitudo natura quoque immittit efferavit ingenia. Pro-  
minent unguis nunquam recit. Comæ hirsutæ, &  
intonfæ sunt. Tuguria conchis & ceteris purgamentis  
maris struunt. Ferarum pellibus tecti, piscibus sole  
duratis, & majorum quoque belluarum, quas fluctus  
ejicit, carne vescuntur. Consumptis igitur alimentis,  
Macedones primo inopiam, deinde ad ultimum famem  
sentire cœperunt; radices palmarum (namque sola  
ea arbor gignitur) ubique rimantes. Sed cum hæc  
quoque alimenta defecerant, jumenta cedere aggressi,  
ne equis quidem abstinebant: & cum deessent quæ  
sarcinas veherent, spolia de hostibus, propter quæ ulti-  
ma Orientis peragraverant, cremabant incendio. Fa-  
mem deinde pestilentia secuta est, quippe insalubri-  
um ciborum novi succi, ad hoc itineris labor, & ægri-  
tudo animi, vulgaverant morbos, & nec manere sine  
clade, nec progredi poterant. Manentes fames, pro-  
gressos acrior pestilentia urgebat. Ergo strati erant  
campi pene pluribus semivivis quam cadaveribus. Ac  
ne levius quidem ægri sequi poterant, quippe agmen  
raptim agebatur, tantum singulis ad spem salutis ipsos  
proficere credentibus, quantum itineris festinando  
præciperent. Igitur qui defecerant, notos ignotosque,  
ut allevarentur, orabant. Sed nec jumenta erant, qui-  
bus excipi possent, & miles vix arma portabat, immi-  
nentisque etiam ipsis facies mali ante oculos erat. Ergo  
sæpius revocati ne respicere quidem suos sustinebant,  
misericordia in formidinem versa. Illi relictæ, Deos  
testes, sacra communia, Regisque implorabant opem,  
cumque frustra surdas aures fatigarent, in rabiem de-  
spiratione versi, parem suo exitum, similesque ipsis a-  
mico & contubernales precabantur. Rex dolore simul  
& pudore anxius, quia causa tantæ cladis ipse esset, ad  
Phrataphernem Parthinorum Satraphem misit, qui  
juberet camelis cocta cibaria afferre. Alios quoque  
finitimarum regionum Præfectos, certiores necessitatis  
suæ fecit: nec cessatum est ab his. Itaque fame dun-  
taxat vindicatus exercitus, tandem in Gedrosiæ fines  
perducitur. Omnium rerum sola fertilis regio est, in  
qua

quæ stativa habuit, ut vexatos milites quiete firmaret. Hic Leonati literas accipit, conflixisse ipsum cum octo millibus peditum, & quingentis equitibus Oritarum, prospero eventu. A Cratero quoque nuncius venit, Ozinem & Zariasdem nobiles Persas defectionem molientes, oppressos à se, in vinculis esse. Præposito igitur, regioni Siburtio (namque Memnon Præfectus ejus nuper interierat morbo) in Carmaniam ipse processit. Aspastes erat Satrapes gentis, suspectus res novare voluisse, dum in India Rex esset. Quem occurrentem, dissimulata ira, comiter allocutus, dum exploraret quæ delata erant, in eodem honore habuit: cum Indiæ Præfecti (sicut imperatum erat) equorum, jumentorum, jugaliumque vim ingentem, ex omni, quæ sub imperio erat, regione misissent, quibus deerant impedimenta, restituit. Arma quoque ad pristinum resecta sunt cultum: quippe haud procul à Perfide aberant, non pacata modo, sed etiam opulenta. Igitur (ut supra dictum est) æmulatus Patris Liberi, non gloriam solum, quam ex illis gentibus deportaverat, sed etiam famam; sive illud triumphus fuit ab eo primum institutus, sive bacchantium lusus; statuit imitari, animo super humanum fastigium elato. Vicos, per quos iter erat, floribus coronisque sterni jubet. Liminibus ædium crateras vino repletos, & alia eximiae magnitudinis vasa disponi. Vehicula deinde constrata, ut plures capere milites possent, in tabernaculorum modum ornari, alia candidis velis, alia veste pretiosa. Primi ibant amici, & cohors regia, variis redimita floribus coronisque. Alibi tubicinum cantus, alibi lyrae sonus audiebatur: item in vehiculis pro copia cujusque adornatis comeffbundus exercitus, armis, quæ maxime decora erant, circumpendentibus, ipsum convivalesque currus vehebat, crateris aureis ejusdemque materiae ingentibus poculis prægravis. Hoc modo per dies septem bacchabundum agmen incessit. Parta præda, si quid victis saltem adversus comedantes animi fuisset, mille hercule viri, modo & sobrii, septem dierum crapula graves in suo triumpho capere potue-

runt. Sed fortuna, quæ rebus famam pretiumque constituit, hic quoque militiæ probum vertit in gloriam. Et præsens ætas, & posteritas deinde mirata est, per gentes nondum satis domitas incessisse remulentos; Barbaris, quod temeritas erat, fiduciam esse credentibus. Hunc apparatusum carnifex sequebatur; quippe Satrapes Aspastes (de quo ante dictum est) interfici iussus est. adeo nec luxuriæ quidquam crudelitas, nec crudelitati luxuria obstat.

---

QUINTI

---

## QUINTI CURTII

## LIBER X.

## BREVARIUM LIBRI.

1. Cleander & alii duces delictorum veniam impetrant, dum nonnulli minus facinorosi puniuntur. Alexandri consilium de Occidentali Europa parte perlustranda: liberalitas erga Abisaris filium: & in Orsinem nobilissimum Satrapam crudelitas.

2. Dum turbatum Gracia statum pacare, & ex militibus (are alienq; liberatis) alios remittere domum, alios retinere cogitat, in castris oritur seditio: quam gravi oratione & regia auctoritate compepsit.

3. Seditiosis supplicio affectis, totius exercitus dissipat consilia, & Persis credit corporis sui custodiam.

4. Oratio Macedonis militis victi. Conjuratio in Alexandrum, qui veneno extinguitur.

5. Dicta & gesta ejusdem ante obitum: quantum a suis fuerit desolatus:

præcipue vero à Darii matre, qua dolori succumbens, paulo post extincta est. Alexandri elogium.

6. De successore Alexandri inter Magnates consultatio, & varia sententia.

7. Aridaus, Philippo genitus, Meleagro promovente, a quibusdam rex salutatur. Unde civilis belli semina.

8. Primarii duces Meleagri artibus occurrunt. Aridaus autem, pacis studiosus, tumultum componere media quadam ratione conatur.

9. Perdicas Meleagrum & trecentos fere alios, qui eum sequuti fuerant, dolo opprimit.

10. Alexandri imperium in partes divisum, cujus summa Aridaeo tributa: Provincia autem Magnatibus. Defuncti corpus ab amicis curatum, & tandem Alexandriam Egypti translatum est.

**I**lldem fere diebus Cleander & Sitalces, & cum Agathone Heracon superveniunt, qui Parmenionem iussu regis occiderant, quinque millia pedum cum equitibus mille. Sed & accusatores eos è provincia, cui præfuerant, sequebantur: nec tot facinora, quot admiserant, compensare poterant cædis perquam gratæ Regi ministerio. Quippe cum omnia profana spoliassent, ne sacris quidem abstinuerant: virginesque & principes feminarum stupra perpessæ, corporum ludibria descebant: invisum Macedonum nomen avaritia eorum ac libido Barbaris fecerat. Inter omnes tamen eminebat Cleandri furor, qui nobilem virginem constupratam servo suo pellicem dederat. Plerique amicorum Alexandri, non tam criminum, quæ palam objiciebantur, atrocitatem, quam memoriam occisi per eos Parmenionis, quod tacitum prodesse eis apud Regem poterat, intuebantur, læti recidisse iram in iræ ministros, nec ullam potentiam scelere quæsitam cuiquam esse diuturnam. Rex, cognita causâ, pronuntiavit, ab accusatoribus unum & id maximum crimen esse præteritum, desperationem salutis suæ. nunquam enim talia ausuros, qui ipsum ex India sospitem aut optassent reverti, aut credidissent reversurum. Igitur hos quidem vixit: DC autem milium, qui Scythiæ eorum ministri fuerant, interfici iussit. Eodem die sumptum est supplicium de his quoque, quos auctores defectionis Persarum Craterus adduxerat. Haud multo post Nearchus & Onesicritus, quos longius in Oceanum procedere jusserat, superveniunt. Nunciabant autem quedam audita, alia comperta. Insulam cæcis amnis subjectam auro abundare, inopem equorum esse: singulos equos ab iis, qui ex continenti trajicere auderent, singulis talentis emi. Plenum esse belluarum mare, æstu secundo eas ferri, magnarum navium corpora æquantes: truci cantu deterritas sequi classem cum magno æquoris strepitu, velut demersâ navigia, subisse aquas. Cetera incolis crediderant: inter quæ Rubrum mare, non à colore undarum, ut plerique crederent, sed ab Erythro Rege appellari. Esse haud procul

protul à continenti insulam palmetis frequentibus confitam, & in medio fere nemore columnam eminere Erythri Regis monumentum, literis gentis ejus scriptam. Adjiciebant, navigia quæ lixas mercatoresque vexissent, famam auri securis gubernatoribus, in insulam esse transmissa, nec deinde ab his postea visi. Rex cognoscendi plura cupidine accensus, rursus eos terram legere jubet, donec ad Euphratem appellerent classem; inde adverso amne Babylonem subituros. Ipse animo infinita complexus; statuerat, omni ad Orientem maritima regione perdomita, ex Syria petere Africam, Carthagini infensus: inde Numidiæ solitudinibus peragratis, cursum Gadis dirigere. Ibi namque columnas Herculis esse, fama vulgaverat. Hispanias deinde, quas Iberiam Græci à flumine Ibero vocabant, adire, & prætervehi Alpes, Italiæque oram, unde in Epirum brevis cursus est. Igitur Mesopotamiæ Prætoribus imperavit, materia in Libano monte cæsa, devectaque ad urbem Syriæ Caspægas, ingentium carinas navium ponere, septiremes omnes esse, deducique Babylonem. Cypriorum Regibus imperatum, ut æs, stupamque & vela præberent. Hæc agenti, Pori & Taxilis Regum literæ traduntur, Abisarem morbo, Philippum Præfectum ipsius ex vulnere interiisse, oppressosque qui vulnerassent eum. Igitur Philippo substituit Eudæmonem. dux erat Thracum. Abisaris regnum filio ejus attribuit. Ventum deinde Pasargadas: Persica est gens, cujus Satrapes Orsines erat, nobilitate ac divitiis inter omnes Barbaros eminens. Genus ducebat à Cyro quondam Rege Persarum. Opes & à majioribus traditas habebat, & ipsè longa imperii possessione cumulaverat. Is Regi cum omnis generis donis, non ipsi modo ea, sed etiam amicis ejus daturis occurrit. Equorum domiti greges sequebantur, currusque argento & auro adornati, pretiosa suppellex, nobiles gemmæ, aurea magni ponderis vasa, vestesque purpureæ, & signati argenti talentum quatuor millia. Ceterum tanta benignitas Barbaro causâ mortis fuit. Nam cum omnes amicos Regis donis super ipsorum vota coluisset,

Bagoæ spadoni, qui Alexandrum obsequio corporis devinxerat sibi, nullum honorem habuit: admonitusque à quibusdam, quam Alexandro cordi esset, respondit, amicos Regis, non scorta, se colore: nec moris esse Persis, mares ducere, qui stupro effoeminarentur. His auditis, spado potentiam, flagitio & dedecore quæsitam, in caput nobilissimi & infantis exercuit. Namque gentis ejusdem levissimos falsis criminibus astruxit, monitos, tum demum ea deferre, cum ipse jussisset. Interim, quoties sine arbitris erat, credulas Regis aures implebat, dissimulans causam iræ, quo gravior criminantis auctoritas esset. Nondum suspectus erat Orsines: jam tamen vilior. Reus enim in secreto agebatur, latentis periculi ignarus: & importunissimum scortum, ne in stupro quidem & dedecoris patientia fraudis oblitum, quoties amorem Regis in se accenderet, Orsinem, modo avaritiæ, interdum etiam defecti-  
onis, arguebat. Jam matura erant in perniciem innocentis mendacia, & fatum, cujus inevitabilis sors est, appetebat. Forte enim sepulcrum Cyri Alexander jussit aperiri, in quo erat conditum ejus corpus, cui dare volebat inferias. Auro argentoque repletum esse crediderat. quippe ita fama Persæ vulgaverant. Sed præter clypeum ejus putrem, & arcus duos Scythicos, & acinacem, nihil reperit. Ceterum corona aurea imposita: amiculo cui assueverat ipse, solium, in quo corpus jacebat, velavit: miratus, tanti nominis Regem, tantis præditum opibus, haud pretiosius sepultum esse, quam si fuisset è plebe. Proximus erat lateri spado, qui Regem intuens, Quid mirum, inquit, est, inania sepulcra esse Regum, cum Satraparum domus aurum inde egestum capere non possint? quod ad me attinet, ipse hoc bustum antea non videram, sed ex Dario ita accepi, tria millia talentum condita esse cum Cyro. Hinc illa benignitas in te, ut, quod impune habere non poterat Orsines, donando etiam gratiam iniret. Concitaverat jam animum in iram, cum hi, quibus negotium idem dederat, superveniunt. Hinc Bagoas, hinc ab eo subornati, falsis criminibus occupant



pant-aures. Antequam accusari se suspicaretur Orsines, in vincula traditus est. Non contentus supplicio infantis spado, ipse morituro manum iniecit. Quem Orsines intuens, Audieram, inquit, in Asia olim regnasse feminas: hoc vero novum est, regnare castratum. Hic fuit exitus nobilissimi Persarum, nec infantis modo, sed eximiæ quoque benignitatis in Regem. Eodem tempore Phradates regnum affectasse suspectus occiditur. Cœperat esse præceps ad repræsentanda supplicia; idem ad deteriora credenda. Sic scilicet res secundæ valent commutare naturam; & raro quisquam erga bona sua sitis cautus est. Idem enim paulo ante Lyncestem Alexandrum, delatum à duobus indicibus, damnare non sustinuerat. Humiliores quoque reos, contra suam voluntatem, quia ceteris videbantur infantes, passus absolvi, hostibus victis regna reduxerat. Ad ultimum à semetipso degeneravit usque adeo, ut adversus libidinem animi, arbitrio scortis aliis regna daret, aliis adimeret vitam. Iisdem fere diebus literas è Corno accepit de rebus in Europa gestis, dum ipse Indiam subigit: Zopyrio Thraciæ præpositus, dum expeditionem in Geras faceret, tempestatibus procellisque subito coortis, cum toto exercitu oppressus erat. Qua cognita clade, Seuthes Odrysas populares suos ad defectionem compulerat. Amissa propemodum Thracia, ne Græcia quidem \*\*.

2. Igitur triginta navibus Sunium transmittunt, promontorium est Atticæ terræ, unde portum urbis petere decreverant. His cognitis, Rex Arpalo Atheniensibusque juxta infestus, classẽ parari jubet; Athenas proinus periturus. Quod consilium dum agitat, clam lituræ ei redduntur, Arpalum intrasse quidem Athenas, pecunia conciliasse sibi principum animos: mox concilio plebis habito, jussu urbe excedere, ad Græcos milites pervenisse, à quibus interceptum & trucidatum à quodam viatore per insidias. His lætus in Europam trajiciendi consilium omisit. Sed exules, præter eos qui civili sanguine aspersi erant, recipi ab omnibus Græcorum civitatibus, quæis pulsi erant, jussit. Et

Græci

Græci haud ausi imperium aspernari, quamquam solvendarum legum id principium esse censebant, bona quoque, quæ exstarent, restituere damnatis. Soli Athenienses, non suæ modo, sed etiam publicæ vindices libertatis, colluvionem hominum, quia ægre ferebant, non regio imperio, sed legibus moribusque patriis regi assueti, prohibuere finibus. Igitur exules ejiciunt, omnia potius toleraturi, quam purgamenta quondam urbis suæ, tunc etiam exilii, admitterent. Alexander senioribus militum in patriam remissis, tredecim millia peditum, & duo millia equitum, quæ in Asia retineret, eligi jussit; existimans, modico exercitu continere posse Asiam, quia pluribus locis præsidia disposuisset; nuperque conditas urbes, quas colonis repleffet, res renovare cupientibus obstare. Ceterum, priusquam excerneret quos erat retenturus, edixit, ut omnes milites æs alienum prosterentur. Grave plebisque esse compererat. Et quamquam ipsorum luxu contractum erat, dissolvere tamen ipse decreverat. Illi tentari ipsos rati: quo facilius ab integris sumptuosos discerneret, prolatando aliquantum extraxerant temporis. Et Rex satis gnarus, professioni æris pudorem, non contumaciam obstare, mensis totis castris poni jussit, & decem millia talentorum proferri. Tum demum fide facta professi sunt. Nec amplius ex tanta pecunia quam c & xxx talenta superfuere. Adeo ille exercitus, tot ditissimarum gentium victor, plus tamen victoriæ quam prædæ deportavit ex Asia. Ceterum, ut cognitum est alios remitti domum, alios retineri, perpetuam cum regni sedem in Asia habiturum rati, vecordes, & disciplinæ militatis immemores, seditionis vocibus castra complent. Regemque ferocius quam alias adorti, omnes simul missionem postulare ceperunt, deformia ora cicatricibus, canitiemque capitum ostentantes. Nec aut Praefectorum castigatione, aut verecundia Regis dereriti, tumultuoso clamore & militari violentia volentem loqui inhibebant; palam professi, nusquam inde nisi in patriam vestigium esse moturos. Tandem silentio facto, magis quia motum esse

esse credebant, quam quia ipsi moveri poterant, quidnam aucturus esset, exspectabant. Ille, Quid hæc, inquit, repens consternatio, & tam procax atque effusa licentia denunciatur? Eloqui timeo: palam certe rupistis imperium, & precario Rex sum, cui non alloquendi, non noscendi monendique, aut intuendi vos jus reliquistis. Equidem cum alios dimittere in patriam, alios mecum paulo post deportare statuerim: tam illos acclamantes video qui abituri sunt, quam hos cum quibus præmissos subsequi statui. Quid hoc est rei? Dispari in causa idem omnium clamor est. Pervelim scire, utrum qui discedunt, an qui retinentur, de me querantur. Crederes uno ore omnes sustulisse clamorem. Ita pariter ex tota concione responsum est, Omnes queri. Tum ille, Non hercule, inquit, potest fieri, ut adducar, querendi simul omnibus hanc causam esse, quam ostenditis, in qua major pars exercitus non est, utpote cum plures dimiserim, quam retenturus sum. Subest nimirum, altius malum, quod omnes avertit à me. Quando enim Regem universus exercitus deseruit? Ne servi quidem uno grege profugiant dominos: sed est quidam in illis pudor, à ceteris destitutos relinquendi. Verum ego tam furiose consternationis oblitus, remedia insinabilibus conor adhibere. Omnem hercule spem, quam ex vobis conceperam, damno, nec ut cum militibus meis (jam enim esse destitistis) sed ut cum ingratisimis oportet, agere decrevi. Secundis rebus quæ circumfluunt vos, inferre capistis: obliti status ejus, quem beneficio exuistis meo. Digni hercule qui in eodem consensueris: quoniam facilius est vobis adversam quam secundam regere fortunam. En tandem Lilyriorum paulo ante & Persarum tributariis, Asiæ & tot gentium spolia fastidio sunt. Modo sub Philippo seminudis, amicula ex purpura sordent. Aurum & argentum oculi ferre non possunt. Ligna enim vasa deliderant, & ex cratibus scuti, rubiginemque gladiatorum. Hoc cultu nittentes vos accepi, & quingenta talenta aris alieni, cum omnis regia suppellex haud amplius quam sexaginta talentorum.

lentorum esset, meorum operum fundamenta, quibus tamen (absit invidia) imperium maximæ terrarum partis impotui. Asiæne pertæsum est, quæ vos gloria rerum gestarum Diis pares fecit? In Europam ire properatis, Rege deserto, cum pluribus vestrum defuturum viaticum fuerit, ni æs alienum lûissẽm! nempe in Asiatica præda. Nec pudet profundo ventre devictarum gentium spolia circumferentes reverti velle ad liberos conjugesque, quibus pauci præmia victoriæ potestis ostendere. Nam ceterorum, dum etiam spei vestræ obviam istis, arma quoque pignori sunt. Bonis vero militibus cariturus sum, pellicum suarum concubinis. quibus hoc solum ex tantis opibus superest, quod impenditur. Proinde fugientibus me pateant limites: faceffite hinc ocus. Ego cum Persis abeuntium terga tutabor. Neminem tengo: liberate oculos meos, ingratißimi cives. Læti vos excipient parentes liberi-que, sine vestro Rege redeuntes! obviam ibunt desertoribus transfugisque! Triumphabo mehercule de fuga vestra, & ubicumque ero, expetam pœnas; hos, cum quibus me relinquitis, colendo, præferendoque vobis. Jam autem scietis, & quantum sine Rege valeat exercitus, & quid opis in me uno sit. Desilivit deinde frendens de tribunali, & in medium armatorum agmen se immisit; notatos quoque, qui ferocissime oblocuti erant, singulos manu corripuit. Nec ausos repugnare, tredecim asservandos custodibus corporis tradidit.

3. Quis crederet sevam paulo ante concionem ob-  
torpuisse subito metu? &, cum ad supplicium videret  
trahi, nihil ausos graviora quam ceteros? \* tam effu-  
sam ante licentiam, atque seditiosam militum violentiam  
ita compressam, ut non modo nullus ex omnibus  
inveni Regi restiterit, verum etiam cuncti pavore  
exanimati attonitis similes, quid de ipsis quoque Rex  
statuendum censeret, suspensa mente expectarent? Ita-  
que \* sive nominis, quod gentes quæ sub regibus  
sunt inter Deos colunt, sive propria ipsius veneratio, si-  
ve fiducia tanta vi exercentis imperium, conterruit

cos.

eos. Singulare certe ediderunt patientiæ exemplum : adeoque non sunt accensi supplicio commilitonum, cum sub noctem interfectos esse nossent, ut nihil omiserint quod singuli magis obedienter ac pie facerent. Nam cum postero die prohibiti aditu venissent, Asiaticis modo militibus admissis lugubrem totis castris edidere clamorem, denunciantes, protinus esse morituros, si Rex perseveraret irasci. At ille pervicacis ad omnia quæ agitaasset animi, peregrinorum militum corcionem advocari jubet, Macedonibus intra castra cohibitis : & cum frequentes coissent, adhibito interprete, talem orationem habuit : Cum ex Europa trajicerem in Asiam, multas nobiles gentes, magnam vim hominum imperio meo me additurum esse sperabam. Nec deceptus sum, quod de his credidi famæ. Sed ad illa hoc quoque accessit, quod video fortes viros erga Reges suos pietatis invictæ. Luxu omnia fluere credideram, & nimia felicitate mergi in voluptates. At hercule munia militiæ hoc animorum corporumque robore impigre toleratis : & cum fortes viri sitis, non fortitudinem magis quam fidem colitis. Hoc ego non nunc primum profiteor, sed olim scio. Itaque & delectum è vobis juniorum habui, & vos meorum militum corpori immiscui. Idem habitus, eadem arma sunt vobis. Obsequium vero & patientia imperii longe præstantior est quam ceteris. Ergo ipse Oxatris Persæ filiam mecum in matrimonio junxi, non dedignatus ex captiva liberos tollere. Mox deinde cum stirpem generis mei latius propagare cuperem, uxorem Darii filiam duxi, proximisque amicorum auctor fui, ex captivis generandi liberos, ut hoc sacro fœdere omne discrimen victi & victoris excluderem. Proinde genitos esse vos mihi, non ascitos, milites, credite. Asiæ & Europæ unum atque idem regnum est. Macedonum vobis arma do. Invetravi peregrinam novitatem : & cives mei estis, & milites. Omnia eundem ducunt colorem. Nec Persis Macedonum mores adumbrare, nec Macedonibus Persarum imitari indecorum est. Ejusdem juris esse debent, qui sub eodem

eodem Rege victuri sunt. \* Hac oratione habita, Persis corporis sui custodiam credidit, Persas satellites, Persas apparitores fecit. Per quos cum Macedones, qui huic seditioni occasionem dedissent, vincti ad supplicia traherentur, unum ex iis, auctoritate & ætate gravem, ad Regem ita locutum ferunt.

4. \* Quousque, inquit, animo tuo, etiam per supplicia, & quidem externi moris, obsequeris? Milites tui, cives tui, incognita causa captivis suis ducentibus trahuntur ad poenam. Si mortem meruisse iudicas, saltem ministros supplicii muta. Amico animo, si veri patiens fuisset, admonebatur. Sed in rabiem ira pervenerat. Itaque rursus, nam parumper, quibus imperatum erat, dubitaverant, mergi in amnem, sicut vincti erant, iussit. Nec hoc quidem supplicium seditionem militum movit. Namque copiarum duces atque amicos ejus manipuli adeunt; perentes, ut, si quos adhuc pristina noxa iudicaret esse contactos, juberet interfici. Offerre se corpora iræ, trucidaret. \* Postquam vero cognitum est, Pertis ducatus datos, Barbaros in varios ordines distributos, atque Macedonica iis imposita nomina, se vero ignominiose penitus rejectos esse, non jam amplius conceptum animis dolorem perferre potuerunt. Sed concursu in regiam facto, interiori duntaxat retenta tunica, arma ante januam, poenitentiae signum, projecerunt, ac præ foribus stantes intromitti se, sibi que ignoscere suppliciter atque sientes orabant, utque Rex suppliciis suis potius siturer se quam contumeliis; ipsos nisi venia impetrata non discessuros. Quæ cum Alexandro nunciata essent, apertis regiae foribus ad ipsos est egressus. Postquam vero ipsorum ejulatum, atque poenitentiam nec non miserandum atque afflictum habitum vidisset, diu quoque collacrymetus est. eaque modestia, ut ipsis ignosceret, obtinuerunt. Eis deinde nunc modeste inculatis, nunc comiter appellatis, complures bello inutiles exautoravit, magnificentissimeque donatos dimisit. Scribens quoque ad Antipatrum, Macedoniæ Præfectum, eis ad spectanda certamina priores in theatro sedes assignari,

ri, coronatosque sedere iussit. Defunctorum quoque liberos pupillos paterna contrahere stipendia voluit, Cratero iis præposito: quem etiam Antipatri loco, Macedonibus, Thessalīs, Thracibusque præesse iussit, Antipatrumque cum supplemento tironum in Crateri locum vocavit. Jam pridem quidem Alexandro litteræ, & ab Olympiade matre, & ab Antipatro reditæ erant, ex quibus mutuam inter ipsos similitudinem preceperat. Mater Antipatrum affectati regni insimulabat. Antipater Olympiadem multa præter ipsius decorum gerere scripserat. itaque evocari se valide iniquo ferens animo, Alexandrum veneno interficere statuit. Peractis his rebus omnibus, Alexander ad Ecabatana Mediæ profectus, regni necessaria disposuit, spectacula denuo & solennes indixit dies. Illis forte diebus Hephæstion, quem Rex unice ac fratris loco diligebat, febri citans moritur. Ex quo Alexander incredibili affectus dolore, multa quæ regiam maiestatem minime decerent admisisse dicitur. Miserum quippe medicum, tanquam in curando negligentior fuisset, suspendi iussit. Super amici corpus exanime ejulans procubuit, vixque inde ab amicis abstractus est. Diem atque noctem luctum continuavit. Aliæque nonnulla feruntur, quæ quidem ego minime credo. Illud tamen verum est, quod Alexander Hephæstioni, tanquam Heroi, sacrificare iussit. In funus atque monumentum ei faciendum, plusquam duodecim millia talentorum impensa sunt. Revertenti Babylonem Chaldæi vates occurrerunt, monentes ne Babylonem ingrederetur. profectionem enim ejus per id tempus, vitæ periculum ei portendere: Quibus spretis, quo destinaverat ire pergit. Nunciabatur enim ei, legatos ex diversis terrarum orbis partibus undique Babylonem confluisse, ejusque adventum expectare. Adeo totum orbem nominis ejus terror invaserat, ut cunctæ gentes, velut destinato sibi Regi, adlarentur. Igitur tanquam conventum universi orbis acturus, Babylonem pervenire festinabat. Quo cum venisset, legatos omnes benigne susceptos donum remisit. Iisdem se-

re.

re diebus convivium apud Theſſalum medicum inſtitutum eſt. Ad quod Rex quoque cum ſodalibus vocatus venit. Ibi nondum Hercules ſcypho epoto, repente, velut relo confixus, ingemuit. Elatus ē convivio ſemianimis, tanto dolore cruciatus eſt, ut ferrum in remedia poſceret. Amici, cauſam morbi, intemperiem ebrietatis, divulgaverunt. Revera autem inſidiæ fuerunt, quarum infamiam ſucceſſorum potentia oppreſſit. Antipater enim præparatum venenum Caſſandro filio, qui cum fratribus Philippo & Iolla Regi miniſtrare ſolebat, dederat, præmonito eo, ne aliis quam Theſſalo & fratribus crederet. Philippus itaque & Iollas, potum Regis præguſtare ſoliti, in aqua frigida venenum habentes, eam præguſtatæ porioni Regis ſupermiſerunt. Quarto deinde die, cum milites partim mortuum ſuſpicarentur, idque celari crederent, partim ejus deſiderium ferre non poſſent, morſi ſeſe in regiam contulerunt, ut ſibi Regis videndi copia fieret orantes; atque à cuſtodibus ex mandato Regis intromiſſi ſunt.

\* Intuentibus lacrymæ obortæ præbuere ſpeciem jam non Regem, ſed funus ejus, viſentis exercitus. maior tamen circumſtantium læſum eminebat. quos ut Rex aſpexit: Invenietis, inquit, cum exceſſero, dignum talibus viris Regem. Incredible dictu, audituque, in eodem habitu corporis, in quem ſe compoſuerat, cum admiſſurus milites eſſet, duraviſſe, donec à toto exercitu illo ad ultimum perſalutatus eſt: demiſſoque vulgo, velut omni vitæ debito liberatus, fatigata membra rejecit. propiusque adire juſſis amicis (nam & vox deficere jam cœperat) detractum annulum digito Perdicæ tradidit, adjectis mandatis, ut corpus ſuum ad Hammonem ferri juberet. Quærentibusque his, cui relinqueret regnum, reſpondit, Ei qui eſſet optimus. ceterum prævidere jam, ob id certamen magnos funebres ludos parari ſibi. Rurſus, Perdicæ interrogante, Quando coeleſtes honores haberi ſibi veller, dixit, Tum velle, cum ipſi felices eſſent. Suprema hæc vox fuit Regis, & paulo poſt extinguitur. Ac primo ploratu,



ploratu, lamentisque, & planctibus tota regia personabat. Mox, velut in vasta solitudine, omnia tristi silentio muta torpebant; ad cogitationes, quid deinde futurum esset, dolore converso. Nobiles pueri custodiæ corporis ejus assueti, nec doloris magnitudinem capere, nec seipsos intra vestibulum regiæ retinere potuerunt; vagique & furentibus similes, totam urbem lustrata ac mœrore compleverant; nullis questibus omissis, quos in tali casu dolor suggeret. Ergo qui extra regiam adstiterant, Macedones pariter Barbarique concurrunt, nec poterant victi à victoribus in communi dolore discerni. Persæ justissimum ac mitissimum dominum; Macedones optimum ac fortissimum Regem invocantes, certamen quoddam mœroris edebant. Nec mœstorum solum, sed etiam indignantium voces exaudiebantur, tam viridem, & in flore ætatis fortunæque invidia Deum ereptum esse rebus humanis. Vigor ejus & vultus educentis in prælium milites, obsidentis urbes, evadentis in muros, fortes viros pro concione donantis, occurrebant oculis. Tum Macedones divinos honores negasse ei poenitebat, impiosque & ingratos fuisse se confitebantur, quod aures ejus debita appellatione fraudassent. Et cum diu, nunc in veneratione, nunc in desiderio Regis hæsisent, in ipsos versa misératio est. Macedonia profecti ultra Euphratem, mediis hostibus novum imperium aspernantibus, destitutos se esse cernebant: sine certo Regis hærede, sine hærede regni, publicas vires ad se quemque tracturum. Bella deinde civilia, quæ secuta sunt mentibus augurabantur. Interum non de regno Asiæ, sed de Rege, ipsis sanguinem esse fundendum. Novis vulneribus veteres rumpendas cicatrices. Senes debiles modo petita missione à justo Rege, nunc morituros pro potentia forsitan sitellitis alicujus ignobilis. Has cogitationes volventibus, nox supervenit, terroremque auxit. Milites in armis vigilabant. Babylonii alius è muris, alius è culmine sui quisque tecti prospectabant, quasi certiora visuri. Nec quisquam lumina audebat accendere. Et quia oculorum cessabat usus, fremitus vocesque auribus captabant.

captabant. Ac plerumque vano metu territi, per obscuras semitas alius alii occurrentes, invicem suspecti & solliciti ferebantur: Persæ comis suo more detonsis, in lugubri veste cum conjugibus, ac liberis, non ut victorem, & modo hostem, sed ut gentis suæ iustissimum Regem, vero desiderio lugebant. Assueti sub Rege vivere, non alium, qui imperaret ipsis, digniorem fuisse confitebantur. Nec muris urbis luctus continebatur, sed proximam regionem ab ea, deinde magnam partem Asiæ cis Euphratem, tanti mali fama pervaserat. Ad Darii quoque matrem celeriter perlata est. Abscissa ergo veste, qua induta erat, lugubrem sumpsit: laceratisque crinibus, hami corpus abiecit. Assidebat ei altera ex neptibus, nuper amissum Hephæstionem, cui nupserat, lugens; propriasque causas doloris in communi moestitia retractabant. Sed omnium suorum mala Syfigambis una capiebat. Illa suam, illa neptium vicem flebat. Recens dolor etiam præterita revocarer. Crederes modo amissum Darium, & pariter miseræ duorum filiorum exequias esse ducendas. Flebat mortuos simul vivosque. Quem enim puellarum acturum esse curam? Quem alium futurum Alexandrum? Iterum esse se captas: iterum excidisse regno. Qui mortuo Dario ipsas tueretur, reperisse: qui post Alexandrum respiceret, utique non reperturas. Subibat inter hæc animum, octoginta fratres suos eodem die ab Ocho sævissimo Regum trucidatos, adjectumque stragi tot filiorum patrem. Et septem liberis, quos genuisset ipsa, unum superesse. Ipsum Darium floruisse paulisper, ut crudelius posset extingui. Ad ultimum dolori succumbit, obvolutoque capite assidentes genibus suis neptem nepotemque averfato, cibo pariter abstinuit & luce. Quinto postquam mori statuerat die extincta est. Magnum profecto Alexandri indulgentiæ in eam, iustitiæque in omnes captivos documentum est mors hujus: quæ cum sustinuisset post Darium vivere, Alexandro esse superstes erubuit. Et hercule iuste æstimantibus Regem liquet, bona naturæ ejus fuisse; vitia vel fortunæ vel

vel ætatis. Vis incredibilis animi, laboris patientia propemodum nimia, fortitudo non inter Reges modo excellens, sed inter illos quoque, quorum hæc sola virtus fuit : liberalitas sæpe majora tribuentis, quam à Diis petuntur : clementia in devictos : tot regna aut reddita, quibus ea demserat bello, aut dono data : mortis, cujus merus ceteros exanimat, perpetua contemptio : gloriæ laudisque ut iusto major cupido, ita ut juveni & in tantis admittenda rebus : jam pietas erga parentes, quorum Olympiada immortalitati consecrare decreverat, Philippum ultus erat. Jam in omnes fere amicos benignitas, erga milites benevolentia : consilium par magnitudini animi, & quantum vix poterat ætas ejus capere, solertia : modus immodicarum cupiditatum : Veneris intra naturale desiderium usus : nec ulla, nisi ex permissio, voluptas ; ingentes profecto dotes erant. Illa fortunæ, Diis æquare se, & cælestes honores accersere, & talia suadentibus oraculis credere, & dedignantibus venerari ipsum, vehementius, quam par esset, irasci : in externum habitum mutare corporis cultum : imitari devictarum gentium mores, quas ante victoriam spreverat. Nam iracundiam & cupidinem vini, sicut juvena irritaverat, ita senectus mitigare potuisset. Fatendum est tamen, cum plurimum virtuti debuerit, plus debuisse fortunæ, quam solus omnium mortalium in potestate habuit. Quoties illum à morte revocavit ? quoties temere in pericula vectum perpetua felicitate protexit ? Vitæ quoque finem eundem illi, quem gloriæ, statuit. Expectare eum fata, dum Oriente perdomito, aditoque Oceano, quidquid mortalitas capiebat, impletet. Huic Regi Ducique successor quærebatur. Sed major moles erat, quam ut unus subire eam posset. Itaque nomen quoque ejus, & fama rerum, in totum propemodum orbem Reges ac regna diffudit : clarissimique sunt habiti, qui etiam minimæ parti tantæ fortunæ adhæserunt.

6. Ceterum Babylone ( inde enim divertit oratio ) corporis ejus custodes, in regiam principes amicorum, ducesque

ducesque copiarum advocavere; secuta est militum turba, cupientium scire in quem Alexandri fortuna esset transitura. Multi duces, frequentia militum exclusi, regiam intrare non poterant; cum præco, exceptis qui nominatim citarentur, adire prohibuit. Sed precarium spernebatur imperium. Ac primum ejulatus ingens ploratusque renovatus est. Deinde futuri expectatio inhibitis lacrymis silentium fecit. Tunc Perdicca, Regia sella in conspectum vulgi data, in qua diadema vestisque Alexandri cum armis erant, annulum sibi pridie traditum à Rege, in eadem sede posuit: quorum aspectu rursus oborta omnibus lacrymæ integrare luctum. Et Perdicca, Ego quidem, inquit, annulum, quo ille regni atque imperii vires obfigmare erat solitus, traditum ab ipso mihi, reddo vobis. Ceterum quanquam nulla clades huic, qua affecti sumus, par ab iratis Diis excogitari potest: tamen magnitudinem rerum, quas egit, intuentibus, credere licet, tantum virum Deos accommodasse rebus humanis: quarum sorte completa, cito repeterent eum suæ stirpi. Proinde quoniam nihil aliud ex eo superest, quam quod semper ab immortalitate subducitur, corpori nominique quam primum justa solvamus, haud obliiti in qua urbe, inter quos simus, quali Rege ac Præsidente spoliati. Tractandum est, commilitones, cogitandumque, ut victoriam partam inter hos, de quibus parta est, obtinere possimus. Capite opus est. Hocne uno, an pluribus; in vestra potestate est. Illud scire debetis, militarem sine duce turbam, corpus esse sine spiritu. Sextus mensis est, ex quo Roxane prægnans est. Optamus ut marem enitatur: cujus regnum Diis approbantibus futurum, quandoque adoleverit, interim à quibus regi velitis, destinare. Hæc Perdicca. Tum Nearchus, Alexandri sanguinem ac stirpem regię majestati convenire, neminem ait posse mirari: ceterum expectari nondum ortum Regem, & qui jam sit, præteriri, nec animis Macedonum convenire, nec tempori rerum. Esse è Barsine filium Regis, huic diadema dandum. Nulli placebat oratio.

Itaque

Itaque suo more hastis scuta quatientes, obstrepere perseverabant. Jamque prope seditionem pervenerant, Nearchus pervacius tuente sententiam. Tum Ptolemæus, Digna prorsus est soboles, inquit, quæ Macedonum imperet genti, Roxanes vel Barsines filius, cujus nomen quoque Europam dicere pigebit, majore ex parte captivi. Cur Persas vicerimus, ut stirpi eorum serviamus? quid iusti illi Reges Darius & Xerxes tot millium agminibus tantisque classibus nequicquam petiverunt. Mea sententia hæc est, ut sede Alexandri in regia posita, qui consiliis ejus adhibebantur, coeant quoties in commune consulto opus fuerit: eoque, quod major pars eorum decreverit, stetur. Duces Præfectique copiarum his pareant. Ptolemæo quidam, potiores Perdiccæ assentiebantur. Tum Aristonius orsus est dicere, Alexandrum consultum, cui relinqueret regnum, voluisse optimum deligi. Judicatum autem ab ipso optimum, Perdiccam, cui annulum tradidisset. Neque enim unum eum assedissem morienti, sed circumferentem oculos, ex turba amicorum delegisse cui traderet. Placere igitur, summam imperii ad Perdiccam deferri. Nec dubitare, quin vera censeret. Itaque universi procedere in medium Perdiccam, & Regis annulum tollere jubebant. Hærebat inter cupiditatem, pudoremque, & quo modestius quod appetebat expectaret, pervacius oblaturus esse credebat. Itaque cunctatus, diuque quid ageret incertus, ad ultimum tamen recessit, & post eos, qui sederant proximi, constitit. At Meleager unus è ducibus confirmato animo, quem Perdiccæ cunctatio crexerat, Nec Dii siverint; inquit, ut Alexandri fortuna, tantique regni fastigium in istos humeros ruat. homines certe non ferent. Nihil dico de nobilioribus quam hic est, sed de viris tantum, quibus invictis nihil perpeti necesse est. Nec vero interest, Roxanes filium, quandocumque genitus erit, an Perdiccam Regem habeatis, cum iste sub tutelæ specie regnum occupaturus sit. Itaque nemo ei Rex placet, nisi qui nondum natus est. Et in tanta omnium festinatione, non iusta modo, sed etiam

am necessaria, exactos menses solus expectat, & jam divinat marem esse conceptum, quem vos dubitatis paratum esse, vel subdere. Si medius fidius Alexander hunc nobis Regem pro se reliquisset, id solum ex his, quæ imperasset, non faciendum esse censerem. Quin igitur ad diripiendos thesauros discurritis? harum enim opum regiarum utique populus est hæres. Hæc elocutus, per medios armatos erupit. Et qui abeunti viam dederant, ipsum ad prænunciatam prædam sequebantur.

7. Jamque armatorum circa Meleagrum frequens globus erat, in seditione in ac discordiam versa concione: cum quidam plerisque Macedonum ignotus ex infima plebe, Quid opus est, inquit, armis, civilique bello, habentibus Regem, quem quæritis? Aridæus<sup>9</sup> Philippo genitus, Alexandri paulo ante Regis frater, sacrorum caeremoniarumque consors modo, nunc solus hæres, præteritur à vobis. Quo merito suo? quidve fecit, cur etiam gentium communi jure fraudetur? Si Alexandro similem quæritis, nunquam reperietis. Si proximum, hic solus est. His auditis, concio primo silentium velut iussa habuit. Conclamant deinde pariter, Aridæum vocandum esse, mortemque meritos, qui concionem sine eo habuissent. Tum Python, plenus lacrymarum, orditur dicere: Nunc, vel maxime miserabilem esse Alexandrum, qui tam bonorum civium militumque fructu & præsentia fraudatus esset: nomen enim memoriamque Regis sui tantum intuentes, ad cetera caligare eos. Haud ambigue in juvenem, cui regnum destinabatur, impenſa probra, quæ magis ipsi odium, quam Aridæo contemptum attulerunt, quippe dum miserentur, etiam favere coeperunt. Igitur non alium se, quam eum, qui ad hanc spem genitus esset, regnare passuros, pertinaci acclamatione declarant, vocarique Aridæum jubent. Quem Meleager infestus, invisusque Perdiccæ, strenue perducit in Regiam, & milites Philippum consalutatum Regem appellant. Ceterum hæc vulgi erat vox, principum alia sententia. E quibus Python consilium Perdiccæ exequi

equi cœpit, tutoresque destinat filio ex Roxane futuro, Perdiccam & Leonatum stirpe regia genitos. Adjecit ut in Europa Craterus & Antipater res administrarent. Tum jusjurandum à singulis exactum, futuros in potestate Regis geniti Alexandro. Meleager haud injuria metu supplicii territus, cum suis secesserat. Rursus Philippum trahens secum, irrupit in regiam, clamitans suffragari Reip. de novo Rege paulo ante concepto : robur ætatis experirentur, modo stirpem Philippi, & filium ac fratrem Regum duorum sibi met ipsis potissimum crederent. Nullum profundum mare, nullum vastum fretum, & procellosum, tantos ciet fluctus, quantos multitudo motus habet, utique si nova & brevi duratura libertate luxuriat. Pauci Perdiccæ modo electo, plures Philippo quam speraverat, Imperium dabant. Nec velle, nec nolle quidquam diu poterant, pœnitebatque modo consilii, modo pœnitentiæ ipsius : ad ultimum tamen in stirpem regiam inclinavere studiis. Cesserat ex concione Aridæus principum auctoritate conterritus : & abeunte illo conticuerat magis quam languerat militaris favor. Itaque revocatus, vestem fratris, eam ipsam, quæ in sella posita fuerat, induitur. Et Meleager thorace sumpto, capit arma, novique Regis satellites. Sequitur phalanx hastis clypeos quatiens, expletura se sanguine illorum, qui affectaverant nihil ad ipsos pertinens regnum : in eadem domo familiaque imperii vires remansuras esse gaudebant ; hæreditarium imperium stirpem regiam vindicaturam. assuetos esse nomen ipsum colere venerarique, nec quenquam id capere, nisi genitum ut regnaret. Igitur Perdicca territus, conclave in quo Alexandri corpus jacebat, obsideri jubet. Sexcenti cum ipso erant spectatæ virtutis. Ptolemæus quoque se adjunxerat ei, puerorumque regia cohors. Ceterum haud difficulter à tot millibus armatorum claustra perfracta sunt. Et Rex quoque irruerat, stipatus satellitum turba, quorum princeps erat Meleager. Iratusque Perdicca, hos qui Alexandri corpus tueri vellent sevocat : sed qui irruerant, eminus tela in ipsum jaciebant,

ciebant, multisque vulneratis, tandem seniores, demptis galeis quo facilius nosci possent, precari qui cum Perdicca erant cœpere, ut abstinerent bello, Regique & pluribus cederent. Primus Perdicca arma deposuit, ceterique idem fecere. Meleagro deinde suadente ne à corpore Alexandri discederent, insidiis locum quæri rati, diversa regiæ parte ad Euphratem fugam intendunt. Equitatus, qui ex nobilissimis juvenum constabat, Perdiccam & Leonatum frequens sequebatur, placebatque excedere urbe, & tendere in campos. Sed Perdicca ne pedites quidem secuturos ipsum desperabat. Itaque, ne abducendo equites abruptis à cetero exercitu videretur, in urbe substitit.

8. At Meleager Regem monere non desistit, jus imperii Perdiccæ morte sanciendum esse, ne occupetur impotens animus rerum novarum: meminisse eum, quid de Rege meruisset. Neminem autem ei satis fidum esse quem metuat. Rex patiebatur magis, quam assentiebatur. Itaque Meleager silentium pro imperio habuit, misitque Regis nomine qui Perdiccam accerferent. Iisdem mandatum, ut occiderent, si venire dubitaret. Perdicca nunciato satellitum adventu, sedecim omnino pueris regiæ cohortis comitatus, in limine domus suæ constitit, castigatosque, & Meleagri mancipia identidem appellans, sic animi vultusque constantia terruit, ut vix mentis compotes fugerent. Perdicca pueros iussit equos conscendere; & cum paucis amicorum ad Leonatum pervenit, jam firmiore præsidio vim propulsaturus, si quis inferret. Postero die indigna res Macedonibus videbatur, Perdiccam ad mortis periculum adductum: & Meleagri temeritatem armis ultum ire decreverant. Atque illi cum Regem adissent, interrogate eum cœpere, an Perdiccam comprehendi ipse iussisset. Ille, Meleagri instinctu se iussisse, respondit. Ceterum non debere tumultuari eos: Perdiccam enim vivere. Igitur concione dimissa, Meleager equitum maxime defectione perterritus, inopisque consilii (quippe in ipsum periculum reciderat, quod inimico paulo ante intenderat) triduum



triduum fere consumpsit incerta consiliavolvendo. Et pristina quidem regię species manebat. Nam & legati gentium Regem adibant, & copiarum duces aderant, & vestibulum satellites armatique compleverant. Sed ingens sua sponte mœstitia ultimę desperationis index erat; suspectique invicem, non adire propius, non colloqui audebant: secretas cogitationes intra se quoque volventes: & ex comparatione Regis novi desiderium excitabatur amissi. ubi ille esset, cujus imperium, cujus auspiciū secuti erant, requirebant. Destitutos se inter infestas indomitasque gentes, expetituras tot cladum suarum pœnas quodcumque oblata esset occasio. His cogitationibus animos excedebant, cum annunciat, equites qui sub Perdicca essent, occupatis circa Babylonem campis, frumentum, quod in urbem invehatur, retinuisse. Itaque inopia primum, deinde fames esse cœpit. Et qui in urbe erant, aut reconciliandam gratiam cum Perdicca, aut armis certandum esse censebant. Forte acciderat, ut qui in agris erant, populationem villarum vicorumque veriti, confugerent in urbem: oppidani, cum ipsos alimenta deficerent, urbe excederent, & utrique generi tior aliena sedes quam sua videretur. Quorum consternationem Macedones veriti, in regiam cœunt, quęque ipsorum sententia esset, exponunt. Placebat autem legatos ad equites mitti, de finiēda discordiā, armisque ponendis. Igitur à Rege legatur Pafas Theſſalus, & Amisſas Megalopolitanus, & Perilaus. qui cum mandata Regis edidissent, non aliter posituros arma equites, quam si Rex discordiæ auctores deditisset, tulere responsum. His renunciatis, sua sponte milites arma capiunt. quorum tumultu ē regia Philippus exciſus, Nihil, inquit, ſeditione eſt opus: nam inter te certantium præmiis, qui quieverint, occupabunt. Simul mementote rem eſſe cum civibus, quibus ſpem gratiæ cito abruptere, ad bellum civile properantium eſt. Altera legatione, an mitigari poſſint, experiamur: & credo nondum Regis corpore ſepulto ad præſtanda ei juſta omnes eſſe coituros. Quod ad me attinet,

tinet, reddere hoc imperium malo, quam exercere civium sanguine. Et si nulla alia concordiae spes est, oro quæsoque cligite potiore. Obortis deinde lacrymis, diadema detrahit capiti, dextram, qua id tenebat, protendens, ut, si quis se digniorem profiteretur, acciperet. Ingentem spem indolis ante eum diem fratris claritate suppressam, ea moderata excitavit oratio. Itaque cuncti instare coeperunt, ut quæ agitasset, exequi vellent. Eosdem rursus legat, petituos ut Meleagrum tertium ducem acciperent. Haud ægre id impetratum est. Nam & abducere Meleagrum Perdicca à Rege cupiebat, & unum duobus imparem futurum esse censebat. Igitur Meleagro cum phalange obviam egresso, Perdicca equitum turmas antecedens occurrit. Utrumque agmen, mutua salutatione facta, coit, in perpetuum (ut arbitrabantur) concordia & pace firmata.

9. Sed jam satis admovebantur Macedonum genti bella civilia. Nam & insociabile est regnum, & à pluribus expetebatur. Primum ergo collegere vires, deinde disperserunt, & cum pluribus corpus, quam capiebat, onerassent, cetera membra deficere coeperunt: quodque imperium sub uno stare potuisset, dum à pluribus sustinetur, ruit. Proinde jure meritoque populus Romanus salutem se principi suo debere profiteretur, cui noctis, quam pene supremam habuimus, novum sidus illuxit. Hujus hercule, non solis ortus, lucem caliganti reddidit mundo, cum sine suo capite discordia membra trepidarent. Quot ille tum extinxit faeces? quot condidit gladios? quam tam tempestatem subita serenitate discussit? Non ergo revirescit solum, sed etiam floret imperium. Abiit modo invidia, excipiet hujus seculi tempora ejusdem domus, utinam perpetua, certe diuturna posteritas. Ceterum ut ad ordinem, à quo me contemplatio publicæ felicitatis averterat, redeam, Perdicca unicam spem salutis suæ in Meleagri morte deponebat: vanum eundem & infidum, celeriterque res novaturum, & sibi maxime infestum, occupandum esse. Sed alta dissimulatione consilium premebat, ut opprimeret incautum. Ergo clam quosdam

ex copiis, quibus præerat, subornavit, ut quasi ignoraret ipse, conquererentur palam, Meleagrum æquatum esse Perdiccæ. Quorum sermone Meleager ad se relato, furens ira, Perdiccæ, quæ comperisset, exponit. Ille, velut nova re exterritus, admirari, queri, dolentisque speciem ostentare ei cepit. At ultimum convenit, ut comprehenderentur tam seditiosæ vocis auctores. Agit Meleager gratias, amplexusque Perdiccam, fidem ejus in se ac benevolentiam collaudat. Tum communi consilio rationem opprimendi noxios ineunt. Placer exercitum patrio more lastrari: & probabilis causa videtur, præterita discordia. Mæcedonum Reges ita lastrare soliti erant milites, ut discissæ canis viscera ultimo in campo, in quem deduceretur exercitus, ab utraque abjicerentur parte. Intra id spatium armati omnes starent, hinc equites, illinc phalanx. Itaque eo die, quem huic sacro destinaverant, Rex cum equitibus elephantisque conflixerat contra pedites, queis Meleager præerat. Jam equestre agmen movebatur, & pedites subita formidine ob recentem discordiam, haud sane pacati quidquam expectantes, parumper addubitavere, an in urbem subducerent copias, quippe pro equitibus planities erat. Ceterum veriti, ne temere commilitonum fidem damnarent, subistere, præparatis ad dimicandum animis, si quis vim inferret. Jam agmina coibant, parvumque intervallum erat, quod aciem utramque divideret. Itaque Rex cum una aliobequitare pedibus cepit, discordiæ auctores, quos tueri ipse debebat, instinctu Perdiccæ ad supplicia deponens: minabaturque, omnes turmas cum elephantibus industurum se in recusantes. stupebantque improvise malo pedites. Nec plus in ipso Meleagro erat aut consilii aut animi. Tutissimum ex præsentibus videbatur expectare potius quam movere fortunam. Tum Perdicca, ut torpentes & obnoxios vidit, trecentos fere, qui Meleagrum erumpentem ex concione, quæ prima habita est post mortem Alexandri, secuti erant, à ceteris discretos, elephantis in conspectu totius exercitus objicit; omnesque belluarum pedibus obtri-

ti sunt, nec prohibente Philippo, nec auctore. apparebatque, id modo pro suo vindicaturum, quod approbasset eventus. Hoc bellorum civilium Macedonibus & omen, & principium fuit. Meleager, sero intellecta fraude Perdicæ, tum quidem quia ipsius corpori vis non afferebatur, in agmine quietus stetit: at mox, damnata spe salutis, cum ejus nomine, quem ipse fecerat Regem, in perniciem suam abutentis videret inimicos, confugit in templum. Ac ne loci quidem religione defensus, occiditur.

10. Perdicca, perducto in urbem exercitu, consilium principum virorum habuit, in quo imperium ita dividi placuit, ut Rex quidem summam ejus obtineret: Satrapes Ptolemæus, Ægypti & Africæ gentium, quæ in ditione erant. Laomedonti Syria cum Phœnice data est: Philotæ Cilicia destinata: Lyciam cum Pamphilia & majore Phrygia obtinere jussus Antigonius. In Cariam Cassander, Menander in Lydiam missi. Phrygiam minorem Hellesponto adjunctam, Leonati provinciam esse jusserunt. Cappadocia Eumeni cum Paphlagonia cecit. Præceptum est, ut regionem eam usque ad Trapezunta defenderet, bellum cum Arbate gereret. Solus hic detrectabat imperium. Python Mediam, Lysimachus Thraciam, appositasque Thraciæ Ponticas gentes obtinere jussi. Qui Indiæ, quique Bactris & Sogdianis, ceterisque, aut Oceani, aut Rubri maris accolis præerant, quibus quisque finibus habuisset, imperii etiam jus obtineret. Decretum est, ut Perdicca cum Rege esset, copiisque præesset, quæ Regem sequebantur. Credidere quidam, testamento Alexandri distributas esse provincias, sed famam ejus rei (quanquam ab auctoribus tradita est) vanam fuisse comperimus. Et quidem suas quisque opes, divisis imperii partibus, tuebantur, quas ipsi fundaverant, si unquam adversus immodicas cupiditates terminus staret, quippe paulo ante Regis ministri, specie imperii alieni procurandi, singuli ingenia invaserant regna, sublati certaminum causis, cum & omnes ejusdem gentis essent, & à ceteris sui quisque imperii

perii regione discreti. Sed difficile erat eo contentos esse quod obtulerat occasio: quippe sordent prima, cum majora quæque sperantur. Itaque omnibus expeditius videbatur augere regna, quam fuisset accipere. Septimus dies erat, ex quo corpus Regis jacebat in folio; curis omnium ad formandum publicum statum à tam solenni munere averlis. Et non aliis quam Mesopotamiæ regioni fervidior æstus existit: adeo ut pleraque animalia quæ in nudo solo deprehendit, extinguat. Tantus est vapor solis, & cæli, quo cuncta velut igne torrentur. Fontes aquarum & rivi sunt, & incolentium fraude celantur. Iplis usus patet; ignotus est advenis. Ut tandem curare corpus exanimum amicis vacavit, nulla tæbe, ne minimo quidem livore corruptum videre qui intraverant. Vigor quoque, qui constat ex spirita, non destituerat. Itaque Ægyptii Chaldæique jussu corpus suo more curare, primo non sunt ausi admove, velut spiranti, nianus: deinde precati, ut jus fasque esset mortalibus attricare eum, purgare corpus, repletumque est odoribus. Aureum solium, & capiti adjecta fortunæ ejus insignia. Veneno necatum esse credidere. Plerique, filium Antipatri inter ministros, Iollam nomine, patris jussu dedisse. Sæpe certe audita erat vox Alexandri, Antipatrum regium affectare fastigium, majoremque esse præfecti opibus, ac titulo Spartanæ victoriæ inflatum, omnia à se data afferentem sibi. Credebant etiam, Cræterum cum veterum militum manu ad interficiendum eum missum. Vim autem veneni, quod in Macedonia gignitur, talem esse constat, ut ferrum quoque exurat. ungulæ jumenti duntaxat patiens esse constat. Strygem appellant fontem, ex quo pestiferum virus emanat. Hoc per Cassandrum allatum traditumque fratri Iollæ, & ab eo supremæ Regis potioni inditum. Hæc, utcumque sunt tradita, eorum, quos rumor asperferat, mox potentia extinxit. Regnum Macedoniæ Antipater, & Græciam quoque invasit. Soboles deinde excepit, interfectis omnibus quicumque Alexandrum etiam longinqua cognatione contigerant.

Ceterum corpus ejus à Ptolemæo, cui Ægyptus cesserat, Memphim, & inde paucis post annis Alexandriam translatum est, omnisque memoriæ ac nomini honos habetur.

---

**F I N I S.**

---

JANI

JANI RUTGERSII  
 E M E N D A T I O N E S  
 A L I Q U O T  
 I N Q. C U R T I O.  
 L I B E R I I I.

Pag. 21. vers. 10. *Cultu* haud sane à vilioribus vulga-  
 tisque usu abhorrens. Lego, *vulgarique usus.*

Pag. 37. v. 36. *Dein Deum* templa ruinis & igni-  
 bus esse deleta. Ita vetusti impressi. Modius ex vesti-  
 giis membranarum suarum edidit, *Dedita* deis templa.  
*Legendum dedicata, non dedita.*

Pag. 39. vers. 33. *Equi pariter equitesque Persarum,*  
*serie laminarum* id genus grave agmen, quod celeritate  
 maxime constat, *agre* moliebantur. quippe in circumagen-  
 dis equis suis Thessali multos occupaverant. Sic veteres  
 Editiones ante Modianam. Lego, *serie laminarum*  
*graves,* id genus agminis, quod celeritate maxime constat,  
*agre* moliebantur. quippe in circumagendis equis Thessali  
 multo occupaverant. Genus agminis quod celeritate maxi-  
 me constat, est id quod Græci μεταβολήν vocant, aut  
 certe simile. Est autem usus voce *occupo* eodem modo  
 quo Varro apud Nonium: *Quod si Actæon occupasset,* &  
 ipse prius suos canes comedisset, & non nugax saltatoribus  
 in theatro fieret. Hoc ergo dicit, Barbaros ferreis tunicis  
 graves suos *agre* circumegisse, quod tam expedite  
 faciebant Thessali, ut longe Barbaros anteverterent.  
 Aliquanto post,

Pag. 43. vers. 14. de Darii filiabus, *Virgines reginas*  
*excellenti forma tam sancte habuit,* quam si eodem, quo  
 ipse, parente genita ferent. Ita Modius. Lego *Virgines*  
*regias.*

Pag. 45. vers. 9. *Vehicula quoque à suis destituta in-*  
*gentis opulentia plena.* Mod. Ed. *gentis opul.* Lego, *Ve-*  
*hicula quoque suis destituta agentibus.* Tantum enim

terrorem Barbarorum fuisse vult, ut omnia, etiam vehicula, quibus eorum opes portabantur, reliquerint, id solum agentes, ut seipsum fuga servare possent. Dixit autem *agentes* pro aurigis: eodem modo quo Ovidius in Phaëthontis fabula, *Non aget hos currus.*

## LIBRO IV.

Pag. 64. vers. 19. *Lingua gravius castigatur, quam ullum probrum: nec magnam rem magis sustineri posse credunt ab eo cui tacere grave sit.* Puto legendum, *Magi*, & hoc fortasse tam certum est, ut probatione non indigeat. Paulo post,

Pag. 66. vers. 4. *Lingui deinde animo, & submitti genus.* Puto, *subniti.*

Pag. 70. vers. 30. *Africa deinde, quæ Aegypto juncta est, propositus Apollonius vectigalibus ejusdem [Africa] & Aegyptiae domones.* Posterius *Africa* glossēma est. & *indum* igitur.

Pag. 81. vers. 4. *In iterum cornu Bactriani ibant equites cum eadem dote: Dacta nitidem, & Arachosū, duaque quatuor milia explebant.* Ita Modii codices: sed legendum, *Susianique*, aut *Susique*. Arrianus libro III. Το μὲν δὲν οὖον ἐν τῷ κάρῳ ἐπὶ Βάκτροις ἵπποις εἶχον, καὶ εὖν αὐτοῖς Δάκ, καὶ Ἀραχῶνοι. ὅτι ὁ τῶν Πέρσων ἱπποτάγης, ἵπποις τε οὖο καὶ μεζαῖς ἐπὶ τῶν οὖων, καὶ Σάτοις ἐν τῇ Πέρσῳ, καὶ ἐν τῇ Σουσίῳ καὶ ὅτοις.

## LIBRO V.

Pag. 114. vers. 17. *Cyrus Pasergadum urbem condiderat, quam Alexandro praefectus ejus Glibares tradidit.* Aliis *Gibares*. Legendum, *Chebares*; ut libro VII. Pag. 165.

Pag. 123. vers. 31. *Perfususque mutuis lacrymis intarentem sibi avelli jussit.* Ita scribo non *perfusus*, aut *perfusus* denique.

## LIBRO



## LIBRO VI.

Pag. 140. v. 1. *Crebri namque nodi nudaverant stipites, & in se implicati arborum rami suspensis circulis similes lento vimine frustrabantur ictus: Delendum est vò nodi. quod librarius ob sequentis vocis similitudinem importune iteraverat. Totum igitur locum lego hoc modo: Crebri namque nodaverant stipites, & in se implicati arborum rami, &c.*

## LIBRO VII.

Pag. 189. v. 19. *Hac Barbarus. Contra rex, fortuna sua, & consiliis eorum, se usurum esse respondit. Legendum est suorum. Non enim Scytharum, sed Macedonum suorum, consilio se usurum dicit.*

## LIBRO VIII.

Pag. 234. v. 23. *lego, Ipse Porus humana magnitudinis prope excefferat normam: non, ut vulgo, formam.*

## LIBRO IX.

Pag. 242. vers. 6. *Phegelis erat gentis proxima rex, &c. Quod si verum id ejus principis nomen est, non video quomodo mox Curtius Orbili ferulam effugiat, iis verbis, Percontatus igitur Phegela, quae nescenda erant. A Phegelis enim non nisi Phegelim, & Phegelida, declinari potest. Ego scribendum puto: Phegel, is erat gentis proxima rex, qui, &c. Apud Diodorum quoque, quo loco αὐτὸς ἔς εἰς τὴν φηγάς δυναστείαν ἐμβαλεῖν legitur, φηγάς legendum est. Nisquam securius grassata est veterum librariorum audacia, quam in propriis virorum ac feminarum nominibus depravandis. Nec difficile esset aliquot centuriis exemplorum id ostendere, nisi & res ipsa pervulgata, & mihi alio quodam loco dicendum foret.*

## LIBRO X.

Pag. 271. v. 17. Igitur Mesopotamia pratoribus imperavit, materia in Libano monte casa deustaque ad urbem Syria Capsagas, ingentium carinas navium ponere, septiremes omnes esse, deducique Babylona. Etiam hoc loco vocula ob precedentis similitudinem inepte repetita est. Ea igitur ejecta, lego hoc modo: *septiremes esse, deducique Babylona.* Hæc erant, quæ in Curtio emendasse mihi visus sum. Plura poteram, sed & cuiusvis obvia sunt: & erunt, quibus hæc quoque nimia videbuntur.

JOSEPHI SCALIGERI  
palmaria correctio.

Lib. III. pag. 25. v. 22. Distinguebant internitentes *gemma jugum*: ex quo eminebant duo aurea simulacra cubitalia; quorum alterum pacis, alterum belli gerebat effigiem. Interpolata à sciolis lectio. Veteres editiones habent: quorum alterum in alterum belli gerebat effigiem. Quare non dubitabis cum Scaligero emendare. *quorum alterum Nini, alterum Beli gerebat effigiem.* Per Ninum Assyriæ, per Belum Babylonæ imperium conjunctum innuebant currus Darii artifices.

FINIS.

# I N D E X

## I N Q. C U R T I U M.

### A

- |  |   |
|--|---|
| <p><b>A</b> Bdelonymus Rex consti-<br/>tuitur. 50<br/>Abisares Rex Alexandro se<br/>permittit. 203<br/>Abulites Susa praefectus.<br/>103<br/>Acesines fluvius. 221<br/>248<br/>Achilles; e quo Alexander<br/>genus ducit. 66<br/>Adulatio varum. 69<br/>Egyptii Persarum opibus<br/>insumpti. 67<br/>Agener Tyrum &amp; Sidonem<br/>condidit. 60<br/>Agidis, Lacedaemoniarum<br/>regis, animi magnitudo,<br/>&amp; mors. 135<br/>Agis Argivus, pessimorum<br/>carminum post Chae-<br/>rum conditor. 211<br/>Agrammes, Parthiarum<br/>Rex. 242<br/>Alexandria, in Aegypto<br/>condita. 70 alia in radi-<br/>cibus Caucasii. 172, 265.<br/>alia in India. 269 alia<br/>ad Tanaim. 183<br/>Alexander, Philippi fra-<br/>ter. 3<br/>Alexander M. sine dem-<br/>tum gloria existimabat,<br/>quicquid cessasset alic-<br/>na</p> | <p>na. 131. quem armis<br/>Persarum non frega-<br/>rant, in peregrinos m-<br/>res abeuntem vitia vi-<br/>cerunt. ibid. super ux-<br/>ris Darii morte crebros<br/>edidit gemitus. 76 cum-<br/>que honorifice humavit.<br/>77<br/>Alexandri cognati crines<br/>ab Antipatro interfecti.<br/>ult. corpus Alexandriam<br/>in Aegypto translatum.<br/>ibid.<br/>Alexander sagitta ictus.<br/>225. quo anno regni sui<br/>&amp; aetatis Asiam sub-<br/>egerit? 256. in obsidione<br/>Gaza sagitta vulnera-<br/>tur, ipsaque crux in ob-<br/>sidione Gaza saxo affli-<br/>gitur. 65, 66. Carthagi-<br/>ni insensus. 271<br/>Alexandro Babyionia dedi-<br/>tur. 99<br/>Alexandri ad Uxorem ur-<br/>bem virtus. 105. &amp;<br/>propter Syfigambis inter-<br/>cessionem clementia 106.<br/>ad Darium littera 68.<br/>duces vulnerati. 96. in-<br/>Macedonas missionem pe-<br/>tentes indignatio. 275.<br/>&amp;</p> |
|--|---|

# I N D E X.

- & rabies. ibid. super Darii morte lacryma.*  
*Alexander pedes per nivem & concretam glaciem delabra iter sibi facit. 115. sarcinas primum suas, deinde totius exercitus incendi praecipit. 142*  
*à Tyro Arabiam petit. 55. semper bello quam post victoriam clarior. 220*  
*Alexandri triumphus ad imitationem Liberi Patris. 224*  
*Alexander haud contentus mortali fastigio, Jovis filius credi volebat. 67, 70, 211*  
*Alexandri in bibendo continentia mira. 177. & intolerabilis cupiditas vini. 115. in captivas continentia. 43. ingens moror super morte Cliti. 202, 203*  
*Alexander à muliere attonita servatus. 210*  
*Alexandri super Hephaestionis morte dolor. 279. milites Babylonia corrupti. 101. dextrum femur leviter mucrone perstrictum. 39*  
*Alexander Parmenionis occidendi negotium Polydamanti dat. 165.*  
*Alexandri legati à Tyriis occisi. 54. exercitus pavor. 81. cervix à Me-  
 macenis saxo ita ista, ut oculis caligine effusa collaberetur, ne mentis quidem compos. 182*  
*Alexandro insidia à suis parantur. 145, 157, 214, 280*  
*Alexandri ingressi amnem Cydnum artus horrere subitorigere coeperunt. 28. & inde pia lamentatio. ibid.*  
*Alexander, genus ab Achille deducens, ob id eum poenam de hoste capi-  
 piendo imitatus. 66. rebus à Philippo patre gestis detrahit. 200. intra urbem Oxydracorum gravissimè vulneratus. 252*  
*quando regnum adeptus. 10*  
*Alexandri in fallendo hoste dolus. 232. virtutum & vitiorum enumeratio. 283*  
*Alexander solus omnium mortalium fortunam in potestate habuit. ibid.*  
*Alexandri neminis terror. 279*  
*Alexander vestem detrahit, utrisibus sese subducturus. 249. ad Mazagas è muro sagitta percussus. 225*  
*Alexandri in Porum regem liberalitas.*

# I N D E X.

- liberalitas.* 237. in *Taxilem liberalitas.* 230  
*Alexander jacere humi prostratos venerabundos patitur, & Persica veste utitur.* 141  
*Alexandri ad Arbella dimicaturi seminus.* 84.  
*& exercitus.* 85  
*Alexander sagitta vulneratur.* 280. ad fines *Hyrcania penetrat.* 136  
*Alexandri desiderium, ut Olympias mater immortalitati consecraretur.* 256. in *Græcis à Persis mutilatos beneficentia.* 112, 113. ad *Susidas Pylas clades.* 106, 107. *Oceanum visendi pernix cupido.* 262. *phalanx,* 36. *evellendi speculi impost.* 252. de *Philota querela.* 147  
*Alexander dux, & idem miles.* 38. 39. *quando natus.* 5  
*Alexandri super vaietudine Ptolemai somnium.* 262. in *Tyris ira, & expugnatio difficilis.* 59, 60. *morituri impia magnanimitas.* 280. *regnum divisum.* 292  
*Alexandri militis virtus, & mors.* 228  
*Amiffas Megalopolitanus.* 289  
*Ammonis satana Orasum.* 69. & *templum.* 66.  
*effigies.* *ibid.*  
*Amnis tranandi consilium novum.* 177  
*Amphoterus, classis Alexandri prefectus.* 71  
*Amyntas Philippi pater.* 3  
*Amyntas Prator Alexandri transfuga.* 40. *ejus mors.* 51  
*Amyntas Philota amicus.* 162  
*Ancyra urbs.* 21  
*Andromachi. Syria prefetti mors.* 71  
*Annona in castris Alexandri penuria.* 174  
*Antigonus, Lydia Prator.* 51  
*Antipater, Macedonia prefectus.* 52. in *Alexandrum conjurat.* 214. *Alexandrum veneno interficere statuit.* 279. *Macedonia regnum & Greciam invasit, ac omnes, quicumque Alexandrum, etiam longinqua cognatione contingebant, interfecit.* ult.  
*Antiphanes, scriba equitum* 163.  
*Acrion, petra.* 226  
*Appollinis simulacrum Panni Syracusis Tyrum deportarunt, ubi catenis vinctum.* 58  
*Aquila*

# INDEX.

*Aquila aurea*, à Dario  
sacrificata. 25  
*Aquila super Alexandri*  
caput volans. 92  
*Arabia fertilitas*. 99  
*Arachosii*. 170  
*Araxes amnis*. 108, 171  
*Arbella vicus*, quem sua  
clade nobilem fecit Da-  
rius. 73  
*Arbores violare*, apud In-  
dos capitale est. 223  
*Aridaus*, Philippo genitus,  
Alexandri frater. 286  
*Arimazes*, Sogdianus, an  
Alexander volare possit,  
interrogat. 193. se dedit,  
cumque suis cruci affigi  
jubetur, Petra urbe cap-  
ta. 196  
*Ariobarzanes*. 106. stren-  
uus militum praefectus  
sub Alexandro occidit.  
110  
*Arisba* Melefferum rex.  
9  
*Aristander*, expertissimus  
vates. 54, 65, 84  
*Aristomenes*, praefectus  
classis Darii, superatur.  
52  
*Aristonicus* Methymnac-  
rum Tyrannus, fraude  
captus. 63. necatus. 71  
*Aristonis insignis pugna*.  
74  
*Armenia montes*. 172  
*Arpalus*. Vide Harpa-  
lus.

*Arsaces*, Media praefectus.  
207  
*Arsanes*, Cilicia Prator.  
26  
*Artabazus*, Darii fidissi-  
mus. 118. cum Philippi  
hospes. 138  
*Asclepiodorus in Alexan-*  
dram conjurat. 214  
*Aspastes*, satrapes Carma-  
nia. 267. interfici ius-  
sus. 268  
*Astaces*, Darii prator.  
67  
*Attalo* graviolem inimi-  
cum Alexander non ha-  
buit. 151  
*Athenodorus* Graecorum mi-  
litum, qui ab Alexan-  
dro defecerunt, princeps.  
257. per Bexum in con-  
vivio occisus. ibid.  
*Atheniensibus* infestus Ale-  
xander. 273  
*Athenienses* sili, ex Alexan-  
dri edicto, exules non  
recipiunt. 274  
*Attinas*, Alexandri pra-  
efectus, cum trecentis e-  
quitibus occisus. 198

B.

**B**abylonia Alexandro de-  
ditur. 99, ejus condi-  
trix. 100, muri bitumi-  
ne interliti. ibid. descrip-  
tio. ibid. pons lapideus,  
inter

# I. N. D. E. X.

inter mirabilia Orientis  
opera numeratus. *ibid.*  
herti pensiles. 101  
Babyluniorum turpissimi  
mores. 101, 162.  
Bactra. 62, 167, ultima  
Asia. 175  
Bactriana terra. 174  
Bactriana arx a Gracis mi-  
litibus, qui ab Alexan-  
dro defecerant, occupa-  
ta. 257  
Bactriani promptissimi. 64  
Bactrianorum defectio. 181  
Bactrus amnis. 175  
Bagoas, spadi, Alexandrum  
obsequio corporis sibi de-  
vinxerat. 272, hinc Or-  
sinem insontem ad suppli-  
cium rapit. 273  
Bagephanes, arcis, & regia  
pecunia, in Babylonia  
custis. 99  
Balena monstruosa. 59  
Barbarus quidam Darii  
miles, simulato transfu-  
gio, Alexandri cervicem  
appetit. 65  
Barsine, pellex Alexandri.  
284  
Barzentes defectuonis Ara-  
chesus auctor, victus ad  
Alexandrum perductus.  
231  
Batis, Vide Betis.  
Bazaria, regio. 199  
Bel. n. strenuus miles, sed ru-  
dis, in Philetanis intelli-  
gitur. 157

Beius Babyloniam cendi-  
dit. 100  
Bessus, Bactrianorum dux.  
64, 117, cum Nabarza-  
ne regem suum Darium  
predere cogitat. 121, 122,  
136. quem vincunt. 124.  
& custodiunt. 126. Ba-  
ctra petit. *ibid.* sumpta  
veste regia, se Artaxer-  
xem appellari jubet. 142.  
Bessi in Cibarem indignatio.  
173  
Bessus a Bactrianis militi-  
bus desertus. 174. a Spi-  
tamene victus. 178. ad  
Alexandrum perdu-  
citur. 179  
Bessi supplicium. 180  
Betis, Gaza Praefectus. 64  
ius egregia virtus, &  
crudelissima mors. 66  
Bezira urbs. 225  
Eim transiga. 86  
Eituminis fons. 99  
Byzantium urbs quando  
condita. 7  
Bexus Macerianus Athenc-  
dorum in convivio occi-  
dit, mox ipse a militi-  
bus Gracis interfectus.  
257  
Branchida ad interreci-  
nem omnes casti. 179  
Bucephalus equus nemi-  
nem prater Alexandrum  
dorso insidere patitur.  
*ibid.* 140  
Bucephalus urbs ab Ale-  
xandro

# INDEX.

xandro condita. 247

C.

**C**Alis, vens factus. 160

Calisthenis gravitas, & libertas, Alexandro in-  
visa. 212

Calisthenes ab Alexandro  
vinctus. 216

Calisthenis mors, qua sum-  
mam apud Gracos Ale-  
xandro excitavit invidi-  
am. 220

Canes venatici. 241

Captivi Graci, Vide Gra-  
ci.

Carthagini insensus Ale-  
xander. 276. Carthago à  
Tyriis condita. 53

Carthaginenses Saturno, us-  
que ad excidium urbis  
sue, ingenuum puerum  
immolarunt. 58

Caspium mare, quod &  
Hyrcanum, dulcius cete-  
ris. 137

Cassander venenum Ale-  
xandro dedit. 280

Castra Cyri, regio. 26

Catenis, & ejus sagittandi  
peritia. 180. ab Ale-  
xandro deficiens, in pra-  
lio occisus. 210

Caucasus Asiam perpetuo  
jugo dividit. 171

Cartasis Scytharum regis  
frater. 183

Ceballinus Philota infidias  
Alexandro paratas dete-  
git. 146

Cedrosia, regio. 266

Chaldas vates Alexandrum  
moment, ne Babylonem in-  
grediatur. 279

Chares Atheniensis. 63

Chari virtus, & mors. 228

Charidemus, Atheniensis ex-  
ul ejus interitus. 23

Chicharcha. 103. ibid. 24

Choaspis amnis aqua deli-  
cata. ibid.

Chorilus pessimorum carmi-  
num conditor. 211

Chrysolai Methymnaeorum  
ducis mors. 71

Cidaris, Persarum diadema.  
25

Cleander. 56. prator regius.  
168. Parmenionem jugu-  
lat. ibid.

Cleo, adulator. 211

Cleochares Alexandri ad Pe-  
rum regem legatus. 203

Cleophes, Affaceni Maxaga-  
rum regis, mater. 225. A-  
lexandro deditur. 226

Clitus apud Granicum am-  
nem nudo capite Ale-  
xandrum dimicantem  
clypeo suo texit, & Rhisa-  
cis manum gladio am-  
putavit. 199

Cliti cum Alexandro con-  
tentio, & pertinacia. 200,  
201

Clitus ab Alex. occisus. 202  
Cobares,



# INDEX.

Cebares, magus. 172. ad  
Alexandrum transfugit.

174

Cæle-Syria. 62

Cærus sagittis prope cecisus.

96. morbo extinctus.

147

Colonia Græcorum Cara-

bactra deducta. 257

Cognati Regis, militum ge-

nus apud Persas. 25

Conjuraciones. 145, 214,

280, 266

Cophes Artabazis filius. 195

Copida, gladii. 235

Corycium nemus. 27

Cervi, bellica machina. 58

Cervi in Gaza obsidione cu-

gurium. 65

Cervi Alexandro duces

eum Ammonem sata-

nam peteret. 68

Cissai montes. 81

Craterus Alexandro carus,

Philota adversus. 148.

Ozinem & Zariaspem

nobiles Persas defectionem

molientes oppressit. 267

Crocedili. 221

Cydnus amnis. 27

Cyprium reges à Dario

ad Alexandrum defici-

unt. 71

Cyri castra, regio. 26. se-

pulcrum. 272

Cyr paitis. 181

D.

D.

De Edala, in India regio.

225

Daha Alexandro se de-

duunt. 198, 207

Daharum pernecitas. 186

Damascenorum miserabilis

fuga & captivitas. 44, 45

Darii armatorum nume-

rus. 22, 23. seminum.

24. agminis ordo. ibid. 25

Darius invalidis quibus-

dam militibus manus

amputat. 34

Darii acies. 36. fuga. 40.

mater, conjux, liberi,

captivi. 40, 41, 42, 43.

Susa depositi. 104. ux-

oris mors. 76. & huma-

no. 77. ad Alexandrum

litera. 61

Darius omnia auxilia Ba-

byleniam contrahit. 72

Darii litera, quibus Græci

milités sollicitantur, ut

Alexandrum interfici-

ant, intercepta. 76

Darius legatos ad Alexan-

drum mittit. 78

Darii ad Arbellum mili-

tum numerus. 81. &

fuga, 93. fugientis pra-

clare dictum. 94

Darius natura simplex &

mitis. 33, 121. servo-

rum suum victus ca-

pivus.

# INDEX.

ptivus. 124. à suis confusus. 126  
 Darii morituri verba. 127  
 Darius, quomodo Rex Persarum factus. 135  
 Dataphernes, Spitameis defectionis particeps, Alexandro deditur. 207  
 Democrates Atheniensis gladio se transfigit. 139  
 Demophoon valet. 250  
 Didymaon templum, violatum. 178  
 Dimacha, equites. 125  
 Dixippus Atheniensis, pugil nobilis. 258. falso à Macedonibus furti insimulatus, ignominia impatiens, ferro se interimit. 259  
 Deryphori, Persarum milites. 25  
 Drangarum bellicosa natio. 144  
 Duellum. 258  
 Dyardenes fluvius. 221  
 Dymnus insidias Alexandro paratas Nicmacho exuleto aperit. 145  
 gladia se interimere vult. 147

## E.

Ecbatana, caput Media. 117  
 Epaminondas, strenuissimus Thebanorum dux,

atque Philosophus prae-  
 stantissimus. 3  
 Epimenes in Alexandrum conjurat. 214. conjurationem detegit. 215  
 Equus Solis apud Persas. 25  
 Erigy cum Satibarzane duellum. 175. mors. ibid.  
 Erimanthus, fluvius. 221  
 Erycis occisi caput atque arma ad Alexandrum delata. 229  
 Erythrao mari non à colore, sed ab Erythro rege inditum nomen. 221, 270, 258  
 Erythri Regis monumentum. 271  
 Euctemon, unus Gracorum captivorum. 111  
 Eudamen, dux Thracum. 271  
 Evergeta, qui ante Agriaspae. 170  
 Eurydices, Amyntae uxoris, Philippi matris, paricidia. 4  
 Eurylecho fratri conjurationem detegit Epimenes, & ab eo injecta manu in regiam trahitur. 215  
 Eurylechi ubi conjurationem detectam pramia. 216  
 Euryne, Philippi soror. 3  
 Excipinus. 191  
 Exules recipi jussit Alexander. 273

## F.

# INDEX.

## F.

- F** Alcata quadriga. 72  
 Fames & pestilentia in  
 exercitu Alexandri. 266  
 Fati inevitabilis srs. 272  
 Fons apud Ammonis tem-  
 plum mirabilis. 69  
 Fons bitumen effundens. 99  
 Fons in tabernaculo Ale-  
 xandri subito conspectus  
 192  
 Fortuna ludibria. 94  
 Fortuna Alexandro indul-  
 gendo nunquam fatigata.  
 206

## G.

- G** Ades Tyriorum colo-  
 nia. 61  
 Gamaxus Rex exigua par-  
 tis Indorum, ad Alexan-  
 drum vinctus perductus.  
 231  
 Gangaba Persarum baju-  
 li. 44  
 Ga garida, qua natio. 242  
 Ganges, egregius fluvius  
 220. maximum totius  
 India fluminum. 242  
 Gaza, urbs. 62. obsidetur.  
 62. ab Alexandro capi-  
 tur. 64  
 Globares Pasergadum Ale-  
 xandro tradit. 114

- Gordium, Mida civitas  
 regia, & Gordius ne-  
 dus. 20, 21  
 Gordyai montes. 75  
 Gortua gentes. 81  
 Graci captivi ad quatuor  
 millia, quos Persa va-  
 riis suppliciorum modis  
 affecerant. 111  
 Gracorum temporaria inge-  
 nia. 62  
 Gracorum in mentiendo li-  
 centia, in Jovis femore  
 Liberum Patrem esse ce-  
 latum. 224  
 Gracorum militum ab A-  
 lexandro defectio. 257  
 Gracos exules recipi Ale-  
 xander jussit. 273

## H.

- H** Ages Pori Regis fra-  
 ter. 233  
 Halys, amnis. 78  
 Harpalus, Alexandrum  
 fugiendo, & Athenas  
 petens, Athenis excede-  
 re jubetur, & à Gracis  
 militibus cruciatur. 273  
 Histanes ab Alexandro de-  
 fecit, & capitur. 210  
 Hecatempyles. 133  
 Hectoris, Parmenionis filii,  
 mors. 71  
 Hellanice, Alexandri nu-  
 trix, Cliti soror. 199  
 Heneti, Veneti. 21  
 Hephestium,

# INDEX.

*Hephestion, cui brachium  
hasta iectum.* 96: *Alexandro unice ac fratris  
lego dilectus.* 42: *febricitans moritur, cui tanquam  
Herói sacrificari iussis Alexander.* 279  
*Herculi Tyrii urbem dicaverant.* 58  
*Hercules Tyrius.* 71  
*Herculis simulacrum, maximum bellantibus  
Indis incitamentum.* 234  
*Hercules scyphus:* 280  
*Hermolaus, puer nobilis, apri causa in Alexandrum  
conjurat.* 214  
*Hippidis mors.* 186  
*Hispania, quæ & Iberia.* 271  
*Hecata.* 243. à *Leonato* susperati. 265  
*Hecata Macedonis, & Diexippi Atheniensis,  
singulare certamen.* 258  
*Herti pensiles.* 101  
*Hydaspis amnis.* 230, 231, 248  
*Hypases, fluvius.* 242  
*Hyrates, fluvius.* 240  
*Hyrcaniam Alexander penetrat.* 136  
*Hyrcanum, vel Caspium mare.* 137

## I.

**I**gnis apud Persas æternus. 24

*Immortales milites apud Persas dicti.* 25  
*Incestus Nauraurum.* 204  
*India sapientes.* 222. *situs.* 220. *sylva.* 239  
*Indiam nives obruunt, cum alia terra fervore filis  
exastuant.* 221  
*Indus, fluvius.* 220  
*Indorum ritus.* 221, 222. *Regis magnificentia.* 222. *Sapientes, dii.* 222, 223. *Reguli Alexandro occurrunt.* 223  
*Indi fatum occupant; seque vivos cremari jubent.* 222  
*Indi maritimi.* 265  
*Insidia, & earum lex.* 158, 280, 256  
*Iollas, Antipatri filius, Alexandro venenum præbuit.* 280  
*Iovis cultus.* 84. *templa.* 21, 68  
*Istmiorum solenne ludicrum.* 62  
*Iumentorum carne vescuntur milites Alexandri.* 174

## E.

**L**acedæmoniorum & Macedonum cruentum bellum. 130, 131  
*Lacedæmonii à Macedonibus fusi.* ibid.  
*Lacedæmoniurnum & Macedonum.*

# INDEX.

cedonum castrorum nume-  
rus. 131  
Lacus falsus. 265  
Lanificium apud Persas  
contumeliosum. 104  
Legati Alexandri à Tyriis  
occisi. 54  
Leo magnitudinis rara, ab  
Alexandro uno vulnere  
occisus. 199  
Leonidas, Parmenionis in-  
timus; & ejus cohors.  
169  
Liber Pater in Iovis femore  
celatus. 224. ejus termi-  
ni. 190. triumphum  
imitatur Alexander. 267  
Lignum igne duratum. 22  
Lyncestes Alexander. 162  
Lycius Alexandro via dux  
Perfidem intranti factus.  
108  
Lysimachus, qui post Ale-  
xandrum regnavit, &  
feram eximia magnitu-  
dinis filius occidit, an ab  
Alexandro leoni obiectus.  
199

## M.

**M**acedonum contra Da-  
rium acies. 25, 26,  
85. miseranda pœniten-  
tia. 278  
Macedonibus, privilegiis con-  
cessis, ignoscit Alexan-  
der. ibid.  
Macedonum lex, qua can-

tum erat, ut propinqui  
eorum, qui Regi insidia-  
ti erant, cum ipsis nece-  
rentur. 158, 216. exer-  
citus seditiosis vocibus A-  
lexandrum increpat. 249.  
luctus super morte Regis  
Alexandri. 280, 281.  
contentio, quis Alexan-  
dram vulneratum ferre  
debeat. 180, 181. scitum,  
ne Alexander filius ve-  
nietur. 199. à Spitamene  
edita cades. 182, 186  
Macedones, jure interfectum  
Clitum, decernunt. 203  
Macedonum mos in capita-  
libus rebus. 150. alienen-  
di Regem. 246. sanctif-  
simum cœventium pignus.  
210. cum Lacedæmoniis  
cruentum bellum. 130,  
131. muris futura urbis  
potentiam destinandi ritus.  
70

Macedones liberos adultos  
Regibus tradebant. 213.  
eorum munia. ibid.  
Macedonum exercitus per  
decem dies Libero Patri  
operatus. 224. confi-  
tetur, se unius Alexan-  
dri spiritum vivere. 254.  
solenne munus humani-  
tatis. 107. in fancibus  
Syria castrum nume-  
rus. 41. ad Arbella  
castrum numerus. 96.  
& Lacedæmonum. 131  
Macedones

# INDEX.

<i>Macedones Lacedaemonios in fugam vertunt. ibid.</i>		<i>Memphis Alexandro tradita.</i>	67
<i>Macedones sub Persarum satellitum ministeria re-</i>		<i>Menedemus insidiis à Spita-</i>	
<i>- dacti.</i>	278	<i>mene circumventus. 185</i>	
<i>Tumultus.</i>	133	<i>Menedemi cades.</i>	186
<i>Macedonas pœnitet, divi-</i>		<i>Menidas sagittis prope occi-</i>	
<i>- nos honores Alexandro</i>		<i>- sus.</i>	96
<i>- negasse.</i>	281	<i>Mennis, urbs.</i>	96
<i>Magia, non ars, sed vanis-</i>		<i>Meros, mons.</i>	224
<i>- fimi cujusque ludibrium.</i>		<i>Mesp. tamia astus.</i>	
	172	<i>Metroni insidias Alexan-</i>	
<i>Mallorum regio.</i>	249	<i>- dro paratas detegit Ce-</i>	
<i>Maracanda, urbs.</i>	182	<i>- ballinus.</i>	146
<i>Mardorum gens bellicosiss-</i>		<i>Miletum captum.</i>	62
<i>- ima.</i>	115	<i>Militaris disciplina ab Al-</i>	
<i>Mareotis palus.</i>	67	<i>- xandro reformata. 102,</i>	
<i>Marginia urbs.</i>	192		103
<i>Marfyas, fluvius.</i>	20	<i>Minervæ cultus.</i>	84
<i>Mazeus, Darii Prator.</i>		<i>Mirabile Orientis.</i>	100
	72, 73	<i>Mitylene Alexandro dedi-</i>	
<i>Mazeus Babyloniam Ale-</i>		<i>- tur.</i>	63
<i>- xandro tradit.</i>	99	<i>Mæris, Pathalyæ Rex. 262</i>	
<i>Medus, amnis.</i>	108	<i>Monumenta expeditionis</i>	
<i>Meleager. 230. infestus</i>		<i>Alexandri in India. 247</i>	
<i>Perdicæ. 285. in tem-</i>		<i>Mullinus, scribat Alexan-</i>	
<i>- plo occisus.</i>	290	<i>- dri.</i>	227
<i>Melo, Darii interpret, 125</i>		<i>Murices ferrei.</i>	86
<i>Memaceni, Alexandri le-</i>		<i>Musici in dititionem re-</i>	
<i>- gatos, vino prius bruti,</i>		<i>- dacti. 260. ab Alexan-</i>	
<i>- occidunt; hinc obsidio gra-</i>		<i>- dro deficientes, rursus in</i>	
<i>- vissima, &amp; Alexander</i>		<i>- potestatem redacti. 261</i>	
<i>- saxo graviter vulnera-</i>			
<i>- tus.</i>	182		
<i>Memnonis celebrata regia.</i>			
	70		
<i>Memnon Arachesus datus</i>			
<i>Prator. 170. &amp; ejus</i>			
<i>- mors.</i>	267		

N.

**N**abarzanes, Darii prætor, 32. ejus proditio. 118. occiso Dario Hyrcaniam petit. 126. ejus ad Alexandrum

# INDEX.

*Alexandrum littera.*  
 136. *accepta fide, Alexandro occurrit.* 140  
*Nasamones, ratio.* 68  
*Naurani parentes stupro coire cum liberis soliti.* 204  
*Nicaa urbs ab Alexandro condita.* 247  
*Nicanoris, Parmenionis filii, mors.* 143  
*Nicanoris, nobilis juvenis, temeritas atque audacia.* 231, 232  
*Nicomachus, exoletus, Cebalino fratri insidias Alexandro paratas detegit.* 146  
*Nicistratus in Alexandrum coniurat.* 214  
*Nysa, India urbs.* 223

## O.

**O***Ceanum visendi Alexandri pervicax cupido.* 262  
*Oceani astus.* 263  
*Ochus octoginta fratres Syfigambis eodem die trucidavit. 282. ejus filia. 45. & neptis, captiva.* 132  
*Ochus, amnis.* 192  
*Olympias, Neptolemi Melforum Regis filia.* 4  
*Olympiadis & Antipatri simultas.* 279  
*Olympias, Alexandri mater, immortalitati conse-*

*cratur.* 256  
*Orientis mirabile.* 100  
*Orita, Vide Hrita.*  
*Orsines, Pasergadarum Satrapes. 271. secreto à Bagao spadone fit rex. 272. jussu Alexandri occisus.* 273  
*Oxartes qualis Alexandri legatus.* 204  
*Oxatres, Darii frater.* 132, 179  
*Oxyatres, prator Bactrianorum.* 260  
*Oxydates, Media praefectus.* 207  
*Oxus, fluvius.* 172, 192  
*Oxyeanus Indorum Rex, occisus.* 260  
*Oxydracorum regio.* 249  
*Ozines Perses, defectionem moliens, a Cratero oppressus.* 267

## P.

**P***alatyrion, Herculis templi sedes.* 52  
*Parapamisada, agreste hominum genus.* 170  
*Parmenio Philippum Alexandri medicum criminatur. 29. in occidendo Attalo minister Alexandri.* 162  
*Parmenionis ad filios littera. 151. occidendi negotium Pelydamanti ab Alexandro*

# I N D E X.

dro datur. 167  
 Parmenio à Cleandro occi-  
 sus. 168  
 Parmenionis truncum cor-  
 pus militibus ad sepul-  
 turam datum, & caput  
 ad Alexandrum dela-  
 tum. 169  
 Paropamissus mons. 175  
 Parthiene, quondam igni-  
 bilis, nunc caput omni-  
 um, qui post Euphratem  
 & Tigrim amnes sùti,  
 Rubro mari terminan-  
 tur. 133  
 Pasas Thessalus. 290  
 Pasergadum conditum à  
 Cyro. 114  
 Pasuigris fluvius. 105  
 Pathalya gens. 262  
 Patron, dux Græcorum mi-  
 litum. 120, 121  
 Perdicca sagittis prope ec-  
 cisus. 96  
 Perdicca infestus Meleager.  
 285  
 Perdiccas trecentos Mace-  
 donas elephantis in con-  
 spectu totius exercitus ob-  
 jicit. 291  
 Persa satellites Macedonas  
 ad supplicia trahunt. 278  
 Persa arcana Regum mira  
 celant fide, & linguam  
 gravius quam illum  
 probrum castigant. 64  
 Persarum ad Arbella ca-  
 sorum numerus. 95, 96.  
 casuum cadavera sepe-

liri jubet Alexander. 42.  
 femina non aliud magis  
 in contumeliam accipi-  
 unt quam lana manus  
 admove. 104. luctus  
 super morte Regis Ale-  
 xandri. 281, 282. in  
 faucibus Syria casorum  
 numerorum. 41. regia ce-  
 dro adificata incensa.  
 116  
 Persis corporis sui custodiam  
 tradit Alexander, eisque  
 Macedonica imposta no-  
 mina. 277, 278  
 Persis, regio, sub Vergitia-  
 rum sita sidus. 114  
 Persepolis, caput regni Da-  
 rii. 62  
 Pestilentia & fames in ex-  
 exercitu Alexandri. 266  
 Petra, quam occuparat A-  
 rimazes Sogdianus. 193  
 Phalanx Alexandri. 36  
 Phegelas Rex. 242  
 Philippus, Amynta filius,  
 Alexandri pater, primus  
 omnium Regum ejus gen-  
 tis, Macedonia regnum  
 ad summam potentiam  
 evexit, totam Græciam  
 subegit, & Illyriis ac The-  
 banis obses datur. 3. ab  
 Epaminonda institutus.  
 ibid.  
 Philippi somnium super na-  
 tivitate Alexandri. 5  
 Philippus Acarnan, medi-  
 cus Alexandri, quam  
 criminatur



*Scrimnator* : *Parmeno*.

*Philippi*, *Lysimachi* fratris,

*indoles rara*. 205. mors.

206

*Philota* catena injecta. 149

*Philotas* ad quaestionem tra-

ctus. 157

*Philota* in tormentis contu-

macia. 158. confessio.

159

*Philotas* in *Alexandrum*

conjurat. 214

*Phradates*. 138. regnum af-

fectasse suspectus, jussu

*Alexandri* occisus. 273

*Phrataphernes* *Alexandro* se

dedidit. 138

*Pithon* *Musicanos* rebellantes

in potestatem redegit. 261.

in comitiis pro *Aridao*.

286

*Polydamanti*, *Parmenioni*

longe acceptissimo, negoti-

um occidendi *Parmenio-*

nis ab *Alexandro* datur.

167

*Polypercon* regionem, qua

*Bubacene* appellatur, in

deditionem redegit. 211.

in custodiam traditus.

213

*Poiystratus*, in *Darium* con-

fissum incidit. 127

*Polyimetus*, annis. 191

*Porus* Rex. in ulteriore

ripa *Hydaspi* confedit,

transitu prohibebiturus ho-

stem *Alexandrum*. 230.

231. *Taxilis* *Regis* fra-

trera telo transfigit. 236

*Promethous* in rupe ad *Cau-*

casum vinctus. 172

*Ptolemaus*, *Philippo* genitus,

telo venenato faucibus. 261

*Puer* ingenuus *saturno* im-

molari solitus. 58

*Pugna* nova forma. 248

*Pyla* *Amianica*. 34

*Pyla* *Sufida*. 106

*Pylarchi* *simia* fauces. 26

*Pyramus* *fluvius*. 27

*Pythagoras*, *Rex* *Cypriorum*.

156

*Pythou*. Vide *Pithou*.

*Q* *Vadriga* *falcata*. 72

*R*.

*R* *Himoceros*. 239

*Rhodii* urbem suam por-

tusque *Alexandro* dedunt.

62

*Rhidagus*, *fluvius*. 136

*Rexane*, *Alexandro* commu-

bio juncta. 218. ex eo

pragnans. 284

*S*.

*S* *Abaces*, *prator* *Aegypti*.

39

*O* *Sabryca*.

*Sabaca*, gens, populi, non  
Regum imperio regi solita,  
in fidem accepti. 259  
*Sabus* Rex. 260  
*Saca* gens *Scythica*. 191  
*Sagittarum* Indicarum  
magnitudo. 222, 252  
*Samarita* *Andromachum*,  
in Syria *Alexandri* Prae-  
fectum, cremarunt. 171  
*Sangarius*, fluvius. 20  
*Sanguis* apud *Macedonas* e  
pane manavit, & exfor-  
nacibus apud *Tyrios*. 54  
*Sapientes* India. 222  
*Saptina*, *Darii* filia. 61  
*Sarcinas* primum suas, de-  
inde rotius exercitus, in-  
cendi praecipit *Alexan-*  
*der*. 142  
*Sarissophoris*, hastati. 91  
*Satibarzanes* ab *Alexandro*  
deficit. 143  
*Satibarzanes* & *Erigy* du-  
ellum. 175  
*Satrapene*, regio. 102  
*Saturno* olim iugenuus puer  
immolari solitus. 58  
*Scenita*, *Aethiopes*. 68  
*Scythia* bellicosissima gens  
rapto vivere assueti. 64  
*Scythe* Abii. 181  
*Scythia* non, ut ceteris Bar-  
baris, rudis sensus est. 187  
*Scytharum* fuga. 190  
*Scythia* petunt, ut *Alexan-*  
*der* Regis sui filiam ma-  
trimonio sibi iungat, 198

*Semiramis*. 182, 256. Ba-  
byloniam condidit. 100  
*Serpentes* inusitata magni-  
tudinis. 239. squamis  
fulgentibus. 240  
*Scuthes* *Odryas* populares  
suos *Thyras* ad defecti-  
onem compulit. 273  
*Sicilienses*, natura vitio a-  
dulatores. 211  
*Sidon* urbs, vetustate &  
conditorum fama inclinata.  
49. eam condidit *Age-*  
*nor*. 60  
*Simmas*, *Philota* amicus.  
162  
*Sisenes*, *Perse*. 32  
*Sitis* in exercitu *Alexandri*.  
176  
*Sogdianorum* defectio. 181.  
deserta. 191. captivorum,  
cum ad mortem duce-  
rentur, latitia. ibid.  
*Solis* equus, apud *Persas*.  
25  
*Solis* aqua, ad *Ammonis*  
satana templum. 69  
*Samnium* *Alexandri* super  
valetudine *Ptolemai*. 262  
*Sophitis* regnum. 241  
*Sopilis*, *Hermolai* pater.  
216  
*Sostratus* cum *Hermolao* ce-  
cidendi *Alexandri* consi-  
lium capit. 214  
*Spitamenis* in *Bessum* infi-  
die. 178  
*Spitamenes* ab *Alexandro*  
deficit. 181. transfuga,  
*Macedo-*

T  
Tarso

Macedonum prasidio de-  
 jecto maracanda urbem  
 occupat. 182. Menedemo  
 insidias tendit. 186. Ma-  
 cedonas cadit, ibid. Ba-  
 ethra profugit. 191. ejus  
 in uxorem amor. 206.  
 & caput ab illa ad Ale-  
 xandrum delatum. 207  
 Stupro coire cum liberis, a-  
 pud Nauram parentibus  
 fas est. 204  
 Sunium, promontorium At-  
 tica terra. 273  
 Susam Alexandro ingredi-  
 tur. 103  
 Susida Pyle. 106  
 Susitanorum deserta. 176  
 Synmachii temeritas atque  
 audacia. 231, 232  
 Syracusani Africam urunt.  
 57  
 Sysigambis, Darii mater.  
 26. Alexandri captiva.  
 40, 41. constantia illius  
 in carcere. 90. Susa ab  
 Alexandro relicta. 104.  
 cujus tuetus super morte  
 Alexandri, fratres octo-  
 ginta, & mors. 282  
 Sysmithres, Naura satra-  
 pes. 204

T.

T Abas, oppidum. 125  
 Tanais, fluvius. 133  
 Tarson, urbs. 27

Tauron, Agrius mons. 105  
 Triarius, mons. 172  
 Taxiles, Rex. 230  
 Tenedos Alexandro dedi-  
 tur. 63  
 Terioltes, satrapes, Alexan-  
 dri jussu interfectus. 260  
 Thaidis pellieis consilio, Per-  
 sarum regia incendiatur.  
 115  
 Thalestris Amazonum Re-  
 gina. 141  
 Theatus, Atheniensis. 112  
 Theba, Tyriorum colonia. 61  
 Thermoodon, fluv. 140  
 Thrakas Odrysas ad defecti-  
 onem compellit Semibes.  
 273  
 Thymodes Mentoris filius. 24  
 Thymondas, dux. 33  
 Tigris, fluvius, à celeritate  
 dictus. 73  
 Timai virtus, & mors. 252  
 Titoni celebrata regia. 70  
 Tranandi amnem consilium  
 novum. 177  
 Triumphus Alexandri, ad  
 imitationem Liberi Pa-  
 tris. 267  
 Troglodyta, Arabes. 68  
 Typhonis specus. 27  
 Tyriotes, spado, Dario uxo-  
 ris mortem nunciat. 77  
 Tyris literas invenere. 61. A-  
 lexandri legatos occidunt.  
 54. conjuges liberosque de-  
 vehendos Carthaginem  
 tradunt. 58. expugnato-  
 rum

supplicia. 56

Tyris conditor. ibid. obsidione  
fatigatur Alexander. 59

Tyris Herculi dicata. 58.

ab Alexandro capitur.

60

V.

Venatici canes nobilissimi.

241

Venenum, quo Alexander

extinctus est. pag. ult.

Venetorum origo. 21

Vergiliarum fidus. 114

Victoria cultus. 83

Vini. 105. Alexandro de-

sumitur. 105, 106

Z.

Zariaspes, Perses, defect-

onem moliens, a Crate-

ro oppressus. 267

Zioberis, amnis. 136

Zopyrio, Thracia praepositus,

procellis cum toto exerci-

tu oppressus. 273

F I N I S.

Mulier enim ubi quis est ad amicos  
comparandos in heridum preferens agni  
- haly herminot